

୬-୧୭୫୮

‘ଶା’
ଅଧ୍ୟକ୍ଷଗୁଣିତ ଲୋକ
ଉଦ୍ଭବକ :-
ମୂଲ୍ୟାଙ୍କନ ବାସ୍ତବ୍ୟ

মা

ম্যাক্সিম গোর্কী

অনুবাদক

শ্রীনৃপেন্দ্রকৃষ্ণ চট্টোপাধ্যায়

গুপ্ত ফ্রেণ্ডস্ এণ্ড কোং

পুস্তক-প্রকাশক ও বিক্রেতা

১১নং কলেজ স্কোয়ার, কলিকাতা

প্রকাশক—

ঐশ্বৰ্য্যভোগ্য যোষ

৩৩ ফেব্রুৱাৰী ১৩ কোং

১১নং কলেজ ৰোৱাৰ, কলিকাতা

১ম ভাগ ১—১৩৭

২য় ভাগ ১৩৮—২৫৪

ষষ্ঠ সংস্কৰণ

মূল্য ২৫০

মুদ্ৰাকৰ : ঐশ্বৰ্য্যভোগ্য পান

৩৩ ফেব্রুৱাৰী ১৩ কোং

১১নং কলেজ ৰোৱাৰ, কলিকাতা

ভূমিকা

রাশিয়া এক অদ্ভুত দেশ। সেখানে যা-কিছু ঘটে, তা চরম-মাত্রায় ঘটে।

উদাসীন অত্যাচারী রাজতন্ত্র সেখানে যে বিকট মূর্তি গ্রহণ করেছিল—জগতের ইতিহাসে তার সমকক্ষ দৃষ্টান্ত বিরল বলেই হয়। সত্তর বছরের মধ্যে আট লক্ষ লোক জার-তন্ত্রের প্রতিবাদের অপরাধস্বরূপ একই পথ দিয়ে সাইবেরিয়ার চির-তুহিনে চির-নির্বাসিতের জীবন অতিবাহিত করতে বাধ্য হয়।

উদাসীন অত্যাচারী শাসক জাতির অন্তরকে কশাঘাতে যখন দীর্ণ করে ফেলে, তখন সেই দীর্ণ অন্তর থেকে রক্ত-কমলের মত ফুটে ওঠে, জাতির মুক্তি-বাণী!

গোর্কীর জগৎ বিখ্যাত উপন্যাস—“মাদার” সেই অপরূপ রক্ত-কমল। নির্ঘাতীত, নিপীড়িত মানবত্বের মুক্তি-বাণী।

একটা সমগ্র জাতির অন্তর-বেদনার ইতিহাস এমন ভাবে জগতের আর কোন ভাষায় লেখা নেই।

“গোর্কী” মানে হলো তিক্ত! এই ছদ্ম-নামে তিনি আজ জগতে খ্যাত। তাঁর অর্ধেক জীবন দিয়ে জগতের নানাক্ষেত্রে তিনি যে তিক্ততম অভিজ্ঞতা সঞ্চয় করেছেন—জগতের ইতিহাসে বেদনার সঙ্গে সেরকম ঘনিষ্ঠ এবং নিগূঢ় পরিচয় খুব কম লোকেরই ভাগ্যে ঘটেছে দেখা যায়। তাঁর সাহিত্য সেই নিগূঢ় অভিজ্ঞতার পুণ্যতম স্মৃতি! বেদনার নব বেদ!

সমস্ত অনাচার, সমস্ত ভয়াবহতা, সমস্ত পঙ্কিলতার সকল বকম তিক্ততার সীমা-রেখা পায়ে হেঁটে পার হয়ে, বর্তমান যুগের সাহিত্যে গোঁকী অতি বলিষ্ঠ পুরুষ-কণ্ঠে এই বাণী প্রচার করেছেন—তবু ঘৃণা নয়, প্রেম হোক জীবনের ধাত্রী !

এই অপরূপ বাণী এবং সকল বকম-মানির মধ্যে মানুষের মুক্তির চরম-আশ্বাসের কথা—তঁার সর্বশ্রেষ্ঠ সৃষ্টি “মাদার”—এ রূপ নিয়েছে। যদিও “মাদার” একান্তভাবে রাশিয়ার রাজনৈতিক জীবনের সঙ্গে সংযুক্ত এবং এই গ্রন্থের সঙ্গে একটা জাতির মুক্তি-পণের ইতিহাস সাক্ষাৎভাবে বিজড়িত তবুও রসের ক্ষেত্রে প্রত্যেক জাতির লোক এই গ্রন্থকে আদর করে বরণ করে নিয়েছেন, কেন না—যে বেদনায় সন্তানের জন্ম মায়ের মন কাঁদে, মায়ের মনের সে-বেদনা তার নিজের ছেলের জন্মে হলেও, তার মধ্য দিয়ে যে-মাতৃস্ব ফুটে উঠে, সেটা সকল দেশে এক ! মাতৃস্বের এক অপরূপ সন্তান-সন্তাপহারিনী মূর্তি এই বইতে ফুটে উঠেছে বলে—জগতের সকল জাতির লোকের অন্তরে কোথায় অলক্ষিতে এই বইখানি একটা দাগ রেখে গিয়েছে।

অহুবাদ দুর্বল হলেও, অহুবাদকের একমাত্র ভরসা যে মাতৃরূপের উপাসক বাঙালীর মন, জননীর নতুন এই চিত্রটিকে নিশ্চয়ই সাদরে বরণ করে নেবে এবং সেইটুকু উদ্দেশ্য যদি সফল হয়, তা হলে তার মধ্যে এই অহুবাদীদের সমস্ত ক্রটি সত্ত্বেও, অহুবাদক নিজেকে কৃতার্থ মনে করবে।

প্রতিদিন প্রভাতে কারখানার বাঁশী বাজিয়া উঠে। কল্পিত-কর্কশ দীর্ঘ শব্দ শ্রমজীবীদের আবাসের উপরের ধূম-ধূসর পরিম্লান আকাশকে ছাইয়া ফেলে। যন্ত্র দানবের এই নিষ্করণ আস্থানে নত মস্তকে অসংখ্য নর-নারী ম্লান গৃহ-গহ্বর হইতে দলে দলে পথে বাহির হইয়া পড়ে; বিস্কৃত বিষণ্ণ-মুখে, সমস্ত জন্তুর মত তাহারা আগাইয়া চলে,—অনিদ্রায়, অল্প-নিদ্রায় দেহ কাঠ হইয়া থাকে। অদূরগত প্রভাতের মন্দ-আলোকে, কর্দমান্ত পথে তরল বিবর্ণ নয়নের অর্থহীন দৃষ্টি লইয়া সঙ্কীর্ণ খোয়ার পথ বাহিয়া তাহারা চলে—যেখানে তাহাদের জ্ঞাত হিম-স্নেহে অপেক্ষায় রহিয়াছে দীর্ঘ প্রস্তরের পিঞ্জরগুলি। কাদায় পায়ে-চলার শব্দ হয়—অহুকম্পার অভিনয়ের শব্দ। তন্দ্রাচ্ছন্ন গভীর কর্কশ শব্দে পথ ভরিয়া যায়; ক্ষুব্ধ আক্রোশের নির্লজ্জ ভাষা আকাশ ছাইয়া ফেলে। আর সেই সমস্ত অতিক্রম করিয়া তাহাদের অভ্যর্থনার জ্ঞাত গভীর বধির গতি-রোলে যন্ত্রের পীড়িত আর্ন্তনাদ তাহাদের চতুর্দিকে অতিক্রম করিতে থাকে। নির্দয় অনিবার্যতার মত অন্ধকারে কারখানার চিমনিগুলি দীর্ঘ সরল ভাবে দাঁড়াইয়া থাকে।

সন্ধ্যাবেলায় যখন আবার সূর্য্য অস্ত যায়, অস্ত-সূর্য্যের বিলম্বিত রক্ত-আলো যখন বাতায়নে বাতায়নে আসিয়া পড়ে, তখন আবার কারখানা হইতে দাহ-অস্তে ভস্মের মত অসংখ্য নর-নারী দলে দলে পথে আসিয়া পড়ে। অন্ধকার-মুখ, ধোঁয়ায় ধূসর; সারা দেহে কল চালানো তেলের, তীব্র গন্ধ; গোধূলির ঈষৎ-আলোকে ক্ষুধার্ত দাঁতগুলির রক্তহীন পীত আভা মাঝে মাঝে জ্বলিতে থাকে। ফিরিবার সময় কিন্তু তাহাদের ভাষা একটু যেন সতেজ মনে হয়—একটু আনন্দের আভাস থাকে। একটি দিনের দীর্ঘ শ্রমের অবসান ত' হইল, ঘরেতে আহার আছে তাহার সঙ্গে আছে বিরাম।

জীবন হইতে যন্ত্রদানব নিঃশব্দে দিবসকে গ্রাস করিয়া লইয়াছে। মাংসপেশী ও শিরা-উপশিরা হইতে যতদূর পারা যায় যন্ত্র তাহার আহারের জন্ত রস চুষিয়া লইয়াছে। মানবের জীবন হইতে দিবসের রৌদ্রের সম্পর্ক ছিন্ন হইয়া গিয়াছে। একটিও রবির কর জীবনের সঙ্গে গাঁথা হয় না। আপনার অগোচরে মানব মৃত্যুর গহবরের দিকে আরও একটু অগ্রসর হইয়া চলিয়াছে। কিন্তু তবুও তাহার মনে বিরামের আনন্দের বাসনা আছে—সম্মুখেই পুতি গন্ধময় ভাঁটিখানার আনন্দআশ্রম খোলা। আনন্দে সে তাহাই গ্রহণ করে।

ছুটির দিনে তাহারা বেলা দশটা পর্য্যন্ত ঘুমায়। তারপর বিবাহিত এবং অপেক্ষাকৃত শাস্ত প্রকৃতির লোকেরা যথাসম্ভব পরিষ্কার পরিচ্ছন্ন হইয়া গির্জায় উপাসনার জন্ত যায়। যাইবার সময় ছোকরাদের ধর্মে অনাস্থার বিষয়ে তীব্র মন্তব্য করে। গির্জা হইতে ফিরিয়া আসিয়া কৃষ-জাতির মোহন-ভোগ ‘পিরগ’ খায়। খাওয়ার পর আবার ঘুমাইতে যায়—সেই সন্ধ্যা পর্য্যন্ত। বহু বর্ষের স্তূপীকৃত অবসাদ ক্ষুধাকে কখন নষ্ট করিয়া দিয়াছে, তাই আহারের প্রবৃত্তিকে ফিরাইয়া আনিবার জন্ত তাহারা জাগিয়া উঠিয়া আকুলভাবে মত্তপান করে। উদরের অসহায় তন্ত্রীগুলি ‘ভোদকার’ তীব্র বিষজালায় জলিয়া ওঠে।

তারপর তাহারা পথে এমনি ঘুরিতে বাহির হয়। এমনি অলসভাবে ঘুরিয়া বেড়াইতে তাহাদের ভাল লাগে। কেউ কেউ কাদায় ব্যবহারের জন্ত “ওভার-সু” পরে, যদিও পথ শুকনা থাকে; ছাতি লইয়া ছড়ির মত হাতে করিয়া চলে—রৌদ্র থাকিলেও। প্রত্যেকেরই যে জুতা ও ছাতা আছে তাহা নয় কিন্তু প্রত্যেকেরই মনে বাসনা আছে যে, সে তাহার প্রতিবেশীর অপেক্ষা অধিকতর শোভন হইবে।

পথে দেখাশোনা হইলে তাহারা কারখানা আর যন্ত্রপাতির কথাই বলাবলি করে। ফোরম্যানকে লইয়া বেশ ছ-কথা অসাক্ষাতে বলা-কও চলে। তাহাদের চিন্তার সীমানা কারখানা আর যন্ত্রপাতিকে ছাড়াইয়া

যায় না। কচিং, এবং তাহাও একান্ত আভাসে, তাহাদের সেই প্রতিদিনের অতি পুরাতন ক্লাস্ত কথার মধ্যে সহসা কোন বক্ষ্যা বাসনার একটি স্ফুলিঙ্গ হয়ত দেখা দিত। বাড়ীতে ফিরিয়া তাহারা নিয়মিত ভাবে তাহাদের স্ত্রীদের উপর কজীর জোর পরীক্ষা করিত। ছোকরারা ভাটিখানায় স্ফূর্তি জমায়, কারুর বাড়ীতেই হয়ত আড্ডা বসে, বাজনা বাজে, মৌন্দর্য্যের নাম-গন্ধ-শৃঙ্গ অঙ্গীল গান পুরাদমে চলে, নাচ হয়, শ-কার ব-কারের সঙ্গে ভরা 'ভোদকা'র ভাড়া অনবরত ভরা আর খালি হইতে থাকে।

অমে-অবসন্ন-অস্তর তাহারা অতিক্রান্ত পান করিয়া চলে। প্রত্যেক চুমুকের সঙ্গে প্রত্যেকের অস্তরে একটা অর্থহীন ব্যাধিগ্রস্ত চাঞ্চল্য জাগে। সে চাঞ্চল্য বাহিরে রূপ লইতে চায়। তাই সামান্য কারণে তাহারা বন্ধুদের সামান্যতম কথার ছল ধরিয়া বিষম ঝগড়ার সৃষ্টি করে। অস্তরের পিঞ্জরে আবদ্ধ সেই বিরক্তিকর চাঞ্চল্য মুক্তি চায়। কলহ ঘন হইয়া ওঠে; মত্ত পশুর মত তাহারা আপনাদের মধ্যে কলহ করে—কামড়া-কামড়ি করে—রক্তারক্তি এবং কখন কখন হত্যাও হয়।

স্নায়ুতে বদ্ধমূল অবসাদের মত তাহাদের অস্তরেও এই হিংসার সংগোপন প্রবৃত্তি ধীরে ধীরে সমস্ত হৃদয় মন ছাইয়া ফেলে। অধিকাংশ ক্ষেত্রে অস্তরের এই দুরারোগ্য ব্যাধি লইয়াই তাহারা পৃথিবীতে জন্ম-গ্রহণ করে। যত দিন না মৃত্যু আসিয়া আবার তাহাদের এই পৃথিবী হইতে সরাইয়া লইয়া যাইত, ততদিন পর্য্যন্ত ঘন-ক্লেশ ছায়ার মত এই ব্যাধি তাহাদের ঘিরিয়া থাকিয়া নিত্য নব উদ্দেশ্যহীন অনাচারের ইন্ধন জোগাইত।

ছুটির দিনে ছেলেরা বাড়ী ফিরিত গভীর রাতে—কাপড়-চোপড় ছেঁড়া, সর্ব্ব-দেহ ক্ষত-বিক্ষত। কেউ তার-স্বরে চীৎকার করিয়া জানাইতেছে কেমন আর একজনকে বেশ দু-ঘা দিয়া আসিয়াছে অথবা জোর দু-কথা শোনাইয়া আসিয়াছে; কেউ বা অপমানিত হইয়া ফিরিয়া

আসিয়া কাদিত। এমনভাবে নিশীথ-রাতে তাহারা বাড়ী ফিরিত, মাতাল, অসহায়, বীভৎস হতভাগ্যের দল! কখনও মা বাবা মাতাল অবস্থায় ছোকরাদের রাস্তা বা সরাইখানা হইতে অচৈতন্য অবস্থায় তুলিয়া আনে, গালাগালি দিয়া বকে, মত্ত-রসে ভরা স্পঞ্জের দেহে বৃথাই আঘাত করে। আবার তাহাদিগকে ধরিয়া কোনও রকমে বিছানায় শোয়াইয়া দেওয়া হয়, কারণ আবার প্রভাত হইতে না হইতেই ত' বাতাস কাঁপাইয়া কারখানার বাঁশী বাজিয়া উঠিবে।

• মাতলামি আর এই ভাঁটিখানার জীবন যে বুড়োদের কাছে অত্যন্ত লাগিত তাহা নয়, বরঞ্চ সেটা তাহাদের শ্রাব্য অধিকার—একথা বুড়োরা মানিত, তবুও ছেলেদের প্রহার ও গালাগালি করিত। তাহাদেরও যখন যৌবন ছিল, তাহারাও এমনি উন্নত হইয়াছে, কলহ করিয়াছে, আবার তাহাদেরও এমনি তাহাদের মা বাবা রাস্তা হইতে তুলিয়া আনিয়া বিছানায় শোয়াইয়া দিয়াছে। জীবন চিরকাল ধরিয়া এমনি বহিয়া চলিয়াছে। বৎসরের পর বৎসর এমনি একই-স্বরে-বাঁধা জীবন-ধারা কোনও রকমে পঙ্কিল আবর্তনের তলা দিয়া নিঃশব্দে বাহিয়া চলিত। অতি পুরাতন অভ্যাসের কৃতদাস স্বরূপ তাহারা প্রতিদিন একই কাজ অবিরত দিবারাত্রি ঘুরিয়া ফিরিয়া করিয়া চলিত; জীবনের এই ধারাকে পরিবর্তিত করে—এমন সময় ও ইচ্ছা তাহাদের কাহারও ছিল না।

বহুদিন অন্তর সহসা হয়ত একটু নূতন ধরণের কোনো লোক গ্রামে আসে। নবাগত বলিয়াই সে প্রথমে সকলের দৃষ্টি আকর্ষণ করে। কাজের খাতিরে সে যে-সমস্ত জায়গায় গিয়াছে সেখানকার গল্প করিয়া ধীরে ধীরে অনেকের মধ্যে একটা আবছায়া কোঁতূহলের সৃষ্টি করে। কিন্তু কিছুকাল পরেই আবার এইটুকু নতুনত্ব তাহাও পুরাতন হইয়া আসে। এই সমস্ত গল্প শুনিয়া তাহারা বুঝিয়া লয় যে, সকল দেশেই কুলী-মজুরদের জীবন এমনি সমান বৈচিত্র্যহীন। তাহাই যদি হয়, তবে ইহা লইয়া আলোচনা করিয়া কি লাভ!

কচিং কখনও গ্রামে এমন এক-একটি লোক আসে যাহার কথা একেবারে নূতন লাগে। তাহার সঙ্গে তাহারা কোনও তর্ক করে না। অদ্ভুত যাহা-কিছু সে বলিয়া যায়, চরম অবস্থাসে তাহারা তাহাই চূপ করিয়া শোনে। এই রকম লোকের কথায় কখনও হয়ত কাহারও অন্তরে অজানা একটা অন্ধ চাঞ্চল্য জাগিয়া উঠিত; বিশ্বাস করিতে গিয়া কাহারও বা অন্তরে কি একটা এলোমেলো আশঙ্কা জাগিত; কেহ-বা তাহার মধ্যে কোন অজানা সম্ভাবনার ক্ষীণ ছায়াময় আভাস দেখিতে পাইত। কিন্তু এই নিতান্ত উত্যক্তকারী অপ্রয়োজনীয় ক্ষণিক উত্তেজনার হাত হইতে মুক্ত হইবার জন্ত তাহারা সকলেই আবার অধিকতর মাত্রায় পান করিত।

এই রকম নবাগতের চারিদিকে একটা অস্বাভাবিক কিছু তাহারা লক্ষ্য করিত বলিয়াই একটু বেশী দিন ধরিয়া তাহার স্মৃতি ইহাদের মনে জাগিয়া থাকিত এবং লোকটি তাহাদের মত হইতে পারে নাই বলিয়া সর্বদাই শঙ্কিত সন্দেহের সঙ্গে দেখিত। তাহাদের ভয় হইত যে, হয়ত এই লোকটি তাহাদের জীবনে এমন একটা কিছু ঘটাইয়া তুলিতে পারে যাহাতে তাহাদের জীবনের এই অন্ধকার-বাহিনীর সনাতনী ধারা বুঝি বা ব্যাহত হইবে। অন্ধকার অথবা কুটিল যাই হ'ক, এ জীবনের ধারা তাহাদের সুপরিচিত। তাই তাহাদের মনে এই ধারণা দৃঢ়বদ্ধ হইয়া গিয়াছে যে, জীবনের মাত্র একটি মাত্রা আছে—তাহার চেয়ে ভাল কি, তাহা তাহারা জানিত না, তাই তাহারা ভাবিত—পরিবর্তন মানে শুধু জীবনের বোঝার মাত্রা বাড়ান।

সেই জন্ত বস্তির লোকেরা যাহারা জীবন সম্বন্ধে নূতন কথা বলিত তাহাদের নীরবে এড়াইয়া চলিত। এই সর নূতন লোকের মধ্যে কেউ কেউ যেমন সহসা আসিত, তেমনই সহসা অদৃশ হইয়া যাইত। যদি কেহ সেই গ্রামে থাকিয়া যাইত, পাছে সেই গ্রামের রেখাহীন অসংখ্যের মধ্যে মিশাইয়া যাইতে হয়, সেই আশঙ্কায় সে আলাদা হইয়াই বাস করিত।

এমনভাবে জীবন যাপন করিয়া পঞ্চাশ বৎসর বয়সে একজন প্রমজীবী পৃথিবী হইতে অবশেষে বিদায় গ্রহণ করিত।

ঠিক এমন জীবন যাপন করিয়া যায় মাইকেল ভ্লাসব। মুখে তাহার কোনও হাসির চিহ্ন ছিল না। একরাশ জ্বর মধ্যে ছোট ছোট ছোট চোখ দিয়া সর্বদাই এমন ভাবে চাহিয়া থাকিত যে দেখিলেই মনে হইত যে জগতসুদ্ধ লোককে সে সন্দেহের চোখে দেখিতেছে।

গ্রামের মধ্যে সে সবচেয়ে ভাল মিস্ত্রী ছিল। দেহের শক্তিতেও তাহার সমকক্ষ কেহই ছিল না। কারখানার ফোরম্যান বা ম্যানেজারকে সে মোটেই গ্রাহ্য করিত না; ফলে রোজগার হইত কম। ছুটির দিন সে কাহাকেও না কাহাকেও প্রহার না করিয়া বড়-একটা বাড়ী ফিরিত না। সেইজন্য প্রত্যেক লোক তাহাকে ঘৃণা এবং ভয় করিত।

বহুবার তাহাকে উত্তম-মধ্যম শিক্ষা দিবার চেষ্টাও হইয়াছিল; কিন্তু কোনও চেষ্টা ঠিক সফল হইতে পারে নাই। সে যেই বুঝিত যে তাহার উপর কোনও আক্রমণের সম্ভাবনা আছে, তৎক্ষণাৎ সে হাতের কাছে ইট, পাথর যাহা পাইত, তাহা লইয়া পা ফাঁক করিয়া সোজা হইয়া নীরবে আক্রমণকারীর অপেক্ষায় ফিরিয়া দাঁড়াইত; যে তাহার দিকে আগাইয়া আসিবে, তাহারই মাথা গুঁড়ো হইয়া যাইবে। তাহার চেহারার মধ্যে এমন একটা বীভৎসতার ছাপ ছিল যে, তাহাকে দেখিলেই লোকের ভয় করিত। বিশেষ করিয়া ভয়ের ছিল, তাহার ছোট ছোট চোখ দুটি। কোর্টরের ভিতর হইতে ছোট চোখ দুটির দৃষ্টি যেখানে গিয়া পড়িত, মনে হইত গরম লোহার সিকের মত সে জায়গা যেন ভেদ করিয়া চলিয়াছে। চোখাচোখি হইলে মনে হইত যেন সম্মুখে এক হিংস্র বন্য জন্তু দাঁড়াইয়া আছে, চোখে এক আদিম ভয়াল হিংস্র দৃষ্টি, এ দৃষ্টি বাহার, কোন নির্ধমতায় তাহার কোনও কুণ্ঠা নাই।

সে খুব অল্প কথাই কহিত; কিন্তু তাহার সকল কথার মাত্রা ছিল "পাজী বদমায়েস"। ঐ নামে সে কারখানার উপরিওয়ালাদের

ডাকিত, ঐ নামে সে পুলিশের লোকদের গালাগালি দিত। বাড়ীতে ঐ-নামে স্ত্রীকে সম্বোধন করিত।

তাহার ছেলে পাভেলের বয়স তখন চোদ্দ। একদিন বাড়ী ফিরিয়া আসিয়া সহসা ছেলের চুলের মুঠি ধরিয়া টানিয়া তুলিবার তাহার বাসনা হইল। মাথায় হাত দিতে না দিতেই, পুত্রও গর্জিয়া উঠিল। সামনে একটা হাতুড়ি পড়িয়াছিল, তাহা তুলিয়া লইয়া পুত্র ক্রথিয়া দাঁড়াইল।

“খবরদার! আমার গায়ে হাত দিও না বলছি। অনেক সহ্য করেছি আর আমি কিছুতেই সহ্য করবো না।”

পুত্রের দিকে চাহিয়া মাইকেল হাসিয়া উঠিল। একটা দীর্ঘনিঃশ্বাস ফেলিয়া সে বলিয়া উঠিল, “আচ্ছা, পাজী বদমায়েস!”

এই ঘটনার কিছুক্ষণ পরে সে তাহার স্ত্রীকে ডাকিয়া বলিল, “দেখ, কাল থেকে আর আমার কাছে পয়সা চাইবি না, এবার থেকে তোর ছেলে তোকে রোজগার করে খাওয়াবে।”

ভয়কুণ্ঠিত স্বরে নারীটি বলিল, “আর তুমি যা রোজগার করবে, সব মদ খেয়ে ওড়াবে তো?”

“তোর তাতে কি পাজী বদমায়েস!”

সেই দিন হইতে তিন বৎসর পর্য্যন্ত যতদিন সে বাঁচিয়া ছিল, সে পুত্রের কোন খোঁজখবর লইত না—পুত্রের সঙ্গে কোন কথাও বলিত না।

ভ্রাসবের সঙ্গীহীন জীবনে একটি নিত্যসঙ্গী ছিল, সে তাহার কুকুর। কুকুরটি ছিল তাহারই মত ভীষণ ও বীভৎস। প্রতিদিন সকালে সে যখন কারখানায় যাইত, কুকুরটিও তাহার সঙ্গে সঙ্গে কারখানার গেট পর্য্যন্ত যাইত। সন্ধ্যাবেলায় কারখানা হইতে সে যখন ফিরিয়া আসিত, কুকুরটি তাহার অপেক্ষায় গেটের সম্মুখে দাঁড়াইয়া থাকিত। ছুটির দিন কুকুরটিও সারাদিন তাহার সঙ্গে সঙ্গে ঘুরিয়া ফিরিত। রাত্রে মাতাল

অবস্থায় বাড়ী ফিরিয়া কুকুরটিকে লইয়া সে খাইতে বসিত, আপনার প্লেট হইতে তাহাকে খাওয়াইত। কুকুরটিকে সে কোনও দিন মারে নাই, কোনও দিন আদরও করে নাই। খাওয়া শেষ হইলে, জ্বর অপেক্ষা না করিয়াই ডিসগুলি সে ছুঁড়িয়া চতুর্দিকে ফেলিয়া দিত; একটি ছইস্কীর বোতল লইয়া দেওয়ালে ঠেসান দিয়া বসিয়া গান গাহিত। গানের ভাষা তাহার দাঁতের ফাঁকে ফাঁকে আসিয়া জড়াইয়া যাইত। সেই বীভৎস স্বরের ধাক্কা দাঁতের ফাঁক হইতে ঝুটির টুকরা ছিটকাইয়া পড়িয়া গৌঁফে দাড়িতে আসিয়া লাগিত। সে আপনার মনে জগতের সকলের অনধিগম্য ভাষায় যতক্ষণ বোতলে মদ থাকিত, ততক্ষণ গাহিয়া চলিত। তাহার এই সঙ্গীত শুনিয়া মনে হইত, শীত-সন্ধ্যার নিস্তব্ধ প্রান্তরে ক্ষুধিত শাদ্দুল চীৎকার করিতেছে।

মদ ফুরাইয়া গেলে সেইখানেই সে ঘুমাইয়া পড়িত। কুকুরটিও তাহার পাশে শুইয়া পড়িত। রাত্রিশেষে যখন আবার কারখানার বাঁশী বাজিয়া উঠিত, যন্ত্রচালিতের মত তখনই সে আস্থানে আবার জাগিয়া উঠিত।

এমনি করিয়াই সে বাঁচিয়া ছিল, মরিল যখন তখন ঠিক এমনি কঠোর রূপেই মরণ তাহার নিকটে আসিল। সর্বশরীর তাহার কালো হইয়া গিয়াছিল। পাঁচদিন ধরিয়া অসীম যন্ত্রণায় সে বিছানায় গড়াগড়ি দিল। শুধু মাঝে মাঝে চীৎকার করিয়া উঠিত, “আমাকে বিষ খাইয়ে মেরে ফেল, মেরে ফেল আমাকে!”

স্বী ডাক্তার ডাকিল। ডাক্তার আসিয়া জানাইলেন যে হাসপাতালে পাঠাইতে হইবে, এখানে চিকিৎসা হওয়া সম্ভবপর নয়।

হাসপাতালের কথা শুনিয়া ভ্রাসব চীৎকার করিয়া উঠিল, “বেরোও পাকী বদমায়েস। আমি কোথাও যেতে চাই না, এইখানেই মরবো।”

ডাক্তার চলিয়া গেলে অশ্রুসিক্ত কণ্ঠে স্বী কাতর-নিবেদন করিল, “হ্যাগা, চল না হাসপাতালে!”

“খবরদার বলছি, হাসপাতালে পাঠানু নি! হয়ত আমি সেখানে সেরে উঠতে পারি, আর তাতে তোরই বিপদ বেশি।”

ভোরবেলা সে দেহত্যাগ করিল। ঠিক তখন কারখানার বাঁশী বাজিতেছিল। অল্প সব মজুরেরা তখন প্রতিদিনকার অভ্যাসে কারখানার দিকে আগাইয়া চলিতেছিল। যখন তাহাকে কবর দেওয়া হয় তখন সেখানে তাহার স্ত্রী, তাহার পুত্র এবং কুকুরটি ছাড়া একজন বৃদ্ধ মাতাল, একটি দাগী চোর ও সেখানকার কয়েকজন ভিখারী উপস্থিত ছিল। স্ত্রী কাঁদিতেছিল, কিন্তু পুত্রের চোখে অশ্রুর বাষ্পও ছিল না। রোরুণ্ডমানা স্ত্রীর দিকে চাহিয়া সমাগত লোকেরা বলাবলি করিতে লাগিল, ভ্রাসব মরেছে, না মাগীর হাড় জুড়িয়েছে।

কবরের কার্য শেষ হইয়া গেলে যে যাহার ঘরে ফিরিয়া গেল। কিন্তু সেই নিঃস্বস্ত প্রাপ্তরে শুধু একটি প্রাণী পড়িয়া রহিল; সত্ত খোঁড়া মাটির উপর বসিয়া কুকুরটি মাটিতে মুখ রাখিয়া গন্ধের মধ্য দিয়া কাহার সন্ধানের জন্য তখনও বসিয়াছিল।

পিতার মৃত্যুর দুই সপ্তাহ পরে একদিন রবিবার পাভেল রীতিমত মাতাল হইয়া বাড়ীতে ফিরিল। কোন রকমে হামাগুড়ি দিয়া যেখানে বসিয়া তাহার বাবা আহার করিত, ঠিক সেইখানে বসিয়া টেবিলের উপর জোরে ঘুঘি মারিয়া ঠিক তাহার বাবা যেমন করিয়া চীৎকার করিত তেমনিভাবে চীৎকার করিয়া বলিয়া উঠিল, “খাবার নিয়ে

পুত্রের চীৎকার শুনিয়া মাতা ধীরে ধীরে পুত্রের পাশে গিয়া বসিয়া তাহাকে বুকে টানিয়া লইলেন! মাতার এই আদরে পাভেল আরও ক্রুদ্ধ হইয়া উঠিল, এবং মার হাত তাহার ঘাড় হইতে জোরে টানিয়া ফেলিয়া দিয়া বলিয়া উঠিল, “শিগ গির, খাবার দে শিগ গির!”

শাস্তি মেহসিক্ত কণ্ঠে পুত্রের হাত ধরিয়া মা শুধু বলিলেন, “হুটু ছেলে।”

মায়ের দিকে না চাহিয়াই জড়িত কণ্ঠে পাভেল বলিল, “আমি তামাকও খাব, বাবার পাইপটা আমাকে এনে দে।”

জীবনে এই প্রথম সে মদ খাইয়াছে। তীব্র মদিরা তাহার সর্ব-দেহকে অবসন্ন করিয়া ফেলিয়াছিল কিন্তু তখনও তাহার চৈতন্য হারায় নাই। তাহার মাথার ভিতরে কে যেন তখন অনবরত জিজ্ঞাসা করিতে-ছিল, “মদ ? মদ খেয়েছ ? মাতাল হয়েছ ?”

মায়ের আদরে সে আরও অসোয়াস্তি বোধ করিতেছিল। মার চোখের দিকে চাহিতেই সেই বিষমদৃষ্টি তাহার মর্শ্ব-মূলে যেন বিঁধিতে-ছিল। ডাক ছাড়িয়া কাঁদিবার ইচ্ছা হইল। কিন্তু উদ্বেলিত কান্নাকে চাপিবার জ্ঞান, যতখানি না মাতাল হইয়াছিল সে তাহার বেশী ভান করিতে লাগিল।

পুত্রের মাথায় হাত বুলাইতে বুলাইতে মা বলে, কেন তুই এ কাজ করলি ? তোর কি এ কাজ করা উচিত ছিল ?

পাভেলের শরীর বিমাইয়া আসিতেছিল। সে ভীষণভাবে শ্বাকার করিতে লাগিল। তারপর অবসন্ন হইয়া বিছানায় শুইয়া পড়িল। তাহার মনে হইল দূর হইতে যেন তার মা বলিতেছে,—

“তুই যা আমাকে খাওয়াবি, তা বুঝতে পারছি।”

চোখ বন্ধ করিয়াই সে উত্তর দিল, “কেন, সবাই তো মদ খায়।”

পুত্রের উত্তর শুনিয়া মা দীর্ঘনিশ্বাস ফেলিল। সে ঠিকই বলিয়াছে, সবাই তো মদ খায়। তিনি খুব ভাল রকমেই জানিতেন যে সরাইখানা ছাড়া জগতে এমন কোনও জায়গা নাই যেখানে এরা বুকের জ্বালা জুড়ায়, ‘ভোদকা’র আশ্বাদ ছাড়া এমন কোনও আনন্দের স্বাদ নাই যে তাহাদের জীবনকে ক্ষণিকের জ্ঞান ভরিয়া তোলে। তবুও তিনি বলিলেন, “সবাই খায় বলে, তুইও খাবি ? তোর বাবা যে তোদের দুজনের হয়ে খেয়ে

গেছে! কত যে সয়েচি! একবার অভাগী মায়ের দিকে ফিরে চা—
দেখবি তোর আর খেতে প্রবৃত্তি হবে না—”

মায়ের শাস্ত স্নেহ-কোমল কথায় পাভেলের মনে পড়িল যতদিন তাহার বাবা বাঁচিয়াছিল ততদিন মায়ের অস্তিত্বের কোনও খবর কেহ যেন পাইত না। একান্ত নীরবে তিনি যেন সর্বদাই অপেক্ষা করিয়া থাকিতেন কখন অতর্কিত প্রহারের পালা আরম্ভ হইবে। ইদানীং বাবার সঙ্গে যাহাতে দেখা সাক্ষাৎ না হয়; তাহার জ্ঞান পাভেল বাড়ীতে খুব অল্প সময়ই থাকিত। এই সমস্ত কারণে তাহার মন হইতে মায়ের কথা একরকম দূরে সরিয়াই গিয়াছিল।

একটু স্থস্থির হইয়া পাভেল বহুদিন পরে মায়ের মুখের দিকে চাহিল। বহুদিনের পরিশ্রমে তাঁহার দীর্ঘ দেহ হুইয়া পড়িয়াছে। চোখের কোলে কোলে বিষাদের ছায়া জমাট বাঁধিয়া রহিয়াছে। গ্রামের অন্তর সমস্ত নারীদের চোখের কোলেও এই একই ছায়া। ঘন-কৃষ্ণ কেশগুচ্ছের মধ্যে এক এক জায়গা শাদা হইয়া গিয়াছে, মনে হয় যেন কাহারও বস্ত্র-মুষ্টির ছাপ এখনও রহিয়া গিয়াছে। পাভেল দেখিল মায়ের চোখে জল—

“আঃ, কেঁদো না, দাঁড়াও একটু জল দাও দেখি।”

“দাঁড়া, একটু বরফ জল এনে দিচ্ছি!”

বরফ জল লইয়া যখন তিনি ফিরিয়া আসিলেন তখন দেখেন পাভেল ঘুমাইয়া পড়িয়াছে। নিঃশব্দে ঝুঁকিয়া পুত্রের মুখের দিকে ক্ষণকাল চাহিয়া রহিলেন। তারপর ধীরে পেয়ালাটি টেবিলে রাখিয়া ঘরের এক কোণে ক্রুশবিক্রম মহাপুরুষের যে বিমলিন ছবিটি টাঙানো ছিল, তাহার সম্মুখে নতজানু হইয়া নীরবে শুধু অশ্রুজলে পুত্রের কল্যাণ কামনায় প্রার্থনা জানাইলেন।

বাহিরে তখন অন্ধকারে নষ্ট-জীবনের নিশীথ-উদ্‌ঘাদনার শব্দ উঠিয়াছে। শরতের কুয়াশাচ্ছন্ন বাতাসে দূর হইতে একটি ভাঙা সেতারের শব্দ ভাসিয়া আসিতেছে। কোথাও তার স্বরে কেহ চাঁৎকার

করিয়া গান করিতেছে, কেহ বা অবিশ্রান্ত কুংসিত গালাগাল বকিয়া চলিয়াছে। আর তাহার মাঝে মাঝে নারীকণ্ঠের তিক্ত অভিধাপবাণী নিশীথ অন্ধকারকে আরও গাঢ় করিয়া তুলিতেছে।

নিতান্ত একঘেয়ে ভাবে কোনও রকমে মাতা-পুত্রের জীবন বহিয়া চলিয়াছিল। গ্রামের অগ্র সমস্ত ছেলে যেমনভাবে দিন কাটায়ে ঠিক সেই রকম ভাবেই পাভেল তাহার জীবন যাত্রা নির্বাহ করিতে চেষ্টা করে। গ্রামের অগ্র সব ছেলেদের দেখাদেখি সেও একটা বাজনা কিনিল, ছুটির দিন বেড়াইতে বাহির হইবার জন্ত একটা ছড়ি, নেকটাই ওভার-সুও কিনিল। সরাইখানার সাক্ষ্য সমিতিতে এখন সে নিয়মিত যাতায়াত করে এবং সেখানে নাচিতেও শিখিল। ছুটির দিনে রাত্রে সে মাতাল হইয়াই বাড়ীতে ফিরে এবং যন্ত্রণায় ছটফট করে। সকাল বেলা বুক জ্বালা করে, মুখ ফ্যাকাসে হইয়া যায়, মাথা তুলিবার আর ক্ষমতা থাকে না।

একদিন সকাল বেলায় মা আসিয়া জিজ্ঞাসা করিলেন, “হাঁ-রে, কাল রাত্রে কেমন ছিলি?”

বিরক্ত হইয়া পাভেল বলিয়া উঠিল, “মনে হচ্ছে যেন একটা মত্ত কবরের মধ্যে বসেছিলাম—উঃ, কিছু আর ভাল লাগে না—মানুষগুলো সব যেন এক একটা কলকজা! নাঃ, এবার ছুটির দিন মাছ ধরতে বেরিয়ে পড়বো, না হয় একটা বন্দুক কিনবো!”

কিন্তু মাছ ধরা অথবা শীকার করা কোনটাই তাহার হইয়া উঠে নাই। তবে যত দিন যাইতে লাগিল ততই সে প্রতিদিনের বাঁধা পথ হইতে সরিয়া দাঁড়াইতে লাগিল। সরাইখানার সাক্ষ্য-সমিতিতে তাহার গতায়াত ক্রমশ কমিয়া আসিতে লাগিল। ছুটির দিনে সে বাহিরে কোথায় চলিয়া যাইত, কিন্তু বেশ স্থস্থ অবস্থাতেই বাড়ী

ফিরিত। মা বিস্মিত হইয়া পুত্রের মুখের দিকে চাহিয়া থাকিতেন! দেখিতেন তাহার মুখের রেখাগুলি যেন ক্রমশ বদলাইয়া আসিতেছে, চোখের দৃষ্টিতে যে ভাষা ফুটিয়া উঠিত, মা তাহা বুঝিতে চেষ্টা করিতেন কিন্তু পারিতেন না। পাভেলের মুখ দেখিয়া মনে হইত সে যেন কাহারও উপর ভয়ানক রাগিয়া আছে, অথবা তাহার বুকের কোথাও কোনও ভীষণ ক্ষত যেন তাহার দেহের সমস্ত শুষ্কিয়া লইতেছে। পুরানো বন্ধুরা তাহার অদর্শনে তাহাকে ডাকিয়া লইতে প্রথম প্রথম তাহার বাড়ীতে আসিত, কিন্তু বাড়ীতে তাহাকে বার বার না পাওয়ার দ্রুপ, তাহারাও আসা বন্ধ করিয়া দিল।

ছেলের মতিগতি ফিরিয়াছে দেখিয়া মায়ের মনে আনন্দ হইত। কিন্তু সেই সঙ্গে কোথা হইতে তাঁহার মনে এক অজানা আশঙ্কা জাগিয়া উঠিত। পুত্রের মতিগতি যে ফিরিয়াছে তাহা তিনি বুঝিতে পারিতেন কিন্তু যেন কোন এক দুর্ভাগ্যময় রহস্যময় পথে সে চলিয়াছে—সে পথের কোন দিশাই তিনি ঠিক করিতে পারিতেন না।

ইদানীং বাড়ী ফিরিবার সময় সে প্রত্যহ সঙ্গে করিয়া নানারকমের বই লইয়া আসে। প্রথমে সে লুকাইয়া পড়িত এবং পড়া শেষ হইয়া গেলে বইগুলি লুকাইয়া রাখিয়া দিত। মাঝে মাঝে বই হইতে গোপনে কাগজে সে ঠক লিখিয়া লইত এবং লেখা কাগজখানিও লুকাইয়া রাখিত।

মাঝে মাঝে মা জিজ্ঞাসা করেন, “হা-রে, পাভলুসা, তোর কি কোন অল্পখ করেছে?”

মাথা নাড়িয়া পাভেল বলে, “কই না, মা”!

দীর্ঘশ্বাস ফেলিয়া মা বলেন, “রোজ রোজ রোগা হয়ে যাচ্ছিস্!—”

এই পর্য্যন্ত কথাবার্তা হয়।

যত দিন যায়, মাতাপুত্রের কথাবার্তা তত কমিয়া আসে। সকালে নিঃশব্দে চা খাইয়া সে কাজে চলিয়া যায়—দুপুর বেলায় খাবার সময়

দুই-একটা নিতান্ত অপ্রাসঙ্গিক কথা ব্যতীত সে আর কোনও কথা বলিত না। রাত্রে কাজ হইতে ফিরিয়া আসিয়া গা-হাত পা ধুইয়া তেমনি নীরবে আহার সমাপন করিয়া সে আপনার বইপত্র লইয়া বসিত, ছুটির দিন ভোর না হইতেই সে বাড়ী হইতে বাহির হইত এবং গভীর রাত্রে ফিরিত। মা ভাবিতেন, ছেলে শহরে থিয়েটারে যায়। ইদানীং মা দেখিতেন যে পাভেল প্রায়ই এমন সব ভাষা ব্যবহার করে, যাহা ইহার পূর্বে তিনি কোনও দিন আর শোনেন নাই এবং স্বর অর্থও তিনি বুঝিতে পারেন না। সবার চেয়ে তাঁহার নজরে বেশী পড়িল যে আগে তাহার কণ্ঠস্বরে একটা কর্কশতা ছিল, তাহা যেন কেমন কোমল নমনীয় হইয়া উঠিয়াছে। আগে গ্রামের ছোকরাদের মত বাবু সাজতে পাভেল ব্যস্ত থাকিত; এখন মা দেখিলেন যে বাবুমানির দিকে আদৌ তাহার লক্ষ্য নাই অথচ পোষাক-পরিচ্ছদ সর্বদাই পরিষ্কার-পরিচ্ছন্ন থাকে। পাভেল যত কোমল হয়, যত সহজ ও সরল হয়, মায়ের মন ততই কি এক অজানা আশঙ্কায় হুলিয়া হুলিয়া উঠে।

একদিন সে একটি ছবি আনিয়া দেওয়ালে টাঙাইল। ছবির দিকে চাহিয়া মা দেখিলেন যে, তিনজন লোক ধীর গম্ভীর ভাবে চলিয়াছে, চলিতে চলিতে কি কথা বলিতেছে।

মায়ের বিস্মিত দৃষ্টির উত্তরে পাভেল বলিল, “মৃত্যুর ওপার থেকে যিশু নব-জীবন লাভ করেছেন—”

যিশুর মুখের দিকে চাহিয়া ছবিখানি মায়ের ভাল লাগিল। কিন্তু সেই সঙ্গে তাঁহার মনে এক বিরাট ভাবনার উদয় হইল, “এ কি রকম! যিশুকে যে এত ভালবাসে, সে কেন গির্জায় যায় না একদিনও?”

ক্রমে দেওয়ালে একটার পর একটা করিয়া ছবিতে ভরিয়া উঠিল। বই-এর থাকে খালি জায়গাগুলিও ভরিয়া উঠিল। ইট-কাঠের দেওয়ালে ঘেরা ঘর বলিয়া মনে হইতে লাগিল।

কিন্তু মায়ের মনের আশঙ্কা আর কমিল না। বতদিন যায়, পাভেলের গতিবিধি, হাবভাব তাঁহার নিকট ততই রহস্যময় লাগে এবং তাঁহার অন্তর এক অজানা আশঙ্কায় ততই হুলিয়া হুলিয়া ওঠে। এই দুজ্জের রহস্যের কোনও সন্ধান করিতে না পারিয়া মনে মনে তিনি ভাবেন, “আর সকলে কেমন মানুষের মত হাসে! খেলে, এ এক কোন্ সন্ন্যাসী, এই বয়সে নির্বাক গম্ভীর!” মাঝে মাঝে মায়ের মনে আর একটা কথা জাগিয়া ওঠে, হয়ত শহরে কোনও মেয়ের সঙ্গে পাভেল প্রেমে পড়িয়াছে—

কিন্তু মা ভালরকমই জানিতেন যে প্রেম করিতে অর্থের প্রয়োজন আছে। পাভেল যাহা-কিছু উপার্জন করে, সমস্তই তো তাঁহাকে খরিদা দেয়। তবে?

এমনি করিয়া দিনের পর দিন চলিয়া যায়। এমনি করিয়া নিঃশব্দে কখন দুইটি জীবনের ধারা দীর্ঘ দুই বৎসর বহিয়া চলিয়া গেল। কেহ কাহাকেও জানিল না। শুধু মায়ের অন্তরে পথ-হীন রেখা-হীন ভাবনার বোঝা জমা হইয়াই রহিল।

একদিন খাওয়া-দাওয়ার পর পাভেল নিত্য যেমন আলো জালিয়া পড়িতে বসে তেমনি পড়িতে বসিয়াছিল।

অতিসম্পূর্ণে পুত্রের পিছনে আসিয়া একটু ঝুঁকিয়া মুহূর্তে মা জিজ্ঞাসা করিলেন “আচ্ছা তোকে জিজ্ঞাসা করি, এ সব কি তুই রোজ পড়িস্।”

মায়ের মুখের দিকে চাহিয়া বই বন্ধ করিয়া দিয়া পাভেল বলিল, এখানে বসো, বলছি।”

পুত্রের ইঙ্গিতে মা সম্মুখে আসিয়া বসিলেন, অন্তরে গুরু আশঙ্কা এখনই বুঝি ভয়ানক কি শুনিবেন—

মায়ের মুখের দিকে না চাহিয়াই পাভেল বলিতে লাগিল “আমি যে সমস্ত বই পড়ি সে সমস্ত পড়া বা কাছে রাখা নিষিদ্ধ। কেন নিষিদ্ধ

জান? তোমার আমার, আমাদের চারিদিককার এই সব শ্রমিকদের জীবনের সম্বন্ধে সত্যি কথা এই সব বই-এ লেখা আছে—তাই এ নিষেধ! গোপনে এ সমস্ত ছাপা হয়, গোপনে বিলি হয়, যদি কারুর কাছে এই সমস্ত বই পাওয়া যায় তাহলে তখুনি তাকে কারারুদ্ধ করা হয়। আমাকেও কারাগারে যেতে হবে—কারণ, আজ আমি সত্যকে জানতে চাই—”

সহসা মায়ের সমস্ত নিঃশ্বাস যেন বন্ধ হইয়া আসিতে লাগিল। কোনও মতে চোখ তুলিয়া ছেলের মুখের দিকে ভাল করিয়া চাহিলেন—তঁহার মনে হইতে লাগিল যে তাঁহার সম্মুখে তাঁহার পুত্রের বদলে যেন কে একজন নূতন লোক বসিয়া আছে—তাহাকে ইহার পূর্বে তিনি যেন আর কখনও দেখেন নাই।

“তুই কেন এসব পড়িস্?”

“আমি সত্যকে জানতে চাই!”

পাভেলের মুখের দিকে তিনি আরও ভাল করিয়া চাহিলেন। তাহার চক্ষু হইতে স্থির জ্যোতি বাহির হইতেছিল। সেই মুখের দিকে চাহিয়া জননীর অন্তর্দৃষ্টি দিয়া তিনি বুঝিলেন যে, তাঁহার পুত্র যেন কোন এক রহস্যময় ভয়াল শক্তির নিকট চিরকালের মত আত্ম-সমর্পণ করিয়াছে।

জীবনে যাহা কিছু ঘটয়াছে তাহাকে অবশুস্তাষি বলিয়া তিনি স্বীকার করিয়া আসিয়াছেন। কোন কিছু চিন্তা না করিয়া সেই ভবিতব্যতার নিকট আত্মসমর্পণ করাই তিনি জানিতেন। তাই আজও তাঁহার কোনও কথা যোগাইল না! বেদনার গুরুভার অন্তরে চাপিয়া কাঁদিয়া ফেলিলেন।

“কাঁদছো কেন মা?”

পুত্রের প্রশ্ন শুনিয়া মায়ের মনে হইল, বিদায়ের কালে পুত্র যেন শেষ প্রশ্ন করিতেছে।

“একবার ভেবে দেখো, কি রকমভাবে তুমি বেঁচে আছ! তোমার আজ চল্লিশ বছর বয়স হলো কিন্তু বল তো একদিনও তুমি বাঁচার মত করে বাঁচতে পেরেছো? বাবা তোমাকে নিয়তই মারতেন—তার কারণ অবশ্য আজ আমি বুঝতে পেরেছি। তাঁর নিজের জীবনে যে সব দুঃসহ অবিচার ও অত্যাচার সহ্যে হতো, নিরুপায় হয়ে তিনি তোমার উপর তারই প্রতিশোধ নিতেন। তিরিশ বছর ধরে ক্রমান্বয়ে ভূতের মত খেটে চলে গেছেন। যখন ছেলেবেলায় তিনি কারখানায় ঢোকেন তখন কারখানায় মাত্র দুটো বাড়ী ছিল, আজ সেখানে সাত সাতটা বাড়ী উঠেছে। এমনিই হয়, কল বাড়়ে, কারখানা বাড়়ে, আর তারই চাকায় তেল যোগাতে মানুষ মরে।”

যৌবনের উদ্দাম উচ্ছ্বাসে বাধাবন্ধহারাভাবে আপনার সত্য অহু-ভূতির প্রথম প্রকাশ-আনন্দে অন্তরের অন্তঃস্থলে যাহা আসিতেছিল পাভেল তাহাই আজ বলিয়া চলিতে লাগিল। সে যে বিশেষ করিয়া তাহার মাকে উপলক্ষ্য করিয়া কিছু বলিতেছিল, তাহা নয়, আপনার অন্তরের সত্যোজাত সত্য-উপলক্ষ্যকেই সে রূপ দিতেছিল।

সহসা মায়ের মুখের দিকে চাহিয়া পাভেল জিজ্ঞাসা করিল, “আচ্ছা, বল তো মা, জীবনে কোনও দিন তুমি এতটুকু আনন্দের স্বাদ পেয়েছ? পেছন দিকে চাহিলে কোন আনন্দের স্মৃতি তোমার মনে পড়ে?”

সমগ্র নারী-জীবনের মধ্যে সর্বপ্রথম এই তিনি শুনিলেন যে তাঁহার জীবন সম্বন্ধে, তাঁহার আনন্দ-নিরানন্দ সম্বন্ধে, কেহ প্রশ্ন করিতেছে। অসংলগ্ন অস্পষ্ট ভাবনার মেঘলোকে বহুদিনের তন্দ্রাচ্ছন্ন বেদনার বিদ্যুৎ যেন নড়িয়া উঠিল; বহুদিন-বিশ্বৃত কবেকার যৌবনের লাস্কিত জীবনের মুক বিদ্রোহ আজিকার দিনকে ঈষৎ সচকিত করিয়া তুলিল। কত দিন কত প্রতিবেশী রমণীর সঙ্গে তিনি ঘরকন্না জীবন-মরণ কত কি লইয়া কত গল্প করিয়াছেন—সবাই দুঃখ করিত, কাঁদিত, কিছুই ভাল লাগে না বলিত, কিন্তু কই, কেহই তো কোন

দিন ভাবে নাই, কেন এই দুঃখ, কেন এই কান্না, কেন জীবনে এত জ্বালা ?

আজ সহসা তাঁহার আপন পুত্রের মুখে তাঁহার নারী-জীবনের গোপন-ব্যথার কথা এই রকম ভাবে শুনিয়া পুত্র-গর্বে তাঁহার অন্তর ভরিয়া উঠিল। আজকালকার জগতে মায়ের বেদনা কে বোঝে, কে বুঝিতে চায় ? পুত্রের মুখের দিকে চাহিয়া তাঁহার মনে হইতে লাগিল যে তাহার মুখ, চোখ, কথা যেন তাঁহার বুককে আঁকড়াইয়া ধরিয়াছে।

বহুকণ নিস্তরু থাকিবার পর মা জিজ্ঞাসা করিলেন, “কিন্তু তুই কি করতে চাস ?”

“আমি জানতে চাই—জানাতে চাই। আমাদের আজ শিখতে হবে এবং সঙ্গে সঙ্গে এই সব মজুরদের শেখাতে হবে—তাদের বোঝাতে হবে—কেন জীবন এত নিদারুণ !”

অন্তরের আবেগে সে অনর্গল বকিয়া চলিতে লাগিল। পুত্রের মুখের দিকে মত্তমুগ্ধের মত চাহিয়া মা শুধু মাঝে মাঝে জিজ্ঞাসা করেন “সত্যি ! এ সব কি সত্যি ?”

“নিশ্চয়ই ! জগতে এমন লোকও আছে, যারা মানুষের কল্যাণ চায় এবং সেই মহা-অপরাধের জন্য তারা হাসি মুখে সব লাঞ্ছনা সব ক্ষতি সহ্য করে, কারাগারে বনের পশুর মত পচে মরে। আমি স্বচক্ষে তাদের দেখেছি—তারা এই মাটির পৃথিবীর অমর সন্তান !

কিন্তু এই সমস্ত লোকদের কাহিনী যতই তিনি শোনেন ততই তাঁহার মন ভয়ে ভরিয়া ওঠে। তাহারাই তাঁহার পুত্রকে এই সমস্ত ভয়ানক কথা বলিতে শিখাইয়াছে, তাহারাই তাঁহার সন্তানকে মাতৃবন্ধ হইতে টানিয়া লইয়া কোন্ এক অনির্দেশ্য ভয়ঙ্কর পথে লইয়া চলিয়াছে।

“তোমার যা ইচ্ছে তাই কর। তবে একটা কথা বলি—কখনও ~~বেঁট~~ কোথাও কিছু বলিস না। তুই জানিস না ওরা কি ভয়ানক

লোক সব। ওরা সবাই সবাইকে ঘৃণা করে। আঘাত করাই ওদের একমাত্র আনন্দ। ওদের যদি তুই বোঝাতে যাস, ওদের যদি ভাল করতে চাস, ওরা তোকে অবিশ্বাস করবে, তোকে টুকরো টুকরো করে জবাই করে তবে শান্তি পাবে। ওদের তুই জানিস না—”

“আমি জানি ওরা কতদূর ঘৃণ্য। কিন্তু যেদিন আমি আমার অস্তরে সত্যকে উপলব্ধি করতে পেরেছি, সেদিন থেকে এই পৃথিবী আমার চোখে স্নন্দরতর হয়ে উঠেছে। ছেলেবেলা থেকে আমি মানুষকে ভয়ই করে এসেছি—যখন বড় হলাম তখন তাদের নীচতা দেখে তাদের ঘৃণাই করতে শিখলাম। তারপর জানি না কেমন করে আমার সব ধারণা বদলে গেল। আজ আমি মানুষকে আর এক নতুন দৃষ্টিতে দেখতে পেয়েছি। আজ সকলের জন্তে, সকলের সব ক্ষুদ্রতার জন্তে শুধু আমার হৃৎকম্প! বেদনায় মন ভরে আসে। যেদিন থেকে আমি অস্তরে সত্যকে উপলব্ধি করেছি সেদিন থেকে মনে হয়েছে, এই ক্ষুদ্রতা, এই নীচতার সবখানির জন্তে তারা দায়ী নয়!”

আপনার মনের মধ্যে যে সব বাণী জাগিয়া উঠিতেছিল, যেন তাহা শুনিবার জন্ত সহসা পাভেল স্তব্ধ হইয়া গেল। তারপর অক্ষুট স্বরে আপনার মনে বলিয়া উঠিল—“এমনি ভাবেই সত্য বেঁচে থাকে!”

রাত্রি সুগভীর হইয়া আসিয়াছিল। পাভেল শয্যায় গিয়া শয়ন করিল। নিদ্রিত পুত্রের সম্মুখে আসিয়া অস্তরের দেবতার নিকট কল্যাণ কামনায় মাতার চোখ দিয়া নিঃশব্দে জল ঝরিয়া পড়িতে লাগিল।

আবার নিঃশব্দে তাহাদের দুইজনের জীবন-ধারা বহিয়া চলে। কাছাকাছি থাকিয়াও তাহাদের মনে হয় যেন তাহারা বহু দূরে আছে।

একদিন বাহিরে যাইবার সময় পাভেল মাকে ডাকিয়া বলিল, “দেখ, শনিবার এখানে জনকয়েক লোক আসবে।”

“কারা?”

“কতক লোক আমাদের এই গাঁয়ের, আর কতক আসবে শহর থেকে।”

“শহর থেকে?”—বলিতেই মা কাঁদিয়া ফেলিলেন।

“এ কি, কাঁদছো কেন?”

“কেন তা জানি না—কান্না আসে তাই কাঁদি!”

‘তুমি ভয় পেয়েছ বুঝি?’

কোনও দ্বিধাক্রান্তি না করিয়া মা বলিলেন, ‘সত্যিই আমার ভয় করে, শহরের লোকগুলো—কে জানে কেমন তারা—’

মাতার মুখের দিকে চাহিয়া গম্ভীর স্বরে পাভেল বলিয়া উঠিল, “দেখ মা, এই ভয়ই হলো আমাদের সকল সর্বনাশের মূল। যারা আমাদের পায়ের তলায় রাখে—তারা, আমাদের এই ভয় পাওয়ার সুবিধে নিয়েই আমাদের আরও ভয় দেখায়। মনে রেখো মা, যতদিন আমরা এমনি করে শুধু ভয় করেই থাকবো—ততদিন এঁদো পুকুরে শুকনো ডালের মত পচেই মরতে হবে। আজ সব ভয় দূরে ফেলে দেবার দিন এসেছে। আজ কি আর কান্না শোভা পায়?”

জুঁকু হইয়া চলিয়া যাইবার সময় পাভেল বলিয়া গেল, “ভয়ই কর, আর যা-ই কর, তারা শনিবার এখানে আসবে।”

যাইবার সময় গুনিল মা কাঁদিয়া বলিতেছেন, “ওরে রাগ করিস্ নে—এ ছাড়া আর আমি কি করতে পারি বল।”

তিনদিন ধরিয়া মায়ের মনে এক মুহূর্তেরও শান্তি ছিল না। সেই অজানা আগন্তুকদের আগমন-আশঙ্কায় তাঁহার বুক ক্রমে ক্রমে কাঁপিয়া ওঠে। তাহাদের কথা ভাবিতে ভাবিতে তাহাদের এক ভয়ঙ্কর মূর্তি মায়ের মনে জাগিয়া উঠে। তাহারাই তো তাহার পুত্রকে এই সর্বনাশের পথে টানিয়া লইতেছে।

শনিবার দিন সন্ধ্যাবেলা কারখানা হইতে ফিরিয়া আসিয়া পোষাক বদলাইয়া বাহিরে যাইবার সময় পাভেল বলিল,

“দেখ, তারা যখন আসবে, তাদের বলো যে আমি একটু কাজে বেরিয়েছি। এক্ষুণি ফিরে আসবো আর দেখো, মিছিমিছি ভয় করো না—তারা সবাই তোমার মত, আমার মত মানুষ—আর কিছু নয়।”

পুত্রের কথা শুনিয়া মা কাঁপিতে কাঁপিতে এসিয়া পড়িলেন।

মায়ের অবস্থা দেখিয়া পাভেল শাস্তভাবে বলিল, “দেখছি, তোমাকে অল্প জায়গায় রেখে আসতে হবে।”

পুত্রকে ছাড়িয়া অল্প জায়গায় থাকার কথায় মা অন্তরে ক্ষুব্ধ হইলেন, বলিলেন, “তাতেই বা কি লাভ? আমি এখানেই থাকবো!”

তখন নভেম্বর মাস শেষ হইয়া আসিতেছিল। সারা দিন ধরিয়া মুহম্মান ধরণীর উপর দিয়া তুষারের ঝঞ্ঝা বহিয়া চলিয়া গিয়াছে। জানালার ধারে আসিয়া দাঁড়াইতেই মায়ের মনে হইল যে পৃথিবীর সমস্ত অন্ধকার যেন তাঁহারই জানালার আশে পাশে আজ জমা হইয়া আছে। সেই অন্ধকারে যেন অসংখ্য লোক, অদ্ভুত তাহাদের চেহারা, হামাগুড়ি দিয়া তাঁহারই দিকে আগাইয়া আসিতেছে।

এমন সময়ে বাহিরে বাঁশীর শব্দ হইল—করণ, কোমল। সে স্বর যেন অন্ধকারের অরণ্যানী ভেদ করিয়া কাহার সন্ধানে চলিয়াছে। ক্রমশঃ শব্দটি আগাইয়া আসিতে আসিতে সহসা জানালার ধারে আসিয়া যেন মৃচ্ছিত হইয়া পড়িল। সঙ্কে সঙ্কে বাহিরে দরজার নিকট পায়ের শব্দ শোনা যাইতে লাগিল। বিহ্বল হইয়া মা উঠিয়া দাঁড়াইলেন।

সহসা ঘরের দরজা খুলিয়া গেল। প্রথমে একটা বৃহৎ টুপিওয়ালা মাথা দরজার ফাঁক দিয়া ঢুকিল, তারপর সেইটুকু ফাঁক দিয়া একখানি রোগা শরীর সোজাভাবে ঘরে আসিয়া নীরবে ডান হাতটি তুলিয়া দীর্ঘ-শ্বাস ফেলিয়া বলিল, “নমস্কার!”

মা নীরবে অভিবাদন গ্রহণ করিলেন।

“পাভেল এখনও ফেরেনি বুঝি?”

কোনও অভ্যর্থনার অপেক্ষা না করিয়াই আগন্তুক যুবকটি আপনার মনে ওভারকোটটি খুলিয়া রাখিয়া গা হইতে বরফ ঝাড়িয়া ঘরের চারিদিকে দেখিতে লাগিল।

“এ কি আপনাদের নিজেদের বাড়ী, না ভাড়া নিয়েছেন?”

“ভাড়া নিয়েছি।”

“তেমন সুবিধের বাড়ী নয় তো!”

সে কথার আর কোনও উত্তর না দিয়া মা বলিলেন, “একটু বসো, পাঁভেল এক্ষুণি আসবে।

“তাতে কি হয়েছে! বসবো তো নিশ্চয়ই।

আগন্তকের কোমল কণ্ঠস্বর এবং সরল অমায়িকতায় মায়ের মনে একটু সাহসের সঞ্চার হইল। যুবকটির দিকে চাহিয়া তাঁহার ইচ্ছা হইল জিজ্ঞাসা করেন, নাম কি, কোথায় থাকে, কতদিনই বা পাঁভেলের সঙ্গে আলাপ। মা প্রশ্ন করিবার পূর্বেই সহসা যুবকটি প্রশ্ন করিয়া বসিল, “তোমার কপালে কাটার দাগ কেন মা?”

মাহুষের কণ্ঠে যতখানি কোমলতা ও করুণা থাকা সম্ভব, ঠিক ততখানি করুণ-কোমলতায় আগন্তুক এই প্রশ্ন করিয়াছিল কিন্তু তৎসঙ্গেও তিনি তাহাতে অপমানিত বোধ করিলেন। ক্রুদ্ধস্বরে বলিতে গিয়া ঈষৎ সংযত হইয়া তিনি বলিলেন, “তাতে তোমার কি প্রয়োজন?”

তেমনি সহজ ও নির্বিকার চিত্তে যুবক বলিয়া উঠিল, “রাগ করো না মা! কেন জিজ্ঞেস করলাম, জানো? যে মা আমাকে পালন করেছিল, তারও কপালে ছিল ঐ রকম একটা দাগ। তাঁর স্বামীটি ছিলেন মুচি আর সে ছিল ধোপানী। একদিন রাগের মাথায় জুতো-শেলাই করা একটা যন্ত্র দিয়া সে-লোকটা মার কপালে ঐ রকম দাগ করে দেয়। নিতাই সে লোকটা মাকে মারতো আর রাগে আমার সমস্ত শরীর ফুলে ফুলে উঠতো!”

সহসা যুবকের এই কুণ্ঠাহীন আত্মপ্রকাশে তাহার উপর যে তিনি রাগিয়াছিলেন তাহা ভাবিতে মনে মনে লজ্জিত হইয়া উঠিলেন। বলিলেন, “না, রাগ করিনে বাছা, তবে, তবে কিনা তুমি বড় শিগ্গির প্রশ্রুতি করে ফেলো কিনা! আমার এই দাগ—এ আমার স্বামীর পুণ্য-স্মৃতি! তিনি এখন স্বর্গে—সে অনেক দিনের কথা—বাছা, তুমি কি তাতার?”

“এখনও তাতার হই নি!”

“তবে, তুমি?”

“আমি লিটল রাশিয়ান—আমার বাড়ী কেনিয়াভ শহরে।”

“কতদিন হল এখানে আসা হয়েছে?”

“একমাস হলো আপনাদের কারখানা দেখতে আমি এখানে আসি। সেখানে কতকগুলি ভালো লোকের সঙ্গে পরিচয় হয়। তার মধ্যে আপনার ছেলেও ছিল। এখানে হয়ত আরও কিছুদিন থাকতে হবে।”

আগন্তকের মুখে পুত্রের প্রশংসা শুনিয়া মায়ের অন্তর গলিয়া গেল। জিজ্ঞাসা করিলেন, “একটু চা খাবে কি।”

“বাঃ আমি একা একা খাবো কি করে? ওরা সবাই আম্বক—তখন আপনার হাতের চা সবাই মিলে খাবো।”

আরও অনেকে আসিবে এই কথা মনে পড়িতেই মায়ের মন আবার আশঙ্কায় তুলিয়া উঠিল। মনে মনে অন্তর্যামীকে ডাকিয়া বলিলেন, “হে প্রভু, তারা যেন সবাই এরই মত হয়।”

আবার বাহিরে পদশব্দ হইল। এবারে যে আসিল, সে নারী। অতি সামান্য পোষাক, মাঝামাঝি গড়ন—মাথায় এক রাশ ঘন কালা চুল। ঘরের মধ্যে প্রবেশ করিয়াই সে বলিল, “দেবী হয়ে গেছে বুঝি!”

লিটল রাশিয়ান বলিল, “না। হেঁটে এলে বুঝি?”

“নিশ্চয়ই! আপনি বুঝি পাভেলের মা! নমস্কার! আমার নাম জানেন না তো? আমার নাম নাটাশা।”

মেয়েটির কণ্ঠস্বরের পরম আত্মীয়তায় মার মন শান্ত হইল।

মেয়েটির গা হইতে বরফ ঝাড়িয়া দিতে দিতে লিটল্ রাশিয়ান্ জিজ্ঞাসা করিল, “বাইরে ভয়ানক ঠাণ্ডা—না?”

“ওঃ—ঠাণ্ডা বলে ঠাণ্ডা। আর কি হাওয়া দিচ্ছে, উঃ—”

ঠাণ্ডায় দুই হাত দিয়া দুই কপোল ঘষিতে লাগিল। মা তাড়াতাড়ি বলিয়া উঠিলেন, “আহা বাছা, একটু আগুন করে দি, কেমন?” বলিয়াই তিনি রান্না ঘরে চলিয়া গেলেন।

‘রান্নাঘরে আসিয়া মেয়েটির মুখ মনে করিতেই মায়ের মনে হইল যেন মেয়েটি তাঁহার বহুকালের পরিচিত। আপনার প্রবাসী কন্যা যেন বহুকাল পরে ঘরে ফিরিয়া আসিয়াছে। আগুন তৈয়ারী করিতে করিতে মা শুনিতে লাগিলেন, পাশের ঘরে তাহারা কথা বলিতেছে—মেয়েটি জিজ্ঞাসা করিতেছে, “তোমাকে কেমন বিষন্ন মনে হচ্ছে, নাখোদকা”।

লিটল্ রাশিয়ান উত্তরে বলে, “পাভেলের মায়ের চোখ দেখে আমার নিজের মায়ের কথা মনে পড়ছে। মনে হচ্ছে—তাঁরও ঠিক ঐরকম চোখ ছিল। আমার বিশ্বাস কি জানো, আমার মা এখনও বেঁচে আছেন—”

“তুমি না বলেছিলে তোমার মা মারা গেছেন?”

“যে-মা আমাকে পালন করেছিল সে মারা গিয়েছে। আমার নিজের গর্ভধারিণী—তাঁর কথা এখন আমার মনে হচ্ছে হয়ত এই কিয়ৎ শহরের কোন্ অন্ধকার গলিতে মা আমার ভিক্ষে করে বেড়াচ্ছে—ভিক্ষে করে যা পায় তাই দিয়ে মদ খায়—”

“আঃ—ওকরম করে কেন ভাব্‌চো?”

“জানি না। হয়ত বেহুঁস হয়ে গিয়ে রাস্তায় পড়ে গিয়েছে। পুলিশ মারতে মারতে থানায় নিয়ে যাচ্ছে—”

রান্নাঘরে মায়ের চোখ অশ্রুতে ভরিয়া ওঠে। আগুন তৈয়ারী করিয়া মা ঘরে আসেন। এমন সময় আবার মায়ের শব্দ। এবারে প্রবেশ

করিল গাঁয়ের নামজাদা চোরের ছেলে নিকোলে। নিকোলেকে দেখিয়া মা বিস্ময়ে বলিয়া উঠিলেন, “তুমি এখানে !

“পাভেল আছে ? এই যে তোমরা এসেছ—”

মা বিস্ময়ে নির্বাক হইয়া দেখিলেন, নাটাশা আগাইয়া আসিয়া হাত ধরিয়া তাহাকে বসাইল। তা হলে এও এ দলে আছে।

তারপর আরও দুটি লোক আসিল—দুটি বালক। তাহাদের একটিকে তিনি আবার চিনেন। কারখানার দরওয়ানের ছেলে ইয়াকুব। অবশেষে আরও দুইটি পরিচিত লোককে লইয়া স্বয়ং তাঁহার পুত্র আশিয়া উপস্থিত হইল। পরিচিত লোক দুইটি তাঁহাদের কারখানারই কুলী ! সকলের মুখের দিকে চাহিয়া মায়ের মনে হইল, ইহারা তো কেহই ভয়ানক নয় ! তবে পাভেল কেন তাঁহাকে মিছামিছি ওসব কথা বলিয়া ভয় দেখাইল ?

একটু আড়ালে পাইয়া ছেলেকে চুপিচুপি জিজ্ঞাসা করিলেন, “এদেরই ভয়ানক লোক বলে ?”

ঘাড় নাড়িয়া পাভেল বলিল, “এরাই ভয়ানক লোক।”

মমতায় সকলের দিকে চাহিয়া মা বলে, মাগো, এরা যে সব দুখের বাছা !

মা চা তৈরী করিতে লাগিলেন।

নাটাশা কথা বলিতে আরম্ভ করিল। বলিল “মানুষ কেন এত জঘন্ত ভাবে জীবনযাত্রা পরিচালনা করতে বাধ্য হয়, তা বুঝতে হলে—”

লিটল্ রাশিয়ান বাধা দিয়া বলিল, “বল, মানুষ নিজেকে কেন এত জঘন্ত হয়, তা বুঝতে হলে—”

“কি রকমভাবে তারা জীবন আরম্ভ করে সেটা দেখতে হবে প্রথমে—”

চা করিতে করিতে সহসা মা বলিয়া উঠিলেন, “তাই দেখ, বাছা, তাই দেখ !” সহসা সকলের কথা থামিয়া গেল। পাভেল বিস্মিত হইয়া কপাল ঝুঁচকাইয়া মাকে জিজ্ঞাসা করিল, “কি বলছো, মা ?”

অপ্রস্তুত হইয়া মা বলিলেন, “কিছু নয় বাবা, আমি নিজের মনে কথা বলছিলাম”—বলিয়াই তিনি চা পরিবেশন করিতে লাগিলেন। ছোট মেয়েটির মত নাটাশা বলিয়া উঠিল, “মাগো, তোমার বাড়ীতে তোমার ছেলে-মেয়েরা এসেছে—এতে আবার বাধার কি আছে? উঃ—বাবা—বড় ঠাণ্ডা—শিগ্গির চা দাও—”

নাটাশা এবং পাভেল হাসিয়া উঠিল। ব্যাপারটা চাপা দিবার জন্ত লিট্‌ল রাশিয়ান বলিয়া উঠিল, “চমৎকার চা হয়েছে মা?”

• “বা রে ছেলে, না খেয়েই বলে ভাল হয়েছে।’ তারপর পুত্রের নিকটে গিয়া সঙ্কুচিতভাবে বলেন, “তোদের কাজে বাধা দিলাম না কি রে?”

নাটাশা পড়িতে আরম্ভ করিল। অতি সন্তুর্পণে মা কাপ আর ডিস নাড়িতে লাগিলেন—পাছে শব্দে তাহাদের কোনও অসুবিধা হয়। স্রামোভারের অগ্নি-শিখার মথিত শব্দের সঙ্গে নাটাশার কণ্ঠস্বর মিশিয়া ঘরে এক অপূর্ব সঙ্গীতের সৃষ্টি করিল। নাটাশা পড়িতেছিল—প্রাচীনতম মাহুঘের কাহিনী—যখন তাহারা বন্যপশু শিকার করিয়া গুহায় গুহায় জীবন অতিবাহিত করিত—মা আনন্দিত চিত্তে সেই অপরূপ গল্প শুনিতেছিলেন এবং মাঝে মাঝে বিস্ময়ে পুত্রের মুখের দিকে চাহিয়া নীরবে জিজ্ঞাসা করিতেছিলেন—ইহার মধ্যে বে-আইনী কি আছে?

পাভেল নাটাশার পাশেই বসিয়াছিল। দলের মধ্যে সে-ই সবচেয়ে সুন্দর। নাটাশা বই-এর উপর খুঁকিয়া পড়িতেছিল—মাঝে মাঝে হাত দিয়া ঝুলিয়া-পড়া চুলের গোছাগুলি পিছন দিকে সরাইতে সরাইতে বিমুগ্ধ শ্রোতাদের দিকে চাহিয়া বই-ছাড়া দুই-একটা কথা বলিতেছিল।

ঘরখানির রূপ যেন বদলাইয়া গিয়াছে। যেন কোথা হইতে একটা অপরূপ স্বচ্ছন্দতা ফুলের মত অনাড়ম্বরে ফুটিয়া উঠিয়াছে। মায়ের মন অজ্ঞাতসারে তাহাতে সায় দিয়া উঠিল। জীবনে তিনি সন্ধ্যার এই

অপরূপ শাস্তির স্পর্শ কখনও পান নাই। তাই আজিকার এই শাস্ত সজ্জার আনন্দ-স্পর্শ চরম দুঃখে তাঁহাকে স্মরণ করাইয়া দিল—তাঁহার যৌবনের কোলাহল-রোদান্ত সজ্জার কথা—নিশ্বাসে তাহাদের ভোদকার তীব্র গন্ধ—মুখে কি কুৎসিত সব ভাষা—। এইসব, আরও অনেক কথা মায়ে মনে জাগিয়া উঠিল। সহসা নিজের শতছিন্ন হৃদয়ের দিকে চাহিয়া নিজের জঘ এক অপরূপ কল্পনার বোঝা তাঁহাকে পাইয়া বসিল।

মনে পড়িল, তাঁহার স্বামীর সহিত প্রথম সাক্ষাতের দিন!—এক আড্ডায় তাঁহার সঙ্গে দেখা। উন্মাদ মাতাল হইয়া লোকটি হাত ধরিয়া তাহাকে টানিয়া অন্ধকার দেয়ালে কোণ-ঠাসা করিয়া ধরিল—দেহের সমগ্র ভার দিয়া দেয়ালে ঠেলিয়া মত্ত-তিক্তকণ্ঠে জিজ্ঞাসা করিল, “এই, আমাকে বিয়ে করবি?”

মত্ত দানবের হাত হইতে আত্মরক্ষা করিতে কি বৃথা চেষ্টাই না সেদিন করিতে হইয়াছিল।

“চূপ করে দাঁড়িয়ে থাক, বলছি—নইলে জবাব দে আমার কথার—
জ্বাকামো, ওসব জ্বাকামো খুব জানি—মনে মনে তো খুব খুশী যাঃ, কাল তোদের বাড়ীতে ঘটক পাঠাবো বুঝলি?”

পরের দিন ঘটক আসিল। বিবাহ হইয়া গেল। সমস্ত দৃশ্য মনে করিতে, মায়ের অন্তর হইতে একটি স্বগভীর দীর্ঘনিশ্বাস বাহির হইয়া আসিল।

...তখন আলোচনা তুমুল তর্কে পরিণত হইয়াছে। প্রত্যেকেই তারস্বরে চেষ্টাইতেছে এবং মায়ের মনে হইল তাহারা সকলেই যেন রাগিয়া গিয়াছে। কিন্তু আশ্চর্যের ব্যাপার, কেহই কোন কুৎসিত কথা উচ্চারণ করিতেছে না এবং যে যেখানে ছিল সেইখানেই বসিয়া আছে।

মা শুনিতেছিলেন ছেলে বলিতেছে, “যারা আজ আমাদের

ঘাড়ে চেপে বসে আমাদের চোখ বেঁধে রাখতে চাইছে তাদের আমরা জানিয়ে দিতে চাই, আমরা অন্ধ নই—পশুও নই। শুধু ছমুঠো অম্লের জগ্গে এ জীবন নয়। আমাদেরও অধিকার আছে এই পৃথিবীতে মানুষের মতন মানুষ হয়ে বেঁচে থাকবার। আজ যারা আমাদের এই দাসত্বে, এই প্রাণহীন জড়ত্বে, এই অবিরাম বোঝা দিয়ে বেঁধে রেখেছে, তারা জাহ্নুক যে তাদের বিত্তাবুদ্ধি মেপে দেখবার মত শক্তি এখনও আমাদের লুপ্ত হয়নি। আর আত্মিক ধর্মের কথা। আমরা এখনও সেদিকে তাদের ঢের উর্দ্ধে!...

মধ্যরাত্রি পর্য্যন্ত তর্ক চলিল। বিদায়ের সময় নাট্যাশাকে কাছে লইয়া মা বলিলেন, “এই ঠাণ্ডায় অত পাতলা মোজায় কি চলে? একটা পশমের মোজা বুনে দেব, কেমন?”

আনন্দ-কলহাস্তের মধ্যে যে যাহার বিদায় গ্রহণ করিল।

পুত্রকে একান্তে পাইয়া মা বলিলেন, বড় ভাল লোক সব। লিটল রাশিয়ান ছেলেটির মন বড় ভাল, আর মেয়েটি কেমন ফুটফুটে মেয়ে—ও কে রে?”

ঘরের মধ্যে পায়চারি করিতে করিতে পাভেল উত্তর দিল, “একজন শিক্ষয়িত্রী।”

“খুব গরীব—না? এই ঠাণ্ডায় ওরকম পাতলা ছেঁড়া পোষাক পরে থাকলে যে অস্থির করবে—ওর কি আত্মীয়-স্বজন নেই?”

“আত্মীয়-স্বজন! আছে বই কি! তাঁরা সব মস্কো শহরে থাকেন। বাবা মস্ত বড়লোক—লোহার ব্যবসা আছে। ও এই আন্দোলনে যোগ দিয়েছে বলে ওর বাবা ওকে বাড়ী থেকে তাড়িয়ে দিয়েছে। ছেলেবেলাটা আদরে যত্নে লালিতপালিত হয়েছে, যখন যা চেয়েছে তাই পেয়েছে, আর আজ এই অন্ধকার রাত্রিতে এই ঠাণ্ডার মধ্যে চার মাইল পথ পায়ে হেঁটে সে একলা চলেছে—

মা অবাক হয়ে গেলেন। বলিলেন, “এই রাস্তিরে একা এখন চলো সেই শহরে?”

“হাঁ।”

“ভয় করবে না ওর?”

“না।”

“আচ্ছা, এত রাস্তিরে যাবারই বা কি দরকার ছিল, ও তো অনায়াসে মাজ রাস্তিরে আমার কাছে গুয়ে থাকতে পারতো?”

“তা পারতো কিন্তু কাল সকালে যদি কেউ ওকে এখানে দেখতে পায় তাহলে বিপদ হবে!”

ভুলে-যাওয়া আশঙ্কার ছিন্ন হৃদ্র আবার মার মনে জোড়া লাগে। বলেন, “আচ্ছা, এতে বে-আইনী কি আছে? এই তো আমি সব গুনলাম এতে ভয় করবারই বা কি আছে? কই, কেউ তো একটাও অত্মায় কিছু করলো না!”

“আমরা যা করেছি তাতে অত্মায় কিছু নেই, আমরা যা করবো তাতেও অত্মায় কিছু থাকবে না। কিন্তু তবুও আমাদের জন্তে জেলের দরজা খোলাই রয়েছে। একথা তোমার জানা দরকার, মা!”

মায়ের দুর্বল দেহ কাঁগিয়া উঠিল। কণ্ঠস্বর ধরিয়৷ আসিল। বিহ্বলের মত তিনি বলিয়া উঠিলেন, “ভগবান্ করুন, তোরা কোনও রকমে বেঁচে যা!”

শান্ত কণ্ঠে পুত্র বলিল, “তোমার কাছে আজ আর লুকোবো না মা! ভগবানও আমাদের বাঁচাতে পারবেন না। জেলে যাওয়া ছাড়া আর আমাদের মুক্তি নেই। যাও, রাত হয়েছে আজ খাটুনিও হয়েছে অনেক—আমি ঘুমতে চল্লুম—

একা জানালার কাছে দাঁড়াইয়া মা বাহিরের পথের দিকে চাহিয়াছিলেন। বাহিরে তখন গাঢ় অন্ধকারে ঝড়ে তুষারকণা উড়িতেছে।

বাহিরের দিকে চাহিয়া থাকিতে থাকিতে সহসা মায়ের চোখের সম্মুখে জাগিয়া উঠিল,—তুষারভরা এক বিরাট প্রান্তর! হ্রস্ব বাতাস তুষারের কণা লইয়া দুর্ন্দদ খেলায় রত। সেই তুষার আর ঝঞ্ঝার মধ্য দিয়া একা চলিয়াছে, এক ক্ষীণ-দেহা বালিকা। অবনত শাখার মত তাহার সর্বদেহ বাতাসে ছলিয়া উঠিতেছে। কখনও বরফে পা ডুবিয়া যাইতেছে, কখনও ঝড়ে ঘাসের মত ঝাঁকিয়া বরফের উপর পড়িয়া যাইতেছে আবার উঠিতেছে, পাশে তাহার গভীর দুর্গম বন ঝঞ্ঝা-আহত হইয়া ক্রন্দন করিতেছে। সামনে, ঐ দূরে প্রান্তরের শেষে ক্ষীণ উমালোকে জাগে শহর...

উর্দ্ধ আকাশের দিকে হাত তুলিয়া মা বলিয়া উঠেন, “রক্ষা করো ভগবান্!”

জপের মালার মত নিঃশব্দে দিনের পর দিন চলিয়া যায়। প্রতি শনিবার পাভেলদের বাড়ীতে আড্ডা বসে। প্রতি সপ্তাহ যেন একটা সিঁড়ির এক একটা ধাপের মত। তাহার উপরের ধাপে যে কি আছে তখনও অদৃশ্য।

নূতন লোক আসে। পাভেলের ছোট্ট ঘর লোকে ভরিয়া ওঠে। ক্রমে সপ্তাহে দুইবার করিয়া সভা বসে।

মা বিশ্বয়ে তাহাদের কথাবার্তা শোনেন। মাঝে মাঝে তাহারা গান গায়—কিন্তু তাহার স্বর, ভাষা মায়ের কাছে সব নূতন লাগে। সকলে মিলিয়া চাপা গলায় তাহারা একরকম গান গায়। শুধু উপাসনা মন্দিরে মা সেইরকম গম্ভীর স্বর শুনিয়াছিলেন।

মায়ের আরও বিশ্বয় লাগিত যখন দেখিতেন কথা বলিতে বলিতে সহসা তাহাদের সকলের মুখ উজ্জ্বল হইয়া উঠিত। বিশেষ করিয়া যেদিন তাহারা অপর কোন দেশের শ্রমিকদের কথা খবরের কাগজ হইতে পড়িত, সেদিন তাহারা আরও চঞ্চল, আরও প্রদীপ্ত হইয়া উঠিত। চোখ দিয়া তাহাদের আনন্দ

ঠিকরাইয়া পড়িত—ছোট ছেলের মত আনন্দে তাহারা সমস্ত ভুলিয়া যাইত। আনন্দে উত্তেজিত হইয়া কেহ চীৎকার করিয়া উঠিত। জয়, ফ্রান্সের শ্রমিকদের জয়!

কখনও বলিত, দীর্ঘজীবী হক ইতালির কমরেড্‌রা!

বহুদূরের সেই সমস্ত অজানা সঙ্গীদের উদ্দেশ্যে কায়মনে নতি জানাইয়া তাহারা আনন্দে উৎফুল্ল হইয়া উঠিত। তাহাদের কথাবার্তা শুনিয়া মায়ের মনে হইত যে, তাহারা বিশ্বাস করে যে দূরে থাকিয়াও তাহারা এই অভিবাদন শুনিয়াছে, না দেখিয়াও তাহারা জানিয়াছে, রুশিয়ার এক কোণে এক বন্ধ ঘরে কয়েকজন সহবাত্রী বন্ধু তাহাদের হৃদয় দিয়া বুঝিয়াছে।

লিটল রাশিয়ান বলিয়া উঠিত, কমরেড্‌, তাদের লিখে জানান দরকার যে, স্বদূর রুশিয়ায়ও তাদের বন্ধুরা আছে, যারা তাদের মত এক আদর্শ ধরে চলেছে এবং তাদের জয়ে আজ আনন্দে উৎফুল্ল।”

তারপর তাহারা আনন্দোদ্ভাসিত মুখে জার্মান, ইংরেজ, ইতালিয়ান, ফরাসী দেশের শ্রমিকদের কথা বলিত, যেন তাহারা সব অতি নিকট বন্ধু, রহিলই বা তাহারা দূরে, ব্যক্তিগত পরিচয়ের সীমানার বাহিরে।

সেই ক্ষুদ্র ঘরে কয়েকজন অজ্ঞাতনামা যুবকের আলোচনায় নিখিল বিশ্বের আর্ন্ত সর্বস্বত্বদের এক অতি ঘনিষ্ঠ আত্মীয়তার অমুভূতি মূর্তি ধরিয়া উঠিত। এই নিবিড় অমুভূতির প্রেরণায় তাহারা সকলে একাত্ম হইয়া যাইত। তাহারই স্পর্শে মায়ের অন্তর সহসা সচকিত হইয়া উঠিত। না জানিয়াও, না বুঝিয়াও সেই আনন্দময় যৌবন-উন্মাদনার গতিবেগে আনন্দে তাঁহার মন সায় দিত।

একদিন লিটল রাশিয়ানকে ডাকিয়া তিনি বলিলেন, “ভান্নি মজার লোক তোরা! তোদের সবাই বন্ধু, আর্মেনিয়ানরা তোদের বন্ধু, যিহুদীরা তোদের বন্ধু, জার্মানরাও তোদের বন্ধু। সবাই হুঃখে তোরা কাঁদিস্‌ সবাই হুঃখে তোরা হাসিস্‌।”

অস্তরের আবেগে লিটল রাশিয়ান বলে, “সবার জন্তে আমরা, আমাদের জন্তে সবাই—মা! এই পৃথিবীতে আমাদের কোন জাত নেই, কোনও আলাদা দেশ নেই! আমরা জানি, শুধু শত্রু আর মিত্র। জগতের যত শ্রমিক আছে, তারা আমাদের মিত্র, আর যত ধনী আছে, যত আছে প্রভুত্বপারায়ণ ব্যক্তি সবাই আমাদের শত্রু! আমরা শ্রমিক, সবাই এক মায়ের সন্তান। একই আদর্শ আমাদের সকলের বুকে। এক সূত্রে গড়ে তুলতে হবে এই বিশ্ব-জোড়া ভ্রাতৃত্বের বন্ধনকে। বুকের ভেতরে এই কথা মনে দেয় আলো, দেহে দেয় তেজ; দ্বিতীয় সূর্যের মত আলোয় ভরিয়ে তোলে এই অন্ধকার জীবন, জাগায় নূতন স্বর্গ। সে স্বর্গ কোথায় জানো মা? আমাদের বুকে, বঞ্চিত মানুষের বুকে রয়েছে সে স্বর্গ। তাই, সে যেই হোক, যেখানেই থাকুক, যাই হোক তার নাম সে যদি সাম্যবাদী হয়, তা হলে সে আমার বন্ধু, অস্তরের মিতা,— যুগে যুগান্তরে।”

এই উন্মাদনা, এই শিশু-স্বলভ উল্লাস, অস্তরের আদর্শে এই সুবিপুল বিশ্বাস ধীরে ধীরে দলের সকলের চিত্ত অধিকার করিতে লাগিল। প্রতিদিন সেই দৃশ্য দেখিয়া অস্তরের অন্তরতম প্রদেশে মা অমুভব করিতে লাগিলেন যে, সূর্যের মত প্রদীপ্ত রশ্মি লইয়া সত্য জাগিয়া উঠিতেছে—আকাশের সূর্যের মত তাহার অস্তিত্ব মা অস্তরে অমুভব করিতে লাগিলেন।

নিকোলের বাবা চুরি করিয়া মাঝে মাঝে প্রায়ই শ্রীঘর বাস করিত। সেই সময় নিকোলে পরমোন্মাদে ঘোষণা করিত, “এখন দিন কতকের জন্তে আমার বাড়ীতে সভার অধিবেশন বসতে পারে। পুলিশ আমাদের বড়জোর চোর বলে সন্দেহ করবে।”

প্রতিদিন সন্ধ্যাবেলা পাভেলের সঙ্গে কারখানার ছুটির পর কোন না কোন একজন লোক আসিত। চুপি চুপি পাভেলের সঙ্গে কি পড়িত, তারপর কাগজ পেলিল লইয়া বই হইতে কি লিখিয়া লইত। এই

কাজে তাহারা এতদূর মত্ত হইয়া থাকিত যে, কারখানা হইতে আসিয়া হাত মুখ পর্যন্ত ধুইত না। বই হাতে করিয়াই চা পান করিত। তাহাদের কথা মায়ের কানে আসিয়া পৌছিত কিন্তু ক্রমশ তাহাদের কথা তাঁহার কাছে আরও দুর্বোধ্য হইয়া উঠিতে লাগিল।

মা প্রায়ই তাঁহার ছেলেকে বলিতে শুনিতেন, “এবার একখানা খবরের কাগজ চাই!”

যত দিন যায়, মা দেখেন, চারিদিকের জীবন যেন আরও চঞ্চল হইয়া যাচ্ছে। ছেলের দল যেন আরও ব্যস্ত হইয়া পড়িয়াছে। ফুল ফোটার সময় বাগানে ভ্রমরদের অবিরাম ভিড়ের মত মায়ের মনে হইল সহসা তাহাদের যাওয়া-আসা ঘোরাঘুরি যেন বাড়িয়া গিয়াছে।

কিন্তু লিটল রাশিয়ানকে মা যত দেখিতেন, ততই তাঁহার হৃদয় স্নেহে উথলিয়া উঠিত, তাঁহার মনে হইত, যেন কে একটি শিশু কোমল হাতে তাঁহার কণ্ঠ বেড়িয়া ধরিতেছে। রবিবার দিন পাভেলের অবসর না থাকিলে সে আসিয়া মায়ের রান্নার জন্ত কাঠ কাটিয়া উছন ধরাইয়া দিত। কাজ করিবার সময় প্রায়ই সে শীঘ্র দিত। গানের স্বরের মত কোমল, করুণ।

একদিন ছেলেকে ডাকিয়া মা বলিলেন, “আচ্ছা, লিটল রাশিয়ান যদি আমাদের এখানে থাকে, তা হলে তো বেশ হয়! তোদের দুজনেরই সুবিধে হবে—ছোট্টাছুটি করতে হয় না!”

“নিজের বোঝা বাড়িয়ে তোমার কি লাভ?”

“ঐ দেখো কি কথা। চিরকাল কিসের জন্তে এত বোঝা বয়ে বেড়ানাম, আজও জানি না। তবে মনে হয় একজন ভাললোকের জন্তে যদি একটু বোঝা বাড়ে ত বাডুক।”

“তোমার যা ইচ্ছে কর মা। সে যদি থাকে, আমি খুব সুখীই হব।” মায়ের অহুরোধে লিটল রাশিয়ানকে পাভেলদের বাড়ীতেই থাকিতে হইল।

গ্রামের ধারে পাভেলদের ছোট্ট বাড়ীটি ক্রমশ সকলের দৃষ্টি আকর্ষণ করিল। নানারকমের সম্মেলনের দৃষ্টি বাড়ীর দরজার আশেপাশে উকি-ঝুঁকি দিতে লাগিল। এই বাড়ীর ব্যাপারটা কি জানিবার জন্য গ্রামের লোকদের কৌতূহলের আর সীমা পরিসীমা নাই। রাত্রি বেলা কেউ হয়ত পাঁচিল বাহরা জানালা দিয়া উকি দিয়া দেখে ঘরের মধ্যে কি হইতেছে; কেউ বা ছুটু মি করিয়া বাড়ীর কড়া নাড়া দিয়া চলিয়া যায়।

পাভেলের মা রাস্তায় বাহির হইলে, লোকের প্রশ্নের আর বিরাম থাকে না। একদিন গ্রামের সরাইখানার বুড়ো মালিক রাস্তায় পাইয়া তাঁহাকে জিজ্ঞাসা করিল, “বলি পাভেলের মা, ব্যাপারখানা কি? তোমার বাড়ীতে রোজ কোথাকার সব ছোঁড়াছুঁড়ীদের মেলা বসে—ফিস্ফাস্ করে সব কথা কয়, বলি ব্যাপারখানা কি? অত ফিস্ফাস্ করে কি কথা হয়? কই, আমার হোটেলে এসে তারা কথা বলাবলি করুক না? আর নির্জন ঘায়গা যদি চাও, বাবা, গির্জা আছে। হোটেলেও আসবে না, গির্জায়ও যাবে না—এর মধ্যে নিশ্চয়ই গোলমাল আছে। ও সব ভাল বুঝি না তো। উপযুক্ত ছেলে, বিয়ে না দিলে উচ্ছন্ন যাবে!”

বাড়ীর কাছে কামারদের গিন্নী মারিয়ার সঙ্গে দেখা। সে বলে, “বলি ছেলেকে একটু সাবধানে রেখো।”

“কেন?”

“তারা সব কি দল গড়েছে শুনিছ? ওরা বলছিলো, ওসব ভাল নয় চাবুক নিয়ে ওরা নিজেরা মারামারি করে নাকি।”

মায়ের মুখ হইতে বাহিরের এই সমস্ত কথা শুনিয়া পাভেল আর লিটল রাশিয়ান হাসে।

একদিন রহস্যচ্ছলে মা বলিলেন, “গাঁয়ের মেয়েগুলো তোদের ওপর ভারী চটা। তোরা মদ খাস্ না, মারধোর করিস্ না, তবুও বিয়ে করবি না কেন? তোদের মত ছেলে ক’টা মেয়ে পায়? কিন্তু মেয়েগুলোর

রাগ, তোরা তাদের দিকে একবার ফিরেও তাকাস্ না। ওরা কি বলে জানিস, আমাদের বাড়ী যে সব মেয়ে আসে, তাদের নাকি চরিত্র খারাপ—”

পাভেল গম্ভীরভাবে বলে “তা তো হবেই।”

লিটল রাশিয়ান মায়ের কাছে আগাইয়া আসে। বলে, “কি জান মা, পানাপুকুরের সবই দুর্গন্ধ লাগে। বিয়ে-করা যে কি জিনিষ, মেয়ে-গুলোকে বুঝিয়ে বলতে পার না মা? হাড় ক’খানা দেহে আছে, তাতে কি অসোয়াস্তি হচ্ছে তাদের?”

দীর্ঘশ্বাস ফেলিয়া মা বলেন, “তারা কি জানে না? তবে তারা কি করবে? এ ছাড়া আর উপায় কি? আচ্ছা তাদের ডেকে এনে তোরা বোঝাতে পারিস্ না?”

পাভেল তেমনি গম্ভীরভাবে উত্তর দেয়, “তাদের যদি এখানে ডেকে আনি কি হবে জানো? কিছুদিন পরে দেখবে যে-যার জোড়া বেঁধে চলে গেছে ঘর-সংসার করতে—”

মায়ের চিন্তা আর বেশী দূর অগ্রসর হইতে পারে না। পুত্রের গাম্ভীৰ্য্য তাঁহার অন্তরকে ব্যথিত করিয়া তোলে।

একদিন রাত্রি বেলা মা শুইয়া শুনিতেছেন; তাঁহার ছেলে আর লিটল রাশিয়ান কথা বলিতেছে। লিটল রাশিয়ান বলিতেছে, “তুমি তো জানো, আমি নাটীশাকে ভালোবাসি—”

“জানি!”

“আচ্ছা, সে কি জানে যে আমি তাঁকে ভালবাসি?”

“জানে! এবং সেই জন্তেই সে ইদানীং এখানে আসা ইচ্ছে করে বন্ধ করেছে।”

লিটল রাশিয়ান বিছানা হইতে উঠিয়া ঘরের মধ্যে পায়চারি করিতে করিতে কি ভাবে। তারপর বলে, “আচ্ছা, আমি যদি তাকে সব কথা বলি? যদি বলি আমি—”

“কেন বলবে?”

“কেন? কাউকে যদি তুমি ভালবাস, আর তাকে না জানাও—তা হলে তার মানে কি থাকে?”

“এ থেকে তুমি কি মানে চাও?”

“বাঃ!”

“হাসি নয়, আন্দ্রি! তুমি যা চাইছো তার সম্বন্ধে তোমার স্পষ্ট ধারণা থাকা উচিত।—ধরে নিলাম যে, সেও তোমাকে ভালবাসে। বেশ, তোমাদের দুজনের বিয়ে হলো। তারপর এলো ছেলেমেয়ে। সে রইলো তার ঘর-সংসার নিয়ে, তুমি রইলে তোমার ছেলেমেয়ের আহাৰ সংস্থানের ব্যবস্থা করতে। সেই গডলিকাস্ত্রোত। যে কাজের জন্তে তুমি এলে, যে আদর্শের জন্তে জীবন, তার কি হলো? আমি বলি কি জানো? যা মনে আছে, তা মনেই থাক। ওকে কিছুই জানাবার কোনও দরকার নেই।”

কিন্তু একথা তুমি কেন বলছো—সেদিন আইভানোভিচ যা বলেন, তা মানো না? মানুষকে বেঁচে থাকতে হলে, চাই তার পরিপূর্ণ বিকাশ, দেহের এবং মনের?”

“সে আমাদের জন্তে নয়! তুমি আমি কেমন করে পাবো পরিপূর্ণ জীবন? সে আমাদের জন্তেই নয়। ভবিষ্যৎকে যে ভালবেসেছে তাকে বর্তমানের সব কিছু বিসর্জন দিয়ে যেতে হবে। তা ছাড়া উপায় নেই, ভাই।”

“কিন্তু এ বড় কঠোর।”

“তা ছাড়া মুক্তি কোথায়?”

নিশ্চয় যেরে শুধু ঘড়ির পেণ্ডুলামের উদাসীন গতি জীবন হইতে প্রতি মুহূর্তে এক একটি ঋণ অপহরণ করিয়া চলিয়াছিল। মা বিছানায় আড়ষ্ট হইয়া শুইয়া আছেন। পাছে শব্দ হয়, তিনি পাশ ফিরিতে পর্যন্ত পারিতেছেন না।

দীর্ঘ নিঃশ্বাস ফেলিয়া লিটল রাশিয়ান বলিয়া উঠিল, “এ কি দুর্ভোগ, অর্ধেক হৃদয় ভালবাসবে, অর্ধেক হৃদয় স্থগা করবে! আচ্ছা, তা হলে, চুপ করে থাকতে হবে ভাই—”

একটু কোমল কণ্ঠে এবার পাভেল বলিল, “সে-ই ভাল হবে ভাই—”

“তবে তাই হোক বন্ধু! সেই পথেই হোক আমাদের যাত্রা! কিন্তু যেদিন তুমি এর স্পর্শ পাবে সেদিন তুমিও বুঝবে এ কত কঠোর, কত কঠিন।”

“বন্ধু, সে আমি এখনি বুঝছি।

“সত্যি?”

“হ্যাঁ।”

বাহিরে ঝড় বাড়ীর পাঁচিলে আছাড় খাইয়া ফিরিয়া ফিরিয়া চলিয়াছে। ঘরে পেগুলাম তেমনি ছলিতেছে। বালিশে মুখ গুজিয়া শিশুর মত মা কাঁদিয়া উঠিলেন।

সাম্যবাদীদের সম্বন্ধে গ্রামে ক্রমশ প্রকাশ্য আলোচনা চলিতে লাগিল। তাহারা এক রকম নীল-কালিতে-লেখা কাগজ গ্রামের চারিদিকে ছড়াইতেছিল। এই সমস্ত কাগজে কারখানার শ্রমিকদের হ্রবস্থার কথা, সেন্ট পিটস্‌বুর্গ এবং অগ্নাশ্র শহরের শ্রমিকদের ধর্মঘটের ব্যাপার, তাহাদের মালিকদের অত্যাচারের কাহিনী এবং সর্বশেষে তাহাদের সকলের একত্র হইয়া এই সমস্ত অগ্নাশ্রের বিরুদ্ধে সংগ্রাম করিবার জন্ত আবেদন থাকিত।

যে সমস্ত লোক বেশ দুই পয়সা রোজগার করিয়া সুখে-স্বচ্ছন্দে বাস করে, তাহারা এই সমস্ত কাগজ পড়িয়া রাগিয়া যাইত, বলিত, “যত সব বিপ্লবীর দল! ব্যাটাাদের চোখ উপড়ে নেওয়া দরকার!”

ছোকরারাই সকলের চেয়ে বেশী আগ্রহে এই সমস্ত পড়িত। বলিত, এ সবই সত্যি!

ইহা ব্যতীত অধিকাংশ লোক, গুরু কর্মভারে যাহাদের জীবন পল্লু হইয়া আসিতেছে, তাহারা অলস ঔদাসিন্যে ভাবিত, এতে কি হবে ? অসম্ভব !

কিন্তু একটা কথা বিশেষভাবে সত্য হইয়া দেখা দিল যে, এই সমস্ত নীল-কালিতে-লেখা কাগজ গ্রামের চারিদিকে একটা নূতন উত্তেজনার সৃষ্টি করিতেছিল। কোনও সপ্তাহ কাগজ না আসিলে, তাহারা আপনাদের মধ্যে বলাবলি করিত কই এ সপ্তাহে তো পাওয়া গেল না, বোধ হয় ছাপা বন্ধ করে দিয়েছে।

হঠাৎ আবার তাহার পরের দিন সেই কাগজ দেখা দিত। শ্রমিকদের মহলে একটা সাড়া পড়িয়া যাইত।

সেই সঙ্গে সঙ্গে গ্রামের সরাইখানাগুলোয়, কারখানায় কারখানায় নতুন ধরণের সব লোক দেখা দিতে লাগিল। তাহারা লোক ধরিয়া সব প্রশ্ন জিজ্ঞাসা করে, তাহাদের চোখ দেখিলে মনে হয়, সর্বদাই যেন তাহারা কি খুঁজিয়া বেড়াইতেছে।

কিন্তু মা জানিতেন, এই সমস্তই তাঁহার ছেলের কীৰ্ত্তি। দেখিতেন পাভেলকে ঘিরিয়া অনবরত একদল লোক ঘুরিয়া বেড়ায়। তাহাতে প্রথম মনে সাহস পাইতেন কিন্তু সেই সঙ্গে সঙ্গে যত দিন যায়, ততই এক অনির্দেশ্য ভয় তাঁহার মনকে পাইয়া বসিতে লাগিল।

একদিন সন্ধ্যাবেলা মারিয়া বাড়ী আসিয়া জানাইয়া গেল—কাল সকালবেলা পাভেলদের বাড়ী খানাতল্লাস হইবে। চলিয়া যাইবার সময় সে বলিয়া গেল, “দেখ, আমি কিছু জানি না, আমি এখানে এসেছিলুম, সে-কথাও কেউ যেন না জানে। মনে রেখো, আমি এ বিষয়ের বিন্দু-বিলগ কিছু জানি না।”

কি এক অজানা আতঙ্কে মায়ের সর্বদেহমন শিহরিয়া উঠিল। ঘরের মধ্যে সুপীকৃত বই-এর দিকে চাহিয়া মায়ের মনে হইতে লাগিল, সকল বিপদের মূল যেন সেই বইগুলোর মধ্যেই আছে। বইগুলি বুকে তুলিয়া

কোথায় লুকাইয়া রাখিবেন, তাহার জন্ত সমস্ত বাড়ী ঘুরিয়া বেড়াইতে লাগিলেন। কখন পাভেল আর লিটল রাশিয়ান আসিবে!

একটু বিলম্বে দুই বন্ধুতে বাড়ী ঢুকিতে না ঢুকিতেই মা দৌড়াইয়া গিয়া বলিলেন, “জানিস—”

মায়ের আতঙ্কিত মূর্তি দেখিয়া হাসিয়া পাভেল বলিল, “জানি, তোমার বুঝি ভয় করছে?”

“বকের ভেতরটা আমার কি রকম করছে!”

লিটল রাশিয়ান মাকে কাছে টানিয়া লইয়া বলিল, “ভয়ের কি আছে মা? ভয় পেলে কারুর কোন সুবিধে হবে না।”

উহুনের দিকে চাহিয়া পাভেল বলিল “বাঃ, আজ বুঝি উহুনে আগুনই দাও নি?”

স্বপ্নীকৃত বই-এর দিকে চাহিয়া মা বলিলেন, “ওই, ওইগুলোর জন্তে পারি নি—”

দুই বন্ধুতে হাসিয়া উঠিল। রাশীকৃত বই-এর ভিতর হইতে খানকতক বই বাছিয়া লইয়া মা দেখিলেন পাভেল বাহিরের উঠানে লুকাইয়া রাখিয়া আসিল। মাকে বসাইয়া লিটল রাশিয়ান উহুনে আগুন দিতে দিতে বলিতে লাগিল, “এর মধ্যে ভয়ঙ্কর কিছু নেই, মা। গম্ভীর-মুখ-ওয়ালা কতকগুলো লোক আসবে—ঘরদোর হাঁটকিয়ে বিছানা তুলে, মই লাগিয়ে চারিদিকে সব দেখবে। তাদেরও যে এসব করতে ভালো লাগে, তা নয়। তবে তাদের চাকরি তো বজায় রাখতে হবে? হয়ত এমনও হতে পারে যে, তোমাকে ধরে নিয়ে যাবে, তারপর এখানে ওখানে পাঁচ জায়গায় ঘুরিয়ে নিয়ে ছেড়ে দেবে—এই তো ব্যাপার!”

লিটল রাশিয়ানের কথা শুনিয়া মা আপনার অতর্কিতে বলিয়া ফেলিলেন, “তোরা কি রকমভাবে যে কথা বলিস!”

“কেন মা?”

“যেন কেউ তোদের কোনও অনিষ্ট কখনও করে নি!”

“তা নয় মা! তবে কি জানো, এত অজ্ঞায় সয়েছি, এত নির্ঘাতন সয়েছি যে, নির্ঘাতনে আর অত্যাচারে মনে রাগ হয় না।”

সে-রাত্রি সেই অজানা অতিথিদের আগমন-উৎকর্ষায় কাটিয়া গেল। কিন্তু কেহই আসিল না।

কিন্তু তাহারা ভোলে নাই। ঠিক একমাস পরে একদিন মধ্যরাত্রে সহসা বাহিরে লৌহ-পাছকার পদ-ধ্বনি বাজিয়া উঠিল। পাভেল, নিকোলে এবং লিটল রাশিয়ান খবরের কাগজ বাহির করিবার পরামর্শ করিতেছিল। মা বিছানায় শুইয়া তন্দ্রামগ্ন অবস্থায় ছেলেদের কথা শুনিতে শুনিতে ঘুমাইয়া পড়িতেছিলেন।

ঘরের দরজায় বাহির হইতে কে খাঙ্কা মারিল। পাভেল জিজ্ঞাসা করিল, “কে?”

দরজা খুলিতেই দুইজন পুলিশের লোক পাভেলকে খাঙ্কা দিয়া ঘরের মধ্যে প্রবেশ করিল। পিছনে দীর্ঘাকৃতি একজন লোক যুহু হাসিয়া বলিল, “যাদের জন্তে মশাইরা অপেক্ষা করছেন, তারা নিশ্চয়ই নয়, কি বলেন?”

মা যেখানে শুইয়াছিলেন, সেখানে একজন পুলিশের লোক আসিয়া মাকে দেখিয়া বলিয়া উঠিল, “হজুর, এই সেই মা-টা আর এই পাভেল—ওর ছেলে!”

“এই বুড়ী, ওঠ, বাড়ীসব তল্লাস করতে হবে!”

মা উঠিয়া পুত্রের পাশে একধারে আসিয়া দাঁড়াইলেন। ভয়ে তাঁহার পা কাঁপিতেছিল।

পুলিশের লোক ঘর ওলট পালট করিয়া যেখানে যে বই পাইতেছিল, তাহা একবার দেখিয়া যেদিকে ইচ্ছা ছুঁড়িয়া ফেলিয়া দিতেছিল।

কিছুক্ষণ পরে লিটল রাশিয়ান গভীরস্বরে বলিয়া উঠিল, “বইগুলো ওরকমভাবে ছুঁড়ে ফেলবার কি দরকার?”

কেহই তাহার কথার কোনও উত্তর দিল না। রাগে নিকোলে চীৎকার করিয়া বলিয়া উঠিল, “বইগুলো ভাল করে রাখা হোক—”

ইন্স্পেক্টর নিকোলের দিকে চাহিয়া হাসিয়া তাঁহার অহুচরদের বলিলেন, “আচ্ছা, আচ্ছা, ওহে বইগুলো ঠিক করে রাখো ত !

মা পাভেলের কানে কানে বলে, “নিকোলেকে চুপ করে থাকতে বল না।”

মায়ের দিকে চাহিয়া ইন্স্পেক্টর ধমকাইয়া উঠিল, “কানে কানে কি ফিস্ফাস্ হচ্ছে—চুপ। এ বাইবেল কে পড়ে ?”

পাভেল বলিল, “আমি”

“এ সব বই কার ?”

পাভেল উত্তর দিল “আমার।”

“হু”

সহসা নিকোলের দিকে তাঁহার দৃষ্টি পড়িল। তাহাকে লিটল রাশিয়ান মনে করিয়া তিনি জিজ্ঞাসা করিলেন, মহাশয়ের নাম বুঝি, আল্জি নাখোদকা—”

দ্বিরুক্তি না করিয়া আগাইয়া আসিয়া নিকোলে বলিল, হাঁ।

লিটল রাশিয়ান পিছন হইতে হাত ধরিয়া তাহাকে টানিয়া লইয়া ইন্স্পেক্টরকে সম্বোধন করিয়া বলিল, “আপনি ভুল করেছেন, আমার নাম আল্জি নাখোদকা—”

ইন্স্পেক্টর নিকোলের দিকে তর্জনী তুলিয়া বলিলেন, “সাবধান বলছি—” তারপর লিটল রাশিয়ানের দিকে ফিরিয়া চাহিয়া বলিলেন, “এই নাখোদকা, এর আগে রক্তনৈতিক অপরাধে পুলিশ তোমাকে কখনও ধরেছিল ?—”

“হু” বার। কিন্তু তারা নাখোদকা বলে ডাকতো না—তারা মিঃ নাখোদকা বলতো—”

“বে আজ্ঞে, মি: নাথোদকা—নিশ্চয়ই মি: নাথোদকা—কারখানায় এই সমস্ত কাগজ বিলি কোন বদমায়েস করেছে বলতে পারেন?”

লিটল রাশিয়ান উত্তর দিবার পূর্বেই নিকোলে বলিয়া উঠিল, ‘বদমায়েস লোকদের খবর আমরা রাখি না। এই জীবনে প্রথম আজ বদমায়েস লোকদের দেখা পেলাম।’

কিছুক্ষণের জ্ঞাত সমস্ত নিস্তব্ধ হইয়া গেল। মার মুখ ভয়ে সাদা হইয়া আসিল। ইন্স্পেক্টর হংকার দিয়া বলিলেন, ‘এই কুকুরটাকে বাইরে নিয়ে যা।’

হুজন পুলিশের লোক আসিয়া টানিতে টানিতে নিকোলেকে বাহিরে লইয়া গেল।

খানিকক্ষণ ধরিয়া খোঁজাখুঁজি হইল কিন্তু কিছুই পাওয়া গেল না। হাসিয়া ইন্স্পেক্টর, বলিলেন, কিছু যে পাওয়া যাবে না, তা আমি জানতাম। বোঝা যাচ্ছে, এখানে একজন ঘাগী লোক নিশ্চয়ই আছে—

লিটল রাশিয়ানের কাছে আসিয়া ইন্স্পেক্টর গম্ভীর স্বরে বলিলেন, মি: আন্ড্রি অনিসিমভ্ নাথোদকা, আপনাকে গ্রেপ্তার করা হল।”

“কেন?”

“হজুরকে যথাসময়ে তা নিবেদন করা হবে।” তারপর পাভেলের মার দিকে চাহিয়া জিজ্ঞাসা করিল, “এই বুড়ী লিখতে পড়তে জানিস?”

হঠাৎ লোকটার দিকে চাহিতেই মার মনে একটা কেমন প্রবল ঘৃণা জাগিয়া উঠিল। সর্বদা তাঁহার কাঁপিতেছিল। তিনি বলিয়া উঠিলেন, ‘অত চোঁচাচ্ছ কেন বাছা, জীবনে দুঃখ কষ্ট কি কিছু বোঝ না?’

‘এ সমস্ত ব্যাপারে মা দাঁত দিয়ে বুকের কথা চেপে রাখতে হয়’ লিটল রাশিয়ান বলিয়া উঠিল।

মা যেন কাহারও কথা শুনিতে পাইতেছিলেন না। ইন্স্পেক্টরের নিকট আগাইয়া গিয়া জিজ্ঞাসা করিলেন, “কেন তোমরা এ রকম করে লোকদের ছিনিয়ে নিয়ে যাও?”

পুলিশ অফিসার ধমকাইয়া উঠিলেন, ‘চুপ্ কব্ বলছি !’

তারপর একজন পুলিশকে ডাকিয়া বলিলেন, বাইরের কয়েদীকে ভেতরে নিয়ে আয় !

নিকোলেকে ঘরে আনা হইল ।

“মাথা থেকে টুপী নামা—”

“হাত বাঁধা থাকলে কি করে টুপী নামাতে হয় জানি না—”

মা দেখিলেন, একটা কাগজে একে একে সকলে কি সই করিল । উত্তেজনার প্রথম বোঁক মার কাটিয়া গিয়াছিল । উত্তেজনার পরিবর্তে তাঁহার অন্তরে একটা অসহায় শক্তিহীন বেদনা—যাহা বিশ বৎসর ধরিয়া তিনি ভোগ করিয়া আসিয়াছেন—শুধু দিন কতকের জন্ত যাহা তুলিয়া গিয়াছিলেন, আবার তাহা তাঁহার সমস্ত চিত্তকে অবসন্ন করিয়া তুলিল । তিনি কাঁদিয়া ফেলিলেন—এ তিক্ত লবণাক্ত জলের সঙ্গে তাঁহার বিশ বৎসরের পরিচয় ।

তাঁহাকে কাঁদিতে দেখিয়া পুলিশ অফিসার হাসিয়া বলিলেন, বড় আগে থাকতে কাঁদছিস্ বুড়ী ! সব কান্না এখনি শেষ করে ফেললে কি হবে ? কাঁদিতে কাঁদিতে মা বলেন—“মার চোখের জলের কি শেষ আছে । তোমার যদি মা থাকেন, তিনি হয় ত তা জানেন !”

সার্চ শেষ হইতে তাহার চলিয়া গেল—সঙ্গে লইয়া গেল লিটল রাশিয়ান আর নিকোলেকে । বিদায়ের সময় বন্ধুর হাত ধরিয়া তাহার বিদায় প্রার্থনা করিল ।

চলিয়া যাইবার সময় হাসিয়া অফিসারটি বলিলেন, “ভয় কি, আবার দেখা হবে !”

তাহারা চলিয়া গেলে পাভেল গভীরস্বরে মার দিকে চাহিয়া বলিল, “দেখলে কি রকম অপমান করে গেল—আমাকে ফেলে গেল—”

“হুঃখ কি, তোকেও নিয়ে যাবে—”

“নিশ্চয়ই—”

কিছুক্ষণ চুপ করিয়া থাকিয়া মা বলিয়া উঠিলেন, আচ্ছা ছেলে তুই; মাকে কি একটুও সাহসনা দিতে নেই! আমি একগুণ বল্লে তুই দশগুণ বাড়িয়ে বলিস্—

মাকে কাছে টানিয়া লইয়া পাভেল বলিল—“মাগো তোমাকে মিথ্যে বলে প্রতারণা করবো না! তোমাকে এসব সহিতে হবে!”

ক্রমশ পাভেল সশব্দে গ্রামের লোকদের ধারণা বদলাইতে লাগিল। প্রায়ই কারখানার বুদ্ধ লোকেরাও পাভেলের বাড়ীতে আসিয়া কোনও সমস্তা হইলেই তাহার সঙ্গে পরামর্শ করে। বলে, “ওহে, তুমি তো অনেক লেখাপড়া করেছ—এ ব্যাপারটা কি করা যায় বলতো?”

পাভেলও মন দিয়া সকলের কথা শুনিত। অনেক সময় চিঠি দিয়া কাহাকেও হয়ত শহরের কোন বন্ধু উকীলের কাছে পরামর্শের জন্ত পাঠাইয়া দিত কিন্তু অধিকাংশ সময়ই সে নিজেই তাহার বিবেচনা মত বুদ্ধি দিত। ক্রমশ গ্রামের লোকেরা সেই অল্পবয়স্ক যুবকটিকে শ্রদ্ধার চোখে দেখিতে লাগিল। সর্বদাই সে স্থির শাস্ত হইয়া থাকে, কোনও আড্ডায় যায় না, প্রত্যেক কথা সহজ সরল ভাবে বলে! প্রত্যেক লোকের সঙ্গে কোথায় তাহার শতসহস্র গোপন বন্ধনের সূত্র রহিয়াছে অনবরতই যেন সে তাহার সন্ধান করিয়া ফিরিতেছে।

পুত্রের দিকে চাহিয়া মার গর্ব হয়—তিনি প্রাণপণ করিয়া পুত্রের সকল কথা বুঝিতে চেষ্টা করেন; কোন একটা কিছু ঠিক বুঝিলে, অস্তুর তাঁহার আনন্দ ভরিয়া উঠে।

সহসা সেই সময় গ্রামের কারখানার ম্যানেজারের সঙ্গে শ্রমিকদের একটা বিবাদ উপস্থিত হইল। কারখানার পিছনে একটা বৃহৎ জলাভূমি পড়িয়াছিল। ম্যানেজার স্থির করিয়াছিলেন যে, এই জলাভূমিটি যদি পরিষ্কার করিয়া লওয়া যায়, তাহা হইলে কারখানার প্রভূত কাজে লাগে এবং পরিষ্কারের সময়ও তিনি আবর্জনা হইতে যথেষ্ট পরিমাণ পিচ প্রস্তুত করিয়া লইতে পারেন। এই মতলব স্থির করিয়া তিনি কারখানায়

ঘোষণা করিলেন যে প্রত্যেক শ্রমিককে তাহার মাহিনার প্রত্যেক রুবল হইতে এক কোপেক করিয়া চাঁদা দিতে হইবে। সেই টাকায় জলাভূমি পরিষ্কার করা হইবে এবং তাহাতে শ্রমিকদেরই লাভ কেন না এই জলা জায়গার জন্তই কারখানার আশে-পাশের হাওয়া দূষিত হইয়া আছে। কারখানার মজুরদের উপর এই হুকুমজারি হইল, কিন্তু কারখানার সম্পর্কে যে সমস্ত কেরাণী ছিল, তাহারা ইহা হইতে অব্যাহতি পাইল।

এই ব্যাপারে শ্রমিকরা সকলে ক্ষেপিয়া উঠিল এবং স্থির করিল যে কিছুতেই তাহারা এই চাঁদা দিবে না। নিজেদের মধ্যে জটলা করিয়া তাহারা স্থির করিল যে, এই বিষয়ে পাভেলের একবার পরামর্শ লওয়া দরকার। অসুস্থ হইয়া পড়ায়, পাভেল দিনকতকের জন্ত কারখানায় যাইতে পারে নাই।

পাভেলের বাড়ীতে আসিয়া সকলে উপস্থিত হইল। বৃদ্ধ সিজব সমস্ত ব্যাপার বর্ণনা করিবার পর বলিল, “আমরা নিজেদের মধ্যে এই নিয়ে যথেষ্ট আলোচনা করেছি। তুমি তো অনেক বইটাই পড়েছ—এমন কোনো আইন আছে বলতে পারো যাতে বলে, আমাদের পয়সা নিয়ে মশার সঙ্গে যুদ্ধ করবার অধিকার কারখানার ম্যানেজারের আছে?”

আর একজন কারিকর বলিয়া উঠিল, “আরে, মশা মরলে তো? মনে নেই, সেবার একটা নাইবার জায়গা করে দেবে বলে আমাদের মাইনে থেকে তিনহাজার আটশো রুবল সংগ্রহ করলো কিন্তু কোথায় গেল সেই সমস্ত টাকা, আর কোথায় বা হল নাইবার জায়গা!”

পাভেল স্থির ধীর ভাবে সমস্ত ব্যাপার আলোচনা করিয়া ম্যানেজারের অজ্ঞায়ের কথা বিশদভাবে তাহাদের বুঝাইয়া দিল। এ রকম ভাবে টাকা আদায় করিবার কোনও অধিকার ম্যানেজারের নাই। সেদিনকার মত তাহারা চলিয়া গেল।

তাহারা চলিয়া গেলে পাভেল মাকে ডাকিয়া একখানি কাগজ তাঁহার হাতে দিয়া বলিল, মা এই লেখাটা নিয়ে তোমাকে এক্ষুণি শহরে যেতে হবে !

শহর থেকে আমরা একখানা খবরের কাগজ বের করছি, এ লেখাটা কালকের কাগজে বেরুনোই চাই !

কালবিলম্ব না করিয়াই মা যাইবার জন্ত প্রস্তুত হইলেন। এই প্রথম তাঁহার ছেলে তাঁহার উপরে তাহার কাজের ভার দিয়াছে। জীবনে এই প্রথম তাঁহার পুত্র তাঁহাকে আপনার অন্তরের কথা খুলিয়া বলিল এবং তাঁহাদের অন্তরঙ্গতার মধ্যে গ্রহণ করিল। পুত্রের কোন কাজে তিনি যে লাগিয়াছেন এই চিন্তায় আনন্দে তাঁহার বুক ভরিয়া উঠিল।

সন্ধ্যাবেলা ক্লাস্ত হইয়া মা কাজ সারিয়া বাড়ী ফিরিলেন।

“শাশাঙ্ক বলে একটি মেয়ের সঙ্গে আলাপ হলো। ভারী ভালো মেয়ে—সে তোকে অভিবাদন জানিয়েছে আর তোদের সেই আইভান ওভিচ্ লোকটিও দেখলুম ভারী সদাশয়—

ওদের যে তোমার ভাল লেগেছে, জেনে সুখী হলাম !

সোমবার দিনও শরীর তেমন সুস্থ না হইয়া উঠায় পাভেল কারখানায় যায় নাই। দুপুর বেলা হঠাৎ ফিডিয়া হাফাইতে হাফাইতে ছুটিয়া আসিয়া খবর দিল, কারখানার লোকেরা সব কাজ ছেড়ে বেরিয়ে এসেছে—এখনই তোমাকে সেখানে যেতে হবে—সে কি হলুতুল ব্যাপার !

ফিডিয়া পাভেলেরই একজন ভক্ত।

পাভেল তখনি উঠিয়া পোষাক পরিতে লাগিল।

মেয়েরাও সব এক জোট হয়ে তুমুল চৈচামেচি আরম্ভ করে দিয়েছে।

হঠাৎ মেয়েদের কথা শুনিয়া মার মনে হইল, তাঁহারও হয়ত যাওয়া কর্তব্য। পুত্রের দিকে চাহিয়া তিনি বলিয়া উঠিলেন, তা হলে আমিও যাব, নিশ্চয়ই যাব, কেমন।

পাভেল গভীরস্বরে বলিল, এসো।

পুত্রের পাশে পথে চলিতে চলিতে মার মনে হইল যেন কি একটা বিরাট ঘটনা এখনি ঘটিবে এবং তাহারই মধ্যে যে পুত্রের পার্শ্বে তিনি দাঁড়াইয়া থাকিতে পারিতেছেন, সেই এক গোপন গর্ভের তাঁহার সর্বদেহ আজ উল্লসিত হইয়া উঠিল।

কোনও রকমে লোকের ভিড় ঠেলিয়া তাঁহারা যখন জনতার মধ্যে প্রবেশ করিলেন তখন রাইবিন বক্তৃতা দিতেছিল। জনতাকে লক্ষ্য করিয়া সে বলিতেছিল, আমাদের আজ সম্ভবতঃ হয়ে দাঁড়াতে হবে, কয়েকটা পয়সার জন্তে নয়, অত্যাচারের বিরুদ্ধে স্বেচ্ছায়ের জন্তে আমাদের সম্ভবতঃ হতে হবে। ম্যানেজারের খলির পয়সার মত আমাদেরও পয়সা ঠিক তেমনি গোল কিন্তু সেই সঙ্গে একথা মনে রাখতে হবে যে, আমাদের পয়সায় মাখানো আছে আমাদের বুকের রক্ত!

জনতা একস্বরে চীৎকার করিয়া উঠিল, ঠিক বলেছ, রাইবিন!

পাভেল ভিতরে আসিতেই সকলেই তাহার নাম ধরিয়া চীৎকার করিয়া উঠিল। চারিদিক হইতে লোক আসিয়া ক্রমশ জনতা আরও গাঢ় করিয়া তুলিতেছিল। প্রত্যেকেই আজ তারস্বরে চীৎকার করিতেছে। এতদিন ধরিয়া যে-সমস্ত অপমান তাহারা নীরবে সহ্য করিয়া আসিয়াছে, যে-কথা এতদিন প্রকাশহীন হইয়া তাহাদের ক্লান্তজীবনে মূক হইয়া পড়িয়াছিল, আজ সহসা তাহা জাগিয়া উঠিয়াছে। আশঙ্কার পাষণ-বাধা দূর করিয়া আজ কথার পাগলা ঝোরা নামিয়া আসিয়াছে। সেই সমস্ত ক্রুদ্ধ ধ্বনি আর হৃদয়-ভাঙা কলোচ্ছ্বাস উর্দ্ধাকাশে সম্মিলিত হইয়া যেন, এক বিরাট পক্ষ বিহঙ্গের মত তাহাদের ছাইয়া রহিল।

কথা বলিতে গিয়া পাভেলের আজ মনে হইল, সে নিজেকে আজ এই জনতার মধ্যে উৎসর্গ করিয়া দিয়া যাইবে। যে সত্যের আবর্তিত-

স্বপ্নকে সে এতদিন অন্তরে সংগোপনে লালন-পালন করিয়াছে, আজ বুঝি তাহা মূর্তি ধরিয়া জাগিয়া উঠিবে।

বিপুল উল্লাসে গর্জিয়া উঠিল, “হে বন্ধু সহযাত্রী, এই আমরা এই হাতে গড়েছি গির্জা আর কারখানা, আমরা ভেঙেছি লোহা, গড়েছি নগর; এই হাত, এই আমাদের হাত, টাকশালে গড়েছে টাকা, কারখানায় গড়েছে যন্ত্র, গড়েছে সভ্যতার হাজার রকম খেলনা। যে শক্তি পৃথিবীর মুখে তুলে দেয় অন্ন, বুকে দেয় আনন্দ, সে শক্তির জীবন্ত মূর্তি আমরা সকল কালে এবং সকল দেশে এই আমরাই এগিয়ে গিয়ে কাজে হাত দিয়েছি প্রথম; কিন্তু সকল কালে সকল দেশে আমরাই থেকে গেছি জীবনের শেষে। কে চায় আমাদের আনন্দ? কে চায় আমাদের কল্যাণ? মানুষ বলে কে ভাবে আমাদের? কেউ না!”

জনতার মধ্য হইতে একজন কর্কশ স্বরে চীৎকার করিয়া উঠিল, কাজের কথা বল হে!

তাহার উত্তরে আর একজন বলিয়া উঠিল, চুপ কর, অসভ্য!

একজন বলিল, লোকটা সাম্যবাদী, কিন্তু বোকা নয়!

যাই হোক, খুব জোর গলায় স্পষ্ট কথা বলতে পারে কিন্তু—আর একজন বলে!

পাভেল জনতাকে ভাল করিয়া দেখিয়া লইয়া আবার বলিয়া চলিল, “আজ সময় হয়েছে বন্ধু, তার বিরুদ্ধে মাথা তুলে দাঁড়াবার, যে-শক্তি তার অদম্য লোভে আমাদের শ্রমে বেঁচে থাকতে চায়। সময় এসেছে আত্মরক্ষার এবং আজ আমাদের একথা ভাল করে বুঝতে হবে যে, আমরা ছাড়া আমাদের আর কেউ সাহায্য করবে না। সকলের জন্তে আমরা প্রত্যেকে, আমাদের প্রত্যেকের জন্তে সবাই—এই হোক আজ আমাদের সব চেয়ে বড় নীতি।”

মন্ত্র-মুগ্ধ জনতা যেন সহস্র-মুখ দিয়া এই বাণীর আশ্বাদ সন্মিলিত ভাবে ভোগ করিতেছিল।

পাভেল বলিয়া উঠিল, “আমরা এক্ষেত্রে এখনি ম্যানেজারকে ডেকে মুখোমুখী সকল কথা জিজ্ঞাসা করতে চাই—”

জনতা চীৎকার করিয়া উঠিল, “নিশ্চয়ই, ম্যানেজারকে এখানে ডেকে আনান হোক—”

অবশেষে ঠিক হইল যে, পাভেল, সিজব ও রাইবিন গিয়া ম্যানেজারের সঙ্গে সাক্ষাৎ করিবে। এমন সময় পিছন হইতে শোনা গেল—ম্যানেজার স্বয়ং আসছেন।

দুইপাশ হইতে ভিড় আপনিই সরিয়া গেল। দীর্ঘাকৃতি এক ব্যক্তি জনতার ভিতর দিয়া গম্ভীরভাবে অগ্রসর হইয়া যেখানে পাভেল, সিজব ও রাইবিন দাঁড়াইয়াছিল, সেইখানে আসিয়া উপস্থিত হইল।

একবার চোখ তুলিয়া সকলকে যেন এক সঙ্গে দেখিয়া লইয়া জিজ্ঞাসা করিলেন, “এ ভিড়ের মানে কি?”

কয়েক সেকেন্ডের মত সকলি নিস্তব্ধ। সিজব মাথা হেঁট করিয়া রাইল, ম্যানেজার আবার বলিলেন, “আমার প্রশ্নের উত্তর দাও!”

সিজব ও রাইবিনকে দেখাইয়া পাভেল বলিল, “আমাদের বন্ধুরা আমাদের এই তিনজনের ওপর ভার দিয়েছে, চাঁদার হুকুম তুলে নেবার জন্তে আপনাকে বলতে।”

পাভেলের দিকে না চাহিয়াই ম্যানেজার জিজ্ঞাসা করিল, “কেন?”

বেশ জোর গলায় পাভেল উত্তর দিল, “আমরা মনে করি, এরকম ভাবে চাঁদা আদায় করা অত্যাচার!”

“—ওঃ, এই যে জলা জায়গাটা পরিষ্কার করবার জন্তে চেষ্টা হচ্ছে, তোমরা মনে কর যে এতে শুধু মজুরদের ঠকান হচ্ছে? তাদের স্বাস্থ্য যে ভালো করবার চেষ্টা হচ্ছে, সে তোমরা ভাবতে চাও না, না?”

পাভেল বলিল, “ঠিক তাই!”

রাইবিনের দিকে চাহিয়া ম্যানেজার জিজ্ঞাসা করিল, “তোমারও কি এই মত?”—হ্যাঁ।

তারপর সিজ্জবের দিকে চাহিয়া ব্যক্তের স্বরে ম্যানেজার জিজ্ঞাসা করিল, “বন্ধু, তোমারও কি এই মত?”

“নিশ্চয়ই!”

পাভেলের সর্ব্বাঙ্গ দৃষ্টি দিয়া যেন পরিমাপ করিয়া লইয়া ম্যানেজার আবার বলিলেন, “তোমাদের দেখে তো মনে হয় যে একটু আধটু বুদ্ধি শুদ্ধি তোমাদের আছে। তোমরা এ ব্যবস্থার মধ্যে কিছু ভালো দেখতে পেলে না, কেমন?”

পাভেল তেমনি জোর গলায় উত্তর দিল, “যদি কারখানার মালিক তাঁর নিজের খরচে এই জলাভূমি পরিষ্কার করে দিতেন, তা হলে নিশ্চয়ই আমরা এ ব্যবস্থার প্রতিবাদ করতাম না।”

ম্যানেজারের কণ্ঠস্বর পরিবর্তিত হইয়া গেল।

“বলি, কারখানাটা কি দানছত্র? ও সব চলবে না বলছি—আমি হুকুম দিয়ে যাচ্ছি, এক্ষুণি সকলকে কাজে লাগতে হবে—”

আর কোনও কথা না বলিয়া তিনি ধীরে জনতার ভিতর দিয়া বাহিরের দিকে চলিলেন। একটা রুদ্ধ প্রতিবাদের গুঞ্জন-ধ্বনি উঠিতে তিনি একবার ফিরিয়া দেখিলেন। জনতার মধ্য হইতে কে একজন স্পষ্ট স্বরে বলিয়া উঠিল, “হুকুর একা কাজে হাত দিন্ গে যান—”

আর একবার পিছন ফিরিয়া স্পষ্ট স্বরে তিনি হুকুম দিলেন, “পনেরো মিনিটের মধ্যে কাজে হাত না দিলে, প্রত্যেককে তাড়িয়ে দেওয়া হবে।”

ম্যানেজার চলিয়া যাইতেই জনতার মধ্যে অস্পষ্ট গুঞ্জন পুনরায় চীৎকারে পরিণত হইল। চারিদিক হইতে পাভেলকে উদ্দেশ্য করিয়া নানারকমের প্রশ্ন হইতে লাগিল।

“এখন তা হলে আমরা কি করবো, পাভেল?”

পাভেল সেই সহস্রকণ্ঠের মিলিত প্রশ্নের উত্তরে জানাইল, “আমার মতে, কমরেডরা, তোমাদের উচিত যতক্ষণ না চাঁদার হুকুম তুলে নেওয়া হয়, ততক্ষণ পর্য্যন্ত তোমাদের ধর্ম্মঘট করে থাকা।”

চারিদিক হইতে উত্তেজিত কণ্ঠে নানা কথা আবার জাগিয়া উঠিল,—

“মনে করেছ আমরা বোকা ?

“নিশ্চয়ই আমাদের ধর্মঘট করা উচিত !

“ধর্মঘট ?”

“একটা কোপেকের জন্তে ?”

“কেন না ? নিশ্চয়ই ধর্মঘট !”

যদি আমাদের সবাইকে তাড়িয়ে দেয়...

“কিন্তু কারখানা চালাবে কাদের দিয়ে ?”

“যদি নতুন লোক নিয়ে আসে ?”

“বিশ্বাসঘাতকের দল—তাদের আমরা—”

পাভেল মায়ের পাশে আসিয়া নীরবে ক্ষীণ জনতার উদ্গাদনা শুনিতেছিল। সকলেই নিজেদের চীৎকার লইয়া ব্যস্ত—পাভেলের দিকে তখন কাহারও দৃষ্টি নাই।

জনতার সেই দোহুল্যমান অবস্থা দেখিয়া রাইবিন পাভেলকে ডাকিয়া বলিল, “এদের দিয়ে ধর্মঘট করা চলে না। একটা পয়সার মায়া ত্যাগ করতে যেমন এদের বুকে বাজে, এরা অন্তরে আবার তেমনি কাপুরুষ।”

পাভেল নীরবে সমস্ত কথা শুনিতেছিল আর তাহার মনে হইতেছিল, এতক্ষণ ধরিয়া সে যে সমস্ত কথা বলিয়াছে—বহুদিনের শুষ্ক মৃত্তিকায় জল-কণার মত যেন তাহা কোথায় নিঃশেষে বিলুপ্ত হইয়া গিয়াছে। কোনও চিন্তে তাহার কথা বিন্দুমাত্র রেখাপাত করে নাই, ভাবিতে তাহার অন্তর শিহরিয়া উঠিতেছিল। ক্রমশ যে-যাহার একে একে ঘরে ফিরিয়া যাইতে লাগিল। যাইবার সময় প্রত্যেকে পাভেলের নিকট আসিয়া তাহার বক্তৃতার প্রশংসা করিল এবং তাহারই সঙ্গে জানাইল, ধর্মঘট করিয়া বিশেষ কোনও সুবিধা হইবে না এবং প্রত্যেকে নিজেকে বাদ দিয়া অপর সকলকে দুর্বলচিত্ত বলিয়া দীর্ঘশ্বাস ফেলিয়া গেল।

পাভেল যে শুধু হতাশ হইল তাহা নয়, সে নিজেকে ভয়াবহভাবে আহত মনে করিল। সহসা তাহার মনে হইল, সে যেন একা, তাহার বন্ধু-বান্ধব কেহ নাই। এতদিন ধরিয়া আপনার অন্তরে যে সত্যকে নানা চিন্তা ও অল্পবয়সের মহিমায় অপরূপ করিয়া সজ্জিত করিয়া রাখিয়াছিল, আজ যখন তাহাকে সে অন্তরের সংগোপন-লোক হইতে বাহিরে বাণীরূপ দিল, তাহার আশঙ্কা হইল যে হয়ত সেই সত্যকে সে যে-ভাষায় রূপ দিল—তাহা প্রাণহীন, অল্পবয়সহীন—নহিলে লোকে তাহার কথা শুনিব না কেন? হয়ত সে সত্যকে এমন দারিদ্র্যের আবরণে আজ লোক-চক্ষুর সম্মুখে তুলিয়া ধরিয়াছে যে, লোকে তাহার সৌন্দর্য্য বুঝিতেই পারিল না। এই প্রকাশের দৈন্তের জন্ত সে আপনাকেই খিকার দিতে লাগিল।

মা, সিঁজব আর রাইবিনের সঙ্গে সে বাড়ী ফিরিল। সারা পথ সে গম্ভীর ও বিষন্ন হইয়া রহিল। চলিতে চলিতে বৃদ্ধ সিঁজব মাকে উদ্দেশ্য করিয়া বলিল, “বুঝলে নিলোভনা, এখন আমাদের মত বুড়ো লোকদের সরে পড়া দরকার। নতুন লোক সব আসছে—নতুন তাদের জীবন। আমরা চিরদিন হাত জোড় করে মাটিতে বুক দিয়ে হেঁটে চলে এসেছি—এক মুহূর্তের জন্তে মাথা তুলে দাঁড়াতে পারিনি। কিন্তু এরা—হয় এরা নিজেদের বুঝতে পেরেছে, নয়ত এরা আমাদের চেয়েও মারাত্মক ভুল করছে—কিন্তু যাই করুক—এদের সঙ্গে আমাদের কোথাও যেন কোনও মিল নেই। দেখলে—এই ছোড়া, ম্যানেজারের সঙ্গে কথা বলো ঠিক যেন ম্যানেজারের সমকক্ষ—”

তারপর তাহার বাড়ীর নিকটে আসিয়া পাভেলের পিঠ চাপড়াইয়া বলিল, “আচ্ছা এখন তাহা হলে আসি পাভেল। মজুরদের জন্তে তুমি মাথা তুলে দাঁড়িয়েছ—ভগবান তোমার মঙ্গল করুন।”

সিঁজবও চলিয়া গেল।

বাড়ী আসিয়া পাভেলের অশান্তি যেন আরও বাড়িয়া গেল। তাহার

সর্বদাই মনে হইতে লাগিল, আজ সেই জনতার মাঝখানে সে যেন কি হারাইয়া ফেলিয়া আসিয়াছে।

রাত্রে মা তখন ঘুমাইতেছিলেন—সে আপনার মনে পড়িতেছিল—এমন সময় বাহিরে পদশব্দ শোনা গেল। পদশব্দে মায়ের ঘুম ভাঙ্গিয়া গেল—পাভেল ফিরিয়া দেখিল, দরজার সম্মুখেই পুলিশের লোক।

পাভেল মায়ের কানে কানে বলিল, “আমাকে গ্রেপ্তার করবার জন্তে এসেছে, বুঝেছ?”

মাথা নত করিয়া ধীরে মা বলিলেন, “বুঝছি।” সভায় বক্তৃতা শুনিয়াই মায়ের মন বলিয়াছিল, নিশ্চয়ই পুলিশে এবার তাহাকে ধরিবে কিন্তু তবুও মনে মনে ভাবিয়াছিলেন যে, যে-কথায় এত লোকে সায দেয় সে কথার জন্ত নিশ্চয়ই তাহাকে বিশেষ কোনও শাস্তি হয়ত দেওয়া হইবে না।

পুলিশের লোক আসিয়া পাভেলের পাশে গিয়া দাঁড়াইল। পুত্রকে একবার আলিঙ্গন করিবার জন্ত মায়ের সর্ব-দেহ-মন ব্যাকুল হইয়া উঠিল। কোথা হইতে প্রবল অশ্রুর বত্মা তাঁহার হৃদয়ের দ্বারে আছাড়িয়া পড়িতে লাগিল। কিন্তু পুলিশের লোকগুলির দিকে চাহিয়া আজ সে অশ্রুর জোয়ার হৃদয় ভাঙ্গিয়া চক্ষুর দ্বারপ্রান্তে আসিয়া ঠেকিয়া যাইতেছিল।

পাভেলকে তাহারা ধরিয়া লইয়া গেল। মা নীরবে দাঁড়াইয়া দেখিলেন। একান্ত সংযত কণ্ঠে শুধু একবার তিনি জিজ্ঞাসা করিলেন, “সঙ্গে কিছু চাই?”

পুত্র স্থির ভাবে বলিল, “না!”

প্রত্যুত্তরে শুধু বলিলেন, “সবার উপরে যিনি, তিনি রইলেন তোমার সঙ্গে।”

শূণ্য অন্ধকার ঘরে একলা মা কাঁদিয়া ফেলিলেন। আপনার মনে কতক্ষণ যে তিনি কাঁদিয়াছেন, তাহা তিনি জানেন না। সেই

শূণ্য অন্ধকারে, সেই অবিরাম অশ্রুধারায় মায়ের মনে আজ স্পষ্ট জাগিয়া উঠিল, কত অসহায়, কত দুর্বল তিনি ! আপনার অসহায়তার কথা যত ভাবেন, ততই তাঁহার চক্ষুর সম্মুখে ফুটিয়া ওঠে পুলিশের লোকগুলোর চেহারা। সত্যকে জানিতে চায় এই অপরাধে যাহারা তাঁহার নিকট হইতে তাহার পুত্রকে ছিনাইয়া লইয়া গেল তাহাদের বিরুদ্ধে একটা তীব্র আক্রোশ এবং ঘৃণা ধীরে ধীরে গুটীর স্রুতার মত মায়ের মনের সঙ্গে জড়াইয়া বাইতেছিল।

রাত্রিশেষে তখন বাহিরে বর্ষা নামিয়াছে। বর্ষার জলধারার শব্দে মায়ের মনে হইতেছিল, বাড়ীর চারিদিকে যেন কাহারো ঘুরিয়া বেড়াইতেছে, অতি কুৎসিত তাহাদের মুখ—মুখে যেন চক্ষু নাই !

কখনও আপনার মনে বলিয়া উঠেন, “আমাকেও কেন তারা ধরে নিয়ে গেল না ?”

বাহিরে রাত্রিশেষে বর্ষার কর্দমাক্ত পথে আর একদিনের প্রভাত নামিয়া আসিতেছিল ! সহসা কারখানার বাঁশী বাজিয়া উঠিল ! বাহিরে আবার পদশব্দ হইল। মা উঠিয়া বসিলেন।

জলে ভিজিয়া রাইবিন ঘরে প্রবেশ করিল। বলিল, “পাভেলকে ধরে নিয়ে গেছে, না ? আমার ওখানেও তাঁরা দেখা দিয়েছিলেন। সারা বাড়ী ওলট-পালট করে সার্চ করলো ; প্রাণের আনন্দে যা খুশী তাই আমাকে গালাগাল দিল কিন্তু দয়া করে আমাকে আর ধরে নিয়ে গেল না। এমনই হয় ! ম্যানেজার গিয়েই পুলিশকে টিপে দিয়েছে—”

“সে তোমাদের সকলের জন্তে জেলে গেছে—তোমাদের সকলের উচিত পাভেলের পক্ষে দাঁড়ান !”

“আপনি যা বলেছেন, তাই হয়ত হওয়া উচিত কিন্তু সে রকম কিছুই হবে না। আজ হাজার বছর ধরে আমাদের পরস্পরকে অসীম দুঃখের মধ্যে বিচ্ছিন্ন করে রাখা হয়েছে। সারা গায়ে আমাদের কাঁটা।

কেউ কারুর কাছে এলেই আগে কাঁটা এসে গায়ে বেঁধে। যতদিন না আমরা সেই সমস্ত কাঁটার হাত থেকে নিজেদের মুক্ত করতে পারবো, ততদিন আমাদের একসঙ্গে কোনও কাজে মেলা অসম্ভব।”

রাইবিনের কথা মায়ের মোটেই ভাল লাগিত না। মা লক্ষ্য করিতেন যে, দলের অগ্র সব ছেলে যেমন আশার কথা, আনন্দের কথা বলে রাইবিন কোনও দিন সে বকম কোনও কথা বলিত না।

রাইবিন চলিয়া গেলে কিন্তু তাহার কথায় মায়ের মন আরও অশান্ত হইয়া উঠিল। ইদানীং তিনি রান্নাবাড়া আর করিতেন না; এমন কি, চাও খাইতেন না, শুধু সন্ধ্যার দিকে কয়েক টুকরা রুটি খাইতেন! কয়েক দিন আগেও যেখানে সন্ধ্যাবেলা ঘর মাথুখে আর কথায় সরগরম হইয়া থাকিত, সেখানে এখন কেউ আসে না, সাড়া শব্দ নাই। একা ঘরে বিষন্ন অন্তরে মায়ের দিন কাটে। মাঝে মাঝে রাইবিন আসিত কিন্তু তাহার কথাবার্তা মায়ের মোটেই ভাল লাগিত না।

একদিন এমনি বিষন্ন অন্তঃকরণে বসিয়া আছেন, বাহিরে বৃষ্টি পড়িতেছে—এমন সময় দরজায় মৃদু করাঘাত হইল। বাহিরে করাঘাত হইতেই মায়ের হৃদয় চমকাইয়া উঠিল। দরজা খুলিতেই দুইটি মৃষ্টি ঘরের ভিতর আসিয়া ঢুকিল। একজনকে মা জানিতেন—তাহার নাম সামোলভ, পাভেলেরই কৰ্ম্ম-সহচর। আর একজন গলার কোটের ‘কলার’ উল্টাইয়া এবং চোখের জ্বর নীচে এমনভাবে টুপি টানিয়া দিয়াছিল যে, তাহার মুখই দেখা যাইতেছিল না।

অভিবাদনের কোন আড়ম্বর না করিয়াই সামোলভ মাকে বলিল, “ঘুমুচ্ছিলেন নাকি? তাই তো ঘুম ভাঙলাম! এটিকে চিনতে পারছেন কি? এই সেই আইভানোভিচ যার কাছে পাভেলের লেখা এনে দিয়েছিলেন?”

মাথা হইতে টুপি খুলিয়া আইভানোভিচ মাকে অভিবাদন করিল। তাহাকে দেখিয়া মায়ের অসহায় চিত্ত যেন কতকটা শান্ত হইল।

আইভানোভিচ বলিল, “আমরা একটু দরকারে এসেছি আপনার কাছে। আপনি হয়ত জানেন না যে ভ্যাসিলি পরশু দিন জেল থেকে ছাড়া পেয়েছে। তার সঙ্গে পাভেল আর লিটল রাশিয়ানের দেখা হয়েছিল। তারা দুজনেই আপনাকে অভিবাদন জানিয়ে দুঃখ করতে বারণ করে পাঠিয়েছে। পাভেল কি বলে পাঠিয়েছে জানেন, জীবনের রাজপথে মানুষ যতই অগ্রসর হয়, ততই পথের মাঝে মাঝে বিশ্রামের জন্তে এই জেলগুলোর দরকার হয়। এখন আসল কাজের কথা বলি! জানেন কালকে কতলোক আবার গ্রেপ্তার হয়েছে?”

তা তো আমি কিছুই জানি না। আরও লোক গ্রেফতার হয়েছে?

“পাভেলকে নিয়ে উনপঞ্চাশ জন লোক সব শুদ্ধ গ্রেফতার হয়েছে। এবং এখনও আজকালের মধ্যে আরও জনদশেকের গ্রেফতার হবার সম্ভাবনা আছে। সামোলভ খুব সম্ভবতঃ আজকালের মধ্যেই ধরা পড়বে।”

এই সংবাদ শুনিয়া মা একটু আশস্ত হইলেন, তাহলে সে সেখানে একলা নাই। আপনার অজ্ঞাতে মা বলিয়া ফেলিলেন, “অত লোককে যখন ধরেছে তখন নিশ্চয়ই তাদের বেশী দিন ধরে রাখবে না।”

আইভানোভিচ ঘাড় নাড়িয়া বলিল, “ঠিক বলেছ মা। এই সময় যদি আমরা একটা গুপ্তগোল পাকিয়ে তুলতে পারি তা হলে পুলিশকে রীতিমত ঠকান যায়। ব্যাপারটা হচ্ছে যে, কারখানায় আমাদের লেখা প্রচার যদি এখন বন্ধ হয়ে যায়, তা হলে পুলিশের লোক ভাববে যে নিশ্চয়ই পাভেল আর তার সঙ্গে যাদের গ্রেফতার করা হয়েছে তাদেরই এসব কীর্ত্তি! এবং তখন জেলে তাদের উপর হয়ত দুর্ব্যবহার বাড়তে পারে।”

মায়ের মন আতঙ্কে ঢুলিয়া উঠিল, বলিলেন, “কি করে তারা বুঝবে যে এসব পাভেলের কাণ্ড?”

“অনেক সময় পুলিশের লোকও যে-সব কথা ধরে নেয়, তা ঠিকই হয়। তারা ভাববে পাভেল যখন বাইরে ছিল, তখন কারখানায় নিত্য

বই বিলানো হত। এখন পাভেল আর বাইরে নেই, কারখানায়ও বই বিলি আর হচ্ছে না। অতএব সোজা বোঝা যাচ্ছে যে, পাভেলই এই সমস্ত বই বিলি করতো। এবং তারা যখন এটা বুঝতে পারবে তখন জ্যাস্ত ওদের ধরে ধরে খাবে।”

পাভেলের নির্ধ্যাতনের আশঙ্কায় মায়ের বুক শুকাইয়া আসিল। বলিলেন, “তবে, তবে কি হবে?”

সামোলভ বলিল, “সেই জন্তেই তো আমরা এসেছি। এখন সমস্ত হচ্ছে যে, আমাদের কাজ বন্ধ করা একদম চলবে না। কারখানায় ঠিক আগেকার মতই আমাদের বই বিলি করতে হবে। তাতে আমাদের কাজও এগোবে, জেলে তারাও পুলিশের নির্ধ্যাতনের হাত থেকে বাঁচবে।”

আইভানোভিচ বলিল, “কিন্তু এই কাজের ভার নেবে এমন একজন লোকও বাইরে নেই। হাতে আমাদের বেশ ভাল ভাল বই তো আছে তার দায়িত্ব আমি নিজে নিতে পারি কিন্তু আসল সমস্তা হচ্ছে যে, কারখানার ভেতরে কেমন করে সেগুলো গোপনে বিলি করা যায়! আজকাল আবার কারখানায় কড়াকড়ি নিয়ম হয়েছে—গেটে সকলকে আগে সার্চ করে তবে ঢুকতে দেয়।

তাহাদের কথাবার্তা শুনিয়া মা স্পষ্টই বুঝিলেন যে, তাঁহাকে দিয়াই কোনও কাজ ইহার করাইয়া লইতে চাহিতেছে। যদি পুত্রের কোনও কাজে বা উপকারে নিজেকে লাগান যায়, সেই সম্ভাবনার আশায় মায়ের মনে কোথা হইতে এক নূতন শক্তি দেখা দিল। বলিলেন, “তাহলে, এখন আমরা কি করতে পারি?”

সামোলভ উত্তরে বলিল, “মেরিয়ানা বলে একটা খাবার-ফিরিওয়ালী আছে, আপনি তাকে চেনেন?”

“চিনি। কিন্তু তাকে দিয়ে—”

“তার সঙ্গেই বন্দোবস্ত করুন। সে কোনও রকমে কারখানার ভেতরে গিয়ে বই বিলি করুক—আমরা অবশ্য এর জন্তে তাকে পয়সা দেবো!”

কি মনে করিয়া মায়ের এ পছন্দ ভাল লাগিল না। গভীর ভাবে ঘাড় নাড়িয়া তিনি বলিলেন, “সে মাগীকে দিয়ে এসব কাজ হবে না—সে যে বকবক করে—এখন সে সকলকে সব কথা বলে দেবে।”

কিছুক্ষণ নীরব থাকিবার পর সহসা উল্লসিত হইয়া বলিয়া উঠিলেন, “ঠিক হয়েছে, ঠিক হয়েছে, আমি নিজেই একাজ করবো। তোমাদের বইগুলো সব আমাকে দাও। আমি নিজেই যাব কারখানায়! মেরিয়ানাকে বলবো আমাকে সঙ্গে নিতে—তার মোট আমি বইবো। তারই লোক হয়ে কারখানায় মজুরদের কাছে আমি খাবার বেচতে যাব—আমার ছেলেকে ধরে নিয়ে গেছে, পেটের জুতো তো একটা যা হোক কিছু কাজও আমাকে করতে হবে। সেই বেশ হবে, কেউ সন্দেহ করবে না।”

পরমোন্মাদে তাহারা তিনজনেই চীৎকার করিয়া উঠিল, “সেই ঠিক।”

একটা গোপন-গর্বে মায়ের সমস্ত অন্তর ভরিয়া উঠিল, বলিলেন, “তারা জাহ্নক যে, আমার পাভেলকে তারা বন্দী করে রেখেছে, বটে কিন্তু তার হাত জেলের লোহার গারদ পেরিয়ে বহুদূর পর্য্যন্ত এসেছে—”

সামোলভ বলিয়া উঠিল, “এটা যদি আমরা করতে পারি, তা হলে জেলে গিয়ে মনে করবো যে ইজি-চেয়ারে শুয়ে আছি।”

কল্পনায় মা ভাবিতেছিলেন—তিনি কারখানার ভিতরে বই বিলি করিতেছেন, পুলিশের লোকেরা বুঝিবে যে তাঁহার পুত্র এই সময়ের জগ্ন দায়ী নয় এবং সে মুক্ত হইবে। ভাবিতে ভাবিতে মায়ের সর্ব শরীর আনন্দে শিহরিয়া উঠিতেছিল।

মায়ের দিকে চাহিয়া আইভানোভিচ বুঝিল যে, তিনি পুত্রের কথাই ভাবিতেছেন! আশ্বাস দিবার জগ্ন চলিয়া যাইবার সময় সে বলিল, “পাভেলের কথা ভেবে আপনি মন খারাপ করবেন না। জেল থেকে যখন সে বেরিয়ে আসবে, দেখবেন সে আরও কত ভালো হয়ে গেছে। কারাগারই হচ্ছে আমাদের বিশ্বাসের জায়গা—পড়ার ঘর! বাইরে

থাকলে_কাজের ভিড়ে তো সে সব আর হয় না। জানেন মা, আমি ~~মি. [redacted]~~ লে গিয়েছিলাম! অবশ্য খুশী হবার মত কৰ্ত্তাদের কাছে ~~কিছু~~ ইনি কিন্তু এই তিনবারে আমার নিজের অনেক উন্নতি হয়েছে—”

স্নেহাঙ্গ কণ্ঠে মা বলিলেন, “তা দেখতে পাচ্চি, কথা বলতে গেলে তোমাদের দম আটকে আসে—”

সে সব অল্প কারণে মা! আচ্ছা, এখন সে সব কথা থাক! তাহলে এই বন্দোবস্তই ঠিক রইলো! কালই আপনার কাছে বইগুলো পাঠিয়ে দেবো। আবার চাকা ঘুরুক—তলায় তার যাক পিষে হাজার হাজার যুগের জমাট-বাঁধা অন্ধকার। জয় হোক চিন্তার স্বাধীনতার! চির অক্ষয় আর চির-সুন্দর হয়ে থাক মায়ের অন্তর! আসি তা হলে!

দরজার কাছে আসিয়া সামোলভ বলিল, “আমার নিজের মায়ের কাছে এ সব কথার বিন্দুমাত্রও উচ্চারণ করতে পারি না।”

তাহার অন্তরের ব্যথা বুঝিতে পারিয়াই মা বলিলেন, “দুঃখ করো না, বাছা, একদিন সবাই বুঝবে, আমার মত একদিন সবাইকেই বুঝতে হবে।”

তাহারা বিদায় লইলে মা ঘরের দরজা বন্ধ করিয়া ক্রুশের সন্মুখে নতজাহ্নু হইয়া বসিলেন। বাহিরে বর্ষার অশান্ত ছন্দে তাঁহার অন্তর হইতে ভাষাহীন এক অপূৰ্ব প্রার্থনার স্বর জাগিয়া উঠিল। তাঁহার সেই ক্ষুদ্র ঘরকে সচকিত করিয়া যে-সমস্ত লোক একদিন তাঁহার অন্তরে নব নব স্বর ধনিয়া তুলিয়াছে, তাহাদের সকলের মিলিত চিন্তা আজ বাণীহীন প্রার্থনায় তাঁহার অন্তরকে ভরিয়া তুলিল। সামনের ক্রুশের দিকে চাহিয়া থাকিতে থাকিতে তাঁহার মনে হইল, সেই ক্রুশের মধ্য দিয়া অনবরত তাহারাই যাতায়াত করিতেছে। মাগো, একরাশ ফুলের মত সুন্দর, পবিত্র, শিশুর মত মুখ, কিন্তু কি উদাসীন শিশু সব!

পরের দিন সকাল বেলা ঘুম হইতে উঠিয়াই মা সোজা মেরিয়ানার ঘরে গিয়া উপস্থিত হইলেন।

মেরিয়ানা আপনিই বকিয়া চলিল, “দুঃখ করিস্ না বোন। আগে চুরি করার জন্তে লোককে ধরে নিয়ে যেতো—আজকাল নিয়ে যায় সত্যি কথা বললে। পাভেল হয়ত অগ্রায় কিছু বলে থাকবে কিন্তু যাই বলিস্ বোন, সকলের হয়ে তো সে দাঁড়িয়েছিল, সকলের হয়ে তো সে-ই কথা বলেছিল। এখন অবিশ্টি সকলের উচিত তাকে দেখা। তা বোন, তোর সঙ্গে দেখা করবো করবো আমিই মনে করছিলাম কিন্তু যে কাজের ভিড়, গিয়ে আর উঠতে পারি নি। এই বাজার থেকে জিনিষ আনছি, ভাজছি, আবার ফিরি করতে বেরুছি। সে আবার এক ঝকমারি! ব্যাটারা সব ঝুড়ি থেকে চুরি করার মতলবে থাকে। সাবধানে ফিরতে হয়! তারপর তাতেও কি শাস্তি আছে? ছ-চার পয়সা জমিয়ে রাখ, কোন্ সময় কোন্ হারামজাদা এসে তাও চুরি করে নিয়ে যাবে! একা থাকার এই বিড়ম্বনা! তাও আবার বলি বোন, লোক নিয়ে থাকা আরও বিড়ম্বনা।”

মা দেখিলেন মেরিয়ানাকে না থামাইলে সে থামিবে না। বলিলেন, “বুঝলি বোন, আমি এসেছি কিছু সাহায্যের জন্তেই; বোঝাই ত দিন চলে না—আমাকে তোমার সঙ্গী করে নাও, তোমার সঙ্গেই খাবার ফিরি করবো!”

মায়ের দুঃবস্থার কথা শুনিয়া মেরিয়ানার দয়া হইল। বলিল, “আচ্ছা তাই হবে; একদিন তুই বোন, আমাকে আমার স্বামীর অত্যাচার থেকে বাঁচিয়েছিস্! মনে আছে তোর? আজ আমি তোকে তোর দুঃখ থেকে একটু বাঁচাতে পারবো না?”

পরের দিনই কারখানার ভিতরে মেরিয়ানার জায়গায় মা খাবারের ঝুড়ি লইয়া উপস্থিত হইলেন। মেরিয়ানা কারখানার ভার মায়ের উপর দিয়া নিজে বাজারে ফিরি করিতে আরম্ভ করিল।

নতুন খাবারওয়ালীর সঙ্গে মজুরদের অল্পকালের মধ্যেই ঘনিষ্ঠতা হইয়া গেল। পাভেলের মা বলিয়া অনেকে আসিয়া সহানুভূতি জানায়, দুঃখ করিয়া জিজ্ঞাসা করে, তাই তো খাবার ফিরি করে বেড়াতে হচ্ছে ?

কিন্তু কেউ কেউ আবার পাভেলের মা বলিয়া তাঁহাকে বেশ দুঃখা শুনাইয়া দেয়। এই সব ধর্মঘট, গণ্ডগোল তাহারা আদৌ পছন্দ করিত না। একজন একদিন বেশ নির্মমভাবে মাকে শুনাইয়া দিল, আমি যদি এদেশের শাসন-কর্তা হতাম, তা হলে তোমার ছেলেকে ফাঁসী দিতাম। লোকদের ক্ষেপিয়ে বেড়ান কত মজার ব্যাপার, যাহু বুঝতে পারতেন।

খাবার লইয়া কারখানার ভিতর বসিয়া আছেন, সহসা দেখেন দুইজন পুলিশের লোক সামোলভকে ধরিয়া লইয়া যাইতেছে। পিছনে পিছনে প্রায় শতখানেক মজুর চলিয়াছে। কেহ পুলিশের লোককে গালাগাল দিতেছে, কেহ বা ঠাট্টা করিতেছে কিন্তু সবাই ক্রুদ্ধ।

একজন সামোলভকে উদ্দেশ্য করিয়া বলিয়া উঠিল, “তা হলে একান্তই বেড়াতে চলি ভাই।”

আর একজন চোঁচাইয়া বলিল, “এমনি করেই ওরা আমাদের সম্মান করে।”

তাহার উত্তরে আর একজন বলিয়া উঠিল, “সম্মান করে না ? আমরা যখন বেড়াতে যাই, তখন সজ্জি দেয় আমাদের বডি-গার্ড।”

সামোলভ মায়ের কাছে আসিতেই মা উঠিয়া দাঁড়াইলেন, গোপন অভিবাদন স্বরূপ তিনি মাথা নত করিলেন।

এই সমস্ত যুবক যখন হাসিমুখে কারাগারের দিকে যাত্রা করিত, মায়ের মন তখন মাতৃ-স্বলভ এক অপক্লপ করুণায় ভরিয়া উঠিত। সঙ্গে সঙ্গে মজুররা নানাভাবে তাহাদের অন্তরের বিক্ষোভও জানাইত। মা গোপন-গর্ক অর্হুভব করিতেন, এ সবই তাঁহার ছেলের প্রভাব।

কারখানায় খাবার বিলি হইয়া গেলে মা সোজা মেরিয়ানার বাড়ীতে আসিয়া উপস্থিত হইলেন। সেখানে তাহার কাজে কর্ষে সহায়তা করিয়া যখন সন্ধ্যায় বাড়ী ফিরিয়া আসিলেন, তখন তাহার আর কিছুই ভালো লাগিতেছিল না। আইভানোভিচের বই দিয়া যাইবার কথা ছিল, কিন্তু তাহারও দেখা নাই। আপনার মনে ঘরময় পায়চারি করিয়া বেড়ান—কোথাও যেন একটু বিশ্রামের স্থান নাই।

বাহিরে নিঃশব্দে জানালার উপর বরফ আসিয়া পড়িতেছিল। রাত্রি ক্রমশ গভীর হইয়া আসিতেছিল। এমন সময় মা শুনিলেন দরজায় কে খুব সম্ভরণে করাঘাত করিতেছে। দরজা খুলিতে দেখিলেন একটি বলিষ্ঠ ধরণের মেয়ে। ভাল করিয়া দেখিতে তিনি চিনিতে পারিলেন, শাশাঙ্কা! মাঝে দুই-একদিন দেখিয়াছিলেন কিন্তু কেমন করিয়া হঠাৎ সে এত মোটা হইয়া গেল তাহা মা কিছুতে বুঝিতে পারিলেন না। সেই সঙ্গীহীন নির্জনতার মধ্যে একজন সাথী পাইয়া তাঁহার অন্তর যেন একটু শান্তি লাভ করিল।

“এসো, এসো, এতদিন তো তোমায় দেখিনি। কোথায় ছিলে?”

“বাঃ, আপনি জানেন না, আমিও যে জেলে গিয়েছিলাম।” নিকোলের সঙ্গে এক সঙ্গে জেলে ছিলাম। আপনার নিকোলেকে মনে আছে?”

“মনে আছে বই-কি! আইভানোভিচের কাছে শুনলাম সে ছাড়া পায়নি কিন্তু তোমার সম্বন্ধে সে তো কিছু বলেন না—”

“বলে আর কি হবে তাই সে বলেনি। কিন্তু দেখুন, আমি একে-বারে ভিজে গেছি। আইভানোভিচ আসবার আগেই পোষাকটা একটু বদলাতে হবে—তার আগে শুহুন, আমিই বইগুলো এনেছি—”

আকুল আগ্রহে মা বলিয়া উঠিলেন, কই?

জামার বোতাম খুলিতেই তাহার সর্বদেহ হইতে পাতলা কাগজের পার্শেল চারিদিকে ছড়াইয়া পড়িল—ঝড়ো হাওয়ায় যেমন গাছের শুকনো পাতা ঝরিয়া পড়ে।

মা হাসিয়া ফেলিলেন। “ওমা, তাই তো বলি, কোথাও কিছু নেই, মেয়েটা হঠাৎ এত মোটা হল কি করে? এই বোঝা বয়ে সারা পথ নিশ্চয়ই হেঁটে এসেছ?”

“নিশ্চয়ই!” ভার মুক্ত হইতেই আবার শাশাঙ্কাকে অহুদেহা যুবতীটির মত দেখাইল। মা এইবার লক্ষ্য করিয়া দেখিলেন, তাহার মুখ চোখ যেন বসিয়া গিয়াছে, সর্বদেহে ক্লাস্তি মাখা!

“আহা, বড্ড কষ্ট হয়েছে, না? বসো, এক্ষুণি চা আর কুটি তৈরী করে দিচ্ছি।”

“বাঃ, আপনি কেন করতে যাবেন, আমি করে নিতে পারি না?”

রান্নাঘরে গিয়া দুইটি নারী জলন্ত আগুনের সম্মুখে আপনাদের স্থখ হুঃখের কথা বলিতে লাগিল।

“সত্যিই মা, বড় ক্লাস্ত হয়ে পড়েছি। বাই বলি না কেন, কারাগার মাল্লুষের খানিকটা শক্তি অপহরণ করে নেয়। সব চেয়ে ভয়ানক জিনিষ কি জানেন, যখন কাজ করবার জন্তে মন উৎসুক, সেই সময় বাধ্য হয়ে পড়ু হয়ে বসে থাকতে হয়। বাইরে কত কাজ রয়েছে, একটু জ্ঞানের অভাবে লাথ লাথ লোক মরে আছে। আমরা জানি, আমরা খানিকটা পারি তাদের সেই অভাব মেটাতে কিন্তু সেই সময় মন যখন চায় দিতে তখন তারা খাঁচার জন্তুর মত আমাদের রাখে ধরে। সে যে কি যন্ত্রনা! সমস্ত মন শুকিয়ে যায়।”

দীর্ঘশ্বাস ফেলিয়া মা বলিলেন, “এ সমস্তের পুরস্কার কে দেবে? আমার বিশ্বাস, ঈশ্বর একদিন না একদিন এর পুরস্কার দেবেন! তোমরা তো আবার ঈশ্বরেও বিশ্বাস কর না!

ঘাড় নাড়িয়া শাশাঙ্কা বলিল, “না!”

হঠাৎ উত্তেজিত হইয়া মা বলিয়া উঠিলেন, আমিও তোমাদের বিশ্বাস করি না। কি আশ্চর্য্য লোক তোমরা! তোমরা এখনও নিজেদের

জানো না! তোমরা যে-রকমভাবে জীবন চালাও, ঈশ্বরে বিশ্বাস না থাকলে কি তা কখনও সম্ভব হয়?

হঠাৎ বাইরে আবার পায়ের শব্দ শোনা গেল। দুইজনেই চমকাইয়া উঠিয়া দাঁড়াইল। শাশাঙ্কা উঠিয়াই মায়ের কানে চুপি চুপি বলিল, “যদি দেখেন যে পুলিশের লোক, তাহলে তাদের সামনে দেখাবেন যে আপনি আমাকে চেনেন না। আমি রাত্রে পথ ঠিক করতে না পেরে ভুল বাড়ীতে ঢুকে পড়েছি এবং হঠাৎ মূর্ছা যাই—আপনি আমার জামা খুলতেই এই সমস্ত বই দেখতে পেয়েছেন।”

শাশাঙ্কার মনোভাব বুঝিয়া করুণ কোমল স্বরে মা বলিলেন, “ও সব কথা বলবার কি দরকার?”

কিন্তু পুলিশের লোকের বদলে আসিল, আইভানোভিচ, সর্ব শরীর জলে ভেজা এবং কোনও রকমে যেন শ্বাস গ্রহণ করিতেছে।

ঘরে ঢুকিতেই বলিয়া উঠিল, “মাগো, সামোভারে আগুন দাও! ওঃ, ওর চেয়ে ভালো জিনিষ জগতে আর নেই! এই যে শাশাঙ্কা তুমি আগে থাকতেই উপস্থিত দেখছি—”

মায়ের দিকে চাহিয়া আইভানোভিচ বলিয়া চলিল, “এই যে মেয়েটি দেখছেন, পুলিশের পায়ে কাঁটার মত ইনি লেগে আছেন। জেলের ইন্সপেক্টর ওকে অপমান করে, তাতে ও বেঁকে বসলো যে, যদি ইন্সপেক্টর ক্ষমা না চায়, তাহলে জেলে না খেয়ে ও আত্মহত্যা করবে। আটদিন ক্রমান্বয়ে এক ফোঁটা জলগ্রহণ করলো না—অবস্থা এ রকম হয়ে উঠলো যে, এই যায় এই যায়—”

বিশ্বয়ে শাশাঙ্কার মুখের দিকে চাহিয়া মা বলিলেন, “আট দিন কিছু না খেয়ে রইলি কেমন করে?”

শাশাঙ্কা গম্ভীর ভাবে ঘাড় নাড়িয়া বলিল, “কি করব? আত্মত্যাগ! অত্যাচার করে ক্ষমা চাইবে না?”

“যদি মরে যেতিস, পাগলী?”

“তা কি করব! অবশ্য সে ক্ষমা চাইলো। বিন্দুমাত্র অপমান আর কারুর সহ্য করা উচিত নয়!”

ক্রমশ কথাবার্তায় রাত্রি গভীর হইয়া আসিতেছিল। শাশাঙ্ক বিদায় গ্রহণের জন্ত উঠিতেই মা বলিয়া উঠিলেন, “সে কি, এই পরিশ্রমের পর এই রাত্রে কোথায় যাবে?”

আইভানোভিচ বলিল, “ওকে এখনি শহরে যেতে হবে। দিনের আলোয় রাস্তায় ওকে মুখ দেখালে চলবে না!”

এই রাত্রে, একলা যাবে? কি লোক তোরা—”

শাশাঙ্ক উঠিয়া দাঁড়াইল। মা দরজা পর্যন্ত তাহাকে পৌছাইয়া দিলেন। যাইবার সময় কি মনে করিয়া শাশাঙ্ক ফিরিয়া দাঁড়াইল। অতি মুহূর্ত্তের মাকে বলিল, “মাগো, তোমার হাতটা দাও, একটু চুমু খাবো।” শাশাঙ্ককে জড়াইয়া ধরিয়া মা তাহার কপোলে চুম্বন করিলেন। শাশাঙ্ক চলিয়া গেল।

মা নীরবে অনেকক্ষণ জানালার কাঁচের ভিতর দিয়া বাহিরের দিকে চাহিয়া রহিলেন। দীর্ঘশ্বাস ফেলিয়া বলিলেন, “আহা বাছা আমার কি করে শহরে পৌছবে!”

আইভানোভিচও এতক্ষণ গভীর হইয়া বসিয়াছিল। মায়ের কথায় সায় দিয়াই সে বলিল, “এবার জেল থেকে এসে ওর শরীর একদম ভেঙে গিয়েছে। আগে ওর শরীর খুব ভালই ছিল। ওর মুখ দেখলে আমাদের কিন্তু মনে হয় যেন ওর ক্ষয় রোগ ধরেছে।”

“ওর কে আছে?”

“মস্ত জমিদারের মেয়ে। কিন্তু, বলে যে বাপ নাকি ভয়ানক পাজী। আপনি আর একটা ব্যাপার বোধ হয় জানেন যে, ওদের দুজনের বিয়ে হবে!”

“কার সঙ্গে!”

“কেন, পাভেল আর শাশাঙ্কা ওরা দুজনে দুজনকে ভয়ানক ভাল-বাসে। তবে বিয়ে ওদের আর ঘটে উঠছে না। ও যখন থাকে জেলে, সে তখন থাকে বাইরে, আবার ও যখন বেরিয়ে আসে, দেখে সে জেলের গেছে।”

“কই, আমাকে পাভেল তো কিছুই বলে নি!”

হঠাৎ মেয়েটির প্রতি মায়ের অন্তরের সমস্ত নিরুদ্ধ স্নেহ উথলিয়া উঠিল। মনে হইল, তাঁহারই স্নেহের পুত্রবধূকে অসহায়ভাবে এমনি করিয়া ছাড়িয়া দেওয়া হইল। এবং সেই সঙ্গে রাগ হইল আইভানোভিচের উপর। বলিলেন, “তোমার উচিত ছিল ওর সঙ্গে যাওয়া!”

“অসম্ভব! কাল সকালে এখানে আমাকে পর্কত-প্রমাণ কাজ করতে হবে। সকাল থেকে এই হাঁপানি নিয়ে ঘুরতে ঘুরতেই প্রাণ যাবে!”

আইভানোভিচের কথা যেন মা ভাল করিয়া শুনিতে পাইলেন না। তিনি তখন শাশাঙ্কার কথাই ভাবিতেছিলেন।

আপনার মনেই বলিয়া উঠিলেন, কি সুন্দর মেয়ে! কিন্তু মনে মনে তাঁহার ভয়ানক অভিমান হইতেছিল যখন ভাবিতেছিলেন যে পুত্রের যে-সংবাদে তিনি সকলের চেয়ে বেশী সন্তুষ্ট হইতেন, সেই সংবাদ পুত্র ছাড়া আর একজনের কাছে শুনিতে হইল।

মায়ের অবস্থা বুঝিয়া আইভানোভিচ বলিল, “সত্যিই বড় ভালো মেয়ে। আমি বুঝতে পারছি তার জন্তে আপনার মনে কষ্ট হচ্ছে। কিন্তু এই হতভাগ্য বিপ্লবীদের সকলের জন্তে যদি আপনি এমনি করে দুঃখ করেন—তাহলে মা, একটা হৃদয়ে কুলোবে না। যাক্, এখন কাজের কথা আরম্ভ করা যাক্।”

কেমন করিয়া মা কারখানায় বই লইয়া যাইবেন, সেখানে কাহার কাছে কি ভাবে বইগুলো দিবেন, পুঙ্খানুপুঙ্খরূপে মাকে তাহা বুঝাইতে লাগিলেন। এত পরিষ্কারভাবে সমস্ত ব্যাপারটা সে মাকে বুঝাইয়া দিল যে মা লোকটির বুদ্ধিবৃত্তি দেখিয়া অবাক হইলেন।

সকাল বেলা চলিয়া আসিবার সময় আইভানোভিচ জিজ্ঞাসা করিল,
“আচ্ছা, ধরুন, পুলিশের লোক যদি জানতে পেরে আপনাকে ধরে
ফেলে এবং জিজ্ঞেস করে, এ সমস্ত বই কোথা থেকে পেলেন—তখন
কি বলবেন?”

মা হাঁকিয়া উত্তর দিলেন—“বলবো—যেখানেই পাই না, তোমাদের
তাতে কি!”

“তাতে তো তারা শুনবে না—তাদের ধৈর্য্য বড় বেশী; তারা
যতক্ষণ না উত্তর পাবে, ততক্ষণ আপনাকে জিজ্ঞাসা করবে।”

“আমি কিছতেই বলবো না।”

“তারা ধরে নিয়ে গিয়ে আপনাকে জেলে রাখবে।”

“তাতে কি? তা হলে জীবনে ভাববো যে অন্তত একটা কাজেও
লাগলাম। আমার এ জীবনে কি দরকার? কেই বা আমাকে চায়।”

“কিন্তু জেলে ভয়ানক কষ্ট।”

“জেলে যারা যায়, তারা প্রত্যেকেই তো সে কষ্ট সহ্য করে। হয়ত
যারা জীবনকে বুঝেছে, তাদের মনে তত কষ্ট লাগে না। কিন্তু
আজ আমার মনে হয় যে, আমিও যেন একটু একটু করে জীবনকে
বুঝছি।”

উল্লাসে আইভানোভিচ বলিয়া উঠিল, “যদি তাই বুঝে থাকেন, তাহলে
আজ আপনাকেও সকলের চেয়ে বেশী প্রয়োজন।”

দুপুর বেলা আইভানোভিচের নির্দেশ-মত মা বুকের ভিতরে কাগজের
বাণ্ডিলগুলি ভরিয়া লইলেন। এমনভাবে সেগুলি লইলেন, যেন বহুকাল
ধরিয়া তিনি সেই কাজে অভ্যস্ত।

আধ ঘণ্টার মধ্যে খাবারের বুড়ি লইয়া কারখানার দরজায় হাজির।
হুইজন পুলিশের লোক ফটকে দাঁড়াইয়া প্রত্যেক মজুরের সর্ব্বাঙ্গ
পরীক্ষা করিয়া তবে তাহাদের কারখানায় ঢুকিতে দিতেছিল। মাঝে

মাকো মজুরগুলো প্রহরীদের উপর বিরক্ত হইয়া ব্যঙ্গ করিয়া বলে, “পকেটে কি দেখছো—মাথার ভেতরে দেখ!”

পুলিশের লোক রাগে কোনও সময় উত্তর দেয়, “মাথায় দেখবো কি? মাথায় তো শুধু উকুন আর পোকা!”

মজুরদের কাছ থেকে উত্তর আসিতে বিলম্ব হয় না। একজন বলিয়া ওঠে, “মাহুষ শীকার করার চেয়ে উকুন বাছোঁগে, পুণ্য হবে।”

এমন সময় খাবারের ঝুড়ি লইয়া আসিয়া খাবারওয়ালী বলে, “আমাকে আর জালাস নে বাবা, একে বুড়ো মাহুষ, তারপর এই বোঝা, আর দাঁড়াতে পারি না। পিঠ ভেঙে পড়লো বাবা!”

কোনও সন্দেহ না করিয়া প্রহরীরা বলিয়া উঠিল, “যা, বুড়ী, যা!”

যথাস্থানে বসিয়া কপালের ঘাম মুছিয়া মা একবার চারিদিক দেখিয়া লইলেন। মাকে দেখিয়াই দুটি লোক আগাইয়া আসিল। দুই ভাই, বড় ভাইয়ের নাম ভাসিলি, ছোট ভাইয়ের নাম আইভান।

ভাসিলি আগাইয়া আসিয়া অর্থপূর্ণ দৃষ্টি লইয়া জিজ্ঞাসা করিল, “বলি মোহন-ভোগ এনেছ?”

এই সাক্ষেতিক কথাই আইভানোভিচের কাছে মা শুনিয়াছিলেন। উত্তরে তিনিও বলিলেন, “আজ নেই, কাল আনবো।”

দুই ভাই-ই সন্ধেতের অর্থ বুঝিল। আইভান আহ্লাদে চীৎকার করিয়া বলিল, “সত্যিই তুই মা, মাথার মণি!” ভাসিলি আগাইয়া আসিয়া হাঁড়ির ভিতর হইতে এক বাণ্ডিল কাগজ তুলিয়া লইয়াই বুকের ভিতরে পুরিল। আইভান বুটের পা-ঢাকা চামড়ার ভিতর আরও কতকগুলি লইয়া অদৃশ হইয়া গেল।

দূরে মজুরদের আসিতে দেখিয়া মা অনভ্যস্ত স্বরে হাঁকিতে লাগিলেন, “চাই গরম ষোল টাটকা মাংসের রোস্ট চাই—ই”—!

মজুররা যথারীতি তাঁহাকে ঘিরিয়া দাঁড়াইল। সময় বুঝিয়া ভাসিলিও গায়ের জামাটি ছাঁট করিয়া পরিয়া কারখানার মধ্যে অদৃশ হইয়া গেল।

মজুরদের খাবার দিতে দিতে মা আনন্দে ভাবেন, তাঁহার এই প্রথম অভিজ্ঞতার কথা শুনিয়া পুত্র কত না আনন্দিত হইবে। একটা অনাস্বাদিত আনন্দের পুলক তাঁহার সর্বদেহকে আলোড়িত করিয়া তুলিতেছিল। মনে হইতেছিল, কি একটা পাখী প্রভাতে প্রথম জাগিয়া ডানার ঝাপট দিতে দিতে আনন্দ-সঙ্গীত গাহিতেছে। মজুররা খাবার চায়। আনন্দের কোঁকে জোরে জোরে মা বলেন, “আরও আছে! আরও আছে!”

কারখানায় কাজ সারিয়া মেরিয়ানার বাড়ী হইয়া যখন সন্ধ্যায় মা বাড়ী ফিরিলেন, তখন তাঁহার মনে হইতেছিল, যেন সর্বদা ব্যাপিয়া কে তাঁহাকে স্নেহালিঙ্গন করিতেছে। সে কি অপূর্ণ পুলক!

চা তৈয়ারী করিয়া খাইতেছেন এমন সময় বাহিরে পায়ের শব্দ হইল। তাড়াতাড়ি দরজার সামনে আসিয়া কোনও রকমে দরজা খুলিতেই দেখেন, অন্ধকারে লিটল রাশিয়ান দাঁড়াইয়া! একা!

অতি-পরিচিত স্নেহ-মাখা কণ্ঠস্বরে শুনিলেন, লিটল রাশিয়ান ডাকিতেছে, “মাগো!”

তাহাকে দেখিয়া একদিকে যেমন তাঁহার অন্তর আনন্দের আতিশয্যে ভরিয়া উঠিতেছিল, অগ্ৰদিকে তাহাকে একা দেখিয়া এক নিদারুণ নৈরাশ্য তাঁহাকে মুহূর্ত্তানুভূতি করিয়া তুলিল। আশ্রিত বৃক্ক মুখ রাখিয়া তিনি শিশুর মত কাঁদিয়া উঠিলেন।

আদরে মাকে বৃক্ক জড়াইয়া ধরিয়া, মায়ের মাথায় হাত বুলাইতে বুলাইতে, তাহার অপূর্ণ কোমল কণ্ঠস্বরে লিটল রাশিয়ান বলে, “কেঁদো না মা! এমন করে আমাদেরও কাঁদিওনা! বিশ্বাস কর, শিগ্গিরই পাভেলও ছাড়া পাবে। তার বিরুদ্ধে তারা কিছুই পায় নি। আর আমাদের সঙ্গে যারা গিয়েছিল, তারা কেউই একটি কথাও বার করে নি।”

ধীরে মাকে বিছানার উপর বসাইয়া লিটল রাশিয়ান বলিয়া চলিল,
 “মাগো, আসবার সময় পাভেল তোমার কথা বল্লো। সেখানে সে দিব্যি
 আরামে আছে! একেবারে এক দঙ্গল লোক। এখান থেকে আর
 শহর থেকে নিয়ে প্রায় শত খানেক লোক ধরেছে। চার-পাঁচজন করে
 একটা ঘরে রেখেছে। জেলের ওয়ার্ডাররাও দেখলুম মন্দ লোক নয়।
 বেশী কাজটাজ্ঞ তেমন কিছুই দেয় নি। কিন্তু মুন্সিল হবে নিকোলের।
 সব সময়েই মারমুর্তি হয়ে আছে। ওকে তারা কিছুতেই শিগ্গির ছেড়ে
 দেবে না। তবে পাভেল শিগ্গিরই ছাড়া পাবে। এখন বল ত মা তুমি
 কেমন ছিলে?”

লিটল রাশিয়ানের কথা শুনিয়া মায়ের মন স্নেহে ভরিয়া উঠিল।
 আদরে তাহার মাথায় হাত দিয়া মা বলিলেন, “তুই জানিস্ না তোকে
 আমি কত ভালবাসি!”

“সে কি জানি না মা! শুধু আমি কেন, তোমার স্নেহে আমরা
 সবাই ধন্ত!”

“না, না, আমি তোকে সকলের থেকে আলাদা করে ভালবাসি।
 যদি তোর মা থাকতেন, তাহলে সবাই তাঁর হিংসে করতো!”

গম্ভীরভাবে মাথা নাড়িয়া লিটল রাশিয়ান বলে, “হয়ত আমার মা
 এখনও এই পৃথিবীর এক কোণে কোথাও বেঁচে আছে!”

“জানিস্, আমি আজ কি করেছি?” বলিয়া আত্ম-তৃপ্তির আবেগে
 কাঁপিতে কাঁপিতে মা কারখানার সমস্ত ঘটনা বলিলেন। আনন্দে
 উৎফুল্ল হইয়া লিটল রাশিয়ান চীৎকার করিয়া উঠিল, “এই ত চাই মা!
 তুমি হয়ত জানো না যে, এতে পাভেলের এবং তার সঙ্গে যারা গ্রেফতার
 হয়েছিল তাদের কি উপকারই না হবে?”

লিটল রাশিয়ানের উৎসাহে মায়ের অন্তর পরিপূর্ণ তৃপ্তিতে বিকশিত
 হইয়া উঠিল। তিনি আনন্দ-গদগদ স্বরে বলিয়া চলিলেন, “সারা জীবন
 শুধু এই কথাই ভেবেছি, হে প্রভু, এ জীবন কিসের জন্তে দিলে? শুধু

কি মার খেতে আর মুখ বুজে ভূতের বোকা বইতে ? এই সংসারের খাওয়া-দাওয়া ওঠা-বসা ছাড়া আর কিছু জানতাম না। স্বামীকে ছাড়া আর কারকেই দেখতে পেতাম না। কেমন করে আমার পাভেল মাহুষ হয়ে উঠলো তাও জানি না। তখন আমার একমাত্র চিন্তা আর কর্তব্য ছিল—আমার দানবটির যথাসময়ে খাণ্ড সরবরাহ করা—যাতে সে আমাকে প্রহার না করে তার জন্তে সর্বদাই তার সেবায় থাকা। কিন্তু তবুও প্রহার করতে একদিনও কার্পণ্য করেনি। স্ত্রীকে যেমন সাধারণত লোকে প্রহার করে সেরকম নয়, সে আমাকে প্রহার করতো, যেমন দুর্বল শত্রুকে মাহুষ প্রহার করে। কুড়ি বছর ধরে আমি এই জীবন যাপন করে এসেছি। তারপর যখন সে মারা গেল, পাভেলের দিকে চাইলাম। মাগো, সেও তখন এই ব্যাপারে ডুবে গেছে। জীবনের সব-শেষ আশ্রয় তাকে হারাবার আতঙ্কে দিনরাত যে কেমন করে কাটে, সে আর কাকে জানাবো ? তারপর একদিন বুঝলাম, আমাদের স্ত্রীলোকের এই ভালবাসা—এ ঠিক আসল ভালবাসা নয় ! যে জিনিষ আমাদের দরকার, আমরা শুধু তাকেই ভালবাসি। আর তোরা ? তোরা যাদের ভালবাসিস্ তাদের সঙ্গে তাদের দরকারের কোনও সম্পর্ক নেই ! যে লোককে জানিস্ না তার জন্তে তোরা হাসতে হাসতে কারাগারে যাস্, যে লোককে চিনিস্ না তার জন্তে চলেছিস কোথায় দূর সাইবেরিয়ায় নির্বাসনে ! মেয়েগুলো রাত্রির ঠাণ্ডায় চলেছে মাইলের পর মাইল, পেটে নেই খাবার, গায়ে নেই জামা ! কার জন্তে ? কিসের জন্তে ? আমি বুঝি, তারাই সত্যি ভালবাসতে জেনেছে—আর আমি আজও সেরকম ভালবাসতে পারলাম না—আমি শুধু ভালবাসি আমার অন্তরের প্রিয় যারা তাদের।”

মায়ের মনের অর্গল যেন বহুদিন পরে অতর্কিতে আজ খুলিয়া গিয়াছিল। তাই কথার বজ্রায় তাঁহার হৃদয়ের তটভূমি বারে বারে উজ্জ্বলিত হইয়া উঠিতেছিল।

লিটল রাশিয়ান মায়ের কথার উত্তরে বলিল, “তুমিও পার মা এমন ভালবাসতে। কাছের যারা তাদের সবাই ভালবাসে। কিন্তু হৃদয় যাদের বড়—দূরও তাদের কাছে নিকট। তুমি জানো না কতখানি মাতৃহৃৎ তোমার হৃদয়টুকু জুড়ে আছে।”

“তাই যেন হয়, আমি যেন এই রকমভাবে সকলকে ভালবেসে একদিন এই পৃথিবী থেকে বিদায় নিতে পারি। মাঝে মাঝে আমার মনে হয় যে হয়ত তোকে আমি আমার পাভেলের চেয়েও ভালবাসি। পাভেল কি—এক রকমের! কোনদিন কোন কথা সে আমাকে বলে না। শুনলাম সে শাশাঙ্কাকে বিয়ে করতে চায়—অথচ আমাকে একবারও জানায় নি!”

লিটল রাশিয়ান বাধা দিয়া বলিল, “কে তোমাকে বললে সে বিয়ে করতে চায়? অবশ্য একথা ঠিক যে তারা পরস্পর পরস্পরকে ভালবাসে, কিন্তু শাশাঙ্কা চাইলেও পাভেল কিছুতেই বিয়ে করবে না—কখনই না!”

পুত্রের এই কঠোর জীবন-সাধনার গর্বে মায়ের অভিমান-আহত অন্তর সকল ব্যথা ভুলিয়া বলিয়া উঠিল, “এই দেখ, তোরা কি আশ্চর্য্য রকমের লোক! আপনাদের তোরা কি রকম করে বিকিয়ে দিয়েছিস্!”

“পাভেলের কথা বলো না মা! জগতে সে এক অসাধারণ লোক! লোহা দিয়ে তার বুক তৈরী!”

আবার মায়ের অন্তরে ছুলিয়া ওঠে কথার তরঙ্গ। বলেন, “আজ দেখি হঠাৎ যেন সব বদলে গেছে। সকলে সকলকে অগ্ন্যভাবে দেখতে শিখেছে। মনের আজ চোখ ফুটেছে। সে চোখ মেলে আজ যেন নর্জুন করে এই পুরানো পৃথিবীটাকে দেখছে—দেখছে আর একই সঙ্গে তার হচ্ছে আনন্দ আর বিষাদ। আজ আমি অনেক জিনিষ বুঝি, তবুও মনে হয়, অনেক জিনিস এখনো বোঝবার বাকি পড়ে রয়েছে। কিন্তু আমি তোমাদের বুঝেছি। বুঝেছি তোরা দুঃখী মানুষদের জন্তে এই দারুণ দুঃখের জীবন আপনা থেকে বেছে নিয়েছিস্। যে সত্যের জন্তে তোরা

আজ মাথায় বজ্র নিয়ে দাঁড়িয়েছি। তাও বুঝি। বুঝি যতদিন পৃথিবীতে একদল লোক থাকবে, যারা শুধু টাকা জমিয়ে রাখবে—আর একদল লোক শুধু হুঁমুঠো অয়ের জগৎ উদয়াস্ত খেটে মরবে, ততদিন পৃথিবীতে শাস্তি আর কেউ পাবে না। এক একদিন রাত্রিবেলায় যখন হঠাৎ এই সব মনে পড়ে, তখন আমার অতীত জীবনের কথা আপনা থেকে মনে ভেসে ওঠে—দেখি, আমার সমস্ত শক্তি পথের কাদার মত কে মাড়িয়ে দিয়ে চলে গিয়েছে—আমার এই বুককে কে ছেঁড়া নেকড়ার মত টুকরো টুকরো করে দিয়েছে। সেই পেছনের দিকে চেয়ে আজকের এই সব কথা মিলিয়ে দেখলে—তৃপ্তি পাই! মনে হয় জীবনের আর একটা আলাদা রূপ আছে।”

অতি নিম্নস্বরে লিটল রাশিয়ান বলিয়া উঠিল, “ঠিক কথা মা, ঠিক কথা!”

“ঠিক কি-না জানি না। আমি যে আজ কি বলছি তা আমি নিজেই ভাল করে বুঝি না। সারা জীবন আমি চুপ করে কাটিয়ে দিয়ে এসেছি। আমি যে বেঁচে আছি, প্রাণপণে সবার কাছ থেকে সেই কথাই লুকিয়ে এসেছি। আজ কেন মনে হয়, সব জিনিষের সঙ্গে আমার একটা সম্বন্ধ আছে—সকলের জন্তে আমার দুঃখ হয়, মনে হয় সকলকে ভালবাসি।”

উত্তেজনায় তখন মায়ের সর্বদেহ কাঁপিতেছিল। ছোট ছেলের মত মায়ের হাত দুখানি লইয়া লিটল রাশিয়ান নাড়াচাড়া করিতে করিতে বলিল, “আচ্ছা মা, একটা কথা বলি, তুমি যদি নিকোলেকে আমাদের মত ভালবাস, তাহলে বড় ভাল হয়। আমাদের মধ্যে ওর সবচেয়ে দরকার তোমার স্নেহের। চুরি করে বাপ প্রায়ই জেলে আটক থাকেন। জেলে ও যে-ঘরে আটক ছিল তার জানালা থেকে ওর বাপ যে-ঘরে আটক আছে তা দেখা যায়। মাঝে মাঝে দুজনের চোখাচোখি হতো! সেই অবস্থায় জেলে বসেও বাপ তাকে উদ্দেশ্য করে গালাগাল দিতো।

লোকটা ইঁদুর, বেরাল, কুকুর—এইসব ভালবাসে কিন্তু নিজের ছেলেকে একদম দেখতে পারে না।”

মা দীর্ঘশ্বাস ফেলিয়া আপনার মনে বলিয়া উঠিলেন, “মা-টা গেল পালিয়ে, বাপ রইলেন মদ আর চুরি নিয়ে।”

লিটল রাশিয়ান বিছানায় গিয়া শুইয়া পড়িল। তাহার মাথার শিয়রে দাঁড়াইয়া বৃকের উপর হাত রাখিয়া নিঃশব্দে মত্ত পড়িয়া মা আপনার শয্যায় গেলেন।

পরের দিন সকাল-বেলা যথারীতি মাল-পত্র লইয়া মা কারখানার ফটকে উপস্থিত হইতেই পুলিশের লোক আগাইয়া আসিয়া চীৎকার করিয়া উঠিল, “দাঁড়া।”

জিনিষ-পত্র নামাইয়া রাখিয়া মা দাঁড়াইলেন। গ্রহরীরা আসিয়া থালাবাসন নাড়িয়া ভাল করিয়া দেখিল। একজন পিঠে ও ঘাড়ের টোকা মারিয়া দেখিল।

“আমার খাবার যে সব ঠাণ্ডা হয়ে গেল, ছেড়ে দে বাবা আমাকে।”

কিছুই অসুস্থকানে মিলিল না দেখিয়া বিজ্ঞের মত একজন পুলিশের লোক বলিল, “আমি বলছি, পেছনের পাঁচিল থেকে বইগুলো ছুঁড়ে দিয়েছে।”

বৃদ্ধ সিজব মায়ের দিকে চাহিয়া মুহূ হাসিয়া চাপা গলায় বলিল, “ওনেছ নিলোভনা?”

“কি?”

“আবার সেইসব বই দেখা দিয়েছে! রুটিতে ঘেমন করে চিনি ছড়িয়ে দেয় তেমনি করে আবার কারা সেইসব বই কারখানার ভেতরে ছড়িয়ে দিয়ে গেছে! মিহিমিছি কতকগুলো নিরীহ লোককে ধরে জেলে রেখে দিলে! আমার ভাইপোটাকে ধরে নিয়ে গেছে—তোমার

ছেলেকে তো নিয়েছেই। কই, তাতেও, তো এসব বন্ধ হলো না! স্পষ্টই বোঝা যাচ্ছে, এ তাদের কাজ নয়!”

মায়ের নিকট অগ্রসর হইয়া সিজব বিজ্ঞের মত দাড়ি নাড়িয়া বলিল, “লোক ধরে কি করবি? আসল ব্যাপার তো লোক নয়—এসেছে নতুন মন! নতুন তার ভাবনা! মানুষের ভাবনাকে তো আর মশা-মাছির মত ধরা যায় না!”

কারখানার ভিতরে প্রবেশ করিয়া দেখিলেন, একদিনে কারখানার ভিতরকার আবহাওয়া বদলাইয়া গিয়াছে। মজুররা চারিদিকে জটলা করিয়া উত্তেজিতভাবে কি সব বলাবলি করিতেছে। পুলিশের লোক দেখিলেই চুপ হইয়া যাইতেছে। কর্তৃপক্ষদের মুখ গম্ভীর হইয়া গিয়াছে—তাহারা অনবরত পুলিশের লোকের সঙ্গে কি কথা বলিতেছে। সকলের চেয়ে একটা বিষয়ে মায়ের দৃষ্টি বিশেষভাবে পড়িল—মজুরেরা যথাসম্ভব সব পরিষ্কার-পরিচ্ছন্ন হইয়া কারখানায় আসিয়াছে।

দূরে আইভান ও ভাসিলির মূর্তি দেখা দিল। মা হাঁকিলেন, চাই গরম বোল আর টাটকা মাংসের রোস্ট চাই-ই—

হাসিতে হাসিতে আইভান মায়ের সম্মুখে উপস্থিত হইয়া বলিল, “আজকে গরম গরম কিছু আছে নাকি? কালকের গুলো বেশ ছিল।”

আনন্দে মায়ের শত-রেখাঙ্কিত মুখ বিকশিত হইয়া ওঠে। আইভান আজ ‘আপনি’ বলিয়া মায়ের সঙ্গে কথা বলিতেছিল। মায়ের কাছে আগাইয়া আসিয়া চুপি চুপি আইভান বলে, “দেখছেন, কি রকম একদিনে সব বদলে গেছে! শুধু ধরেছে!”

দূরে তিনজন মজুর দাঁড়াইয়া একটু উচ্চৈঃস্বরে আলোচনা করিতেছিল! একজন হুঃখ করিয়া বলিতেছিল, “আমি একখানাও দেখতে পেলাম না—বড় আফসোসের কথা!

দ্বিতীয় ব্যক্তিটি বলিতেছিল, “তুই তো দেখতে পেলি না—আমি দেখতে পেলেই বা কি করতাম—আমি তো আর লেখাপড়া জানি না!”

তৃতীয় ব্যক্তিটি একবার চারিদিক চাহিয়া বলিল, “দেখ, একটা কাজ করা যাক! চল আমরা বয়লার’ ঘরে যাই! সেখানে এখন কেউ নেই। সেখানে আমি তোদের পড়ে শোনাব। আমি একখানা বুকের ভেতর লুকিয়ে রেখেছি।”

মা সমস্তই শুনিলেন। বুঝিলেন মানুষের লিখিত ভাষার কি মূল্য! চক্ষুর সম্মুখে দেখিলেন, চাকা ঘুরিতে আরম্ভ করিয়াছে।

সেদিন বাড়ী ফিরিয়াই অন্তরের পরিপূর্ণ আনন্দে মা লিটল রাশিয়ানকে ডাকিয়া বলিলেন, “কারখানার কতকগুলো লোক হুঃখু করছিলো তারা পড়তে জানে না। আমি এককালে আধটু আধটু পড়তে জানতাম—কিন্তু আজ বোধ হয় সব ভুলে গেছি!”

কালবিলম্ব না করিয়াই লিটল রাশিয়ান বলিয়া উঠিল, “আজ থেকেই আবার তাহালে শিখতে আরম্ভ করে দাও না কেন!”

“এই বয়সে? হাঁ রে, আমার সঙ্গেও তুই ঠাট্টা করলি?”

বিন্দুমাত্র বিচলিত না হইয়া টেবিল হইতে একখানি বই লইয়া গম্ভীর মুখে একটা অক্ষরের উপর আঙ্গুল দিয়া লিটল রাশিয়ান জিজ্ঞাসা করিল, “আচ্ছা বল তো এ অক্ষরটা কি।”

“এ (A)।”

“আর এটা?”

মা হাসিয়া বলিলেন—“আর (R)।”

মা কিন্তু মনে মনে লজ্জিত হইয়া উঠিতেছিলেন। তাঁহার মনে হইতেছিল লিটল রাশিয়ান যেন তাঁহাকে লইয়া একটু হুঃখু মি করিতেছে। কিন্তু তাহার শাস্ত গম্ভীর কণ্ঠস্বর শুনিয়া মায়ের সে ধারণা বদলাইয়া গেল। জিজ্ঞাসা করিলেন, “সত্যি সত্যিই এই বুড়ো বয়সে তুই আমাকে লেখাপড়া শেখাচ্ছে চাস?”

“নিশ্চয়ই! একদিন যখন পড়তে শিখেছিলে; তখন নিশ্চয়ই একটু চেষ্টা করলেই পারবে। এতে ভোজবাজী কিছু নেই আর যদিই বা থাকে তা তো ভালই!”

“কিন্তু কথায় যে বলে ঠাকুরের দিকে চেয়ে থাকলেই সাধু হওয়া যায় না!”

“মা! কথায় কি না বলে? ধর, লোকে যে কথায় কথায় ছড়া কাটে, যত কম জানবে, তত মজাতে ঘুমবে—সেটা কি ঠিক! যারা পেট দিয়ে ভাবে, তারাই এই সব ছড়া মানে। কেন না, তাদের পেট চায় মনকে লাগাম দিয়ে রাখতে কিন্তু মন কি লাগাম মানে? আচ্ছা, এটা বলো তো কি?”

“এস (S)।”

“দেখ দেখি, কেমন সহজেই মনে পড়ছে—আর এটা?”

ঝুলিয়া-পড়া জ্ঞ কুক্ষিত করিয়া অতীতের বিশ্বাসিতর গর্ভ হইতে এই সমস্ত একদিনের পরিচিত অক্ষরগুলির নাম মনে করিতে দৃষ্টিপীড়া ঘটতেছিল। প্রথমে সেইজন্ম মায়েয় চোখে জল দেখা দিল। তারপর কখন হৃদয়ের অশ্রুধারা তাহার সহিত মিশিয়া সমস্ত দৃষ্টিকে ঝাপসা করিয়া দিল। মা কাঁদিয়া ফেলিলেন।

“জীবনের পাঠ আজ শেষ হয়ে এলো আর এখন আমি বসেছি বর্ণ-পরিচয় নিয়ে!”

মাকে সান্ত্বনা দিবার জন্য লিটল্‌ রাশিয়ান বলিল, কিন্তু সে তো তোমার দোষ নয় মা! তুমি তো আজ বুঝেছ যে কি জীবন তুমি যাপন করতে কিন্তু আজও হাজার লোক আছে যারা সেই রকম জীবনই যাপন করে অথচ তারা তার গর্ব করে। তাদের জীবনে কি লাভ? আজকে কোন রকমে কাজ সারা হল, তারা খেলো আর ঘুমুলো, কাল এলো, কোনো রকমে কাজ সারলো, খেলো আবার ঘুমুলো! এমনি করে তারা চলেছে বছরের পর বছর—খাওয়া আর খাটা, খাটা আর খাওয়া!

তারপর এলো ছেলেমেয়ের দল! প্রথম তাদের একটু ভালো লাগলো। তারপর তারা এত খেতে আরম্ভ করলো যে, তাদের ধরে ধরে পাঠালো খাটতে। এমন করে তারাও চললো খাওয়া আর খাটা খাটা আর খাওয়া নিয়ে। জীবনে তাদের এক মুহূর্তের জন্তেও আনন্দের সেই অপূর্ণ ক্ষণ আসে না, যা নিমেষে দেয় বুককে হুলিয়ে। কেউ বেঁচে থাকে ভিক্ষারির মত দ্বারে দ্বারে ভিক্ষা চেয়ে; কেউ বা থাকে চোর হয়ে—এর-তার জিনিষ ছিনিয়ে নিয়ে। এই সব মানুষের মধ্যে সে-ই আসল মানুষ যার সাহস আছে, মনের আর দেহের—এইসব শেকল ছিঁড়ে ছুঁড়ে ফেলে দিতে। সেই মানুষ তুমি মা চলেছ শেকল ছিঁড়তে! কিসে তোমার বাধা?”

“আমি? আমি—এই বয়সে?”

“কেন না? মানুষের এক ফোঁটা চেষ্টা ব্যর্থ হয় না। বৃষ্টির বিন্দুর মত সে কোথায় কোন্ বীজকে ফুটিয়ে তোলে গোপনে! তারপর যখন তুমি পড়তে শিখবে—”

সহসা কথা বলিতে বলিতে সে আপনার মনে হাসিয়া উঠিল। তারপর ঘরের এ-কোণ ও-কোণ পর্য্যন্ত লম্বালম্বা পা ফেলিয়া পায়চারী করিতে করিতে সে আবার বলিল—

তোমাকে লেখাপড়া শিখতেই হবে। পাভেল ফিরে এসে তোমাকে দেখে অবাক হয়ে যাবে, কেমন হবে বলো তো?

দীর্ঘশ্বাস ফেলিয়া মা বলিলেন, “পাগলা ছেলে আমার, তোরা কি বুঝি, এই বুড়ো বয়সের কি মানি! তাদের এখন সবই সম্ভব। বয়স কখন উত্তীর্ণ হয়ে গেছে আমার, কখন শেষ হয়ে গেছে মনের শেষ শক্তিটুকু, এখন এই অবেলায়—”

সন্ধ্যাবেলা কার্য্যান্তরে লিটল রাশিয়ান চলিয়া গেল। মা একেলা বসিয়া আছেন—এমন সময় দরজায় কে ধাক্কা দিল।

উঠিয়া দরজা খুলিবার পূর্বে মা জিজ্ঞাসা করিলেন ‘কে?’

“আমি রাইবিন!”

দরজা খুলিতেই গম্ভীরভাবে রাইবিন ঘরে প্রবেশ করিয়া ততোধিক গম্ভীরভাবে বলিল, “একদিন আপনি এই ঘরে বিনা পরিচয়ে বহুলোককে আসতে যেতে দিতেন—আজ্ঞা আর পরিচয় দিয়ে ঢুকবো কেন? আর কেউ নেই এখানে?”

না।

“ও! আমি ভেবেছিলাম এখানে হয়ত লিটল রাশিয়ানের দেখা পাবো। তার সঙ্গে দেখা হয়েছিল। দেখলুম, জেলখানা মানুষকে নষ্ট করতে পারে না। মানুষকে নষ্ট করে—তার নিজের গড়া বোকামি।

রাইবিনের এই সব গম্ভীর কণ্ঠের কথা মায়ের ভাল লাগিত না। তাহার কণ্ঠস্বর, কথার ভঙ্গী এবং সর্ববিষয়ে একটা বিতৃষ্ণা আর রাগ—মায়ের মনে তাঁহার স্বামীর পূর্ব-স্মৃতি জাগাইয়া তুলিত। তিনিও ছিলেন এই রকম কণ্ঠের, রুক্ষ, সবার উপর ক্রুদ্ধ, কিন্তু অধিকাংশ সময় মৌনী। এই লোকটার সে সমস্ত স্বভাবই আছে, প্রভেদ শুধু কথা কয় বেশী। কিছু না কিছু প্রতিবাদ করার তাগিদ যেন তাহারা মনে সর্বদাই জাগ্রত রহিয়াছে।

মায়ের কাছে বলিয়া সে বলিয়া চলিল, “একলা আছেন, আসুন একটু কথা বলা যাক। একটা দরকারী কথা আপনাকে বলা প্রয়োজন। আমি মনে মনে একটা মত তৈরী করেছি।

রাইবিনের কথা শুনিয়া মা উৎকণ্ঠিত হইয়া উঠিলেন। রাইবিন তেমনি কণ্ঠের রুক্ষস্বরে বলিয়া চলিল, “এ জগতে টাকা না হলে কিছু হয় না। জন্মাতেও টাকা দরকার মরতেও টাকা দরকার। বই ছড়াতেও টাকা লাগে। কিন্তু এ সব টাকা আলে কোথেকে?”

রাইবিনের প্রশ্নের ভঙ্গীতে মা সমস্ত হইয়া উঠিলেন। কোনও অজানা বিপদের আশঙ্কায় তিনি রাইবিনের মুখের দিকে চাহিয়া অতি মৃদুস্বরে বলিলেন, “সে আমি কি করে জানবো?”

“আমিও কি জানি ছাই! আমার আর একটা প্রশ্ন জিজ্ঞাসা করবার আছে। এ সমস্ত বই লেখে কে? নিশ্চয়ই শিক্ষিত লোকেরা—আমাদের মনিব শ্রেণীর লোকেরা। তারাই এই সমস্ত বই লিখে আমাদের ছড়াতে দেয়। কিন্তু মজার ব্যাপার, তারা পয়সা খরচ করে যে-সমস্ত বই লেখে, তাতে তাদেরই বিরুদ্ধে সমস্ত লেখা থাকে। এখন আমার প্রশ্ন হচ্ছে যে, তারা কেন পয়সা খরচ করে নিজের ক্ষতি নিজেরা করে?”

এ ধরনের কোন কথাবার্তা মা আজ পর্যন্ত শুনেন নাই। তিনি বিহ্বলের মত জিজ্ঞাসা করিলেন আমি ত কিছুই জানি না। তোমার কি মনে হয়, তাই বল আমি শুনি।

“হু! আমারও মনে যখন এই প্রশ্ন মাথা তুলে উঠেছিল তখন আমিও এই রকম বিহ্বল হয়ে পড়েছিলাম। সর্ব-শরীরের ভেতর দিয়ে যেন বরফের তরঙ্গ বয়ে গেল—”

কিন্তু তুমি কি বলতে চাও? কি তোমার মনে হয় বলো!

সব জোচ্ছুরি! ধাপ্লাবাজি! আমি ঠিক কিছুই জানি না বটে কিন্তু আমার মনে হয় এসব আমাদের প্রভুদের ধাপ্লাবাজি। নিশ্চয়ই প্রভুরা কোনও নূতন প্যাচে আমাদের ফেলবার চেষ্টায় আছেন। এই প্যাচের হাত থেকেই তো আজ মুক্ত হতে চাই—সেই জন্তেই তো চাই সত্য! আর আমি বুঝি একমাত্র সেই সত্যকেই। দয়াময় প্রভুদের প্যাচে পড়তে আমি চাই না। কোন দিন দেখবো যে তাঁরাই আমাদের কোণঠাসা করে ফেলেছেন আর আমাদের হাড়ের ওপর দিয়ে চলেছেন তাঁদের ঈর্ষিত পথে যেমন ~~করে~~ ~~মাছুষ~~ চলে সাঁকোর ওপর দিয়ে।

এতদিন যে-সমস্ত কথা মা শুনিয়া আসিয়াছেন সহসা রাইবিনের এই কথায় সমস্ত বিপর্যাস্ত হইয়া গেল। কোন কিছু বুঝিতে পারার য়েটুকু আনন্দ মা অন্তরে সঞ্চিত করিয়াছিলেন, সহসা যেন তাহা নিঃশেষিত হইয়া গেল। বেদনায় তিনি চীৎকার করিয়া উঠিলেন, “তবে, তবে কি হবে? পাভেলও কি বোঝে না এ সব? এই কি সত্যি? না, না, মানুষের জীবন নিয়ে শিক্ষিত লোকেরা কখনও এরকম জঘন্য খেলা খেলতে পারে না।”

“আপনি ঠিক বুঝতে পারছেন না। যারা সাক্ষাৎভাবে এই আন্দোলন চালাচ্ছে তারা হয়ত সত্যি বলেই এ সমস্ত বিশ্বাস করে। কিন্তু তাদেরও পেছনে আর একদল লোক হয়ত আছে, যারা নিশ্চিন্ত মনে এই সব কল ঘোরাচ্ছে।”

দীর্ঘ শতাব্দীর পুঞ্জীভূত সন্দেহে বলিষ্ঠ সেই প্রোট কুশকের অন্তর একান্ত আত্মনির্ভরের সহিত গর্জিয়া উঠিল, “না না, মনিবদের সঙ্গে কোনও সংস্পর্শে কোনও কল্যাণ আসবে না, আসতে পারেনা না।”

উদ্বেগে মা জিজ্ঞাসা করিলেন, “তবে তুমি কি করতে চাও?”

“আমি? আমি চাই প্রথমত মনিবদের আওতা থেকে সকল রকমে দূরে থাকতে। আমি এখান থেকে এই শহর থেকে দূরে চলে যাব কশিয়ার গ্রামে গ্রামান্তরে। আমার মন চেয়েছিল এদের দলে মিশে এদের সঙ্গে কাজ করতে। আর আমি কাজও করতে পারি অনেক। লিখতে জানি, পড়তেও জানি, সবার ওপরে জানি লোকেরা কি চায়। কিন্তু তবুও এই দল ছেড়ে আমাকে চলে যেতে হবে! আমি এ সমস্ত কিছুই বিশ্বাস করে উঠতে পারছি না—তাই আমি চলে যেতে চাই। আমি জানি গাঁয়ের লোকেরা একেবারে অন্ধকারে ডুবে আছে—সব স্বার্থপর পাজী বদমায়েস। জানি, জীবনে পেট ভরে তারা খেতে পায় না! তাই নিজেদের মধ্যে কামড়াকামড়ি করে খায়—তবু

আমি যাব তাদের মধ্যে। কেউ যদি সঙ্গে না যায়, একলা যাব। গাঁয়ে গাঁয়ে ঘুরে জাগিয়ে তুলবো তাদের। বলবো তাদের মুক্তি-সংগ্রামের ভার তাদেরই নিজের হাতে নিতে হবে। তারা এগিয়ে আসুক, তারা বুক! তাহলেই একটা পথ আপনা হতে একদিন বেরিয়ে পড়বে। তাদের মুক্তির আর কোনও পথ নেই, তাদের কল্যাণের আর কোনও পন্থা নেই। আর আমার মনে হয় এইটিই একমাত্র সত্য।”

স্তুতিভাবে মা বলিলেন, “তখনি তোমাকে তারা গ্রেফতার করে ধরে রেখে দেবে।”

“জেলে যাব, আবার বেরিয়ে এসে তাদের দলের সামনে এসে দাঁড়াব, আবার যাব—”

“যাদের দরজায় দরজায় ঘুরবে সেই কৃষকরাই তোমাকে মারবে।”

“হয়ত তারা তাই করবে। একবার, দুবার, তিনবার তাই করবে। তারপর তারাও একদিন বুঝবে যে, আমার সঙ্গে ওরকম ব্যবহার করা ঠিক হচ্ছে না। ক্রমশ তারাই আমার কথা শুনতে শিখবে। তাদের বলবো, আমি যা বলছি, ইচ্ছে না যায় ত বিশ্বাস করো না, কিন্তু যা বলি তা শোন।”

কিছুক্ষণ চুপ করিয়া থাকিয়া সে গভীর দীর্ঘশ্বাস ফেলিয়া বলিষ্ঠ দেহখানি একবার দোলাইয়া বলিয়া উঠিল, “এতে আমার নিজের কোনও আনন্দ নেই। বহুদিন এখানে কাটালাম, অনেক কিছুই দেখলাম, শিখলাম। এখন মনে হচ্ছে—যা-কিছু শিখেছি, যা-কিছু বুঝেছি সে শুধু নিজের মনের ভেতর পুঁবেই রেখেছি! নিয়ত মনে হয়, যে শিশুকে জন্ম দিয়েছি—তাকে খেতে না দিতে পেরে মেরে ফেলছি!”

একান্ত সঙ্কল্পে চাহিয়া মা বলেন, “তুমি মরবে রাইবিন।”

“আপনি জানেন, বাইবেলে যীশুখৃষ্ট বীজ সম্বন্ধে কি বলেছেন? বলেছেন, তোর মৃত্যু নেই; আর একদিন আবার তুই নবজন্ম লাভ

করবি। আচ্ছা, অনেকক্ষণ বকলাম—এখন যাই হোটেল গিয়ে একটু আড্ডা দি। লিটল রাশিয়ান এলে আমার কথা বলবেন—বলবেন আমি কালই চলে যাব। বিদায়!”

রাইবিন চলিয়া গেল। দরজা বন্ধ করিয়া মা ঘরের মধ্যে নিস্তক হইয়া দাঁড়াইয়া রহিলেন। ঘরের চারিদিকে শুধু অন্ধকার, আর অন্ধকার। দীর্ঘশ্বাস ফেলিয়া আপনা হইতে মা বলিয়া উঠিলেন, “চিরদিনই আমি রইলাম এমনি অন্ধকার রাত্রির মধ্যে।”

গভীর রাত্রে লিটল রাশিয়ান ফিরিয়া আসিল। মা তাহাকে রাইবিনের কথা সমস্ত বলিলেন।

“ভালই তো! যাক্ না সে গ্রামে গ্রামে! সেখানে জাগিয়ে তুলুক সত্যের অমর বাণী। এখানে তার ভালো লাগলো না!”

“কিন্তু সে যে-সমস্ত কথা বলছিলো, যাদের কথায় তোরা চলহিস্ তারাই তোদের ঠকাচ্ছে।”

“আসল কথা কি জানো মা, টাকা! টাকার যে কি অভাব তা আর কি বলবো! এক রকম বলতে গেলে আমাদের এই দল পরের দয়ার ওপর বেঁচে আছে। ধরো, নিকোলায় আইভানোভিচ মাসে পঁচাত্তর রুবল উপায় করে, কিন্তু তার মধ্যে থেকে আমাদের পঞ্চাশ রুবল দেয়। আরও অনেকে এই রকম করে আমাদের দলটিকে কোনও রকমে বাঁচিয়ে রেখেছে। দরিদ্র ছাত্রেরা না খেয়ে দিনের পর দিন পয়সা জমিয়ে আমাদের কিছু কিছু পাঠায়। মাঝে মাঝে প্রভুদের কাছ থেকেও সুবিধে পেলেই সাহায্য নিতে হয়। আমাদের ওপর-ওয়ালাদের মধ্যেও আবার অনেক শ্রেণী-বিভাগ আছে। তাদের মধ্যে কেউ কেউ আমাদের দিয়ে তাদেরই কাজ পরোক্ষভাবে গুছিয়ে নেবার চেষ্টায় যে না আছেন, তা নয়! কেউ কেউ আবার আমাদের ফাঁদে ফেলবার চেষ্টায় আছেন। কিন্তু আমার বিশ্বাস যে, তাদের মধ্যে কেউ কেউ এমনও আছে, যারা শেষ পর্যন্ত আমাদের সঙ্গে চলবে।”

লিটল রাশিয়ানের সহজ ও প্রাণভরা কথা মায়ের শুনিতে বড় ভাল লাগিত! তাহার কথা শুনিলেই মায়ের বিশ্বাস হইত যে, নিশ্চয়ই অদূর ভবিষ্যতে কোনও কল্যাণ তাহাদের জন্ত অপেক্ষা করিতেছে এবং সমস্তই নির্ধারিত পথে চলিয়াছে।

লিটল রাশিয়ান আপনার আবেগে বলিয়া চলিল, “কি জানো মা, মাঝে মাঝে মনে একটা অদ্ভুত ভাব আসে। মনে হয় যে, এই বিশ্বশুদ্ধ লোককে আঁকড়ে ধরি। মনে হয়, যত দূরে যাই, যেখানেই যাই, সেখানেই আছে অন্তরের মিতা। জগতে যেন সবাই সবার বন্ধু, সবারই অন্তরে একই আলোক-শিখা জ্বলছে। কারুর সঙ্গে কারুর দেখা নেই, কোনও কথার পরিচয় নেই, তবুও মনে হয়, সবাই যেন সবাইকে জানে, বোঝে। হুজুয়ে পাহাড়ের বুক থেকে পরিচয়হীন কত ঝরনা বেরিয়ে প্রান্তরে এসে নদীর জলে মিশে; কত বিভিন্ন তর্ক দিয়ে সেই সব নদী আবার এক বিরাট মহা সমুদ্রে এসে এক হয়ে মিশে যায়। তেমনি আমাদের সকলের হৃদয় থেকে বিভিন্ন ভাবে বিভিন্ন সুর-জগে উঠছে। কারুর সঙ্গে কারুর পরিচয় নেই কিন্তু একদিন দেখবো সেই সমস্ত সুরের ধারা কখন অপরিচয়ের ব্যবধান ঘুচিয়ে এক মহা প্রাণ-সমুদ্রে এসে মিশেছে। যখন মনে হয় যে, কোনও একদিন এই মহা-আদর্শ সম্ভব হয়ে উঠবে তখন আনন্দে অধীর হয়ে উঠি। এত আনন্দ হয় যে আপনা থেকে কেঁদে ফেলি।”

মা নিশ্চল হইয়া তাহার কথা শুনিতছিলেন—পাছে কোনও রকমে বাধা পায় বলিয়া মা জোরে নিঃশ্বাস পর্য্যন্ত ফেলিতে ছিলেন না। লিটল রাশিয়ানের কথা শুনিতে তাঁহার ভাল লাগিত এবং সর্ব্বমুগ্ধপ্রাণ দিয়া তিনি তাহার কথা শুনিতেন—শুনিতেন শুনিতেন মনে হইত তাঁহারই হৃদয়ের মুক অংশ যেন আজ ঐ যুবক শিশুর কথায় জাগিয়া উঠিয়া কথা কহিতেছে। একদিন সারা পৃথিবীতে মাহুষ এক সঙ্গে ছুটি পাইবে সকল বেদনার বন্ধন হইতে, সকল অতৃপ্তির অশান্তি হইতে

সকল দৈত্যের প্রাণঘাতী লজ্জা হইতে! পৃথিবীব্যাপী এই মহামর্হোৎসবের কাহিনীর মধ্যে মা যেন জীবনের একটা সুসঙ্গত অর্থ খুঁজিয়া পাইতেন।

লিটল রাশিয়ান বলিয়া চলিল, “কিন্তু এই কল্পনা থেকে উঠে যখন চারিদিকের পৃথিবীকে দেখি, দেখি চারিদিকে পাকের পোকার মত মানুষ মানিতে ডুবে আছে—সবাই বিরক্ত, ক্লান্ত, ক্ষুধার্ত—রাস্তার কাদার মত মানুষের জীবন-পথে পরে রয়েছে, উদাসীন পথিক ছ’পায়ে চটকে চলেছে—মনে অবিশ্বাস আসে, ঘোরতর সন্দেহ জাগে—এই মানুষ? দুঃখের বিষয়, মনে আঘাত লাগলেও, এই মানুষকেই করতে হবে অবিশ্বাস, এই মানুষকেই করতে হবে ঘৃণা। ভালবাসতে প্রাণ চায়—কিন্তু ভালবাসব কাকে? বনের পশুর মত যে মানুষ বারে বারে তোমাকে অপমান করে, তোমার আত্মাকে অপমান করে, তোমার মানুষের বৃকে তুলে দেয় পা, তাকে ক্ষমা করা যায়? তাকে ক্ষমা করা উচিত নয়! অপমানকে প্রশ্রয় দেওয়া মহাপাতক! বিশেষ কিছু ক্ষতি করলো না, মনে করে—আজ আমি যদি অপমানিত হয়ে কোনও প্রতিকার না করি, তাহলে কাল সেই অপমানকারী পরমোৎসাহে আবার আর একজনকে অপমান করবে। এমন করে অপমানের ধারা বয়েই চলবে—সেই জগতই মানুষের বিচারে শ্রেণী-বিভাগ এসেই পড়ে—”

তিন বার মা পুত্রের সঙ্গে কারাগারে দেখা করিবার চেষ্টা করেন কিন্তু তিন বারই ব্যর্থ মনোরথ হন। অবশেষে একদিন পুত্রের সহিত সাক্ষাৎ-কারের অমুমতি পাইয়া তিনি জেলখানার দরজায় আসিয়া উপস্থিত হইলেন। দেখিলেন, তাঁহারই মত আরও বহুলোক সমবেত—সবাই বিমর্ষ, বিরক্ত। জেলের প্রহরী একে একে নাম ধরিয়া ডাকিতেছে এবং এক একজন করিয়া গিয়া দেখা করিয়া আসিতেছে। অবশেষে একটি মোটা পুলিশ কর্মচারী আসিয়া মাকে ডাকিয়া জেলের ভিতরে লইয়া গেল।

একটি ক্ষুদ্র আধ-অন্ধকার ঘরে কয়েদীর বেশে পুত্রকে দেখিয়াই মা কেমন বিহ্বল হইয়া পড়িলেন। কথা বলিতে গিয়া সহসা কোনও কথা না আসায় মুহু হাসিয়া ফেলিলেন। অশ্রুঝঙ্ককণ্ঠে বলিলেন, “কেমন আছি পাতেল,—”

পাতেল মায়ের হাত ধরিয়া বলিলেন, “ও রকম করো না মা, আমি তো বেশ ভালই আছি।”

এমন সময় গ্রহরী জানাইল, “দেখ মেয়ে, অত কাছাকাছি দাঁড়ালে তো চলবে না—একটু সরে দাঁড়িয়ে কথা বল।”

মা গ্রহরীর মুখের দিকে চাহিয়া একটু সরিয়া দাঁড়াইলেন। সাধারণ স্বাস্থ্যলাপের পর মা সহসা জিজ্ঞাসা করিলেন, “আর কত দিন তোকে জেলে রাখবে? জানি না কেন যে ওরা তোকে জেলে রেখেছে! সেই সব বই-কাগজপত্র তো তেমনি আবার কারখানায় কারা ছড়াচ্ছে!”

সহসা পাতেলের চোখ মুখ উজ্জ্বল হইয়া উঠিল, “তাই নাকি? সত্যি?”

গ্রহরী গর্জিয়া উঠিল “ওসব কথার আলোচনা এখানে চলবে না! শুধু ঘর-সংসারের কথা ছাড়া আর অগ্র কোনও কথা বলার হুকুম নেই।”

“আচ্ছা তাই হবে। ঘরের কথাই জিজ্ঞাসা করি, তুমি কি করো মা?”

মা সহসা বলিয়া উঠিলেন—“আমিই এই সব কারখানায় নিয়ে যাই—এই মাংস, খাবার, মেরিয়ানার বদলে, আরো অনেক জিনিষ।”

মায়ের চোখের দিকে চাহিয়া পাতেল ব্যাপার বুঝিল। দ্বানন্দের উচ্ছ্বাসে তাহার বুক ফীত হইয়া উঠিল। কোনও রকমে জোর করিয়া উচ্ছ্বাস বন্ধ করিয়া পাতেল বলিল, “আমার মা-মণি! ভাল, যা-হোক একটা কাজ পেয়েছ—তেমন একলা বোধ হয় না তো?”

প্রহরীর সাবধানতা ভুলিয়া মা বলিয়া ফেলিলেন, “কারখানায় কাগজ বেরুনের সঙ্গে সঙ্গে তারা আমার ঘরও সার্চ করে।”

প্রহরী গর্জিয়া উঠিল, “আবার সেই কথা!”

“আচ্ছা মা ও কথা আর তুলো না!”

এমন সময় ঘড়ি দেখিয়া প্রহরী জানাইল, “সময় হয়ে গেছে।”

চলিয়া যাইবার সময় পাভেল মাকে আলিঙ্গন করিতেই মায়ের চোখ দিয়া নিরুদ্ধ অশ্রুর বন্যা নামিয়া আসিল।

বাড়ীতে আসিয়া মা লিটল্ রাশিয়ানকে সকল কথা বলিলেন। তাহার তিন দিন পরে এক দিন সন্ধ্যাবেলা লিটল্ রাশিয়ান ও মা গল্প করিতেছিলেন—এমন সময়, মুখে বসন্তের দাগ লইয়া নিকোলে আসিয়া উপস্থিত হইল। ঝড়ের মত অন্ধকার মুখ, যেন বিশ্বব্রহ্মাণ্ডের উপর সে রাগিয়া গিয়াছে।

ঘরে প্রবেশ করিয়াই সে বলিল, “সোজা জেল থেকে আসছি। পথে যেতে দেখলাম তোমাদের এখানে আলো জ্বলছে—তাই ঢুকে পড়লাম!”

আগে মা নিকোলেকে দেখিতে পারিতেন না। তাহার কথাবার্তা, ভাবভঙ্গী, মুখের চেহারা দেখিলেই মায়ের কেমন ভয় হইত—হঠাৎ হিংস্র জন্তুকে সামনাসামনি দেখিলে পথিক যেমন আতঙ্কিত হইয়া ওঠে। কিন্তু আজ তাহার নিকোলেকেও ভাল লাগিল। আদর করিয়া লিটল্ রাশিয়ানের দিকে চাহিয়া তিনি বলিলেন, দেখচিস্ এণ্ড্রাসা, নিকোলে কি রকম রোগা হয়ে গেছে! ইঁ রে, পাভেল যে এখনও ছাড়া পেলো না!”

“ছাড়া তো পায়নি দেখছি! আমাকেই যে কেন ছাড়লো, তাও ঠিক জানি না। একদিন একেবারে ক্ষেপে গিয়ে ওয়ার্ডারকে বললাম, আমাকে ছেড়ে দাও বলছি, নইলে এখানে আমি একটা খুন করে বসবো, হয়ত বা নিজেকেই খুন করবো! পরের দিন দেখি তারা আমাকে ছেড়ে দিয়েছে।”

লিটল রাশিয়ান জিজ্ঞাসা করিল, “কিডিয়া কেমন আছে? সেখানে বসে এখনও কবিতা লিখছে?”

“ওই, ওকে আমি একদম বুঝতে পারি না। খাচার ভেতর তাকে পুরে রেখেছে, তবুও সে গান গায়। আগে যাও বা কিছু বুঝতাম এখন আর কিছুই বুঝতে পারছি না। শুধু এইটুকু বুঝছি যে, বাড়ীতে পা দিতে আর মন চাইছে না।”

সমবেদনায় মা বলিয়া উঠিলেন, “সত্যিই তো বাড়ী যেতে মন চাইবে কেন? সেখানে আছে কে? কেউ তো বসে নেই ওর জন্তে উঠুন জালিয়ে!”

পকেট হইতে একটা সিগারেট বাহির করিয়া ধরাইয়া ধুমকুণ্ডলীর দিকে চাহিয়া নিকোলে উদাস কণ্ঠে বলিল, “বাড়ী! শূন্য ঘর পড়ে আছে, ঠাণ্ডা, হিম! বেশ দেখতে পাচ্ছি, মেঝেতে আরম্মলা সব ঠাণ্ডায় শাদা হয়ে গিয়ে গাদা গাদা পড়ে আছে—ইঁদুরগুলোও বোধ হয় দেখবো ঠাণ্ডায় জমে গিয়ে মেঝেতেই পড়ে আছে। কোথায় যাব? আজকের রাস্তিরের মত আমাকে এখানে গুতে দেবেন?”

মা তাড়াতাড়ি বলিলেন, “বাঃ, সে তোমার বলতে হবে কেন? নিশ্চয়ই, তুমি এখানে শোবে!”

তারপর যে কি বলিতে হইবে, মা তাহা বুঝিয়া উঠিতে পারিতেছিলেন না। নিকোলে আপনার মনে বলিয়া চলিয়াছিল, “যে দিনকাল পড়েছে, ছেলেরা লজ্জায় আর বাপ-মাদের কথা উল্লেখ করতে চায় না!”

সহসা মা স্কু হইয়া নিকোলের দিকে চাহিতেই সে নিজের উক্তি ব্যাখ্যা করিয়া বলিল, “আমি আপনার বা পাভেলের কথা বলছি না। আপনার পরিচয় দিতে পাভেল কোনও দিন লজ্জিত হবে না। আমি, আমার ও আমার মত যারা, তাদের কথাই বলছি। আমার বাবার নাম উচ্চারণ করতে আমার লজ্জা হয় আর সেই জন্তেই আমি কখনও আর ও-বাড়ীতে পদার্পণ করবো না। আমি জানবো, আমার বাপ নেই,

মা নেই, ঘর নেই, পৃথিবীতে আমি একা ! আমাকে পুলিশ নজরে নজরে রেখেছে, তা না হলে আমার ইচ্ছে—আমি যেচ্ছায় সাইবেরিয়ায় চলে যাই—সেখানে নির্বাসিতদের পালাবার ব্যবস্থা করবার অনেক কাজ আছে । তা যদি না হয়, তা হলে একটা জিনিষ প্রথম করা দরকার—”

উৎসুক হইয়া লিটল রাশিয়ান জিজ্ঞাসা করিল, “কি ?”

“আমার মনে হয়, কতকগুলো লোককে পৃথিবী থেকে সরিয়ে ফেলা দরকার !”

“বটে ? এই জীবন্ত মানুষকে খুন করবার অধিকার তুমি কোথা থেকে পেলেন ?”

“কেন, যাদের হত্যা করতে চাই, তারাই আমাকে সে অধিকার দিয়েছে । তারা যদি আমাকে লাথি মারে, আমারও অধিকার আছে তাদের লাথি মারবার । আমাকে ছুঁয়ো না, আমিও তোমাকে ছুঁতে চাই না । লোকালয় ছেড়ে দূরে চলে যাব—সেখানে কেউ আমাকে আঘাত করতে পারবে না, আমিও কাউকে আঘাত করবো না । সেখানে কোনও নির্জন বনে এক নদীর ধারে গাছের শুকনো ডাল দিয়ে এক কুঁড়ে ঘর তৈরী করবো—সেইখানে থাকবো একলা—”

লিটল রাশিয়ান মাথা নাড়িয়া বলিল, “বেশ তো, তাই করো না কেন ?”

“এখন তা করা অসম্ভব !”

“কেন ?”

“এই যে-সমস্ত পাজী লোকদের থেকে দূরে যেতে চাইছি, আমি বেশ ঘৃণি, তারাই কেমন করে আমাকে টেনে রেখেছে তাদের সঙ্গে—মনে হয়, আমরণ তারা আমাকে এমন আকর্ষণ করে রাখবে । ঘণার কাঁটা-বেড়া দিয়ে আমার সমস্ত মনকে তারা ঘিরে রেখেছে । মুক্তি নেই, আমি জানি মুক্তি নেই ! আমি এই সমস্ত লোকদের ঘৃণা করি, সেই অত্বেই আমি তাদের ফেলে যেতে পারি না । তারা আমার জীবনকে

কষ্টকিত করেছে—আমি কেন তাদের ভয়ে পালিয়ে যাব? আমিও পদে পদে তাদের জীবনকে বিধ্বস্ত করে তুলবো—এই গরুমন্ড—কি বদমায়েস লোক! লুকিয়ে আমাদের সর্বনাশ করছে, আমার বাবাকেও তার দলে নেবার ফিকিরে আছে—”

সহসা নিকোলে উঠিয়া দাঁড়াইল—তাহার মুখ দেখিয়া মনে হইল, যেন বিশ্বের সমস্ত লোক তাহার বিপক্ষে দাঁড়াইয়া তাহাকে আঘাত করিতে আসিতেছে। তাহাকে শাস্ত করিবার জন্য লিটল্ রাশিয়ান বলিল, “আমি বুঝছি, তোমার অন্তরে আজ কি ব্যথা জেগেছে—”

“আমার অন্তরে ব্যথা জেগেছে কিন্তু তোমার কি জাগেনি? হয় ত আমার ব্যথার চেয়ে তোমাদের ব্যথা আরও মহৎ আরও বৃহৎ—কিন্তু আসলে আমরা সবাই পাজী! আমাদের পরস্পরের মধ্যে একমাত্র বন্ধন হচ্ছে ঘৃণা করার, ক্ষতি করার, আঘাত করার এবং আহত হওয়ার—কি বল?’ তাহার কথায় বাধা দিয়া লিটল্ রাশিয়ান বলিল, “আজ আর কোন তর্ক নয়! বুক চুঁয়ে যখন রক্ত পড়ে, আমি জানি তখন তর্ক করার চেয়ে নিশ্চয়তা আর কিছু নেই, ভাই!”

লিটল্ রাশিয়ানের কোমল স্বগভীর কণ্ঠস্বরে নিকোলে সহসা অপ্রস্তুত হইয়া পড়িল। বলিল, “সত্যিই আজ আমার সঙ্গে তর্ক করা অসম্ভবই!”

“আমার মনে হয়, আমাদের প্রত্যেকের মধ্যে দিয়ে এই রক্ত-ঝরা নৈরাশ্রের ঝড় বয়ে গেছে—নয় ত বা যাবে! আমরা প্রত্যেকেই খালি পায়ে কাঁচের ওপর দিয়ে হেঁটে যেতে বাধ্য হয়েছি—আজ তুমি যেমন অন্ধকারে একটুকু নিঃশ্বাসের জন্যে হাঁপিয়ে উঠছো তেমনি একদিন আমরা সবাই কঁদেছি—”

“আমি ও-সব কিছু শুনতে চাই না—আমার খালি মনে হচ্ছে, আমার মনের মধ্যে যেন অনবরত পিঁজরের পোরা বাঘ গর্জে গর্জে উঠছে—সে চাইছে—”

ধীর স্থির শাস্তভাবে লিটল রাশিয়ান বলিল, “আমি তোমাকে বিশেষ কিছুই বলতে চাই না—শুধু এইটুকু জানিয়ে দিতে চাই যে, একদিন সমগ্রভাবে না হোক, অধিকাংশভাবেই তোমার এ মনোভাব দূর হয়ে যাবে। ছোট ছেলেদের অস্থির মত, কতকটা হামের মত, এও এক রকম মানুষের মনের রোগ। দুর্বল আর শক্তিমান, অল্প-বিস্তর আমরা সবাই এ রোগে ভুগি। যে-মুহূর্তে মানুষ আপনাকে চিনতে আরম্ভ করে, অথচ জীবনকে ঠিক বুঝে উঠতে পারে না, বুঝে উঠতে পারে না জীবনে তার স্থান কোথায়, ঠিক সেই ক্ষণেই এই রোগ মনকে পেয়ে বসে। তখন মনে হয় পৃথিবীতে কেউ আমার প্রাপ্য আমাকে দিল না, কেউ বুঝলো না আমার অন্তরের গভীর ব্যথার কথা, সবাই যেন আছে শুধু আমাকে নিঃশেষে গ্রাস করে ফেলবার জন্তে। তারপর দিন যাবে—বুঝবে, তোমারও বুকে যে ব্যথা বাজে, আর সবারও বুকে তেমনি ব্যথা বাজতে পারে—তখন বুঝবে, জীবনের সঙ্গে তোমার যোগসূত্র কোথায় এবং এই বোঝার সঙ্গে সঙ্গে তুমি আপনার অতীত উক্তির জগৎ আপনার কাছেই লজ্জিত—হাঁ, লজ্জিতই হবে। ছোট্ট তোমার বাঁশী, সামান্য তার সুর; মহামহোৎসবের বিরাট ঐক্যতানে তোমার সেই ছোট্ট বাঁশীর সুর সবার সুরের ওপর স্পষ্ট হয়ে বেজে উঠলো কি-না তা শোনবার জন্তে গির্জের চূড়ায় বসে থেকে কি লাভ? কিন্তু একদিন দেখবে, উৎসবের ঐক্যতানে তোমারও বাঁশী সুর মেলাচ্ছে—স্বাতন্ত্র্যের গর্ক আর তার নেই—সবার সুরে সুর মিলিয়ে কখন সে আপনাকে হারিয়ে ফেলেছে—সেই হবে তার সার্থকতা—বুঝলে?”

গভীর ভাবে মাথা নাড়িয়া নিকোলে বলিল, “হয় ত বুঝি! কিন্তু বিশ্বাস করি না।”

মা আসাতে তাহাদের তর্ক সহসা থামিয়া গেল। একটা আয়নার সম্মুখে দাঁড়াইয়া নিজের মুখের দীর্ঘ কৃষ্ণ ছায়া দেখিয়া দীর্ঘশ্বাস ফেলিয়া

নিকোলে বলিল, “কত দিন হল আয়নাতে মুখ দেখিনি! উঃ! কি কুৎসিত আমার মুখ!”

স্থির দৃষ্টিতে তাহার দিকে চাহিয়া লিটল রাশিয়ান বলিল, “তাতে কি যায় আসে?”

একান্ত ধীরে নিকোলে বলিল, “শাশাঙ্কা একদিন বলেছিল মুখই হচ্ছে মনের আয়না!”

বাধা দিয়া লিটল রাশিয়ান বলিল, “মিথ্যে কথা! শাশাঙ্কার নাক চ্যাপ্টা, চোয়ালের হাড় বেরিয়ে আছে, কিন্তু তবুও তো তার মন নক্ষত্রের মত সূন্দর।”

চা আসিতে উভয়ের বচসা থামিয়া গেল। কিছুক্ষণ নিঃশব্দে চা পান করার পর নিকোলে জিজ্ঞাসা করিল, এখানকার ব্যাপার কি রকম চলছে?

লিটল রাশিয়ান সোৎসাহে তাহাদের দলের কার্যাবলী বলিতে লাগিল—কেমন করিয়া ধীরে ধীরে তাহারা সাম্যবাদের নীতি অহুসারে শ্রমিকদের সংহত করিয়া তুলিবার চেষ্টা করিতেছে।

বিরক্ত হইয়া নিকোলে বলিয়া উঠিল, “ওরে বাপ্‌রে ওরকম ভাবে ধীরে স্থৈশ্বে মেপে জুখে চলে তো অনন্তকাল বসে থাকতে হবে—”

নিকোলের কথার ভঙ্গীতে মা মনে মনে ভয়ানক বিরক্ত হইয়া উঠিতেছিলেন। লিটল রাশিয়ান একটু ভৎসনার স্বরে উত্তর দিল—“মানুষের জীবন তো ঘোড়া নয় যে, তাকে চাবকে ছুটিয়ে নিয়ে যাবে—”

ঘাড় নাড়িয়া নিকোলে বলিল, “তা জানি না, কিন্তু আমার অত ধৈর্য নেই। আমি কি করি?”

“আমাদের মত তোমাকেও অপেক্ষা করতে হবে—নিজে শিখতে হবে, অপরকে শেখাতে হবে—সেই আমাদের কাজ।”

“কিন্তু যুদ্ধ করবো কখন?”

“কখন যে রণ-তুর্ধ্য বেজে উঠবে জানি না, কিন্তু প্রথমে আমাদের তৈরী করতে হবে মস্তিককে, তারপর গড়তে হবে হাতকে—”

ব্যস্তের স্বরে নিকোলে বলিল, “আর তোমাদের হৃদয়?”

“মাথার সঙ্গে সঙ্গে তাকেও গড়ে তুলতে হবে নিশ্চয়ই।”

সে দিন রাত্রে নিজা যাইবার পূর্বে বিছানায় শুইয়া মা আপনার মনে মৃদুস্বরে বলিয়া উঠিলেন, “এ জগতে, হে প্রভু, যত লোক আছে, প্রত্যেকেই তারা কাঁদে প্রত্যেকের আলাদা স্বরে—কবে এমনি উঠবে আনন্দের স্বর?”

লিটল রাশিয়ান আপনার বিছানায় থাকিয়া মায়ের অন্তরের এই সক্রিয় আবেদন শুনিতে পাইল। শাস্ত সমাহিত কণ্ঠে সে বলিল, “মাগো সে সময় আসতে আর দেরী নেই! বুঝি তার পায়েয় শব্দ শোনা যাচ্ছে।”

প্রতিদিন আসিত নূতন নূতন লোক, নূতন নূতন অভিজ্ঞতা লইয়া! মায়ের ভাল লাগিত। সন্ধ্যা বেলায় আসর বসিত। লিটল রাশিয়ান সকলকে নানা বিষয় পড়িয়া শুনাইত। নিকোলে একধারে বসিয়া শুনিত। খবরের কাগজে শ্রমিকদের উপর কোনও অত্যাচারের খবর শুনিলে, সে গভীরভাবে লিটল রাশিয়ানকে জিজ্ঞাসা করিত, “তা হলে, দোষ কার? নিশ্চয় জারের!”

তাহার সেই অসাধারণ গান্ধীর্থে লিটল রাশিয়ান হাসিয়া উত্তর দিত, “অপরাধ তার যে প্রথম বলেছিল—এটা আমার। তবে সে লোকটা কয়েক হাজার বছর আগে মারা গেছে—এখন তার সঙ্গে ঝগড়া করে কি লাভ বলা?”

“কিন্তু তার ভূত যাদের ঘাড়ে চেপে আছে, এখন এই সব কথা বলায় তারা কি প্রসন্ন হবে?”

এই সব সময় নিকোলেকে আলাদা করিয়া লিটল রাশিয়ান জীবনের জটিল সমস্তার কথা বুঝাইতে চেষ্টা করিত। কিন্তু কখন যে

আবার তাহার মাথা গরম হইয়া যাইত তাহার কোনও স্থিরতা ছিল না।

এক একবার বিশ্ব-সংসারের উপর ক্রুদ্ধ হইয়া বলিয়া উঠিত, “শক্ত জমিতে ফসল গজাতে হলে—যেমন একহাত মাটি উপড়ে ফেলতে হয়—তেমনি একবার এই পৃথিবীটাকে আগাগোড়া চষে ফেলা দরকার!”

সেই সময় মা বলিয়া উঠিলেন, “গরমভও একদিন তোদের সম্বন্ধে ঠিক এই কথাই বলছিল!”

নিকোলে গর্জিয়া উঠিল, “কে?”

“গরুমভ?”

“ব্যাটার আজকাল বদমায়েসী বেড়েছে—”

অতি সরলভাবে মা বলিলেন, “প্রায়ই রাস্তিরে আমার জানালা দিয়ে উকিঝুঁকি মারে!”

নিকোলে যেন এই সংবাদের জন্ত অপেক্ষা করিতেছিল, “তা না হলে সময় কাটবে কি করে?—আচ্ছা—”

নিকোলে কাহারও কোনও কথা না শুনিয়া রাগে ছুটিয়া বাহির হইয়া গেল।

সে চলিয়া গেলে মা সভয়ে বলিলেন, “নিকোলেকে দেখলে আমার কেমন ভয় করে—ও যেন একটা গরম উহনের মতো—যা পায়, তাই পুড়িয়ে ফেলে।”

গম্ভীরভাবে ঘরের মধ্যে পায়চারি করিতে করিতে লিটল্‌ রাশিয়ান বলে, “ওর সামনে গরুমভের কথা আলোচনা করা ঠিক নয়।”

সে দিন কারখানার ছুটি ছিলো। সন্ধ্যাবেলা বাহির হইতে ঘুরিয়া আসিয়া সহসা বাড়ীর মধ্যে একটি অতি-পরিচিত কণ্ঠস্বর শুনিয়া মায়ের চিত্ত আনন্দে নৃত্য করিয়া উঠিল। দরজা ঠেলিয়া প্রবেশ করিতেই তিনি শুনিলেন, পাভেল কথা বলিতেছে...

ছুটিয়া ঘরের মধ্যে প্রবেশ করিয়া আনন্দোন্মত্তাশিত আননে মা পুত্রকে জড়াইয়া ধরিয়া বলিয়া উঠিলেন, “ও, এত দিন পরে ছুটি পেলি!”

মায়ের পাণ্ডুর মুখের দিকে চাহিয়া পাভেলের চোখের কোণে সহসা জল দেখা দিল। এত দিন পরে মাতৃ-গর্বে তাহার সর্ব-দেহ-মন উথলিয়া উঠিতেছিল! কপিত-কণ্ঠে সে শুধু বলিল, “মাগো, মা আমার!”

এত দিন পরে যেন পুত্র আবার মাকে ফিরিয়া পাইল, মা যেন এত দিন পরে পুত্রকে হৃদয় ভরিয়া দেখিল। মাখায় হাত বুলাইতে বুলাইতে মা বলিলেন, “আমি তো তোকে জন্ম দিইনি—তুই-ই আমাকে জন্ম দিয়েছিস্— আমি আর তোর জন্তে কি করতে পেরেছি বল?”

পাভেল তেমনি বিহ্বলভাবে বলিল, “তুমি আমাদের সাধনার পথে আমাদের পাশে এসে দাঁড়িয়েছ। তোমাকে কি বলবো মা, আজ আমার কত আনন্দ যে, তুমি আমাকে জগতে এনেছ—জগৎ চলার পথে তোমাকে পাশে পাওয়া—জানো না মা জীবনে সব চেয়ে বড় লৌভাগ্য!”

আনন্দে মায়ের বাক-রোধ হইয়া আসিতেছিল। বহু কষ্টে আত্মসম্বরণ করিয়া মা বলিলেন, “ঐ দুটু ছেলে এণ্ড্রাসা, আমাকে এরই মধ্যে অনেক জিনিস শিখিয়েছে—ওর কাছে আমি চির-ঋণী।”

বন্ধুর দিকে চাহিয়া পাভেল বলিল, “আমি ওর কাছেই সব শুনেছি।”

“মাগো, এণ্ড্রাসা বুড়ো বয়সে আমাকে বলে কি না লেখাপড়া শিখতে হবে—”

“তাইতে বুঝি তুমি ওর ওপর অভিমান দেখিয়ে লুকিয়ে পড়তে আরম্ভ করলে?”

“মাগো, লুকিয়ে কি পড়বার জো আছে? তাও একদিন হুটু ছেলে একেবারে হাতে নাতে ধরে ফেলে—”

মা তাড়াতাড়ি রাশাঘরের দিকে চলিয়া গেল। দুই বন্ধুতে বহু দিন পরে আবার প্রাণ ভরিয়া আলোচনা আরম্ভ করিয়া দিল।

দুইটি কঠোর বাদ-প্রতিবাদে সেই ঘর আবার ভরিয়া উঠিল।

রাশিয়ার গ্রামে গ্রামে বসন্তের আবির্ভাবলগ্ন আগাইয়া আসিতেছিল। চারিদিক হইতে বরফ গলিয়া অদৃশ্য হইয়া যাইতেছিল এবং তাহার স্থলে কর্দমাক্ত দেহে পৃথিবী আর এক নূতন রূপে জাগিয়া উঠিতেছিল। যত দিন যায়, তত বাড়ে কাদা। চিমনির ধোঁয়া আর কাদার গন্ধে গ্রামের বাতাস ভারাক্রান্ত হইয়া আসিতে লাগিল।

পাভেল এবং তাহার সহযাত্রী বন্ধুগণ ‘মে’ দিবস উৎসবের আয়োজনে ব্যস্ত। প্রত্যহই আবার তাহাদের দেখা হয়; আবার আলোচনা চলে দীর্ঘ রাত্রি ধরিয়া। মা এখন অনেকটা সঙ্কোচহীন হইয়া সেই সমস্ত আলোচনায় যোগদান করেন। আইভানোভিচ তাহার স্বাভাবিক হাস্য-রসের অবতারণা দ্বারা মাঝে মাঝে সাম্যবাদীদের এই রস-হীন আলোচনায় একটু স্বরের বৈচিত্র্য আনিয়া দেয়। একদিন গম্ভীর ভাবে ঘরে প্রবেশ করিয়া সমবেত বন্ধুদের আহ্বান করিয়া বলিল, “সহযাত্রী বন্ধুগণ, বর্তমান রাজনৈতিক ব্যবস্থার পরিবর্তন করিয়া একটা নূতন যুগ আনা অতি গুরুতর ব্যাপার—”

সহসা আইভানোভিচের এই বিষম স্বরে সকলে তাহার দিকে ফিরিয়া চাহিল। আইভানোভিচ বলিয়া চলিল, “কিন্তু সেই পরিবর্তনকে দ্রুতগতিতে সম্ভবপর করিয়া তুলিতে হইলে অবিলম্বে আমার একজোড়া বুটের প্রয়োজন—আর সেলাই করিয়াও ইহার সম্ভাবহার করা যায় না এবং শ্রমিকদের মুক্তি না দেখিয়া আমার এই জগৎ হইতে অন্ত কোনও গ্রহে যাইতে বিন্দুমাত্র প্রবৃত্তি নাই।”

একদিন আইভানোভিচের কথা উল্লেখ করিয়া পাভেল লিটল রাশিয়ানকে বলিল, “জানো আশ্রি, যাদের বুকে যত তীব্র ব্যথা, তাদের মুখে হাসি তত বেশী।

কিছুক্ষণ চুপ করিয়া থাকিয়া স্বাভাবিক শান্তভাবে লিটল রাশিয়ান বলিল, “তা হলে এতদিনে সমগ্র রাশিয়া হেসে ফেটে পড়তো—”

নাটাশাও আসিত। সেও এবার কারারুদ্ধ হইয়াছিল কিন্তু অন্য কারাগারে ছিল। মা লক্ষ্য করিতেন যে যতক্ষণ নাটাশা থাকিত ততক্ষণ লিটল রাশিয়ান খুব হাসিত, সকলকে ক্ষেপাইয়া ছুটু মি করিত এবং বিশেষ করিয়া নাটাশাকে হাসাইতে কত না চেষ্টা করিত। সে চলিয়া গেলে সে আপনার মনে শীঘ্র দিতে দিতে সারা ঘর শুধু পায়চারি করিয়া বেড়াইত।

শাশাঙ্ক যখনই আসিত, তখনই তাহাকে বিশেষ ব্যস্ত দেখাইত। তাহার মুখ সর্বদাই বিষন্ন গম্ভীর। এক দিন পাভেল তাহাকে ঘর হইতে ডাকিয়া রান্নাঘরের সম্মুখে লইয়া গোপনে কি বলিতেছিল। রান্নাঘরে থাকিয়া মা তাহা সমস্তই শুনিতে পাইলেন।

মেয়েটি জিজ্ঞাসা করিতেছিল, “নিশান কি তোমার হাতেই থাকবে?”

“নিশ্চয়ই।”

“এ কি একেবারে ঠিক হয়ে গেছে?”

“নিশ্চয়ই, এ অধিকার—”

“আবার যাবে কারাগারে?”

পাভেল কোন উত্তর দিল না।

শাশাঙ্ক পুনরায় জিজ্ঞাসা করিল, ওটার ভার অন্য আর একজনের ওপর দিলে হতো না?

বেশ জোর করিয়া পাভেল উত্তর দিল, না!

“কিন্তু একবার ভেবে দেখো—তোমার প্রভাব কতখানি! তুমি

আর লিটল রাশিয়ান হলে এখানকার বিপ্লব-আন্দোলনের প্রাণ।
তুমি যদি এবার কারারুদ্ধ হও, তা হলে তোমায় কোন্ দূর দেশে
পাঠিয়ে দেবে—”

শাশাকার কথায় মায়ের অন্তর কণে কণে সচকিত হইয়া উঠিতেছিল।
মনে হইতেছিল, তাঁহার অন্তরে কে যেন বিন্দু বিন্দু করিয়া হিম বর্ষণ
করিতেছে।

“না—সে যাই হোক—আমি স্থির করেছি, সে দিন আমার হাতেই
থাকবে পতাকা—”

“যদি আমি নিজে তোমার কাছে ভিক্ষে চাই—আমি—”

শুনিতে পাইলেন যে পাভেল সহসা উত্তেজিত হইয়া একান্ত কঠোর
ভাবে বলিতেছে, “তোমার এরকম কথা বলা উচিত নয়। তুমি, তুমি
কেন এর মধ্যে আসছো?”

একান্ত নিম্ন স্বরে শাশাকা বলিল, “আমিও তো মানুষ।”

পাভেল যেন আপনার অসহায়তা গোপন করিবার জন্তে আরও
ক্রতগতিতে বলিল, “মানুষ—তা জানি, খুব ভাল মানুষই। তুমি জানো
তুমি আমার কত প্রিয়, তাই সেই স্রবিশেষ বুঝে—”

সহসা শাশাকা বলিয়া উঠিল, “আচ্ছা, তা হলে বিদায়!”

রান্নাঘরে বসিয়া পায়ের শব্দে মা স্পষ্টই বুঝিলেন যে শাশাকা
ছুটিয়া চলিয়া গেল। একটা ভারী বোঝা যেন মায়ের বুকে চাপিয়া
বসিল। কথাবার্তার মধ্যে আসল ব্যাপার কি তিনি তাহার কিছুই
বুঝিতে পারেন নাই। শুধু এইটুকু বুঝিয়াছেন যে, সম্মুখে আর একটি
ভীষণতর বিপদ কিছু আসিতেছে। তাঁহার সমস্ত অন্তর মথিত করিয়া
শুধু এই প্রশ্ন জাগিতেছিল, পাভেল কি করিতে চায়?

ঘরের মধ্যে তখন গরমভকে লইয়া পাভেল ও লিটল রাশিয়ানের
আলোচনা হইতেছিল। ঘরের একোণ থেকে ও-কোণ পর্য্যন্ত পায়চারি
করিতে করিতে একান্ত চিন্তিতভাবে লিটল রাশিয়ান বলিয়া উঠিল,

“গরমভকে নিয়ে কি করা যায় ? গ্রামের লোক হয়েও এই রকম আমাদের পেছনে লাগবে ?”

পাভেল গম্ভীরভাবে বলিল, “একটা কাজ করা যাক। তাকে গিয়ে স্পষ্টই বলি একাজ ছেড়ে দিতে—”

“তা হলে সে আগে তোমাকেই ধরিয়ে দেবে—”

এমন সময় ঘরের মধ্যে আসিয়া মাথা নত করিয়া মা জিজ্ঞাসা করিলেন, “পাভেল, আবার তুই কি করতে চলেছিস ?”

“কবে ? কখন ?”

“পয়লা মে, পয়লা মে !”

“ও ! তুমি শুনেছ বুঝি ? কিছু না—আমি আমাদের দলের সামনে দাঁড়িয়ে শোভাযাত্রায় বেরুবো—আমার হাতে থাকবে আমাদের পতাকা। অবশ্য এর জন্তে পুলিশ আবার আমাকে গ্রেফতার করতে পারে।”

সহসা মায়ের মনে হইতে লাগিল যেন তাহার চোখ জলিতেছে, মুখের ভিতর শুকাইয়া আসিতেছে। কম্পিত হস্তে তিনি পুত্রের হাত ধরিলেন।

“তুমি বুঝছো না মা ! এ আমাকে করতেই হবে ! এ যে আমার আনন্দ !”

কোনও রকমে ধীরে মাথা তুলিয়া মা বলিলেন, “কই, আমি তো কিছু বারণ করছি না !” চোখ তুলিয়া পুত্রের চোখের দিকে চাহিতেই মুখ নত করিয়া মা কাঁদিয়া ফেলিলেন।

মায়ের হাত ছাড়িয়া দিয়া মুহূর্তিরস্কারের স্বরে দীর্ঘশ্বাস ফেলিয়া পাভেল বলিল, “এ সম্বন্ধে তোমার এ রকম কাতর হওয়া উচিত নয়, মা ! তোমার উচিত আনন্দ করা ! কবে ছেলেরা এমন মা পাবে, যারা হাসিমুখে ছেলেদের মৃত্যুর মুখে পাঠিয়ে দিতেও কুণ্ঠিত হবে না।”

লিটল রাশিয়ান গম্ভীর ভাবে দাঁড়াইয়া মাতা-পুত্রের আলাপ শুনিতেছিল। পাভেলের কথায় সে বলিয়া উঠিল, “খুব হয়েছে। আর বেশী বক্তৃতা করতে হবে না !

মা মুখ তুলিয়া বলিলেন, “কই, আমি তো তোকে কিছুই বলিনি। আমি তোর কাজে বাধা দিতে চাই না! তবে কি করবো, পোড়াচোখে জল আসে—মা হয়েছি যে!”

পাভেল আরও উত্তেজিত হইয়া একটু দূরে সরিয়া গিয়া রুঢ় স্বরে আপনার মনে বলিয়া উঠিল, “ভালবাসা! স্নেহ! জীবনের প্রতি পদক্ষেপে যারা দেয় বাধা তারাও বুঝি এমনি ভালবাসে।”

পাভেলের কণ্ঠস্বরে মা ভীত হইয়া উঠিলেন। তাঁহার আশঙ্কা হইল হয়ত ক্রুদ্ধ হইয়া পুত্র তাঁহার অন্তরে আরও রুঢ় আঘাত করিবে। তাড়াতাড়ি বলিয়া উঠিলেন, “ভুল বুঝিস্ না বাছা। আমি কি তাই বলছি। আমি বুঝছি বই কি। নিশ্চয়ই, তোর সঙ্গীদের জন্তে তোর এ কাজ করাই উচিত।”

“না, তুমি বোঝনি। আমার সঙ্গীদের জন্তে নয়, এ আমি একান্ত আমার জন্তেই করছি। শুধু তাদের জন্তে যদি হতো তা হলে আমি পতাকা না নিলেও পারতাম। কিন্তু আমার মন চাইছে—এ আমাকে করতেই হবে।”

আবার চোখে জল ভরিয়া আসিতেই মা তাড়াতাড়ি চোখের জল মুকাইবার জন্ত রান্নাঘরে চলিয়া গেলেন। আধা-ভেজান দরজার মধ্য হইতে তিনি শুনিতে লাগিলেন—পাভেল ও লিট্‌ল রাশিয়ানে ঝগড়া বাধিয়া গিয়াছে—

“ওকে আঘাত করে খুব কুতিত্ব হলো, না পাভেল?”

পাভেল উত্তেজিত হইয়া বলিল, তোমার কোন অধিকার নেই এ রকম ভাবে প্রশ্ন করবার!

“তা হলে আমি কিসের তোমার কমরেড—যদি বোকামীর হাত থেকে তোমাকে উদ্ধার করার অধিকার আমার নেই? কেন মাকে বলতে গেলে এসব কথা?”

“আমি চাই মানুষ সর্বদাই স্পষ্টভাবে স্বার্থহীন ভাষায় কথা বলবে।

যখন সে মনে করবে হাঁ—তখন তাকে স্পষ্ট করে বলতেও হবে, হাঁ।
এর মধ্যে আর কোনও কথা নেই।”

“কিন্তু ঠেকেও তুমি এরকম ভাবে কথা বলবে।

“নিশ্চয়ই ঠেকে কেন—প্রত্যেক লোককেই বলবো। যে ভালবাসা,
যে-বন্ধুত্ব জড়িয়ে চলার পথে আনে বাধা, সে-ভালবাসা সে বন্ধুত্ব আমি
চাই না।”

“সাধু! সাধু! কিন্তু হে মহাবীর, শাশাঙ্কার সঙ্গে যখন কথা বলে
তখন তো এ সুরে সব কথা বলো নি!”

“নিশ্চয়ই বলেছি।”

“যে ভাবে তুমি মায়ের সঙ্গে কথা বলে? কখনই না। আমি
স্বকর্ণে সমস্ত শুনি নি—কিন্তু আমি বেশ বুঝছি তুমি সেখানে কণ্ঠস্বরে কত
কোমলতা এনেছিলে—সে সুরই আলাদা। আর বুড়ো মায়ের সম্মুখেই
যত তোমার বীরত্ব। তোমার এ রকম বীরত্বের মূল্য এক কাণা
কড়িও না।”

রাম্মাঘরে বসিয়া মায়ের মনে হইল, বোধ হয় এই ব্যাপার লইয়া
পাভেল ও লিটল রাশিয়ানের মধ্যে কলহ হইবার উপক্রম হইয়াছে।
তাড়াতাড়ি চোখের জল মুছিয়া তাঁহার উপস্থিতির কথা জানাইবার
জন্তে তিনি উচ্চৈঃস্বরে আপনার মনে বলিয়া যাইতে লাগিলেন।

উঃ। কি ঠাণ্ডা! বসন্ত এলো, তবুও এ কি ঠাণ্ডা! আপনার
মনে রাম্মাঘরের জিনিষ-পত্রগুলি অকারণে নাড়াচাড়া করিয়া শব্দ করিতে
করিতে বলিতে লাগিলেন, “উঃ, কি দিনকালই পড়েছে! দিন দিন
ঠাণ্ডা বাড়ছে কিন্তু মানুষগুলো হচ্ছে দিন দিন গরম!”

মা শুনিলেন, তাঁহার কথায় ফল ধরিয়াছে। কিছুক্ষণ চুপ
করিয়া থাকিবার পর লিটল রাশিয়ান বলিতেছে, “শুনতে পেয়েছ
মায়ের কথা? বুঝলে কি কিছু? তোমার কথার চেয়ে ওতে ঢের
বেশী মানে আছে।

কম্পিত দেহে ঘরে প্রবেশ করিয়া মা দুজনকেই জিজ্ঞাসা করিলেন,
“তোদের একটু চা দেবো কি?”

কেহই কোনও উত্তর দিল না। কথা বলিতে মায়ের কণ্ঠস্বর
কাঁপিতেছিল। তাহা লুকাইবার জ্ঞাত তিনি আপনার মনে বলিলেন
“উঃ, ঠাণ্ডায় মরে গেলুম!”

কিছুক্ষণ চুপ করিয়া থাকিবার পর পাভেল নিঃশব্দে উঠিয়া মায়ের
সম্মুখে গিয়া দাঁড়াইল, অহুতপ্ত কণ্ঠে বলিল, “রাগ করেছ মা-মণি।
আমায় ক্ষমা করো—আমি এখনও সেই ছোট্ট পাভেল—তেমনি বোকা।”

পাভেলের মাথা বুকে টানিয়া লইয়া এক অপূর্ব বেদনার স্বরে
মা বলিয়া উঠিলেন, “আমাকে আর আঘাত দিস্নে। ভগবান তোর
চিরকল্যাণ করুণ—এই আমার একমাত্র কামনা। জানি—তোর
জীবন শুধু তোরই কিন্তু তুই কি জানবি মায়ের বুকের জালা?
অসম্ভব! অসম্ভব! তোদের সকলকে দেখলেই আমার কান্না
পায়—মনে হয়, তোরা সবাই আমার রক্ত-মাংস! তোদের জন্তে
যদি আমি না কাঁদবো—তবে তোদের জন্তে কাঁদবে কে?
আজ এই তোরা আছিস্—কাল হয়ত নিরুদ্দেশ হয়ে যাবি—
আবার তোদের মতন নতুন ছেলে সব আসবে—তারাও যাবে তোদের
পেছনে পেছনে—এমনি করে দলের পর দল তোরা চলেছিস্ পিছনের
সর্বস্ব ফেলে। আমি কি জানি না—এর চেয়ে সুন্দর, এর চেয়ে পবিত্র
শোভাযাত্রা জগতে আর নেই!”

একটা অপূর্ব বেদনা-বিহ্বল আনন্দ আজ সহসা মায়ের অন্তরে অভূত-
পূর্ব এক বিরাট ভাব-রসের উদ্দীপনা জাগাইয়া তুলিল। সহসা আর
মায়ের কোন কথা জোগাইয়া উঠিতেছিল না, শুধু এই অপ্রকাশের মৌন
পীড়নে তাঁহার সর্ব-দেহ ক্ষণে ক্ষণে হুলিয়া উঠিতেছিল। এতদিন যে-
নয়নে শুধু নির্ধ্যাতনের গ্লানি স্তূপাকারে জমা হইয়াছিল, আজ কোথা
হইতে বেদনার ইন্ধনে সহসা সেখানে সহস্র বহি-শিখা জলিয়া উঠিল।

পাভেলের দিক হইতে দৃষ্টি ফিরাইয়া মা য়ুছ হাসিয়া লিটল রাশিয়ানকে বলিল, “আর তোকেও বলি এণ্ড্রাসা, তুই ওর চেয়ে ঢের বয়সে বড়—তোরা উচিত ওর সঙ্গে এই রকম জোর দেখিয়ে চোঁচিয়ে তর্ক করা?”

যার সোজা করিয়া লিটল রাশিয়ান বলিল, “চোঁচাব না—আলবৎ চোঁচাব! আরও জোরে চোঁচাব এবং প্রয়োজন হলে একদিন ওকে রীতিমত প্রহারও করবো—”

মা অগ্রসর হইয়া লিটল রাশিয়ানের দুটি হাত সম্মুখে নিজের হাতের মধ্যে লইয়া বলিয়া উঠিলেন, “ওরে আমার দুষ্ট ছেলে!”

পাভেলের দিকে চাহিয়া গম্ভীর মুখে লিটল রাশিয়ান বলিয়া উঠিল, “হে বীরপুরুষ, তুমি শুনো না—জানেন মা, ওকে কতখানি ভালবাসি! তবে ও আজকাল নতুন জামা পড়েছে কি-না! ওর ঐ নতুন জামা আমার ভাল লাগে না। ওর ধারণা, জামাটা ওর গায়ে মানিয়েছে খুব ভাল—তাই দু হাত দিয়ে জামাটা তুলে ও লোকের গায়ে পড়ে বলে বেড়াচ্ছে—দেখছো, কেমন জামা পরেছি! জামাটা হয়ত ভালই কিন্তু লোকের গায়ে পড়ে তা জানাবার দরকার কি? ও জামা গায়ে না দিলেও আমাদের শীত দিব্যি কেটে যায়।”

লিটল রাশিয়ানের ব্যঞ্জে পাভেল হাসিয়া ফেলিল। বলিল, “বলি বকবকানি থামাবে কি না? তোমার জিভে যে যথেষ্ট বিষ আছে—তা তো একবার ভাল করেই জানিয়েছ—আবার কেন?”

পাভেল বসিয়া লিটল রাশিয়ানের হাত ধরিয়া টানিতে লাগিল।

“হাত ছাড়; এখন হাত ধরে টানছো, কখন নিঃশব্দে ছেড়ে দেবে, সামলাতে না পেরে আমিই যাব পড়ে।”

একটা কিছু করা উচিত মনে করিয়া মা হাসিয়া দুজনের হাত ধরিয়া বলিলেন, “তোরা দুজনে উঠে দাঁড়া—আমার সামনে তোরা—আজ একবার আলিঙ্গন কর—আমি দেখি—লজ্জা কিসের—”

বিচ্ছল হইয়া লিটল্ রাশিয়ান বলিল, “লজ্জা—লজ্জা কেন ?”

দুই বন্ধুতে উঠিয়া দুইজনকে আলিঙ্গন করিল। একটি মুহূর্তের জন্ত দুইটি দেহ ও একটি আত্মা মৃত্যুঞ্জয়ী মৈত্রীর অগ্নিশিখায় প্রদীপ্ত হইয়া উঠিল। এবার বেদনার নয়, আনন্দের উদ্বেলিত অশ্রুধারা মায়ের গওদেশে বাহিয়া গড়াইয়া পড়িল। হাত দিয়া চোখ মুছিয়া অশ্রুধারা কণ্ঠে মা বলিয়া উঠিলেন, “মেয়েদের চোখ শুধু কাঁদতেই জানে—যখন সে দুঃখ পায় তখনও সে কাঁদে—যখন আনন্দে তার মন ভরে ওঠে, তখনও সে কাঁদে।”

পাভেল উঠিয়া মায়ের পাশে আসিয়া বসিল। অন্তরের দুর্বলতাকে লুকাইবার প্রচেষ্টায় লিটল্ রাশিয়ান উঠিয়া গভীর ভাবে ঘোষণা করিল, “মা, আপনি একটু বসুন, আমি রান্নাঘরে গিয়ে দেখি উত্তনে কয়লা আছে কি-না—নইলে খানকতক কাঠ চেলা করে আনি—”

মাতা ও পুত্র শুনিল, লিটল্ রাশিয়ান রান্না ঘর হইতে তাহারা যাহাতে শুনিতে পায়, এমনি ভাবে বলিতেছে, “গৰ্ব্ব করা উচিত নয়, তবুও একথা আজ বলবো—আসল জীবনের স্বাদ—করুণায়, স্নেহে সহানুভূতিতে, স্বগভীর জীবনের অমৃত-আস্বাদ আজ জীবনে প্রথম পেলাম—”

পাভেল মায়ের দিকে চাহিয়া সায় দিয়া বলিল, “সত্যি !”

বাহিরের দিকে একদৃষ্টে চাহিয়া মা শাস্ত কণ্ঠে বলিলেন, “আজকাল মনে হয় সব যেন বদলে গেছে। আজকের আনন্দ আলাদা, আজকের দুঃখ আলাদা। সব কথা ভালো করে বুঝি না—বোঝাতে পারি না—কিন্তু—মনে হয়, কোথায় কি যেন সব বদলে গেছে—”

মায়ের কথা শুনিয়া রান্নাঘর হইতে আসিয়া লিটল্ রাশিয়ান যোগদান করিল, “এই সময় ঠিক এই বকমই হয় মা! এই পুরানো দেহে আজ এক নতুন প্রাণ জন্ম গ্রহণ করেছে—অন্ধকারে আজ নবীন সূর্যোদয়। সবার অন্তর আজ স্বার্থের সংঘাতে লংঘিত, অন্ধ লোভ ও

মোহে আজ জীবন বিবাক্ত, হিংসায় ক্রুর, নীচতায় নির্মম, মানিতে আর দৈন্তে পল্লু মহত্ত্ব আজ মুম্বু। মনে হয় যেন সমগ্র ধরণী ব্যাধি-গ্রস্ত। বেঁচে থাকতে যেন ভয় করে সবার। প্রত্যেকেই ভাবছে শুধু তারই বৃকে বৃষি ব্যথা লাগছে। কিন্তু এরই মাঝখানে আজ এসেছে এক নতুন মানুষ, হাতে তার প্রজ্ঞার প্রদীপ্ত দীপ-শিখা। আলোর উল্লাসে সে চীৎকার করে বলে, ওরে অন্ধ, ব্যথা তোর একার নয়, বেঁচে থাকবার, আনন্দ পাবার, অধিকার শুধু তোর একলার নয়। আজ সবারই সমান দরকার বেঁচে থাকবার, আনন্দে বেঁচে থাকবার! কিন্তু যে-মানুষ নিয়ে এসেছে আজ এই নতুন বার্তা, সে দাঁড়িয়ে আছে একলা, কেউ নেই তার সঙ্গে, কেউ নেই তার সঙ্গী। সেই নিঃসঙ্গ নির্জনতার মধ্যে তার চিন্তা আজ বেরিয়েছে বঙ্গুর অল্পসঙ্কানে। তাই সকল ক্ষুদ্রতা, সকল জীর্ণতার উর্দ্ধে তার মানবিক আহ্বানধ্বনি বেজে উঠছে—সকল দেশের সকল জাতির হে মানবের দল, এই রক্ত-সন্ধ্যায় আবার ফিরে এসো সব এক গোষ্ঠীর মধ্যে। ঘৃণা নয়, প্রেম আজ জীবনের ধাত্রী। মাগো, আজ শুনি সেই আহ্বান-ধ্বনি বেজে উঠছে দূরে দূরান্তরে, দেশে দেশান্তরে—”

পাভেল চীৎকার করিয়া উঠিল “আমিও শুনি, বন্ধু, আমিও শুনি!”

সহসা এই পরমোৎসাহে মা বিশ্বয়ে নির্ঝাঁক হইয়া তাহাদের দুইজনের দিকে চাহিয়া রহিলেন—ভিতরে তাঁহার অন্তর প্রতিমূহূর্তে কাঁপিয়া উঠিতেছিল।

আপনার অন্তরের উল্লাসে লিটল রাশিয়ান বলিয়া চলিয়াছিল, “যখন একলা থাকি, রাত্রে যখন ঘুমোতে চেষ্টা করি, সর্বদাই শুনি সেই ধ্বনি মানুষের দ্বারে দ্বারে যেন ঘুরে ঘুরে বেড়াচ্ছে। মনে হয়, এই উৎপীড়িতা, এই দুঃখ-দুঃখা ধরণীর অন্তরতম তল থেকে যেন সেই ধ্বনির প্রত্যুত্তর জেগে উঠছে, জয়, নব-অরুণ-উদয়!”

পাভেল কি বলিতে বাইতেছিল মা তাড়াতাড়ি তাহার হাত ধরিয়া তাহাকে বসাইয়া চুপি চুপি বলিলেন, “চুপ কর এখন, ওকে বাধা দিস্নে—”

লিটল রাশিয়ানের চোখে যেন সেই অরুণ উদয়ের আভা। দুই হাতে দরজার দুই দিক ধরিয়া সে বলিয়া চলে, “কিন্তু তবুও মাহুষের ভাগ্যে এখনও সঞ্চিত আছে বহুবেদনার বিষমিত্ত্ব মানি; জানি লৌহ-হস্তের পীড়নে অন্তর চূয়ে রক্ত-ঝরার এখনও বহু আছে বাকি— কিন্তু তবুও সেই সমস্ত বেদনার : এই আমার, এই তোমার হৃদয় চোঁয়া রক্তের বিনিময়ে যে আশা অক্ষয় জাগলো বুকে, যে আনন্দ আজ এলো রক্তে, শিরায়, উপশিরায়, তার তুলনা হয় না। মনে হয়—আমি বিরাট, ওই নক্ষত্রের মত আপনার জ্যোতিলোকে আমি স্তমহান! তাই এই দুঃখ, এই বেদনা, এই মানি এই সমস্তই সহিছি পরমানন্দে, পরমোন্মাদে— শুধু অন্তরের সেই পরম অহুভূতির জগ্গে! কেউ নেই, কোন শক্তি নেই, সে আনন্দকে মেরে ফেলতে পারে। দুর্ব্বার অমোঘ তার শক্তি, উদার তার অভ্যুদয়!”

পরের দিন সকাল বেলায় পাভেল আর লিটল রাশিয়ান চলিয়া বাইবার পরই মেরিয়ানা ছুটিতে ছুটিতে আসিয়া খবর দিল, গরমভুকে কে খুন করেছে!

সহসা এই সংবাদ শুনিয়া মা চমকাইয়া উঠিলেন এবং সেই সঙ্গে সঙ্গে তাহার মনে হত্যাকারীর মূর্ত্তি যেন পরিস্ফুট হইয়া উঠিল। বিহ্বলভাবে তিনি জিজ্ঞাসা করিলেন, “কে, কে করলো এ কাজ?”

“বলি, সে কি মড়া আগলে বসে আছে যে তার নাম জানবো! কাজ শেষেই সে পালিয়ে গেছে—কেউ তার পাক্তা পায় নি।”

মা মেরিয়ানাকে লইয়া রাস্তায় বাহির হইয়া গড়িলেন। পথে

মেরিয়ানা বলিতে লাগিল, “এখন হলো বিপদ। পুলিশ এসে আবার বাড়ী-ঘরদোর ওলট পালট করবে। একটা ভালো, তোমার বাড়ীর ছেলেগুলো কাল রাত্তিরে বাড়িতে ছিল, আমি নিজে সাক্ষী দেবো। কাল রাত্তিরে বাড়ী ফেরবার সময় একবার তোমার জানালা দিয়ে উকি মেরে দেখি, তোমরা সব বসে গল্প করছো।”

মেরিয়ানার কথায় মা সচকিত হইয়া বলিয়া উঠিলেন, “কি যে বলিস্ তুই। এ ব্যাপারে ওদের কি কেউ সন্দেহ করছে নাকি?”

“লোকে সন্দেহ করছে বই কি। ঐ ছোড়াদের মধ্যেই কেউ এ কাজ করেছে—কেন না গরমভ ওদের পেছনেই তো লেগেছিল—”

মায়ের নিঃশ্বাস বন্ধ হইয়া আসিতেছিল। কি এক অজানা আশঙ্কায় সহসা তিনি দাঁড়াইয়া পড়িলেন

“দাঁড়ালে যে, চলো! দেয়ী হলে হয়ত আর দেখতে পাবে না।”

মা বিহ্বলভাবে চলিতে লাগিলেন। তাঁহার চোখের সম্মুখে খালি নিকোলের ক্রুদ্ধ মুখখানি ভাসিয়া উঠিতে লাগিল।

ঘটনাস্থলে আসিয়া দেখিলেন, চারিদিকে কোতূহলী জনতা। মধ্যে গরমভের মৃতদেহ পুলিশ-পরিবেষ্টিত হইয়া পড়িয়া আছে। একহাত তাহার জামার ভিতরে ঢোকান, আর এক হাতের আঙ্গুল মাটি আঁকড়াইয়া রহিয়াছে।

পাশ হইতে একজন বলিয়া উঠিল, “কোথাও রক্তের চিহ্ন নেই। এক ঘুঘিতেই সাবাড় করে দিয়েছে।”

ধীরে মা বাড়ী ফিরিলেন।

পাভেল ও লিটল রাশিয়ান বাড়ী আসিতেই মা উৎসুক কণ্ঠে জিজ্ঞাসা করিলেন, “ই রে, কাউকে গ্রেফতার করেছে না কি?”

গম্ভীর ভাবে লিটল রাশিয়ান বলিল, কই এখনো তো শুনি নি।

তাহাদের দুই জনের মুখের দিকে চাহিয়া মা দেখিলেন, তাহারা দুই জনেই গম্ভীর, বিমর্ষ।

মা তাহাদের নিকট অগ্রসর হইয়া অতি নিম্নস্বরে জিজ্ঞাসা করিলেন,
“হাঁ রে, নিকোলেকে কেউ সন্দেহ করছে না তো?”

মায়ের দিকে দৃষ্টি সম্বন্ধ করিয়া পাভেল বলিল, “না, তার নাম কেউ
করছে না। সে তো এখানে নেই। কাল সকাল বেলাই নদী পেরিয়ে
সে কোথায় চলে গেছে—আজও ফেরেনি।”

দুই হাত উর্দ্ধে তুলিয়া দীর্ঘশ্বাস ফেলিয়া মা বলিয়া উঠিলেন, “ভগবান,
রক্ষা কর!”

খাবার সময় পাভেল হঠাৎ বলিয়া উঠিল, “আমি এসব বুঝতে পারি
না, কিছুতেই বুঝতে পারি না—”

গম্ভীর স্বরে লিটল রাশিয়ান বলিল, “কি, কি বুঝতে পারো না?”

দু’ মুঠো খেয়ে বেঁচে থাকতে হবে বলে যে হত্যা করতে হবে—একথা
ভাবতে আমার ভয়ানক কুৎসিত লাগে।

হাসিয়া লিটল রাশিয়ান বলিল, নিরুপায়! এই সনাতন জীবন ধারা।

পাভেল ধীরে উত্তর দিল, নিরুপায় নয়, অগ্নায়।

হঠাৎ উত্তেজিত হইয়া লিটল রাশিয়ান টেবিল হইতে উঠিয়া বলিয়া
উঠিল, “তুমি বলছো অগ্নায়? কিন্তু এ অগ্নায়ে কে প্রণোদিত করেছে?
ওই যারা সৈন্ত রেখেছে, ওই যারা ঘাতক রেখেছে, ওই যারা অন্ধকার
কারাগার তৈরী করেছে মনুষ্যত্বকে পিষে ফেলবার জন্তে—তারা হৈ তো
অধিকার দিয়েছে আমাকে হাত তুলতে তার বিরুদ্ধে যে সবচেয়ে এগিয়ে
আসে তাদের মধ্যে থেকে আমাকে পিষে ফেলবার জন্তে?”

উত্তেজিত হইয়া লিটল রাশিয়ান ঘরের এ-কোণ হইতে ও-কোণ
পর্যন্ত পায়চারি করিয়া বেড়াইতে লাগিল। মনে হইতেছিল, প্রতি
পাদক্ষেপে কোন এক অদৃশ্য বাধাকে যেন সে এড়াইয়া চলিতেছে।
সে বলিয়া উঠিল, “কিন্তু একথাও সত্য যে জীবনের যাত্রাপথে সহসা
কখন কখন এমন এক সঙ্কীর্ণ আসে যখন অনিচ্ছাসত্ত্বেও মানুষকে
নিজেরই বিরুদ্ধে নিজেকে চলতে বাধ্য হতে হয়। তোমার আদর্শের

জগতে তোমার প্রাণ দেওয়া—সে তো খুব সহজ সোজা ব্যাপার। তার চেয়েও যা প্রিয়, তাই দাও—”

কিছুক্ষণ নিস্তব্ধ থাকিবার পর সে আবার বলিয়া চলিল, “জানি, একদিন এই পৃথিবীতে সেই মহাদিন আসবে, যেদিন প্রত্যেকে প্রত্যেককে দেখলে আনন্দে ছলে উঠবে। এই মহা-জ্যোতিষ্মমণ্ডলীতে সেদিন নক্ষত্রের মত ভাস্বর হয়ে উঠবে মানুষ। প্রত্যেকের বাণী হবে সঙ্গীতের মত সুন্দর। সেদিনকার পৃথিবীর মানুষ স্বাধীনতার পরম-প্রসাদে মুক্ত-হৃদয়ে বিচরণ করবে। অন্তর হবে তার সর্বদেষ্য সর্বহিংসাবিমুক্ত ; জানি, সেদিন ঘুচে যাবে যুক্তির আর অন্তরের সকল দ্বন্দ্ব। মানবতার দেউলে জীবন ফুটে উঠবে সব চেয়ে সুন্দর ফুলের মত। তখনি হবে পরিপূর্ণ জীবন, মুক্ত, সত্য, সুন্দর। সেই অনাগত মহাদিনের জগ্রে আমি আজ প্রস্তুত—আমার সমস্ত কিছু উৎসর্গ করতে, যদি প্রয়োজন হয়, আমার হৃদয় উপড়ে ফেলে আমি নিজে মাড়িয়ে যাব তাকে।”

মা চাহিয়া দেখিলেন যে লিটল রাশিয়ানের দুই গণ্ড বাহিয়া অশ্রু ঝরিয়া পড়িতেছে।

পাভেল উঠিয়া বিশ্বয়-বিস্ফারিত নয়নে লিটল রাশিয়ানের দিকে চাহিল। বলিল, “কি হল তোমার আঙ্গি?”

বেহালার তারের মত সমস্ত দেহকে টানিয়া উন্মাদের মত মাথা নাড়িয়া মায়ের দিকে চাহিয়া লিটল রাশিয়ান বলিল, “আমি গরমভুকে হত্যা করেছি।”

সহসা বজ্রাহতের মত মা উঠিয়া দাঁড়াইয়া কাঁপিতে কাঁপিতে গিয়া লিটল রাশিয়ানের দুটি হাত জড়াইয়া ধরিলেন। জগতের কেহ যেন সে শোকোচ্ছ্বাস না শুনিতে পায়, এমনি যুদ্ধ কল্পিতস্বরে তিনি বলিয়া উঠিলেন, “ওরে এণ্ড্রাসা, ওরে, এ কি তুই করলি, ওরে দুঃখী—”

আপনাকে সংহত করিয়া লইয়া লিটল রাশিয়ান স্থির কর্তে

বলিল, “আমি সবই স্বীকার করবো—কেমন করে আমি এ কাজ করলাম—”

“আমি যদি নিজের চোখেও দেখতাম তাহলেও বিশ্বাস করতাম না যে এ তোর কাজ। না, না, তুই কখনও এ কাজ করতে পারিস্ না।”

“সত্যি, আমিও ভাবতে পারি না যে তুমি এ-কাজ করেছ।”

কক্ষণ মথিত কণ্ঠে ধীরে ধীরে লিটল রাশিয়ান বলিতে লাগিল, “তুমি তো জানো, বন্ধু আমি এ-কাজ করতে চাই না, চাইনি। তুমি আগিয়ে চলে গেলে, আমি আইভানের সঙ্গে গল্প করতে করতে কারখানার দিকে যাচ্ছিলাম। হঠাৎ দেখি কোথা থেকে এক পথের বাঁকে গরমভ আমাদের সঙ্গ নিয়েছে। কিছুক্ষণ পরে আইভানও বাড়ী চলে গেল। আমি কারখানার দিকে চলেছি, দেখি তখনও সে আমার সঙ্গে চলেছে। কিছুক্ষণ পরে সে হেসে আমার সঙ্গে আলাপ করতে লাগলো। রাগে সর্কাজ আমার জলছিলো। সে বলতে লাগলো, আমাদের কাণ্ডকারখানা সব পুলিশ জানতে পেরেছে—পয়লা মে’র আগেই আমাদের সব যথাস্থানে পৌঁছে দেবার ব্যবস্থা হচ্ছে। আমি একটিও কথা বলিনি। তারপর—”

পাভেল দীর্ঘশ্বাস ফেলিয়া বলিল, “বুঝি, বন্ধু, তোমার ব্যথা আমি বুঝি।”

“তারপর সে আমার নানারকম প্রশংসা করতে লাগলো—আমার মত বুদ্ধিমান, বিচক্ষণ লোক আর সে দেখে নি—আমার উচিত নয় দলে পড়ে এই কাজ করা—আমার উচিত—”

একটু থামিয়া লিটল রাশিয়ান একবার গলাটা পরিষ্কার করিয়া লইয়া বলিল, “আমার উচিত তাদের সঙ্গে যোগদান করা! সে যদি আমাকে মারতো, সে ছিল অনেক ভাল। আমার পক্ষে তা সহ করা সহজ হতো, তারও পক্ষে তা হতো ভাল। কিন্তু আমার অন্তরের অন্তরতম স্থলে

সে যখন এমনভাবে কাদা ছিটিয়ে দিল, তখন হঠাৎ আমার সর্বদেহ রাগে জ্বলে উঠলো, কোনও কথা না বলে সমগ্র দেহের শক্তি দিয়ে এক ঘুষি মেরে তার দিকে আর না তাকিয়ে আমি সোজা চলে এলাম। চলতে চলতে গুনতে পেলাম সে পড়ে গেল, একটা শব্দ হল। স্বপ্নেও ভাবিনি ভয়ঙ্কর কিছু হবে। রাস্তার ধারে একটা ব্যাঙকে চিপটে দিয়ে মাহুষ যে ভাবে নির্ভাবনায় চলে, তেমনি ভাবে আমি চলে এলাম। তারপর হঠাৎ গুনি চারিদিক থেকে রব উঠছে—গরমভুকে কে হত্যা করেছে! আমি কিছুতেই বিশ্বাস করতে পারলাম না—কিন্তু ক্রমশ আমার সর্ব-শরীর হিম হয়ে এলো...এই হাত দুটো একেবারে অচল না হয়ে গেলেও মনে হচ্ছে যেন হঠাৎ খুব ছোট হয়ে গেছে।”

কিছুক্ষণ নীরব থাকিয়া নিজের দুটি হাতের দিকে চাহিয়া সে বলিয়া উঠিল, “মনে হয়, সমগ্র জীবনে ও হাত থেকে এই দুঃসহ মানির পঙ্কিলতা ধুয়ে ফেলতে পারবো না।”

ক্রন্দন-রত কণ্ঠে মা বলিলেন, “ধুয়ে যাবে, ওরে ধুয়ে যাবে, যদি মন তোর থাকে এমনি সাদা!”

লিটল রাশিয়ানের দিকে চাহিয়া পাভেল জিজ্ঞাসা করিল, “এখন কি করবে ভাবচো?”

ঈষৎ চিন্তিতভাবে লিটল রাশিয়ান উত্তর করিল, “আমি যে এ-কাজ করেছি, তা স্বীকার করতে আমার বিন্দুমাত্র ভয় নেই—কিন্তু এ কথা বলতে আমার নিজেরই লজ্জা হচ্ছে। এ আমি চাই নি, চাই না। অনর্থক এই ব্যাপারে আজ কারাগারে যেতে আমার লজ্জা হচ্ছে। যদি পুলিশ অন্য কাউকে অপরাধী বলে ধরে, তা হলে আমি ধরা দিয়ে সব কথা স্বীকার করবো। তা না হলে আমি মুখ ফুটে এ-কথা কিছুতেই আর উচ্চারণ করবো না। এ আমার নিদারুণ লজ্জার কথা।”

এমন সময় কারখানার বাঁশী বাজিয়া উঠিল তীব্র, কঠোর আদেশের স্বরে!

মাথাটা একটু একপাশে করিয়া লিটল রাশিয়ান অনেকক্ষণ ধরিয়া একমনে সেই গর্জ্জায়মান আহ্বান-ধ্বনি শুনিল। তারপর বলিল, “আজ আর কারখানায় বেরুবো না।”

পাভেলও ঘাড় নাড়িয়া বলিল, “আমিও না।”

“বাইরে থেকে একবার ঘুরে আসি”—বলিয়া ধীরে ধীরে লিটল রাশিয়ান চলিয়া গেল।

মাতার বিমর্ষ মুখের দিকে চাহিয়া পাভেল বলিল, “আমি জানি, আজি এ ব্যাপারের দরুণ নিজেকে কোন মতেই ক্ষমা করবে না, কখনও না। কি বিচিত্র জীবনের আবর্ত। তুমি চাও না, তবুও তোমাকেই আঘাত করতে হয়। আর কাকে আঘাত করতে হয়? ওই রকম একটা অসহায় প্রাণিকে। ও ছিল তোমার চেয়েও অসহায়, কেন না, ও ছিল একেবারে মুখ। তবুও আমাদেরই মত সেও মাহুষ। কিন্তু একদল লোক ওদের গড়ে তুলেছে আমাদের শত্রু করে—মাহুষে মাহুষে তারা বাঁধিয়ে দিয়েছে এক অতি জঘন্য কলহ। ভয়ে চোখ অন্ধ করিয়ে, হাত পা বেঁধে তারা এক শ্রেণীর সঙ্গে আর এক শ্রেণীর সংঘর্ষ বাঁধিয়ে কাউকে দিয়ে করিয়ে নিচ্ছে লাঠির কাজ, কাউকে দিয়ে করিয়ে নিচ্ছে মৃগুরের কাজ! মাহুষকে ওরা করেছে অস্ত্র, আর তারই নাম দিয়েছে সভ্যতা! এই হলো পাপ, বর্তমান সভ্যতার এই মহাপাপ। লক্ষ লক্ষ মাহুষ, লক্ষ লক্ষ আত্মার এই নিত্য হত্যা চলেচে চারিদিকে। ওরা শুধু মাহুষকে হত্যা করে না—মাহুষের আত্মাকেও ওরা মেরে ফেলতে চায়। এই লিটল রাশিয়ান একান্ত অনিচ্ছাসঙ্গেও দৈবক্রমে একজনকে হত্যা করে ফেলেছে কিন্তু তার ফলে তার সমস্ত মন তীব্র অহুশোচনায় আর মানিতে ভরে গেছে। কিন্তু ওরা যখন একান্ত শাস্ত ও ধীরভাবে শুধু নিজেদের স্বার্থগত সুবিধাগুলি বজায় রাখার জন্তে হত্যা করে, তার পিছনে, সামনে বা উল্কে কোথাও কোনও মানি থাকে না। শুধু তাদের ঘরের ছাদটুকু শস্ত করবার জন্তে, শুধু তাদের সোনাকপো, ঘটা-বাটা

আর প্রাণহীন ছেঁড়া কতকগুলো পুরানো কাগজের পুঁটুলীকে সাবধানে রাখবার জন্তে তাদের এই নিত্য মরণ-যজ্ঞের আয়োজন। ভেতরের দিক দিয়ে নিজেদের রক্ষা করবার পথ তারা ভুলে গেছে—তাই বাইরের দিক দিয়ে আত্মরক্ষা পাবার তাদের এই বিপুল চেষ্টা। এই জীবন, এই তার গ্লানি আর তার পঙ্কিলতা যদি জীবনে কোনও দিন অন্তর দিয়ে উপলব্ধি করে থাক, তবে বুঝবে, আমাদের আদর্শের প্রয়োজনীয়তা কতখানি। বুঝবে আমরা যে পথে চলেছি, তার শেষে কি সুন্দর, কি সুমহান্ সার্থকতা।”

পুত্রের প্রজ্জ্বলিত আননের দিকে চাহিয়া মায়ের মনে হইতেছিল, যেন ক্ষুদ্র দীপশিখার মত সেই বৃহৎ অগ্নিকুণ্ডের মধ্যে তিনি বিলুপ্ত হইয়া যাইতেছেন। উত্তেজিত হইয়া দাঁড়াইয়া তিনি বলিয়া উঠিলেন, “বুঝি না? সবই বুঝি। আমিও মানুষ, কেন পারবো না আমি বুঝতে?”

এমন সময় সহসা বাহিরে পদশব্দ হইল। পাভেল বাহিরের দিকে চাহিয়াই মায়ের কানে কানে বলিল, বোধ হয় আন্দ্রির খোজে পুলিশ এসেছে—

দরজা খুলিতেই রাইবিন আসিয়া ঘরে প্রবেশ করিল। ঘরের মধ্যে প্রবেশ করিয়াই সে কুশল-প্রশ্ন জিজ্ঞাসা করিল।

পুলিশের বদলে রাইবিনকে দেখিয়া পাভেল বলিয়া উঠিল, “ও: তুমি রাইবিন—তোমাকে দেখে সত্যিই আনন্দ হলো। কেমন আছ? কোথায় ছিলে এতদিন?”

“বেশ ভালই আছি। তোমরা ক্রমশ ভদ্র লোক হয়ে উঠছো, আমি ক্রমশ হয়ে যাচ্ছি চাষা। এখান থেকে এদিলগায়েব গাঁয়ে গিয়ে বসবাস স্থাপন করেছি। সেখানে তোমাদের অনেক বইই নিয়ে গিয়েছি, তবে সরকারী বাইবেলের সাহায্যেই অধিকাংশ কাজ চালাই। মোটা বইটার মধ্যে অনেক দরকারী জিনিস আছে—অনেক জিনিস আছে

যা তোমার আমার কাজে লাগতে পারে, অথচ সরকারের বলবার কিছু নেই; এবং লোকেও বিশ্বাস করে সহজে। কিন্তু আজকাল দেখছি, ওতে আর কুলুচ্ছে না। তাই এসেছি তোমাদের নতুন বইগুলো নিয়ে যেতে। সঙ্গে এফিম বলে একজন চাবাকে নিয়ে এসেছি। আলকাতরা চালান দেবার জন্তে সে এখানে এসেছে। কিন্তু সে আসবার আগেই বইগুলো আমাকে দিয়ে দাও—তাকে আর এ বিষয়ে জানাতে চাই না।”

মায়ের দিকে চাহিয়া পাভেল বলিল, “মা, শিগগির গিয়ে কতকগুলো বই নিয়ে এসো। কি কি বই লাগবে, তা তারা জানে। শুধু বলো গ্রামের জন্তে দরকার।”

মায়ের দিকে চাহিয়া রাইবিন হাসিয়া বলিল, “বাঃ আপনিও তা হলে দেখছি এদের দলে জুটে গেছেন। আমাদের ওখানে এই সমস্ত বই পড়বার জন্তে বহু লোক পাগল। সেখানে আমরা একজন ভালো প্রচারক পেয়েছি। তিনি পড়ার দিকে লোকদের খুব উৎসাহ দিয়ে বেড়ান। শুনেছি লোকটি বেশ ভাল যদিও পাত্রী। আর একজন শিক্ষয়িত্রী আছেন। তবে এঁরা সব হলেন আইন-বাগীশ দল—বে-আইনী বই এঁরা ছুঁতেও চান না—ভয়ও করেন। কিন্তু আমি তাঁদের প্রচার কার্যের বাধা দিই না। ওদেরই আঙ্গুলের ফাঁক দিয়ে আমার বই সব চালিয়ে দেবো। দেখলেই পুলিশের লোক মনে করবে ওদেরই কাজ—আমার নাম-গন্ধও তারা পাবে না।”

রাইবিনের কথা শুনিয়া মা মনে মনে ভাবিতেছিলেন, দেখতে ভল্লকের মতো, কিন্তু বুদ্ধিতে এধারে ধূর্ত শেয়াল!

পাভেল কিন্তু গভীর হইয়া গেল। বলিল, “বই আমরা তোমাকে এখনি দিচ্ছি, কিন্তু তুমি প্রচারের যে-পন্থা অবলম্বন করেছ, তা ঠিক নয়। তোমার কাজের জন্তে সর্বদাই তোমার নিজের জবাবদিহি হওয়া উচিত। অপরকে বিপন্ন করে লুকিয়ে নিজের কাজ হাসিল করা অন্যায়।”

“কি বলছো, তোমার কথা বুঝতে পারছি না!”

“পুলিশের লোকেরা যদি সন্দেহ করে যে তারা এই কাজ করছে তা হলে তাদেরই ধরে জেলে পুরবে—”

পুরলোই বা তাতে কি?

“কিন্তু নিষিদ্ধ পুস্তক তারা তো আসলে বিলোচ্ছে না—বিলোচ্ছে তো তুমি।”

মা দেখিলেন পাভেল রাইবিনের কথা উদ্দেশ্য বুঝিতে পারিতেছে না। তিনি বলিলেন, “রাইবিনের ইচ্ছে যে পুলিশ সন্দেহক্রমে অন্য লোককে গ্রেফতার করে করুক, ইত্যবসরে সে তার নিজের কাজ গুছিয়ে নেবে।”

উত্তেজিত হইয়া পাভেল বলিয়া উঠিল, “বাঃ, এ ভারি মজার ব্যবস্থা! ধর আন্দ্রি যদি কোনো অপরাধ করে, আর তার জন্তে আমাকে যদি কারাগারে নিয়ে যায়?”

পাভেলের কথা শুনিয়া রাইবিন হাসিয়া উঠিল, ‘তোমার বয়স এখনও অল্প কি-না তাই এ সব ভাবতে তোমার কষ্ট হয়। লুকানো কাজের ধারাই এই! তারপর ধর, প্রথমত, পুলিশ যার কাছে বই পাবে, তাকে ধরবে, পাদ্রীটাকে বা শিক্ষয়িত্রীটাকে ধরবে না; দ্বিতীয়ত ধর, তারা যে সব বই থেকে ধর্মকথা প্রচার করে—সেখানেও এই সব কথাই লেখা আছে—তবে বিভিন্ন ধরণে; তৃতীয়ত—তারা আমার কে? যে চলেছে পায়ে হেঁটে, আর যে যায় ঘোড়া ছুটিয়ে তাদের মধ্যে কি সম্বন্ধ হতে পারে? একজন চাষীর বেলায় হয়ত আমি এ রকম করতে চাইতাম না—কিন্তু এই পাদ্রী বা সেই জমিদারের মেয়েটি—যিনি শিক্ষয়িত্রী সেজেছেন—আমি বুঝতে পারি না, তারা কি করে বলে জনসাধারণের মুক্তির কথা! হাজার হাজার বছর ধরে নিয়মিতভাবে শুধু শিখে এসেছে কি-করে প্রভুত্ব করতে হয়, হাজার হাজার বছর ধরে তারা শিখে এসেছে কি করে চাষাদের গায়ের চামড়া খুলে নিতে

হয়—আজ দেখি হঠাৎ ঘুম ভেঙে তারা লেগে গেছে চাষাদের উন্নতির জন্তে! এ হয় না। এ সব রূপকথায় সম্ভবে, আর আমি রূপকথার রাজ্যে বাস করি না। জীবনকে নিয়ে রসিকতা করবার সময় বা মনোবৃত্তি আমার নেই—”

রাইবিনের কথায় বাধা দিয়া মা বলিয়া উঠিলেন, “কিন্তু যাদের মনিব-শ্রেণীর বলে দূরে রাখছো, তাদেরও মধ্যে তো ভাল লোক আছে—যারা সত্যি সত্যিই লোকের মঙ্গলের জন্তে কারাগার পর্য্যন্ত যেতে কুণ্ঠিত নয়।”

“কিন্তু আমার মনে হয় তাদের ধারণা, তাদের আদর্শ সম্পূর্ণ আলাদা। যে প্রবৃত্তি নিয়ে তারা জন্মগ্রহণ করেছে—আজ সহসা সেই প্রবৃত্তি বদলে যাবার কোন কারণ ঘটেনি—অবশ্য একথা ঠিকই যে প্রত্যেক দলেই ভালো-মন্দ দুই-ই আছে। কিন্তু যারা ভালো, তারা ব্যতিক্রম হিসাবেই সত্যি। যাদের জন্ত এই আন্দোলন, তারাও যে খুব ভাল, তাদের মধ্যে যে খারাপ লোক নেই একথাও বলা চলে না। পাঁচ বছর ধরে ক্রমাগত আমি কারখানার দরজায় ঘুরে বেড়িয়েছি। তারপর হঠাৎ একদিন গ্রামে ফিরে গেলাম। সেখানে গিয়ে এখন কি মনে হচ্ছে জানো? মনে হয়, এ জীবন আরও অসহ! এ আমি কিছুতেই সহ্যে পারি না। তোমরা এখানে থাকো, তোমরা খিদে কাকে বলে তার কি জানো? সেখানে গেলেই দেখতে পাবে—ছায়ার মত এই জঠরের জ্বালা লোকের সঙ্গে সঙ্গে চলেছে। এক টুকরো রুটি পাবার কোন আশা নেই—কোন সম্ভাবনা নেই। মাহুষের সর্বদেহ থেকে যেন মহুষ্যত্বের শেষ চিহ্নটুকুও চলে গেছে। কে বলে তারা বেঁচে আছে? দারুণ দুর্ভিক্ষে তারা শাকসব্জীর মত শুধু পচছে। আর তাদের ঘিরে চারিদিকে শকুনির মত ওরা সব পাহারা দিয়ে আছে—সে-দৃশ্য অসহ্য হলেও মনে মনে প্রতিজ্ঞা করলাম—এইখানেই থাকবো—তাদের যে রুটি সংগ্রহ করে দিতে পারবো সে ভরসায় নয়—মনে ছুরাশা হলো, এক বিচিত্র রান্না তৈরী

করবো—এই দুঃখ দিয়ে, এই অপমান দিয়ে, এই লাঞ্ছনা দিয়ে—এবং সেই কাজে চাই তোমাদের সহায়তা। আমাকে শুধু দাও বই—তোমাদের লেখা—যে লেখা পড়ে লোকে এক মুহূর্তও শাস্তিতে বিশ্রাম করতে পারবে না। তাদের মাথায় যেন কাঁটার মত সর্বদা বিঁধতে থাকবে। তোমাদের হয়ে যারা এই কারখানার লোকদের জন্তে বই লেখে তাদের বলো, গ্রামের চাষীদের জন্তেও যেন লেখে। এমন লেখা চাই যা জীবনকে ঝলসে পুড়িয়ে দেবে—লোক যেন ক্ষিপ্ত হয়ে উঠে মৃত্যুকে আকড়ে ধরতে কুণ্ঠিত না হয়।”

উর্দে মুষ্টিবদ্ধ হাত তুলিয়া প্রত্যেক কথার উপর জোর দিয়া সে বলিয়া উঠিল, “মৃত্যুতে হোক মৃত্যুর ঋণ পরিশোধ। মৃত্যু তাদের হোক, তাহলে তারা আবার পাবে নতুন জীবন। মরুক কতকগুলো লোক, জগতে তাহলে বাঁচবে আরও বেশী লোক।”

রাইবিনের কথা শুনিয়া ঘাড় নাড়িয়া পাভেল বলিল, “সে কথা ঠিকই—গ্রামের জন্ত একখানা আলাদা খবরের কাগজের দরকার। আমাদের মালমশলা জোগাও—আমরা ছেপে পাঠাবো—”

“এমন ভাবে লিখবে যেন গ্রামের গরু বাছুরগুলোও বুঝতে পারে—”

এমন সময় বাহিরে পায়ের শব্দ হইতে রাইবিন পিছন ফিরিয়া দেখে যে এফিম আসিতেছে। মাথায় পাতলা চুল, ভারী মুখ, দীর্ঘ বলিষ্ঠ দেহ। এফিম ঘরে আসিতেই রাইবিন তাহার সহিত পাভেলের পরিচয় করাইয়া দিয়া বলিল, “এই এরি কথা বলছিলাম, একে সঙ্গে করে নিয়ে এসেছি—”

প্রীতিসম্ভাষণের পর এফিম কোঁতুহল দৃষ্টি লইয়া ঘরের চারিদিকে দেখিতে লাগিল। হঠাৎ বইয়ের আলমারির দিকে দৃষ্টি পড়িতেই সে উঠিয়া একেবারে তাহার সম্মুখে দিয়া দাঁড়াইল।

রাইবিন চোখ ইসারা করিয়া পাভেলকে বলিল, “দেখলে, একেবারে সোজা আলমারির কাছে!”

আলমারির সম্মুখে দাঁড়াইয়া এফিম একটি একটি করিয়া বইগুলি দেখিতে লাগিল। পরম উৎসাহে সে বলিয়া উঠিল, “ওঃ, এত বই! কিন্তু এখানকার লোকদের পড়বার সময় কোথায়? গ্রামে আমাদের অফুরন্ত অবসর—”

পাভেল জিজ্ঞাসা করিল, “অবসর আছে সত্যি কিন্তু ইচ্ছা?”

“বাঃ, ইচ্ছেও আছে। এমন দিনকাল পড়েছে যে, হয় মাথা ঘামাতে হবে, নয় চুপ করে শুয়ে মরণকে ডেকে নিতে হবে। লোকে সহজে মরতে চায় না—তাই বাধ্য হয়ে এখন তারা ভাবতে আরম্ভ করেছে, একটু একটু করে মাথা ঘামাচ্ছে। জিওলজি—এটা কি?”

পাভেল বুঝাইয়া দিল। এফিম ঘাড় নাড়িয়া বলিল, “ও সব জানবার আমাদের দরকার নেই।”

দীর্ঘশ্বাস ফেলিয়া রাইবিন বলিল, “চাষারা জানতে চায় না কেমন করে মাটি তৈরী হলো, তারা জানতে চায় কেমন করে তাদের হাত থেকে মাটি সরে গেল। কি কি ধাতু তাতে আছে, কি বা তার গঠন, তাতে তার কিছু আসে যায় না। পৃথিবী দড়িতে যদি ঝুলে থাকে তবে তাই থাক—যদি তা থেকে আসে তার শস্ত; আকাশে যদি ঝুলে থাকে তা-ই থাক—যদি তা থেকে আসে তার ছ’বেলার ঝটি।”

সহসা ঘম্মাক্ত, পরিশ্রান্ত ও গম্ভীরভাবে লিটল রাশিয়ান প্রবেশ করিল। কাহাকেও কিছু জিজ্ঞাসা না করিয়া নবাগত এফিমের সহিত নীরবে কর-মর্দন করিয়া সে রাইবিনের পাশে গিয়া বসিল। তাহার বিবর্ণ-মুখের দিকে চাহিয়া রাইবিন জিজ্ঞাসা করিল, “কি হয়েছে তোমার? এরকম চেহারা কেন?”

“কিছু না!”

এফিম অগ্রসর হইয়া কুণ্ঠিত কণ্ঠে জিজ্ঞাসা করিল, “আপনিও বুকি কারখানায় কাজ করেন?”

“হাঁ! কিন্তু এ প্রশ্ন কেন?”

এফিমের হইয়া রাইবিন উত্তর দিল, “জীবনে ও এই প্রথম সামনা-সামনি একজন মজুরকে দেখলো!”

ইত্যবসরে মা রান্নাঘর হইতে চা প্রস্তুত করিয়া হাজির হইলেন।

মায়ের ইঙ্গিতে রাইবিন একবার রান্না-ঘরে গেল।

চায়ের কাপ হাতে লইয়া এফিম পাভেলের পাশে গিয়া একান্ত মিনতির স্বরে বলিল, “আমাকে একখানা বই দেবেন?”

“নিশ্চয়ই দেবো!”

আনন্দে এফিমের মুখ উজ্জ্বল হইয়া উঠিল—বলিল, “আমি ফেরত দেবো অবশ্য! প্রায়ই গাঁয়ের লোকেরা এখান থেকে আলকাতরা নিয়ে যেতে আসে। আমি তাদের কারুর হাতে পাঠিয়ে দেবো। জানেন না, এই সব আমাদের কাছে কি! আমাদের অঙ্ককার ঘরে একমাত্র আলো।”

রান্নাঘর হইতে জামা বেশ ভালরকম আঁট করিয়া লইয়া রাইবিন পুনরায় ঘরে প্রবেশ করিয়া বিদায়-অভিনন্দন জ্ঞাপন করিল।

পাভেলের নিকট হইতে একখানি বই লইয়া আনন্দোদ্ভাসিত মানসে এফিমও রাইবিনের সহিত বিদায় গ্রহণ করিল।

তাহারা বিদায় লইয়া চলিয়া গেলে লিটল রাশিয়ানকে উদ্দেশ্য করিয়া পাভেল বলিল, “লক্ষ্য করলে এদের?”

ধীর গম্ভীরভাবে লিটল রাশিয়ান উত্তর দিল, হাঁ, দেখলাম। সূর্যাস্তের সময় মেঘের যে রূপ হয় গভীর, ঘন—গতি আছে কিন্তু মন্থর!

কিছুদিন পরে হঠাৎ একদিন আনুখানু ময়লা পোষাকে নিকোলে আসিয়া উপস্থিত হইল। ঘরে প্রবেশ করিয়াই পাভেলকে দেখিয়া সে জিজ্ঞাসা করিয়া উঠিল, “হাঁ হে, তোমরাও জান না, কে গরমডকে খুন-করলো?”

পাভেল উত্তর দিল, “না !”

“আঃ, লোকটা আমার কাজ মাটি করে দিলে, এখন কি করি ?”

মুহু ভৎসনার স্বরে পাভেল বলিল, “যা-তা বকো না নিকোলে !”

এতদিন পরে নিকোলেকে দেখিয়া তাহার জগু ও মায়ের অন্তরে আজ কেমন একটা স্নেহ উথলিয়া উঠিতেছিল। পাভেলের ভৎসনায় ব্যথিত হইয়া মা বলিয়া উঠিলেন, হাঁরে, তুইও ওই রকম রুক্ষ স্বরে কথা বলবি ?

মায়ের দিকে চাহিয়া ঘাড়, নাড়া দিয়া নিকোলে বলিল, “দেখুন দেখি, এ পৃথিবীতে আমি কি করি ? আমি ভাবি, অনবরত ভাবি, এ পৃথিবীতে আমার জায়গা কোথায় ! অনেক দেখলাম, কোথাও আমার স্থান নেই। দুটো কথা যে লোককে বুঝিয়ে বলবো, সে শক্তিও আমার নেই। আমি সব দেখি, সব বুঝি কিন্তু কোনও মতে মনের কথা খুলে বলতে পারি না। আমারও হৃদয় আছে, কিন্তু সে হতভাগা কথা বলতে শেখেনি।”

মাথা নত করিয়া সে পাভেলের সম্মুখে গিয়া টেবিলে আঙ্গুল ঘষিতে ঘষিতে বলিল, “দেখ, আমাকে কাজ দাও, খুব শক্ত কাজ। আমি এ রকম করে আর বেঁচে থাকতে পারি না। কোন মানে নেই, কোন মতলব নেই—কেন যে আছি, তার না আছে কোন অর্থ। তোমরা সবাই এ আন্দোলনের জগ্গে খাটছো—দেখছি তোমাদের সাধনায় এ আন্দোলন বেড়ে উঠছে—আমি শুধু তার বাইরে দাঁড়িয়ে আছি শুধু কাঠ কেটেই চলেছি। কাঠ কেটে আর কতদিন বেঁচে থাকা যায় ? আমাকে একটা কাজ দাও—তোমাদের সঙ্গে নাও—”

পাভেল তাকে জড়াইয়া ধরিয়া বলিল, “নিশ্চয়ই, নিশ্চয়ই তোমাকে সঙ্গে নেবো ভাই !”

পিছন হইতে লিটল রাশিয়ান সমস্ত কথাই শুনিয়াছিল। পর্দা ঠেলিয়া ঘরে প্রবেশ করিয়া সে বলিল, “নিকোলে, আমি তোমাকে কম্পোজিটারের কাজ শেখাবো—তুমি আমাদের হয়ে কম্পোজিটারী করবে, কেমন ?”

উল্লাসে নিকোলে বলিয়া উঠিল, “শেখাবে তো, তা হলে তোমাকে আমার এই ছুরিখানা উপহার দেবো, সত্যি !”

“দূর হো’কগে তোমার ছুরি !” বলিয়া লিটল্ রাশিয়ান হাসিয়া উঠিল।

“সত্যি বলছি, ছুরিটা যা-তা মনে করো না !”

এবার কি মনে করিয়া পাভেলও হাসিয়া উঠিল। নিকোলে অপ্রস্তুত হইয়া বলিয়া উঠিল, “বাঃ, বেশ মজা তো আমাকে নিয়ে হাসবার কি পেলে ?”

তাহার পিঠ চাপড়াইয়া লিটল্ রাশিয়ান বলিল, “আজ রাত্রিটা ভারী সুন্দর লাগছে—চল বাইরে একটু বেড়াতে যাই কেন যে হাসছি তখন বলবো’ খন !”

জানালায় দাঁড়াইয়া মা দেখিলেন, বাহিরে চন্দ্রালোকে তাহারা তিনজন চলিয়াছে। ঘরে আলো নিভাইয়া দিতে খানিকটা চাঁদের আলো ঘরের মেঝেতে আসিয়া পড়িল। সেইখানে নতজাহ্ন হইয়া জানালার বাহিরে উদ্ধাকাশের দিকে চাহিয়া মায়ের অন্তর বলিয়া উঠিল, প্রভু রক্ষা করো !

দিনগুলি এত তাড়াতাড়ি চলিয়া যাইতেছিল যে, পয়লা মে’র ব্যাপার মা ভাল করিয়া মনে ভাবিতে পারিতেছিলেন না। রাত্রি বেলায় সারা-দিনের ক্লান্তির পর যখন বিছানায় শুইতেন তখনই সেই অনাগত দিনের ছায়া তাঁহার মনে আসিয়া পড়িত, বুকটা অজানা আশঙ্কায় ব্যথা করিয়া উঠিত, আপনার মনে বলিয়া উঠিতেন, হে প্রভু, কবে কাটবে পয়লা মে’র রাত্রি।

সূর্যোদয়ের সঙ্গে সঙ্গেই কারখানার বাঁশী বাজিয়া উঠিলেই তাড়া-তাড়ি স্কোনও রকমে হাত মুখ ধুইয়া ডজন খানেক কাজের ভার মায়ের উপর চাপাইয়া পাভেল আর লিটল্ রাশিয়ান কারখানায় বাহির হইয়া যাইত। সারা দিন ধরিয়া চাকার মত মা ঘুরিয়া বেড়াইতেন, রান্না-বাগ্না

করিতেন এবং সমস্ত সাংসারিক কাজ শেষ হইয়া গেলে মে'-দিবস উপলক্ষ্যে পোস্টার মারিবার জন্ত আঠা তৈরী করিতেন। মাঝে মাঝে কোথা হইতে অচেনা লোকসব আসিয়া পাভেলের নামে চিঠি রাখিয়া যাইত—চিঠি দিয়া কোন কথা না বলিয়া আবার তাহারা অদৃশ্য হইয়া যাইত। আশঙ্কায় মায়ের মন কাঁপিয়া উঠিত।

পয়লা মে'র অস্থগানে যোগদানের আহ্বান-লিপিতে সমস্ত গ্রাম আর কারখানা ভরিয়া উঠিল। প্রতিদিন রাত্রিবেলা কখন নিঃশব্দে গাছের গায়ে, বেড়ার ধারে এমন কি, পুলিশ স্টেশনের সামনে সেই সমস্ত পোস্টার মারা হইত! সকাল বেলাই দেখা যাইত রাগে ফুলিতে ফুলিতে পুলিশের লোকেরা সেই সমস্ত পোস্টার ছিঁড়িয়া ফেলিতেছে এবং যাহাদের এই কার্য্য তাহাদের গতিবিধি বুঝিতে না পারিয়া শত অভিশাপ বর্ষণ করিতেছে! দুপুর যাইতে না যাইতেই আবার কোথা হইতে গ্রামের পথঘাট এই সমস্ত হাণ্ডবিলে ভরিয়া উঠিত—সেগুলি প্রত্যেক পথিকের পায়ের তলায় গিয়া যেন গড়াগড়ি দিত। শহর হইতে গুপ্তচর আনা হইয়াছে। কারখানার পথে পথে দাঁড়াইয়া তাহারা সকলের গতিবিধি লক্ষ্য করিতেছে। কিন্তু কাহাকেও ধরিতে পারিতেছে না। মজুরেরা তাহাতে সবাই বেশ খুশী বোধ করিতেছিল। বুড়োরাও বেশ একটু হাসিয়া পথ চলিতে চলিতে বলাবলি করে, একটা কিছু ঘটছে, কি বল?

গ্রামের চারিদিকে লোক দল বাঁধিয়া এই আবেদনের কথা আলোচনা করে। প্রত্যেকেরই জীবনে যেন অতর্কিতে এবারের বসন্তে কোথা হইতে একটা নূতন চেতনা আসিয়া লাগিয়াছে। বহুদিন পরে সবাই উত্তেজিত হইবার একটা যথেষ্ট হেতু যেন পাইয়াছে। কেহ উত্তেজিত হইয়া গোপনে বিদ্রোহীদের দেয় অভিশাপ; কেহ বা অজানা আশঙ্কা আর আশার মাঝখানে দোলে। খুব অল্প সংখ্যক লোকের মনে এই সমস্ত আবেদন এক নিগূঢ় আনন্দ জাগাইয়া তোলে। এক নব জাগ্রত চেতনার স্পন্দনে আনন্দে তাহাদের অন্তর ভরিয়া ওঠে।

পাভেল আর লিটল রাশিয়ানের বিছানার সহিত সকল সম্পর্ক উঠিয়া গিয়াছে। ঠিক ভোর হইবার পূর্বে তাহারা দুইজনে বাড়ী আসিত, ক্লাস্ত, বিবর্ণ, বিশুদ্ধ। মা জানিতেন যে গ্রামের বাহিরে জলামাঠের মাঝখানে—বনে, তাহাদের নিশীথ-সভা বসে; জানিতেন গ্রামের মধ্যে অশ্বারোহী পুলিশ পাহারায় জাগে, পথে প্রত্যেক মজুরকে ধরিয়া পুলিশের লোকেরা সার্চ করিয়া তবে ছাড়িয়া দেয়। সেই সঙ্কে ইহাও জানিতেন যে, হয় ত কোন রাত্রিতে তাহারা দুইজনেই গ্রেফতার হইয়া যাইতে পারে। মাঝে মাঝে মায়ের মনে হইত, পয়লা মে'র আগে যদি ইহারা দুইজনে গ্রেফতার হইয়া যায়, তাহা হইলে হয় ত ভালই হয়।

আশ্চর্যের কথা, গরমভের হত্যার ব্যাপার সম্বন্ধে পুলিশ সকল অনুসন্ধানের চেষ্টা ত্যাগ করিয়াছে—লোকেও আর সে সম্বন্ধে আলোচনা করে না। পুলিশ যখন সে ব্যাপার সম্বন্ধে একেবারে চূপ হইয়া গেল তখন একদিন বিরক্ত হইয়া লিটল রাশিয়ান পাভেলকে বলিল, “দেখলে ব্যাপার, ওরা যে শুধু আমাদের মানুষ বলে গণ্য করে না তা নয়, আমাদের উপর যাদের লেলিয়ে দেয়, তাদেরও ওরা তেমনি দেখে। যতই লোকটার কথা আমার মনে হয়, ততই তার জন্তে আমার দুঃখ হয়—আমি তো তাকে হত্যা করতে চাইনি!”

কঠোর কণ্ঠে পাভেল বলিয়া উঠিল, “হয়েছে, থামো, আজি!” সাঙ্ঘনা দিবার জন্তে বলেন, তোর কি অপরাধ? একটা পচা জিনিষের সঙ্কে তোর হঠাৎ ধাক্কা লেগে গিয়েছিল—তাতে সে জিনিষটা পড়ে গেছে—পচা ছিল বলেই না?”

“হয় ত তোমার কথাই সত্যি মা! কিন্তু তবু এ আমার অন্তরের সাঙ্ঘনা নয়।”

অবশেষে একদিন রাত্রি-শেষে পয়লা মে'র প্রথম সূর্য্যকর দ্বারে আসিয়া করাঘাত করিল। প্রভাতে তেমনি কারখানার বাঁশী বাজিয়া উঠিল—দীর্ঘ, কর্কশ, কঠোর! সারারাত্রি মা নিদ্রা যাইতে পারেন

নাই। কারখানার বাঁশী শুনিয়াই বিছানা হইতে উঠিয়া তিনি সামোভারে আগুন জ্বালাইতে চলিলেন। আগুন জ্বালাইয়া প্রতিদিনের মত পাভেল আর লিটল রাশিয়ানের ঘরের সম্মুখে আসিয়া তাহাদের ডাকিতেই, তাঁহার মনে পড়িল, আজ পয়লা মে! নির্বাক হইয়া তিনি মুক্ত জানালার নিকটে গিয়া বাহিরের দিকে চাহিয়া দাঁড়াইয়া রহিলেন।

(রাত্রিশেষে নীলাভ আকাশে প্রথম অরুণ-রাগ-স্পর্শে রঞ্জিত হইয়া রক্তাভ মেঘখণ্ডগুলি দ্রুত ভাসিয়া চলিয়াছিল, যেন যন্ত্রের ধূমোদগারের ভীষণ রবে ভীত সন্ত্রস্ত হইয়া আকাশচারী কোন বিহঙ্গমের দল নীড়াভিমুখে ছুটিয়া চলিয়াছে।) আপনার মধ্যে আপনি মগ্ন হইয়া মা সেই মেঘের গতির দিকে চাহিয়াছিলেন। একটা আশ্চর্য্য রকমের প্রশান্তি তাঁহারও অন্তর ভরিয়া বিরাজ করিতেছিল। হৃদয়ের গতিও সহজ মুহূ ছন্দে বহিতেছিল এবং মনে মনে তিনি এই প্রতিদিনের জীবনের সহজ স্মৃতি-তুঃখের কথাই আপনার অজ্ঞাতসারে ভাবিতেছিলেন।

দ্বিতীয় বার কারখানার বাঁশী বাজিয়া উঠিল। মায়ের মনে হইল, আজ বাঁশীর আহ্বান যেন দীর্ঘতর শোনাইতেছে। এমন সময় শুনিলেন, স্বভাবকোমল কণ্ঠস্বরে নিদ্রাজড়িতভাবে লিটল রাশিয়ান পাভেলকে বলিতেছে, “বন্ধু, শুনছো, ঐ ডাকছে!”

বাহির হইতে মা প্রতিদিনের মত জানাইলেন, “আগুন তৈরী।”

সহাস্তকণ্ঠে পাভেল উত্তর দিল, “আমরাও প্রস্তুত!”

জানালার নিকটে আসিয়া বাহিরের আকাশের দিকে চাহিয়া লিটল রাশিয়ান আপনার মনে বলিয়া উঠিল, সেই সূর্য্য আজও উঠেছে, মেঘেরা তেমনি চলেছে ছুটে, কিন্তু আজ যেন মনে হয় কোথায় এদের সঙ্গে যোগ ছিন্ন হয়ে গেল।

বাহিরে আসিয়া মাকে দেখিয়া প্রাতঃরতিবাদন জানাইতেই মা তাহার নিকটে অগ্রসর হইয়া কানে কানে বলিলেন, “আজ ওর সঙ্গ ছাড়া তুই হস্ নি!”

“কখনই না। তুমি নিশ্চিন্ত থেকো মা, এ শুধু আজ বলে নয়, চিরদিনই তার চেষ্টা করবো।”

ঘর হইতে বাহির হইয়া তাহাদের উভয়কে একত্র দেখিয়া পাভেল বলিয়া উঠিল, চুপি চুপি কি ষড়যন্ত্র হচ্ছিল ?

গরম জলে হাত মুখ ধুইতে ধুইতে লিটল রাশিয়ান বলিল, “কিছু না! মা বলছিলেন যে ভালো করে হাত মুখগুলো ধুতে, যাতে মেয়েদের দৃষ্টি তোঁর চেয়ে আমার উপর বেশী পড়ে, বুঝিলি ?”

পাভেল তখন আপনার মনে গুন গুন করিয়া গাহিতেছিল, “জাগো, জাগো হে নিপীড়িত মানব !

বেলা বাড়িতে লাগিল। বায়ু-বিতাড়িত হইয়া কখন আকাশ হইতে মেঘের দল অদৃশ্য হইয়া গিয়াছে। মা চায়ের আয়োজন করিতেছিলেন আর তাহাদের দুইজনের সহস্র রসিকতা শুনিয়া বিস্মিত হইয়া ভাবিতেছিলেন, কয়েক ঘণ্টা পরে জীবনে তাহাদের কি হইবে কিছুই স্থিরতা নাই তাহারা কেমন নিরঙ্কুশ নিঃশব্দ অবস্থায় আলাপ করিতেছে। সকলের চেয়ে মায়ের আশ্চর্য লাগিল—কোথা হইতে তাঁহারও অন্তরে এক অপূর্ব প্রশান্তি আসিয়া দেখা দিয়াছে।

চায়ের টেবিলে আজ তাহারা অনেকক্ষণ ধরিয়া চা-পান করিল। পাভেল প্রতিদিন ধীরে ধীরে অতি সন্তুর্পণে চায়ের কাপে চিনি মিশাইত, আজ যেন কাপের মধ্যে চামচটিকে বারে বারে ধীরে ধীরে নাড়িতেই তাহার ভাল লাগিতেছিল। টেবিলের আড়ালে লিটল রাশিয়ান অনবরত পা নাচাইতেছিল—একবারও সে পা-ছুটিকে স্থির করিতে পারিতেছিল না এবং মুক্ত বাতায়ন দিয়া আগত সূর্য্যকরের গতি-স্পন্দনের দিকে এক দৃষ্টে চাহিয়া ছিল।

বহুক্ষণ দেওয়ালে-পড়া, রৌদ্রটুকুর দিকে চাহিয়া থাকিতে থাকিতে লিটল রাশিয়ান বলিয়া উঠিল, “তখন আমার দশ বছর বয়স, ছোট্ট ছেলে—সাধ গিয়েছিল কাঁচের গেলাসে রোদ ভরে রাখবো। একদিন

একটা কাচের গেলাস নিয়ে আস্তে আস্তে দেয়ালের কাছে গিয়ে বোদ-টুকু গেলাসে পুরে নেবো ভেবে গেলাসটা সজোরে দেয়ালে বসিয়েছি— আর যায় কোথা। কাঁচের গেলাস টুকরো টুকরো হয়ে মাটিতে পড়ে গেল—হাত গেল কেটে, তার উপর হলো প্রহার। বড় রাগ হলো সূর্য্যের ওপর। প্রহারাস্তে বাইরে গিয়ে দেখি একটা ডোবার জলে এসে পড়েছে সূর্য্যের আলো। প্রাণের আনন্দে জলে লাথি মারতে লাগলাম। ফলে সর্ব্বাঙ্গ ভরে গেল কাদায়। ফলে আর একবার হলো প্রহার। তখন আর কি করি? জানালার উপর বসে আকাশের দিকে চেয়ে সূর্য্যকে ডেকে বললাম, ‘আমার এই কচুটি, আমার তো লাগেনি!’ দুবার আকাশের দিকে চেয়ে মুখ ভ্যাংচালাম, আর তখন যেন একটু শাস্তি এলো।”

এই সমস্ত অবাস্তব কথায় মায়েব ধৈর্য্যচ্যুতি ঘটতেছিল। তিনি হঠাৎ বলিয়া উঠিলেন, “আজকের শোভাযাত্রার কি আয়োজন হবে সেই কথাই এখন ভাব।”

পাভেল মুহূ হামিয়া বলিল, “সমস্ত বন্দোবস্তই ঠিক হয়ে গিয়েছে।”

লিটল রাশিয়ান তেমনি উদাস দৃষ্টিতে বলিয়া উঠিল, “একবার যে জিনিষ স্থির হয়ে গেছে, তা নিয়ে আর আলোচনা করা বৃথা—তাতে শুধু মনটা গুলিয়ে ওঠে। যদি আমরা গ্রেফতার হই—তা হলে নিকোলে এসে তোমাকে সব খবর দেবে এবং তুমিই বা কি করবে তা তার মুখ থেকে জানতে পারবে।”

“চল, এবার বেরিয়ে পড়ি,” পাভেল বলিয়া উঠিল।

“আঃ—অত ব্যস্ত কেন? এত সকাল থেকেই পুলিশের চোখের সামনে ঘুরে বেড়িয়ে কি লাভ হবে?”

এমন সময় ফিডিয়া উল্লাসে উৎফুল্ল হইয়া ছুটিয়া ঘরে প্রবেশ করিল। চীৎকার করিয়া উঠিল, “যাত্রা আরম্ভ হয়েছে। দলে দলে লোক কারখানা ছেড়ে রাস্তায় বেরিয়ে পড়েছে। কারখানার ফটকে নিকোলে,

গুসেড্‌রা দুই ভাই আর সামোলভ বক্তৃতা দিচ্ছে। আর নয়, তোমরাও এসো এবার। আমি এখন যাই।”—বলিয়াই যেমন ঝড়ের মতন আসিয়াছিল তেমনি ঝড়ের মতন চলিয়া গেল।

পাভেল ও লিটল্‌ রাশিয়ান যাত্রার জন্ত উঠিয়া দাঁড়াইতে দেখিল, মাও সাজগোজ করিতেছেন।

“কোথায় যাবে মা?”—পাভেল জিজ্ঞাসা করিল।

“কেন, তোদের সঙ্গে।”

“তাই চল। কিন্তু মা, আমিও তোমাকে কোন কথা বলতে চাই না—তুমিও আমাকে কোন কথা বলো না। কেমন?”

“বেশ তাই হবে, তাই হবে।”

বাহিরে আসিতেই মা শুনিলেন কোথা হইতে ছুটির দিনের গুঞ্জনের মত এক সমবেত শব্দ উঠিতেছে। পথ দিয়া চলিবার সময় দেখেন চারিদিক হইতে লোকে পাভেল ও লিটল্‌ রাশিয়ানের দিকে চাহিয়া আছে। দরজায়, ফটকে, জানালায়, চারিদিকে লোক—আর সবাই উৎসুক দৃষ্টিতে তাঁহাদের দিকেই চাহিয়া আছে।

শুনিলেন, লোকে তাহাদের দুইজনকে দেখাইয়া বলাবলি করিতেছে, এই দুজন হল আসল নেতা!

চারিদিক হইতে নানারকমের কথা উঠিতেছে। জসিমভের বাড়ীর পাশ দিয়া যাইবার সময় ভাঙা পায়ে লাঠির ভর দিয়া জসিমভ জানালা হইতে গলা বাড়াইয়া চীৎকার করিয়া বলিয়া উঠিল, “শুনছো পাভেল, ওসব চালাকি রেখে দাও—যেমন কুকুর, তেমনি মৃগুর পাবে খন—যাও না!” জসিমভ ঘরে বসিয়া ভাঙা পায়ে জগ্রে কারখানা হইতে পেন্সন পাইত।

একজন প্রোচ ব্যক্তি অগ্রসর হইয়া পাভেলকে জিজ্ঞাসা করিল, “হাঁ হে, শুনছি নাকি তোমরা আজকে একটা ভয়ানক কাণ্ড করবে, স্থপারিণ্টেন্ডেন্টের ঘরে গিয়ে তার দোর-জানালা ভেঙে ফেলবে?”

হাসিয়া পাভেল উত্তর দিল, “কেন, আমরা কি মাতাল?”

তাহাকে বুঝাইয়া লিটল রাশিয়ান বলিল, “আমরা ওসব কিছুই করবো না—আমরা শুধু আমাদের পতাকা হাতে রাস্তা দিয়ে গান গেয়ে যাব—সেই গানেই থাকবে আমাদের প্রাণের কথা—”

আর একজন আসিয়া মাকে দেখিয়া গম্ভীরভাবে জানাইল, “ওরা দেখছি সত্যিই বলতো—তুমিই তা হলে কারখানায় লুকিয়ে বই দিয়ে যেতে, না?”

কথাটা পাভেলের কানে যাইতেই সে জিজ্ঞাসা করিল, “কে বলে এ কথা?”

“কে আর বলবে? লোকের এই ধারণা।” বলিয়া লোকটি চলিয়া গেল।

লোকে যে এই কথা জানিতে পারিয়াছে, তাহাতে মা মনে মনে আনন্দিতই হইলেন। মায়ের দিকে ফিরিয়া পাভেল হাসিয়া বলিল, “মাগো এবার তোমাকেও দেখছি জেলে যেতে হবে।”

“দরকার হয় তো যাব, তাতে কি!”

ক্রমে সূর্য্য আরও প্রখর হইয়া উঠিল। স্বচ্ছ সূর্যালোক আসিয়া সমগ্র গ্রামখানিকে বাসন্তী শোভায় ভরিয়া তুলিল। যত বেলা হইতে লাগিল, রাস্তায় জনতা ততই বাড়িয়া উঠিতে লাগিল। ক্রমশ জনতার গুঞ্জনর অন্তরালে কখন কারখানার যন্ত্রের ঘর্ঘর ধ্বনি ডুবিয়া গেল।

পথের এক কোণে নিকোলে তাহার সাধ্যমত বক্তৃতা দিতেছিল। বলিতেছিল, ...ফল থেকে যেমন রস নিঙড়ে বার করে, তেমনি করে তারা আমাদের জীবন থেকে সমস্ত আনন্দ, সমস্ত অহুভূতি নিঙড়ে বার করে নিয়েছে।”

জনতার মধ্য হইতে প্রতিধ্বনীর মত শব্দ জাগে, “সত্যি, সত্যি!”

নিকোলেকে অবসর দিবার জ্ঞাত লিটল রাশিয়ান ইঙ্গিতে তাহাকে সরিয়া যাইতে বলিয়া স্বয়ং বক্তৃতা-ক্ষেত্রে আরোহণ করিল।

“কমরেড, ওরা আমাদের শিখিয়েছে যে, জগতে নানান জাতি আছে, জার্মান, ফরাসী, ইংরেজ, যিহুদী—আরও কত কি! কিন্তু

আসলে জগতে আছে দুটো জাত—মাত্র দুটো। একেবারে বিভিন্ন জাত—
এক জাতের নাম দরিদ্র, অল্প জাতের নাম ধনী। তারা কথা বলে
আলাদা রকমের তারা পোষাক পরে আলাদা রকমের, ধর্ম তাদের
আলাদা রকমের। ধনী ইংরেজ, ধনী জার্মান, ধনী রুশ যখন তাদের
নিজেদের দেশেরই দরিদ্র শ্রমজীবীদের সঙ্গে ব্যবহার করে তখন তারা
সবাই এক। আর এই আমরা দরিদ্র রুশ-শ্রমজীবী, দরিদ্র ফরাসী-
শ্রমজীবী, দরিদ্র ইংরেজ-শ্রমজীবী যে কুকুর-বেরালের জীবন যাপন করতে
বাধ্য হই—সেখানেও আমরা এক।...”

ক্রমশ জনতা বাড়িয়া ওঠে। উৎসুক আগ্রহে গলাগলি দাঁড়াইয়া
নির্ঝাক বিস্ময়ে সবাই শোনে—

“...অপর দেশের শ্রমিকেরা এই সহজ সত্য বুঝতে পেরেছে, তাই
আজ মে মাসের এই প্রথম দিনে, তারা সকল দেশের শ্রমিকদের সঙ্গে
ভ্রাতৃত্ব-বন্ধনে আবদ্ধ হওয়ার জন্তে উৎসবের আয়োজন করে। এই দিন
তারা সব কাজ ছেড়ে বেরিয়ে পড়ে রাস্তায়। একদিনের জন্তে তারা
উদার আকাশের তলায় পরস্পরকে ভাল করে দেখে, বোঝে; এবং
সকলে মিলে সেই দেখাশোনার মধ্যে দিয়ে জেগে ওঠে সকল জাতির
শ্রমিকদের সম্মিলিত শক্তির সম্ভাবনার কথা। প্রত্যেকের বুকে জেগে
ওঠে এক পরম আত্মীয়তা—প্রত্যেকের মনে জাগে এই মুক্তি-পণ, প্রয়োজন
হলে জীবন-আহুতি দিতে হবে জগতের সকলের মুক্তির জন্তে, সত্যের
মুক্তির জন্তে...”

এমন সময় জনতা হইতে কয়েকটি কণ্ঠে চীৎকার ধ্বনিয়া উঠিল,
“পুলিশ!”

বড় রাস্তা হইতে বারজন অঝারোহী সৈন্যকে আসিতে দেখিয়া জনতা
দেখিতে দেখিতে ভাঙিয়া গেল। লিটল রাশিয়ান এক কোণে সরিয়া
দাঁড়াইল। অঝারোহীরা চলিয়া গেল, সে, পাভেল ও মায়ের সঙ্গে আবার
পথ ধরিয়া অগ্রসর হইতে লাগিল।

পার্কের নিকটে আসিয়া দেখিল সেইখানেই সমস্ত লোক এখনও সমবেত হইয়া আছে। পাভেলরা জনতার মধ্য দিয়া প্রবেশ করিল। তাহাদের দেখিয়া সকলেই একেবারে নীরব হইয়া গেল।

একটা উঁচু জায়গায় দাঁড়াইয়া পাভেল সেই জনতাকে আহ্বান করিতে সকলের মৌন দৃষ্টি তাহার উপর গিয়া পড়িল। পাভেল বলিয়া উঠিল, “ভাইরা সব, আজ সময় এসেছে আমাদের এই জীবন-ধারা পরিবর্তন করে এই লোভে কুৎসিত, অন্ধকারে ভ্রিয়মান, মিথ্যায় পন্থ, অনাচারে ব্যর্থ জীবন পরিবর্তন করে বিশ্ব-জোড়া মানুষের সমাজে আমাদের মানবতাকে তুলে এরবার।”

কিছুক্ষণ নীরব থাকিবার পর পাভেল আবার বলিয়া চলিল, “কমরেড, তাই আজ আমরা স্থির করেছি, প্রকাশভাবে আত্ম-পরিচয় দেব—জানাবো আমরা কারা, কি চাই। তাই আজ তোমাদের সকলের সম্মুখে এই পতাকা তুললাম—এই সত্যের, ত্রায়ের ও মুক্তির পতাকা।”

পাভেলের উত্তত হস্তে শূণ্ণ পতাকা ছলিয়া উঠিল। রক্ত-বর্ণ এক বিরাট বিহঙ্গমের মুক্ত পক্ষের মত জনতার মাথার উপর পতাকা নড়িয়া উঠিল।

পাভেল পতাকা হস্তে চাঁৎকার করিয়া উঠিল, “দীর্ঘজীবী হোক আমাদের এই বঞ্চিত শ্রমিকের দল।”

জনতার মধ্য হইতে শত কণ্ঠে প্রতিধ্বনি জাগিয়া উঠিল, “দীর্ঘজীবী হোক আমাদের সোশ্যাল ডেমোক্রাটিক শ্রমিক পার্টি, আমাদের সন্তান, আমাদের জননী।”

প্রতিধ্বনির উত্তরে পাভেল চাঁৎকার করিয়া উঠিল, “দীর্ঘজীবী হোক সকল দেশের সকল জাতির নির্যাতিত মানুষের দল।”

জনতার মধ্য হইতে সহস্র কণ্ঠে এক বাণীহীন বিরাট আনন্দের উচ্ছ্বাস জাগিয়া উঠিল।

মা পাভেলের নিকটে দাঁড়াইয়া ছিলেন। উৎসাহে পুত্রের হাত

জড়াইয়া ধরিতে গিয়ে তিনি আর একজন অপরিচিতের হাত জড়াইয়া ধরিলেন। তখন মায়ের চোখ দিয়া আনন্দাশ্রু গড়াইয়া পড়িতেছিল।

উন্মাদ জনতাকে শাস্ত করিয়া আবার লিটল রাশিয়ানের কণ্ঠস্বর জাগিয়া উঠিল, “বন্ধুরা সব, আজ এক নতুন দেবতার নামে, সাম্যের, প্রীতির ও মুক্তির দেবতার নামে আমরা এক দীর্ঘপথে তীর্থযাত্রায় বেরিয়েছি। বহুদূর পথ, বড় বন্ধুর! সেখানে পৌঁছতে হবে—জানি সে অনেক দূর, আর এও জানি কাঁটার মুকুট আছে খুবই কাছে—বুকের ভেতরে। এই জনতার মধ্যে যে আছ অবিশ্বাসী সত্যের অদম্য শক্তিতে, যে আছ ভীক, সত্যের জন্তে পারবে না মৃত্যুকে আলিঙ্গন করতে, নিজেকে যে আজও চেনোনি, জানোনি, বেদনার ভয়ে পঙ্খ যার চিত্ত, সে আজ এসো না আমাদের এই তীর্থযাত্রায়। আজ আমাদের এই আহ্বান শুধু তাকে, যে অন্তর দিয়ে বিশ্বাস করেছে আমাদের এই আদর্শকে। কে আছ আত্মবিশ্বাসী, কে আছ বন্ধু, এগিয়ে এসো আমাদের সঙ্গে, আজ এই মে মাসের প্রথম দিনে, মুক্ত-চিত্ত মানুষের এই মহা-মহোৎসবের দিনে!”

পাভেল পতাকা হাতে সম্মুখে আসিয়া দাঁড়াইল। তাহার পিছনে দেখিতে দেখিতে বিরাট জনতা শ্রেণীবদ্ধ ভাবে আসিয়া দাঁড়াইল। তাহারা আগাইয়া চলিল—শতকর্থে সজীত জাগিয়া উঠিল :

“জাগো জাগো হে নির্ব্যাতিত অমিকের দল,

ঐ রণভেরী বাজে, এগিয়ে চল হে—সুধিত-মানবের দল।”

মা বহুবার এই সজীত শুনিয়াছিলেন—চাপা গলায় চুপি চুপি পাভেল গাহিত—লিটল রাশিয়ান তাহার সঙ্গে গীষ দিত। সেদিন বোঝেন নাই—আজ বুঝিলেন সেই সজীতের সার্থকতা কোথায়।

“এগিয়ে চল যেখানে রয়েছে বেদনা-বিদ্ধ বন্ধুরা সব—

জনতার চাপে মা ক্রমশ পুত্রের নিকট হইতে পিছাইয়া পড়িতেছিলেন। তিনি শুধু চাহিয়া ছিলেন পাভেলের হাতের

রক্ত-পতাকার দিকে। সকলের দৃষ্টি ছিল সেই দিকেই এবং সবাই সচেতন কোন রকমে সেই পতাকার নিকট স্থান অধিকার করিতে। জনতার মধ্যে প্রত্যেকে আপনার উচ্ছ্বাসে কথা কহিতেছিল কিন্তু প্রত্যেকের সেই বিচ্ছিন্ন কথার উর্দ্ধে জাগিয়া উঠিতেছিল নূতন দিনের এই নূতন সঙ্গীত! অতীত দিনের অন্ধবিলাপ তাহাতে ছিল না। নির্বীৰ্য্য বিষণ্ণতার স্নান অরণ্যপথে যে অসহায় চিত্ত কাঁদিয়া বেড়ায়, এ তাহার বাণী নয়! রক্ত-শ্বাস বন্ধ-ঘরে একটুকু নিঃশ্বাস লইবার জন্তে যে আকুতি—এ তাহার স্বর নয়! ভাল-মন্দ একসঙ্গে ভাঙিয়া ফেলিবার জন্ত ক্ষুর আক্রোশের উচ্ছ্বাসও ইহাতে ছিল না—আদিম আরণ্যক প্রবৃত্তির দোহাই দিয়া স্বাধীনতার জন্তে স্বাধীনতা ছিনাইয়া আনিবার কথাও ইহাতে নাই। এ সঙ্গীত ফুটিয়া উঠিয়াছে অতি সহজ, সরল, সবল এক ভঙ্গীতে। নির্ধ্যাতিত মানুষের বেদনার কথা, যে-বেদনা সে পাইয়াছে—ভবিষ্যতে এখনও যাহা তাহাকে পাইতে হইবে—

বুদ্ধের জন্ত জারের চাই সৈন্ত!

তোমরা দিগ্বেহ তোমাদের বুকের সন্তানদের সেই জন্ত—

সহসা মা দেখিলেন রাস্তার মোড়ে পাঁচিলের মত একটা নিশ্চল মানুষের পাঁচিল দাঁড়াইয়া আছে। ইটের মত তাহাদের প্রত্যেকের চেহারা এক এবং মা ভাল করিয়া চাহিয়া দেখিলেন, দেখিলেন যেন তাহাদের কাহারও মুখ নাই। প্রত্যেকের কাঁধের উপর শুধু তরবারি স্থায়্যকরে ঝিক্‌মিক্‌ করিতেছে। সেই নিশ্চল পাঁচিলের দিক হইতে একটা তীব্র হিমালী-প্রবাহ যেন জনতার বুকে আসিয়া লাগিল। মা সমস্তই অন্ধকার দেখিতে লাগিলেন।

ওনিলেন পাভেল চীৎকার করিয়া বলিতেছে, “বন্ধুরা সব, এমন এগিয়ে চলতে হবে—সারা জীবন। এ ছাড়া আর গতি নেই—এগিয়ে এস, এগিয়ে চল বন্ধু!”

সহসা সঙ্গীতের সন্মিলিত স্বর কাটিয়া গেল। মাত্র কয়েকটি

কণ্ঠে সঙ্গীত ধ্বনিতা উঠিতেছিল। মা চাহিয়া দেখিলেন, জনতা দাঁড়াইয়া আছে, জনতাকে ছাড়াইয়া মাত্র কয়েকটি লোক গান গাহিতে গাহিতে আগাইয়া চলিয়াছে। তাদের সামনে পতাকা-হস্তে পাভেল, পাশ্বে লিটল রাশিয়ান।

মা শুনিলেন, ফিড্রিয়ার কণ্ঠস্বর, “জীবনের সংগ্রামে—”

কে একজন তাহারই স্মৃতি ধরিয়া গাহিল, “তোমরাই দিয়াছ আশ্রয়বলি—”

ভাল করিয়া চারিদিক চাহিতেই দেখিলেন কখন জনতা ছত্রভঙ্গ হইয়া গিয়াছে। পিছনে আর তিনি ফিড্রিয়া চাহিলেন না, শুনিলেন ছুটিয়া পলাইবার শব্দ হইতেছে। সম্মুখে দেখিলেন মাত্র জন বারো লোক সেই নিশ্চল মানুষের পাঁচিলের দিকে আগাইয়া চলিয়াছে। এমন সময় কঠোর কঠিন কণ্ঠে কে আজ্ঞা দিল, “বেয়নেট চালাও!”

মা চাহিতে চেষ্টা করিলেন, মনে হইল তিনি যেন অসীম অনন্তের দিকে চাহিয়া আছেন। ধীরে ধীরে তিনি পাভেল এবং লটল রাশিয়ানের দিকে আগাইয়া চলিলেন। দেখিলেন লিটল রাশিয়ান তাহার দীর্ঘ দেহ লইয়া পাভেলকে আগলাইয়া সবার সম্মুখে গিয়া দাঁড়াইয়াছে। পাভেল জুড় হইয়া বলিয়া উঠিল, “এ কি, আমার সামনে এসে দাঁড়ালে কেন?”

তাহার কথায় কর্ণপাত না করিয়া দুই হাত পিছনে দিয়া লিটল রাশিয়ান গান গাহিয়া আগাইয়া আসিল।

পাভেল চীৎকার করিয়া উঠিল, “পাশে এস, পতাকা থাক সকলের আগে!”

এমন সময় পাঁচিল নড়িয়া উঠিল। একজন অফিসার আগাইয়া আসিয়া মাটিতে পা ঠুকিয়া জ্বুম করিল, “ফিরে যাও বলছি।”

মা দেখিলেন প্রচুর সূর্য্যকরে অফিসারটির পোষাকের পালিস ঝিক-ঝিক করিয়া উঠিল। আজ্ঞার মত মা আগাইয়া চলিলেন। পিছনে আর ফিড্রিয়া চাহিলেন না; স্পষ্টই বুঝিতে পারিতেছিলেন যে, জনতা

বহু দূরে সরিয়া গিয়াছে, ঝড়ে-হাওয়ায় শুকনো পাতার মত তাহারা কোথায় ছত্রভঙ্গ হইয়া গিয়াছে।

যে কয়েকজন লোক আগাইয়া চলিয়াছিল, তাহারা পতাকাকে ঘিরিয়া দাঁড়াইল। হকুম হইল, “পতাকা কেড়ে নাও!”

মা শুনিলেন দূর হইতে কাহারো চীংকার করিয়া বলিতেছে, “পাভেল পালিয়ে এস!”

“পতাকাটা ফেলেই দাও না!”

নিকোলে পাভেলের পিছন হইতে বলিল, “পতাকাটা আমার হাতে দাও, আমি লুকিয়ে ফেলি।”

নিকোলের দিকে না চাহিয়া পাভেল গর্জিয়া উঠিল, “চুপ কর বলছি!”

নিকোলে পতাকা লইবার জন্ত হাত বাড়াইয়াছিল—মনে হইল তাহার হাতে কে যেন জলন্ত অঙ্গার ফেলিয়া দিল।

“কেড়ে নাও এক্ষুণি!”

একজন সৈন্ত লাফাইয়া পাভেলের হাত হইতে পতাকাটি ছিনাইয়া লইল। রক্ত পতাকাটি উর্ধ্বে একবার নড়িয়া উঠিয়া একেবারে অদৃশ্য হইয়া গেল।

“গ্রেপ্তার কর!”

বেয়নেট আগাইয়া কয়েকজন সৈনিক অগ্রসর হইল। মা শুনিলেন, কাতরকণ্ঠে কে বলিয়া উঠিল, “ওঃ!” উম্মাদের মত মা চীংকার করিয়া উঠিলেন।

শুনিলেন, সৈন্তদের ভিড়ের মধ্য হইতে পাভেলের স্পষ্ট স্বর, সে বিদায় চাহিতেছে “মাপো বিদায়!”

শুনিলেন লিটল রাশিয়ান বলিতেছে, “আসি, মা!”

বুকের মধ্যে কে যেন পরম-আশ্বাসে বলিয়া উঠিল, তারা বেঁচে আছে তা হলে!

কোনও রকমে দুইটি হাত উর্কে তুলিয়া তাহাদের বিদায়-সম্ভাষণের প্রত্যাশার দিলেন। তারপর তাহাদের শেষ বার দেখিয়া লইবার জন্য উঠিয়া দাঁড়াইলেন। দেখিলেন, আশ্রিত স্বর্গোল মুখখানি তাঁহার দিকে ফিরিয়াই হাসিতেছে।

মা চীৎকার করিয়া কাদিয়া উঠিলেন, “ওরে এণ্ড্রাসা, ওরে পাশা—” অদূরে তাহারা শেষ বার সহকর্মী বন্ধুদের নিকট বিদায় লইতেছিল, বলিতেছিল, “বিদায়, বন্ধুরা সব, বিদায়!”

শুনিলেন বহুমিশ্রিত ভয়কণ্ঠে উত্তর ধনিয়া উঠিল, “বিদায়, বন্ধু, বিদায়!”

সহসা মা শুনিলেন, একজন সৈন্য রুঢ়ভাবে তাঁহাকে ধাক্কা দিয়া বলিতেছে, সরে যা এখান থেকে মাগি!

আপাদমন্তক তাহাকে পর্যবেক্ষণ করিতেই মায়ের দৃষ্টি পড়িল,— সৈন্যটির পায়ের তলায় পাভেলের হাতের পতাকার অংশ ভাঙিয়া পড়িয়া আছে। ধীরে নত হইয়া সেই ছিন্ন-পতাকা হইতে একটা লাল টুকরা তুলিয়া লইতেই সৈনিকটা জোরে তাঁহার হাত হইতে তাহা ছিনাইয়া লইয়া পায়ের তলায় ফেলিয়া ঘষিতে লাগিল।

এমন সময় অদূরে শোনা গেল দুইটি কণ্ঠের মিলিত সঙ্গীত—

“জাগো হে নিদ্রিত শ্রমিকের দল”!

সেই সঙ্গীতে অফিসার ক্রিপ্ত হইয়া সৈন্যদের লক্ষ্য করিয়া হুকুম দিলেন, “সার্জেন্ট ক্রোভ, গান থামাও!”

কে বলিয়া উঠিল, “মুখ বন্ধ করে দাও ওদের!”

সহসা গানের ভাষা মাঝপথে যেন ছত্রভঙ্গ হইয়া গেল; অবশেষে ক্ষীণ স্বরটুকুও একবার যেন কাঁপিয়া উঠিল, তারপর সব নিস্তক হইয়া গেল।

সার্জেন্টটি চলিয়া গেলে মা সেই মখিত পতাকার অংশটুকু বুকের মধ্যে লইয়া ফিরিয়া চলিলেন। কিছুদূর যাইতে না যাইতেই এক গলির মুখে দেখিলেন, বহুলোক তখনও জটলা বাঁধিয়া রহিয়াছে।

একজন বলিতেছে, “মনে রেখো, শুধু বাহাদুরী দেখাবার জন্তে তারা আজ বেয়নেটের মুখে এগিয়ে যায় নি—”

কেহ বলিতেছে, “সৈন্তগুলোর সামনে যখন এগিয়ে গেল—দেখেছিলে, ওঃ—”

“একবার পাভেলের কথা ভাব—”

“লিট্‌ল্‌ রাশিয়ান কম কি ?”

“তা বটে, হাত পেছনে পিছ-মোড়া করে বেঁধেছে—কিন্তু হাসিটুকু মুখে লেগেই আছে—”

সহসা তাহাদের সেই প্রশংসার বাণী শুনিয়া মা বলিয়া উঠিলেন, “ভগবানের দোহাই, তোরা শোন। তোরা সবাই এত ভালো—একবার শুধু তোরা তোদের হৃদয়-মন খুলে চেয়ে দেখ্। সমস্ত ভয় দূর করে দিয়ে তোরা একবার স্পষ্ট করে চেয়ে দেখ্ দেখি—দেখ্, আমাদের বুক-চেরা ধন সব চলেছে এগিয়ে জগতের পথে—সত্যকে খুঁজে বার করবার জন্তে ; আমাদের দেহের রক্ত আজ মূর্তি ধরে, ওরে চেয়ে দেখ্, চলেছে একলা পথে। তোমাদের জন্তে, তোদের সকলের কল্যাণের জন্তে, তারা আহুতি দিতে চলেছে তাদের প্রাণ। তারা তাদের আলো দিয়ে নতুন স্বর্ঘ্য গড়তে চায়, তাদের জীবন দিয়ে তারা চায় নতুনতর জীবন গড়ে তুলতে কল্যাণে সুন্দর, সত্যে সুমহান্ নতুনতর এক বিরাট জীবন—”

সহসা মায়ের মনে হইল যেন দেহের অভ্যস্তরে হৃৎ-পিণ্ড স্থানচ্যুত হইয়া গিয়াছে, গলা শুকাইয়া আসিল। অন্তরের অন্তস্তলে কোথায় কোন্ গভীরতম প্রদেশে সর্বব্যাপী এক সর্বসহা প্রেমের মহাবাণী নবজন্মলাভ করিতেছিল—তাহারই জন্ম-বেদনায় তাঁহার মাতৃদেহ দীর্ঘ হইয়া যাইতে ছিল। চারিদিকে চাহিয়া দেখিলেন, লোকে মঙ্গলমুখের মত নীরবে তাঁহার দিকে চাহিয়া আছে—তাঁহার কথা শুনিবে বলিয়া সকলেই উদগ্রীব।

“চেয়ে দেখ, আনন্দ-লোকের দিকে চলেছে আমার আনন্দ গোপালরা। তোদের সকলের জন্তে, তোমাদের সকলের স্বখের জন্তে, সমস্ত অনাচারের বিরুদ্ধে আজ তারা যাত্রা করলো। এই দুঃখিনী মায়ের একমাত্র অনুরোধ—তাদের তোরা ত্যাগ করিস্ না, পথে তাদের একলা দাঁড় করিয়ে তোরা পালিয়ে যাস্নি। নিজেদের দিকে চেয়ে, নিজেদের লজ্জা করতে শেখ্। তাদের কথা মনে করে ভালবাসতে শেখ্।”

সহসা মায়ের সর্ব-দেহ অবশ হইয়া আসিল। মূর্ছিত হইয়া তিনি সেইখানেই পড়িয়া গেলেন।

যা

দ্বিতীয় ভাগ

নানা রঙের আবছায়া স্মৃতির অস্পষ্টতার মধ্যে সেদিন মায়ের আচ্ছন্ন মত কাটিয়া গেল। সারা দেহ ও মনে অবসাদের গ্লানি। মাঝে মাঝে চলিয়া-যাওয়া ছেলে কয়টির মুখ মনে পড়ে। ভাব-ঘোরে দেখেন,— তাহারা চলিয়াছে, পতাকা হুলিতেছে, পুলিশের লোকটি ঘুরিয়া ফিরিয়া বেড়াইতেছে। গানের শব্দ কানে আসিয়া লাগে, তারপর সমস্ত পাংশু হইয়া যায়। সেই পাংশু মহাশূন্ততার মধ্যে ফুটিয়া ওঠে রৌদ্রে-পুড়িয়া-যাওয়া পাভেলের মুখখানি আর সেই সঙ্গে আঙ্গুর ছ'টি চোখ,— আকাশের মত স্বচ্ছ নীল।

অস্থির হইয়া ঘরময় ঘুরিয়া বেড়ান, কখনও জানালায় গিয়া বাহিরে পথের দিকে চাহিয়া থাকেন; আবার কি মনে করিয়া জানালা হইতে সরিয়া আসিয়া মাটির দিকে মাথা নিচু করিয়া ঘরময় ঘুরিয়া বেড়ান। চলিতে-ফিরিতে চমকাইয়া ওঠেন। লক্ষ্যহীনভাবে ঘরের চারিদিকে কি যেন খুঁজিবার জন্ত চাহিয়া দেখেন। বার বার জল খান কিন্তু তৃষ্ণা তবুও দূর হয় না। ভিতরের দাবান্ন-জ্বালা কিছুতেই নিভে না। আজিকার দিনটিকে যেন নিষ্ঠুর আঘাতে কে দ্বিখণ্ড করিয়া দিয়াছে। স্বর্ধ্যোদয়ে ছিল উৎসাহ, ছিল নির্ভরতা; তারপর মধ্য-দিন যাইতে না যাইতে স্কন্ধ হইল নিরঙ্গ নিরর্থকতা—বুঝি ইহার সমাপ্তি কোথাও নাই! শূণ্য বিমূঢ় চিত্তে শুধু এই প্রশ্ন জাগিতেছিল, এখন কি হবে?

হুই-একজন প্রতিবেশিনী সমবেদনা জানাইয়া গেল কিন্তু তাহাতে মায়ের মন কিছুমাত্র সাড়া দিল না।

সন্ধ্যা বেলায় পুলিশের লোক আবার আসিল। তাহাদের আগমন-বার্তা সজোরে জ্ঞাপন করিয়া অন্ধ দোলাইয়া তাহারা ঘরে ঢুকিল। মুখে তৃপ্তির হাসি।

একজন অফিসার মায়ের দিকে অগ্রসর হইয়া ব্যঙ্কচলে জিজ্ঞাসা করিল, “আমার পরম সৌভাগ্য, এই নিয়ে তিনবার আপনার দরজায় আসতে হলো! কেমন আছেন?”

শুধু জিহ্বা ততোধিক শুষ্ক ওষ্ঠে স্পর্শ করাইয়া মা চুপ করিয়া রহিলেন। অফিসারটি আপনার মনে উপদেশ বাণী বর্ষণ করিতে লাগিল। কিন্তু তাহার একটি কথাও মায়ের মনে গিয়া পৌছাইতেছিল না—যেন কোথায় ঝি ঝি পোকা নিরর্থক শব্দ করিতেছে। এবার অফিসারটি বলিয়া উঠিল, “এ তোমার নিজের দোষ। ভগবান আর জারকে শ্রদ্ধা করতে তোমার ছেলেকে তুমি শেখাতে পার নি—এ ত তোমারই দোষ!”

এইবার মায়ের মুখ হইতে কথা বাহির হইল। তিনি আপনার মনে উদাস ভাবে বলিয়া উঠিলেন, “সেই পথে একলা তাদের ছেড়ে দেওয়ার জন্তে যে শাস্তি সে আমাদের ছেলেরাই আমাদের দিচ্ছে! আজকাল তারাই আমাদের বিচারক!”

কথাগুলি ভাল করিয়া শুনিতে না পাইয়া অফিসারটি হুকুম দিয়া উঠিল, কি বলো? জোরে বল!

দীর্ঘশ্বাস ফেলিয়া মা বলিলেন, “বলছিলাম, আমাদের ছেলেরাই আজ আমাদের শাস্তি-দাতা।”

অফিসারটি রাগে তাড়াতাড়ি কি বলিল—কিন্তু মায়ের কানে তাহার একটি বর্ণও গিয়া পৌঁছিল না।

সাক্ষীর জন্ত পুলিশের লোকেরা মেরিয়ানাকে ধরিয়া আনিয়াছিল। মায়ের পাশে চুপটি করিয়া সে দাঁড়াইয়াছিল—মায়ের মুখের দিকে চাহিবার শক্তিও তাহার ছিল না।

মেরিয়ানার দিকে লক্ষ্য করিয়া অফিসারটি কি প্রহর করিতেই সমস্ত

ভাবে সে বলিয়া উঠিল, হজুর, আমি কিছু জানি না। আমি মুখ্য মেয়ে-মাছুষ, এ সবেৰ কিছু জানি না। গরীব লোক—ফিরি করে কোন রকমে দিন চালাই।

অফিসারটী গৰ্জন করিয়া উঠিলেন, চুপ কর, তবে!

মাকে খানাতল্লাস করিবার ভার কিন্তু মেরিয়ানার উপর পড়িল। চক্ষু বিস্ফারিত করিয়া আতঙ্কে অফিসারটীর দিকে চাহিয়া সে বলিল, হজুর, সে আমি কেমন করে পারি?

রাগে মাটিতে পা ঠুকিয়া অফিসারটী গৰ্জন করিয়া উঠিলেন। তাহার মূর্ত্তি দেখিয়া মায়ের কাছে আগাইয়া আসিয়া মিনতির স্বরে সে বলিল, কি আর করি বল! কিছু মনে করিস্ না দিদি!

মায়ের গায়ের জামায় হাত দিতেই, ফোভে এবং লজ্জায় মেরিয়ানার মুখ রক্তিম হইয়া উঠিল। দাঁতে দাঁত চাপিয়া সে বলিয়া ফেলিল, কুকুরের দল!

ঘরের এক কোণ হইতে অফিসারটী চীৎকার করিয়া উঠিলেন, ফিস্ফাস্ কি হচ্ছে ওখানে?

ভয়ে মেরিয়ানা উত্তর দিল—কিছু না হজুর; আমাদের ঘর-কমার কথা, হজুর!

খানাতল্লাসীর ওয়ারেন্টে সহি করিবার সময় মা কম্পিত-হস্তে ছাপান নামটির উপর হাত বুলাইয়া গেলেন—

“পেলাগুয়ে নিলোভনা, বিধবা কুলী-কামিন”

কাজ শেষ করিয়া তাহারা চলিয়া গেল। আবার একা মা জানালার ধারে আসিয়া দাঁড়াইলেন। বৃকের উপর হাত দুটি রাখিয়া নিষ্পলক নয়নে বাহিরের শূণ্য অন্ধকারের দিকে চাহিয়া রহিলেন। প্রদীপে তৈল ফুরাইয়া, আসিয়াছিল; শেষবার দপ্ করিয়া ক্ষণকালের জগ্ৰ জলিয়া উঠিয়া তাহাও নিভিয়া গেল। অন্ধকারে একা বসিয়া রহিলেন—কাহারও বিরুদ্ধে কোন আক্রোশ নাই—অন্তরে যেন কোনও আঘাতের চিহ্ন নাই।

বুকের ভিতরে নিবিড় কালো মেঘ জমাট বাঁধিয়া সমস্ত অন্তরকে আচ্ছন্ন করিয়া ফেলিয়াছিল। কতক্ষণ এইভাবে জানালায় দাঁড়াইয়া ছিলেন, তাহা তিনিও জানিতেন না। একবার শুনিলেন, পথে জানালার তলায় দাঁড়াইয়া তাঁহাকে ডাকিয়া মেরিয়ানা বলিয়া গেল, হতভাগি, এখনও দাঁড়িয়ে আছিস—যা একটু ঘুমুগে যা! তারপর কখন অবসন্ন হইয়া সেই জানালার ধারেই ঘুমাইয়া পড়িয়াছেন।

পরের দিন দুপুর বেলা আইভানোভিচ আসিয়া উপস্থিত হইল। তাহাকে দেখিয়াই মায়ের মন ভয়ে চমকাইয়া উঠিল। তাহার অভিবাদন গ্রহণ না করিয়াই তিনি বলিয়া উঠিলেন, আজই আবার কেন তুমি এলে! পুলিশের লোকে যদি তোমাকে এখানে গ্রেফতার করে তা হলে পাভেলের আর নিষ্কৃতি নেই।

মায়ের হাত দুইটি জড়াইয়া ধরিয়া চোখের উপর চসমাটী ঠিক করিয়া লইয়া আইভানোভিচ বলিল, পাভেল আর আন্দ্রির সঙ্গে আমার বন্দোবস্ত হয়েছিল, যদি তারা গ্রেপ্তার হয়, তাহলে তার পরের দিনই যেন তোমাকে আমি শহরে নিয়ে যাই।

—যদি তাদের তাই ইচ্ছে—আমার কোনও আপত্তি নেই—আর আমি কারুর গলগ্রহ হয়ে চূপ করে বসে থাকবো না।

—সে কথা মনেই আনবেন না। আমি একলা থাকি—একটা বোন আছে—সে কচিং কখন আসে।

—কিন্তু আমি কারুর গলগ্রহ হয়ে চূপ করে বসে থাকতে চাইনা—

—আঃ, তার ভাবনা কি, যদি কাজ করতে চান তাও একটা জুটে যেতে পারে—

কাজ বলিতে মা এখন বুঝেন, যে আদর্শ অসমাপ্ত রাখিয়া তাঁহার ছেলে চলিয়া গিয়াছে, সেই একমাত্র কাজ।

আইভানোভিচের দিকে অগ্রসর হইয়া উৎসুক কণ্ঠে জিজ্ঞাসা করিলেন, সত্যি বলচো কাজ পাওয়া যাবে?

—অবশ্য আমার সংসারটি ছোট, এত ছোট যে নেই বল্লেই চলে—
বিয়ে থা তো আর করা হয় নি।

—ওসব কথা কেন তুলছো—আমি ঘরকন্নার কাজের কথা বলছি না—
আমি চাইছি কঠিন যা কিছু কাজ তাই করতে—এই জগতের কোন কাজ—
মায়ের দিকে অগ্রসর হইয়া চোখেতে হাসি ভরিয়া আইভানোভিচ
বলিয়া উঠিল, যদি তুমি চাও জগতের কাজ, তোমারও জায়গা হবে, মা।

ইত্যবসরে মনে মনে মা এই সহজ ব্যাপারটি ভাবিয়া লইলেন, আমি
পাভেলের কাজে একদিন সাহায্য করতে পেরেছিলাম—এবারেও তাই
করবো। তার আদর্শের জন্তে যত বেশী লোক কাজ করবে ততই
লোকের সামনে তার কথা সত্যি হয়ে উঠবে।

তবুও তাঁহার অস্ত্রের আবেগ এবং উদ্বেলতা সমগ্রভাবে যেন প্রকাশ
করিতে পারিতেছিলেন না। অপরিজ্ঞাত ইচ্ছার ঘূর্ণাবর্তে ব্যথিত হইয়া
শাস্তকণ্ঠে মা বলিয়া উঠিলেন, কিন্তু আমি কি করতে পারি! কি
আমার কাজ?

কিছুক্ষণ কি চিন্তা করিয়া আইভানোভিচ বিপ্লবীদের ক্রিয়া-কাণ্ডের
খুঁটিনাটি ব্যাপার মাকে বুঝাইতে লাগিল। হঠাৎ একটা কথা স্মরণে আসিতে
সে বলিল, দেখুন আপনাকে একটা কাজ করতে হবে—যখন জেলে
পাভেলের সঙ্গে দেখা করতে যাবেন—তখন কোনও রকমে যে চাষাটা
সেই খবরের কাগজের কথা বলেছিল, তার ঠিকানাটা জেনে আসবেন।

আনন্দে মা বলিয়া উঠিলেন, আমি জানি—তাদের ঠিকানা আমি
জানি। তোমাদের কি কাগজ পত্র আছে আমাকে দাও—আমি এক্ষুণি
তাদের কাছে পৌঁছে দিয়ে আসছি। আমার কাছে বই থাকলে কেউ
সন্দেহ করবে না—কারখানায় তো কত বিলি করেছি।

মা মনে মনে তখনই চিত্র দেখিতেছিলেন, দীর্ঘপথ বাহিয়া, অরণ্য
প্রান্তর গ্রামান্তরের মধ্য দিয়া তিনি চলিয়াছেন, পিঠে তাঁহার একটা
চামড়ার থলি, হাতে একটা লাঠি...

—বুঝলে, বাছা, এখন তুমি সব ঠিক ঠাক করে দাও, যাতে আমি তোমাদের এই কাজে লাগতে পারি। তোমাদের জন্ত আমি সব জায়গায় যাব। গ্রীষ্ম বর্ষা শীত সারা বছর ধরে আমি চলবো। যতদিন না যত্ন এসে টেনে নিয়ে যায় ততদিন এমনি চলবো! ওরে বুড়ো বয়সে আজ আমি সত্যের পথে তীর্থ-যাত্রায় বেরুবো—আমার মত বুড়ীর ভাগ্যে এর চেয়ে ভাল আর কি ঘটতে পারে? ভবঘুরের জীবন আমার বড় ভাল লাগে। সারা পৃথিবী সে আপনার মনে ঘুরে বেড়ায়, কিছু নেই তার সম্বল, কিছু নেই তার কামনা, শুধু দিনান্তে এক টুকরো রুটি। কেউ নেই তাকে হিংসে করবার—সবাইকে এড়িয়ে সে চলেছে একা। তেমনি করে আমিও বেরুবো—যেখানে থাকবে আমার আশ্রি, যেখানে থাকবে আমার পাভেল—

এক অপূর্ণ বিষণ্ণতায় মায়ের মন পূর্ণ হইয়া উঠিল। চোখের সামনে তিনি দেখিতে পাইতেছিলেন গৃহহীন হইয়া গ্রামে গ্রামে ঘুরিয়া বেড়াই-তেছেন—যিশুর নামে দ্বারে দ্বারে ভিক্ষা চাহিতেছেন—

আইভানোভিচ সন্তর্পণে মায়ের হাত দুইটি ধরিয়া বলিল, আপনি যন্ত বড় একটা দায়িত্ব নিজের কাঁধে নিতে চলেছেন—একবার ভাব করে ভেবে দেখুন—

—ভেবে দেখবো কি? এতে ভাববারই বা আমার আছে কি? এ ছাড়া কিসের জন্ত আর বেঁচে থাকবো! কার কাজে আমি আর লাগবো? একটা সামান্য গাছ সেও ছায়া দেয়, কাঁঠ দেয়, আগুন হয়, হিমে লোককে দেয় আনন্দ। একটা বোবা গাছ, সেও মানুষের কাজে লাগে—আর আমি রক্ত-মাংসের জীবন্ত মানুষ, আমি লাগবো না কোনো কাজে? ছেলেরা—বুকের তাজা রক্ত দিয়ে গড়া ছেলেরা, আমাদের বুক-ছেঁড়া রক্ত সব, তারা আজ অগ্নান বদনে স্বাধীনতার জন্তে, মুক্তির জন্তে নিজেদের হাসতে হাসতে বিলিয়ে দিচ্ছে, আর আমি ছেলের মা হয়ে—শুধু দাঁড়িয়ে তাই দেখবো?”

মায়ের চোখের সামনে ফুটিয়া উঠিল—সম্মুখে জনসমুহ চলিয়াছে—মুখে তাহাদের জয়গান—পতাকা-হস্তে সবার সম্মুখে দাঁড়াইয়া তাঁহারই পুত্র—

—আমার ছেলে যদি সত্যের জন্তে প্রাণ দিতে পারে—আমি মা, কেমন করে তা দেখে চুপ করে বসে থাকবো? আজ আমি তাকে বুঝেছি—সত্যের জন্ত সে জীবন উৎসর্গ করেছে। এতদিন পরে আমি বুঝেছি সেই সত্যকে। আজ আমি বুঝি কি নিদারুণ বোঝা তাদের ঘাড়ে। আমিও ভার নেবো তার—দোহাই তোদের, আমাকে নে তোদের সঙ্গে—

দীর্ঘশ্বাস ফেলিয়া আইভানোভিচ সক্রিয় দৃষ্টিতে মায়ের দিকে চাহিয়া বলিল, জীবনে এই প্রথম আমি এই রকম কথা শুনিছি—

—এ ছাড়া আর আমি কি বলতে পারি? এই হতভাগিনী মায়ের বুকে আজ যে-সমস্ত কথা জমা হয়ে উঠছে তাকে যদি ভাষা দিতে পারতাম, তা হলে মনে হয় হাজার'পাথরের চোখ ফেটে জল ঝরে পরতো—মানুষকে হুঃখ দিয়ে যাদের আনন্দ তাদেরও বুক ছলে উঠতো। একদিন যেমন তারা যিশুকে জানিয়েছিল আর আজ যেমন তারা জানাচ্ছে হুঃখের বাছাদের বিষের আশ্বাদ কি, তেমনি আমিও তাদের জানাতে চাই বিষের আশ্বাদ কি! ওরে মায়ের বুকে দাগ কেটেছে ওরা—

আইভানোভিচ যাইবার জন্ত উঠিয়া দাঁড়াইল। তাঁহার হাতের শীর্ণ আঙুলগুলি কাঁপিতেছিল। ঘড়ির দিকে চাহিয়া তাড়াতাড়ি যাইবার জন্ত সে বলিল, তা হলে সমস্ত ঠিক রইলো—আপনি আমার সঙ্গে শহরে যাচ্ছেন?

ঘাড় নাড়িয়া মা সম্মতি জানাইলেন।

—যত শিগগীর পারেন চলে আসুন—

সহসা কর্ণধর কোমল হইয়া আসাতে সঙ্কুচিত হইয়া বলিল, বুঝেছেন তো—আপনার জন্তে মন বড় চিন্তিত হয়ে থাকবে—

মা মাথা তুলিয়া তাহার মুখের দিকে চাহিলেন। কে সে তাঁহার? কেন তাহার এই স্নেহ-দুর্বলতা?

চক্ষু নত করিয়া তেমনি কণ্ঠস্থরে আইভানোভিচ জিজ্ঞাসা করিল—
আপনার কাছে কিছু পয়সা কড়ি আছে কি ?

—না !

তাড়াতাড়ি পকেট হইতে ব্যাগটি বাহির করিয়া কিছু অর্থ মায়ের
হাতে দিয়া বলিল, যৎসামান্য এখন রাখুন !

অনিচ্ছাসত্ত্বেও মা হাসিয়া ফেলিলেন। বলিলেন, তোদের সবই উন্টে।
তোদের কাছে টাকাকড়ির কোন মূল্য নেই। লোকে দুটো পয়সা পাবার
জন্তে কি না করে ? আর তোরা, এক টুকরো কাগজ ও এক টুকরো তামা
একই মনে করিস্। অস্ত্র লোকের ওপর মায়া-মমতা আছে বলেই ওগুলো
সঙ্গে রাখিস্ !

আইভানোভিচ হাসিয়া বলিল ও বড় গুণ্ণোগলের জিনিষ—দিতেও
গুণ্ণোগল, নিতেও গুণ্ণোগল।

ষাইবার সময় মায়ের হাত ধরিয়া আইভানোভিচ জিজ্ঞাসা করিল
তাহলে শিগগির আসছো, মা ?

মা সন্মতি জানাইতে সে ধীর পাদক্ষেপে চলিয়া গেল।

তার চারদিন পরে দুইটি ট্রাক বোঝাই করিয়া মা ঘোড়ার গাড়ীতে
উঠিলেন। গ্রামের সীমান্ত ছাড়িয়া আসিবার সময় সহসা মা একবার
পিছনের দিকে ফিরিয়া চাহিলেন—জীবনের আঁধারতম দিনগুলি যেখানে
কাটাইয়া আসিয়াছেন, মনে হইল যেন চিরকালের মত তিনি সেই গ্রাম
ছাড়িয়া চলিয়াছেন। একটা বৃহৎ রক্ত-কালো মাঁকড়সার মত দেখিলেন
কারখানাটা দাঁড়াইয়া রহিয়াছে। ছোট্ট ছোট্ট একতাল বাড়ীগুলো
জলার ধারে দাঁড়াইয়া যেন ধাক্কাধাক্কি করিতেছে। ঘোঁয়ায় চারিদিক
কালো। তাহারই মধ্যে খোলা জানালা দিয়া বাড়ীগুলি যেন পরস্পরকে
পরস্পরকে সৰুসৰু দৃষ্টিতে দেখিতেছে। ক্রমে গ্রামের গির্জাকে পিছনে
ফেলিয়া চলিলেন। কিছুদূরে গিয়া পিছনে সেই গির্জার দিকে চাহিয়া

মায়ের মনে হইল, কারখানার মত তাহারও রঙ রক্ত-কালো হইয়া গিয়াছে।

গাড়োয়ান আপনার মনে গাড়ী হাঁকাইয়া চলিয়াছে। ঘোড়াকে বকিতেছে, কাদার কাছে আসিয়া গাড়ী হইতে নামিয়া ঘোড়ার রাশ ধরিয়া আবার খানিকটা হাঁটিয়া চলিতেছে।

হাঁটিয়া চলিতে চলিতে বলে, “দিদি, যে পথেই যাও, দুঃখুর হাত থেকে রক্ষা পাবার উপায় নেই! দুঃখু থেকে দূরে নিয়ে যাবার জেনো একটিও পথ নেই। যত পথ দেখেছো সব সেই এক জায়গায় পৌঁছে দেয়—”

বহুদিন গাড়ীর চাকায় তেল দেওয়া হয় নাই। অরণ্য-পথ চাকার প্রতিবাদ-শব্দে মুখর হইয়া উঠিতেছিল।

একটা পরিত্যক্ত জনবিরল পথের ধারে বহুকালের পুরানো একটা দোতারা বাড়ীতে একপাশে তিনখানি ঘর লইয়া আইভানোভিচ বাস করিত। ঘরগুলির সামনে একটি ছোট্ট ফুলের বাগান। বাগান হইতে নানা রকম গাছের শাখা খোলা জানালায় ভিড় করিয়া আসিয়া দাঁড়াইয়াছে। চারিদিক নিঃশব্দ। নীরব ঘরের দেওয়ালে, মেঝেতে গাছের ছায়াগুলি ঝাঁপিতেছে! ঘরের মধ্যে দেওয়ালের সঙ্গে লাগান সেল্ফ-ভরা বই। তাহার উপরে দেওয়ালের গায়ে গম্ভীর মূর্তি কাহাদের সমস্ত ছবি টাঙানো রহিয়াছে।

বাগানের দিকে জানালা-ওয়ালা একটি ছোট্ট ঘরে মাকে লইয়া গিয়া আইভানোভিচ জিজ্ঞাসা করিল, “এ ঘরে আপনার কোনও বিশেষ অসুবিধা হবে না বোধ হয়?”

মা দেখিলেন, এ ঘরেও সেল্ফ-ভরা বই! জানালায় ফুলের টবে হাত দিয়া দেখেন, মাটি শুকনো! কতদিন তাহাতে জল দেওয়া হয় নাই।

লজ্জিত হইয়া আইভানোভিচ বলে, ফুল বড় ভালবাসি কিন্তু সময় নেই ওদের দেখবার!

জীবনে এই প্রথম মা অপরের বাড়ীতে সম্পূর্ণ অজানা জায়গায় বাস করিলেন কিন্তু তিনি নিজেকে ভাবিয়া আশ্চর্য্য হইলেন যে, আদৌ তাঁহার কোনও অসোয়াস্তি বোধ হইতেছে না। মনে হইতেছে যে, তিনি যেন তাঁহার নিজের ঘরেই আছেন।

ঘরের জিনিষ-পত্রের উপর কাহারও যে কোন দৃষ্টি নাই—মা ঘরে প্রবেশ করিয়াই তাহা বুঝিতে পারিয়াছিলেন। চারিদিক এলোমেলো, অগোছালো। সামোভারে ‘মরচে’ পড়িয়া গিয়াছে, বই খাতাপত্র চারিদিকে ছড়ান, নুতন করিয়া মা গৃহস্থালি সাজাইতে লাগিয়া গেলেন।

পরের দিন সকাল বেলা চা খাইবার সময় আইভানোভিচ ও মা গল্প করিতেছিলেন। আইভানোভিচ নিজের পরিচয় দিবার ক্ষত্রে বলিতে-ছিল, “আমি ছিলাম একজন গ্রাম্য শিক্ষক। আমার বাবা ছিলেন কারখানার সুপারিন্টেন্ডেন্ট। গ্রামে চাষাদের মধ্যে আমি লুকিয়ে বই বিলি করতাম ও তাদের পড়ে শোনাতাম। পুলিশ জানতে পেরে আমাকে গ্রেফতার করে। সেবার জেল থেকে বেরিয়ে একটা বইয়ের দোকানে চাকরি পেলাম কিন্তু পুলিশের বিবেচনায় সংভাবে জীবন-যাপন না করার অপরাধে আবার জেলে যেতে হলো। জেল থেকে সেবার আর্চ আঞ্জেলে আমাকে নির্কাসিত করা হয়। সেখানেও শান্তি নেই, সেখানকার গবর্নরের সঙ্গে একদিন বাধিয়ে দিলাম ঝগড়া। প্রতিফল স্বরূপ সেখান থেকে নির্কাসিত হয়ে যাই শ্বেত-সমুদ্রের ধারে এক নির্জন গ্রামে। সেই জনহীন গ্রামে নির্কাসিত হয়ে পাঁচ বৎসর বাস করতে হয়।—”

ইতিমধ্যে এই রকমের কিছু কিছু কাহিনী মা শুনিয়াছিলেন। সকলের বেলাতেই তিনি লক্ষ্য করিতেন যে, ইহারা নিজেদের দুঃখকষ্টের কথা পরম নির্বিকারভাবে কাহারও প্রতি কোনও আক্রোশ প্রকাশ না করিয়া একান্ত সহজভাবে কেমন বলে—যেন সেই সমস্ত নির্ধ্যাতনের জন্ত কেহই দায়ী নহে—তাহা যেন বাঁচিয়া থাকার মতই অবশ্যস্বাবী।

“আজ আমার বোন আসবে এখানে।”

“বিয়ে হয়েছে তার ?”

“হয়েছিল, এখন সে বিধবা, তার স্বামী সাইবেরিয়ায় নির্বাসিত হয়।
—সেখান থেকে পালিয়ে আসবার সময় ভয়ানক ঠাণ্ডা লেগে তার অস্থ
হয় এবং তার ফলেই ভন্দর-লোক এই পৃথিবী থেকে ছুটি পান।”

“সে কি তোমার ছোট ?”

“না, সে আমার চেয়ে দু’বছরের বড়। তার কাছে আমি বহু
জিনিষের জ্ঞান খণী। ভারী গুণী মেয়ে—এই যে পিয়ানো দেখছেন—সে
এসে বাজায়—এই যে গানের পাতা চারিদিকে ছড়ান—তারই কীষ্টি—
ভারী সুন্দর বাজায়—”

“কোথায় থাকে ?”

মুহু হাসিয়া আইভানোভিচ বলিল, “সর্বত্র ! যেখানে বুক পেতে
দেবার প্রয়োজন সেইখানেই আছে সে—”

“তোমাদের এই আন্দোলনে ?”

“নিশ্চয়ই।”

আইভানোভিচ তখন বাহির হইয়া গিয়াছিল—দ্বিপ্রহরে বিছানায়
শুইয়া মা এই আন্দোলনের কথা ভাবিতেছিলেন। সহসা দেখেন ঘরের
মধ্যে এক দীর্ঘাকৃতি সুন্দর-দেহা অপরূপ সুসজ্জিতা নারী দাঁড়াইয়া !

ধীরে অগ্রসর হইয়া নারীটি মুহূর্ত্তে জিজ্ঞাসা করিল, “আপনিই কি
পাভেলের মা ?”

সহসা সেই সুসজ্জিতা সম্ভ্রান্ত নারীকে দেখিয়া মা শশব্যস্ত হইয়া উত্তর
দিলেন, “হাঁ, আমিই পাভেলের মা।”

দুই হাত দিয়া মায়ের হাত দুইটি ধরিয়া নবাগতা বলিল, “আমি ঠিক
এই রকমই ভেবেছিলাম। পাভেল আমাদের অনেক দিনের বন্ধু !
আপনার কথা সে প্রায়ই বলতো ! কিন্তু এখন রীতিমত খিদে পেয়ে
গিয়েছে, এক কাপ কফি দিতে পারেন ?”

“নিশ্চয়ই, এক্ষণি তৈরী করে দিচ্ছি !”

কক্ষির সরঞ্জাম ঠিক করিতে করিতে মা জিজ্ঞাসা করিলেন, “সত্যি সে আমার কথা বলতো?”

“নিশ্চয়ই, আপনার সম্বন্ধে সে অনেক কথাই বলতো! একটা সিগারেটের বাস্ক হইতে সিগারেট ধরাইয়া নবাগতা জিজ্ঞাসা করিলেন, “পাভেলকে নিয়ে আপনার খুব অসোয়াস্তি হতো, না?”

স্পিরিট ল্যাম্পের নীলাভ শিখার দিকে চাহিয়া মা হাসিয়া ফেলিলেন। এই নবাগতার সম্মুখে সমস্ত সঙ্কোচ পুত্র-গর্বেের মধ্যে তলাইয়া গেল।

“অসোয়াস্তি বোধ করতাম নিশ্চয়ই! কিন্তু আমি দেখছি, সে যেখানেই থাকুক, সঙ্গীহীন নয়—এমন কি, আমিও আজ আর একা নই!” পরে নবাগতার দিকে মুখ তুলিয়া চাহিয়া মা জিজ্ঞাসা করিলেন, “তোমার নাম”

—আমার নাম সোফিয়া—আইভানোভিচের দিদি!

তারপর কোনও ভূমিকা না করিয়া সোফিয়া বলিল, “দেখুন, এখন আমাদের সবচেয়ে বড় কাজ কি জানেন? ওরা এখন হাজতে আছে, শিগগিরই বিচার হবে এবং খুব সম্ভব বিচারে পাভেল নির্দোষিত হবে! সাইবেরিয়াতে পঁচতে তাকে দেওয়া হবে না—তাকে আমাদের একান্ত প্রয়োজন! সেই জন্তে আমাদের প্রথম চেষ্টা হবে তাকে সাইবেরিয়া থেকে লুকিয়ে সরিয়ে আনা—”

“কিন্তু লুকিয়ে সে কত দিন থাকতে পারবে? আর লুকিয়ে থাকবেই বা কি করে?”

“ও, তার কোনও ভাবনা নেই। কত লোক এমনি পলাতক হয়ে কাজ করছে। এইমাত্র একজনের সঙ্গে দেখা হল, তাকে নিরাপদে পার করে দিয়ে এলাম। আমার এই সব বড়লোকের পোষাক যা দেখছেন—এই যে আমার চালচলন—সব তৈরী করা এবং এর আসল উদ্দেশ্য হচ্ছে কার্য-উদ্ধার করা। তা না হলে মনে করেন, এই সমস্ত পরতে আমার ভাল লাগে? অনাড়ম্বর রূপ নিয়ে মানুষ পৃথিবীতে আসে, অনাড়ম্বরতাই তার একমাত্র রূপ।

বিকাল চারটার সময় আইভানোভিচ ফিরিয়া আসিল। খাওয়া দাওয়ার পর সন্ধ্যা-বেলা গল্পছলে আইভানোভিচ কাজের কথা তুলিল।

“দিদি, এখন শোন, তোমার জন্তে একটা নতুন কাজ আছে। বোধ হয় জানো, গ্রামের লোকদের জন্তে একটা খবরের কাগজ বার করবার ভার আমরা নিই। কিন্তু গ্রেফতারের ফলে গ্রামের লোকদের সঙ্গে আমাদের যোগাযোগ ছিন্ন হয়ে গিয়েছে। ইনি একজনের ঠিকানা জানেন সে কাগজ বিলি করবার ভার নেবে। তোমাকে এঁর সঙ্গে গিয়ে শিগগির একটা বন্দোবস্ত করে আসতে হবে।”

“বেশ, তাই হবে! এখান থেকে কতদূর?”

“মাইল পঞ্চাশ হবে!”

“চমৎকার! আচ্ছা, যাবার আগে তা হলে একটা গান গেয়ে যাই কি বলুন, আপনার আপত্তি নেই তো!”

“আমার কথা তুমি ভেবো না—মনে করো, আমি এখানে উপস্থিত নেই—”

“তা হলে আইভানোভিচ শোনো—এটা গ্রীণের রচনা—তার আগে জানালাটা বন্ধ করে দাও।”

পিয়ানো খুলিয়া সোফিয়া প্রথমে সন্তুর্পণে বাম হাত দিয়া বাজাইতে আরম্ভ করিলেন। প্রথমে ঘন রসার্জ্জ্ একটি সুর বাহির হইল। তারপর আর একটি সুর গভীর, দীর্ঘ—তাহার সহিত আসিয়া মিশিল। দুইটি সুর আপনার ভার সহিতে না পারিয়া যেন কাঁপিয়া উঠিল। সহসা দক্ষিণ হাতের স্পর্শে, এক স্বাক পাখীর একসঙ্গে উড়িতে উড়িতে গায়ে গা লাগার মত একসঙ্গে তেমনি দ্রুত অসংখ্য সুরের বিহঙ্গম উড়িয়া চলিল। এবং এই সমস্ত মিলিত সুরের পিছনে বহু-মণ্ডিত সমুদ্রতরঙ্গের মত একটি আর্ন্ত উন্মাদ শব্দ সারাংশ ছলিতে লাগিল।

কিছুক্ষণ পর্য্যন্ত এই সমস্ত বিচিত্র সুরের প্রতি একান্ত উদাসীন হইয়া মা নীরবে বসিয়াছিলেন। এ সঙ্গীতের কিছুই তিনি বুঝিতেন না।

তদ্রাক্ষর চোখে তিনি দেখিতেছিলেন, ঘরের এককোণে পায়ের উপর পা দিয়া তন্ময় হইয়া আইভানোভিচ বসিয়া আছে। একটি পথভ্রান্ত সূর্য্যের আলো কাঁপিতে কাঁপিতে আসিয়া সোফিয়ার সোনালী কেশগুলির উপর পড়িয়াছে। সেখান হইতে পাশ কাটাইয়া পিয়ানোর পর্দার উপর পড়িয়া সোফিয়ার অঙ্গুলিস্পর্শে নিত্য স্পন্দমান হইতেছিল। খোলা জানালা দিয়া দেখা যাইতেছিল, বাহিরে বাগানে এ্যাকেসিয়া গাছের ডালগুলি আরামে ছলিতেছে। কখন সূর্যের তরঙ্গে সমস্ত ঘর ভরিয়া গিয়াছে, মা জানিতে পারেন নাই। কখন তিনি সেই শব্দ-তরঙ্গের মধ্যে তলাইয়া গিয়াছেন, তিনি তাহাও জানিতে পারেন নাই।

বহুদূরে তাঁহার মন চলিয়া গিয়াছিল। অন্ধকার অতীতের গহ্বর হইতে বহুদিনের ভুলিয়া-যাওয়া অশ্রায় অত্যাচার আর অবিচারের স্মৃতি তাঁহার মনে জাগিয়া উঠিতেছিল।

—একবার তাহার স্বামী গভীর রাত্রে পরিপূর্ণ মাতাল হইয়া বাড়া ফিরিল। কোনও কথা না বলিয়া হাত ধরিয়া বিছানা হইতে টানিয়া মাটিতে ফেলিয়া লাথি মারিতে লাগিল। চীৎকার করিয়া উঠিল,—দূর হয়ে যা, এখান থেকে—তোকে দেখতে চাই না—

তাহার সেই লাথির আঘাত হইতে আত্মরক্ষা করিবার জন্ত কোনও মতে উঠিয়া তাড়াতাড়ি দুই বছরের শিশু ছেলেটিকে কোলে জড়াইয়া ধরিলেন—যেন সে তাহার বর্ম্ম। উলঙ্গ শিশু চীৎকার করিয়া কাঁদিয়া উঠিল।

—দূর হয়ে যা এখনও বলছি। বলিয়া স্বামী তাড়া করিয়া আসিল। লাকাইয়া রান্নাঘরে আসিয়া একটা ছেঁড়া জামা গায়ের উপর ফেলিয়া ছেলেটিকে একটি কাঁধায় মুড়িয়া লইয়া কোনও প্রতিবাদ, কোনও চীৎকার না করিয়া সেইদিন গভীর রাত্রে নগ্নপদে নির্জন পথে বাহির হইয়া পড়িলেন। ছেলেকে বুকে চাপিয়া ধরিয়া ঘুম-পাড়ানি গান গাহিতে গাহিতে রাস্তা দিয়া চলিলেন।

ক্রমশ রাজি শেষ হইয়া আসিতে লাগিল। পাছে সেই অর্ধ-নয় অবস্থায় কেউ দেখিয়া ফেলে—এই লজ্জায় এবং আশঙ্কায় পথের শেষে জলার দিকে একটা ঝোপের মধ্যে লুকাইয়া রহিলেন। রাজি শেষের সেই ভয়াবহ নির্জনতার মধ্যে বহুক্ষণ ধরিয়া নিষ্পন্দভাবে বসিয়া রহিলেন—হু'বছরের শিশুটিকে বুকে দোলা দিতে দিতে অক্ষুট স্বরে ঘুম-পাড়ানি ছড়া গাহিতে লাগিলেন। শিশুটি ঘুমাইয়া পড়িল কিন্তু তাঁহার ক্ষত-বিক্ষত অন্তর তেমনি জাগিয়া রহিল।

ভোরের দিকে মাথার উপর দিয়া কি একটা পাখী ডানার ঝাপট মারিয়া চলিয়া গেল। আর বিলম্ব করা উচিত নয় বিবেচনা করিয়া ঘরের দিকে ফিরিলেন। হয়ত ঘুমাইয়া আছে, নয়ত নূতনতর আঘাত সহিতে হইবে—

পিয়ানোর শেষ-পর্দার স্বর মিলাইয়া গেলে সোফিয়া ভাইয়ের দিকে ফিরিয়া ধীরে জিজ্ঞাসা করিল, “কি রকম লাগলো?”

ঘাড় মাড়িয়া আইভানোভিচ বলিল, “অতি স্নন্দর। লোকে বলে গান শুনে ভাবতে নেই! কিন্তু আমি না ভেবে পারি না! তোমার গান শুনে শুনে আমার মনে হতে লাগলো মানুষ যেন অনবরত প্রকৃতিকে প্রশংসা করছে—অনবরত যেন কাঁদছে, চীৎকার করছে, বুক চাপড়ে বলছে, কেন? প্রকৃতি কোনও উত্তর দেয় না—সে নীরবে শুধু নব-নব সৃষ্টি করে চলেছে। তার এই নির্বাক মোনতার মধ্যে এই প্রশ্নের উত্তর জেগে ওঠে—আমি জানি না।”

নীরবে মা আইভানোভিচের কথাগুলি শুনিলেন কিন্তু তাহার কিছুই বুঝিতে পারিলেন না, বুঝিবার ইচ্ছাও তাঁহার যেন ছিল না। তাঁহার অন্তর তখন স্মৃতির কণ্টকে ভরিয়া উঠিয়াছে। সমস্ত মনপ্রাণ তাঁহার সঙ্গীত চাহিতেছিল—আরো সঙ্গীত! অতীতের দিকে ফিরিয়া চান আর সামনের ভাই বোন দুজনকে দেখেন—মনে মনে ভাবেন—এই তো এরাও মানুষ—ছাড়া ভাই-বোন বন্ধুর মত কেমন সুখে বাস করছে—বই

পড়ে, গান গায়—গালাগালি করে না—মদ খায় না—একজন আর একজনকে আঘাত দিয়ে আনন্দ পাবার জন্তে উৎসুক নয় ।

পিয়ানোর পর্দায় আঙুল দিয়া আঘাত করিয়া সোফিয়া ভাইকে ডাকিয়া বলিল, “এই গানখানি কোষ্টিয়ার বড় প্রিয় ছিল। প্রায়ই তার জন্তে আমি এই গানটা বাজাতাম। তোমার মনে আছে নিশ্চয়ই গানের সুরকে কেমন সে ভাষা দিতে পারতো ?”

একটু খামিয়া আপনার মনে হাসিয়া সোফিয়া বলিয়া উঠিল, “সে একটা পুরোদস্তুর মানুষ ছিল—জগতে যে-কোনও জিনিষ তার মনে সাড়া জাগিয়ে তুলতো, এমনি অপরূপ ছিল তার মন !”

মা বৃষ্টিতে পারিলেন সোফিয়া তাহার মৃত স্বামীর কথা স্মরণ করিতেছে। লক্ষ্য করিলেন, পুরাতন স্মৃতি ভাবিতে আজও আনন্দে তাহার মুখ উদ্ভাসিত হইয়া উঠিতেছে।

আত্মমগ্নভাবে পিয়ানোর এক-আধটি পর্দায় মৃদু আঘাত দিতে দিতে সোফিয়া বলিতেছিল, কি শান্তি, কি তৃপ্তিই না সে আমাকে দিয়েছিল ! জীবনকে অমূল্য করার কি প্রচণ্ড শক্তিই না ছিল তার ! সর্বদাই আনন্দে উৎফুল্ল—শিশুর মতন !”

আপনার মনে মা বলিলেন, “ঠিক, শিশুর মতন !”

‘যখন আমি প্রথম তাকে এই গানটা শোনাই—তখন গান শোনার পর সে এইটে লিখে দিল—এই বলিয়া ধীরে সে আবৃত্তি করিতে লাগিল, —“নিরন্তর উত্তর-দেশে মহাশূণ্য এক সাগরের বুকে, পরিবর্তনহীন নিষ্পন্দ আকাশের ধূসর চক্ৰাতপতলে চির-ভূহিনে-ঢাকা এক দ্বীপ আছে—জনহীন একটি পাহাড় ! স্বচ্ছ নীল ভূহিনের স্তর প্রাণহীন হিম-জলে অবাঞ্ছিত অতিথির মত ভাসিয়া সেই পাহাড়ের মসীকৃষ্ণ শৈল-গাত্রে নিম্নত প্রতিহত হইতেছে। সেই আঘাতের প্রতিধ্বনি মৃত্যুর মত স্থির সেই মহাশূণ্যের বুকে এক সস্রবণ ধ্বনি জাগাইয়া তুলিতেছে। অনাদি কাল ধরিয়া সেই অন্তল সাগরের নির্জনতায় তাহারা ঘুরিয়া বেড়াইতেছে—তীরের কাছে

আসিয়া পরস্পর পরস্পরকে স্পর্শ করিয়া আবার ফিরিয়া যাইতেছে। ফিরিয়া যাইবার সময় তাহারা প্রত্যেকে প্রত্যেককে শুধু এই প্রশ্ন জিজ্ঞাসা করে,—কেন ?”

আবৃত্তি শেষ করিয়াই সোফিয়া সেই নিরন্তর-দেশে মহাশূন্য সাগরের বুকে জনহীন দ্বীপের গান বাজাইতে আরম্ভ করিল।

বাজনা শেষ হইলে মায়ের দিকে ফিরিয়া সোফিয়া জিজ্ঞাসা করিল, “একটু টেচামেচি করলুম, কিছু মনে করবেন না।”

মায়ের অন্তর তখন স্মৃতির কণ্টকে ভরিয়া উঠিয়াছিল। অন্তরের চাকল্য তিনি আর গোপন করিতে পারিতেছিলেন না।

“আমি তো বলেছিলাম, আমার দিকে তোমরা চেয়ো না। মনে কোরো আমি এখানে নেই। আমি বসে বসে তোমাদের কথা শুনিছি আর আমার নিজের কথাই ভাবছি।”

তারপর একে একে মা তাঁহার জীবনের সমস্ত ঘটনা শাস্তভাবে তাহাদের সামনে বলিয়া যাইতে লাগিলেন। যে সমস্ত অত্যাচার নিজের জীবনে নীরবে সহিয়াছেন, যে-সমস্ত বেদনার তিক্ততম দিন মুক হইয়া তাঁহার জীবনে মরিয়া গিয়াছে—আজ সহসা সমবেদনার স্পর্শে তাহারা সজীব হইয়া উঠিল।

ভাই-বোন দুজনে বিস্মিত তন্ময়তার সহিত সেই নিরলঙ্কার কাহিনী শুনিল। মানুষ ছাগল-গরুকে যে ভাবে দেখে, একটি নারীর জীবন সেই ভাবে অতিবাহিত হইয়া গিয়াছে এবং সে নারীকে যাহা বোঝান হইয়াছিল সেও বিনা প্রতিবাদে তাহাই বুঝিয়া সেই রকম জীবন যাপন করিয়া আসিয়াছে। মায়ের সেই কাহিনী শুনিয়া তাহাদের মনে হইতেছিল যেন ঐ কাহিনীর মধ্য দিয়া লক্ষ লক্ষ অলুচ্চারিত নারী-জীবনের কথা আগিয়া উঠিতেছে। মায়ের কথা শেষ হইলে সোফিয়া দীর্ঘশ্বাস ফেলিয়া বলিল—

“আগে এক সময় আমার প্রায়ই মনে হতো, আমি কি অস্বাভাবিক! জীবনটা মনে হতো একটা বিকার। তখন নির্বাসিতের জীবন যাপন

করতাম। কোনও কাজ ছিল না, নিজের কথা ছাড়া ভাববারও কিছু ছিল না। একলা বসে জীবনের সমস্ত দুঃখ মনে মনে এক জায়গায় জড় করে প্রতিদিন ওজন করে দেখতাম আর বেদনায় মন ভারী হয়ে উঠতো। কিন্তু আপনার জীবনের কথা শুনে, আজ মনে হচ্ছে আমার সেই সমস্ত দুঃখ যদি দশ গুণ আরও বেশী হতো, তা হলেও আপনার জীবনের একটা মাসের তুলনা হতো না। প্রতি দিন, প্রতি মুহূর্ত ধরে বছরের পর বছর এ কি নির্ধ্যাতন! এত দুঃখ সইবার ক্ষমতাই বা কোথা থেকে পায় মানুষ?

দীর্ঘশ্বাস ফেলিয়া মা বলিলেন, “তা জানি না, তবে সবই সয়ে যায়!”

মায়ের দিকে চাহিয়া আইভানোভিচ বলিয়া উঠিল, “আমার গর্ব ছিল যে আমি জীবনকে জানি, বুঝি! কিন্তু আজ আমার চোখের সামনে দাঁড়িয়ে আপনি যে জীবনের কথা বললেন—তাকে তো আমি জানি না! যে সমস্ত মুহূর্ত দিয়ে এই জীবনের দীর্ঘ দিনগুলি তৈরি, এত ভয়ানক বীভৎস তারা, তা আমি ভাবতেও পারি নি।

সহানুভূতির স্পর্শে মায়ের চিত্ত গলিয়া গেল। অশ্রুস্রব্দ কণ্ঠে বলিলেন, “এত দুঃখ আছে, বলে সব শেষ করতে পারি না।

সোফিয়া সক্রিয় দৃষ্টিতে মায়ের মুখের দিকে চাহিল—মায়ের মনে হইল সে দৃষ্টি যেন তাঁহার সর্বান্ন লেহন করিতেছে!

এই পরিচয়ের চার দিন পরে এক দিন ভোর বেলায় মা ও সোফিয়া দুই কাঠ-কুড়োগী জীলোকের বেশে আইভানোভিচের সম্মুখে আসিয়া দাঁড়াইলেন। কাঁধে কাঠ-কুড়োগোর থলি, হাতে লাঠি।

বিদায় দিবার সময় ভদ্রীর দিকে চাহিয়া আইভানোভিচ বলিল, “তোকে এই বেশে দেখে মনে হচ্ছে যেন তুমি পৃথিবীর সমস্ত তীর্থ এমনি ধারা ঘুরে বেড়িয়েছিস”

ক্রমে পথ ছাড়াইয়া দুইটি কাঠ-কুড়োগী গ্রামের পথে প্রান্তরের মধ্যে আসিয়া পড়িল।

মা জিজ্ঞাসা করেন, “হ্যা রে যেতে পারবি?”

হাসিয়া সোফিয়া বলে, “মাগো, মনে করেন কি জীবনে এই প্রথম?”

পথ চলিতে চলিতে সোফিয়া একে একে তাহার বিপ্লব-জীবনের সমস্ত কাহিনী মাকে বলে—বিস্ময়ে মা শোনেন—কত বার নাম বদলাইতে হইয়াছে, কত জাল ছাড়পত্র-চিঠি তৈয়ারী করিতে হইয়াছে, কত ছদ্মবেশে দেশ-বিদেশে ঘুরিয়া বেড়াইতে হইয়াছে, নির্বাসন হইতে বন্ধুদের পলাইবার ব্যবস্থা করিতে হইয়াছে, লুকাইয়া তাহাদের লইয়া নিরাপদ স্থানে পৌছাইয়া দিতে হইয়াছে,—চাকর সাজিয়া পুলিশ ঢুকিবার সঙ্গে সঙ্গে বাড়ী ছাড়িয়া পলাইতে হইয়াছে—এমনি সব কাহিনী। যত পথ চলেন, তত মা লক্ষ্য করেন যে ছোট্ট মেয়ের মত সোফিয়া আজ যেন নূতন করিয়া আবার এই পৃথিবীকে দেখিতেছে। পথের ধারে যাহা দেখে, তাহাতেই আনন্দে তার প্রাণ ভরিয়া ওঠে।

চলিতে চলিতে হঠাৎ থামিয়া মাকে দেখাইয়া সে বলে, “দেখুন দেখি, ঐ পাইন গাছটা কি স্বন্দর উঠেছে না?”

মা চাহিয়া দেখেন, অল্প সমস্ত পাইন গাছের মতই সেই গাছটি।

হঠাৎ মাথার উপর একটা পাখী ডাকিয়া উড়িয়া যায়। সোফিয়া এক দৃষ্টিতে তাহার দিকে চাহিয়া থাকে। মনে হয় যেন তাহার সর্বদেহ ওই পাখীর গানের সহিত ওই স্বদূর নীলে ভাসিয়া চলিয়াছে। কখনও বা পথের ধারের ঝোপ হইতে অতি সন্তর্পণে একটি বনকুসুম তুলিয়া মাকে দেখাইয়া অকারণে হাসিয়া ওঠে।

মাথার উপরে বসন্ত-দিনের সূর্য্য করুণ-কিরণে সমুজ্জ্বল। নিস্তরঙ্গ নীলাশ্বর আলোকে মুহূ কম্পমান। দুধারে পাইন বন, অন্তহীন সুগভীর ঈষৎ তপ্ত বন-সুরভির কোমল মুহূল স্পর্শ চোখে মুখে আসিয়া লাগে।

মায়ের হৃদয় তুলিয়া ওঠে। সাধ যায়, পাশের মেয়েটির ঐ গাঢ় ছটি চোখ, এই বাসন্তী-মধ্যাহ্ন-উদার প্রকৃতির মত স্বচ্ছ ওই মেয়েটির হৃদয় যেন তাহার হৃদয়ের অতি নিকটতম স্থলে টানিয়া লন। কখন পথ চলিতে চলিতে অজ্ঞাতে মা সোফিয়ার ঘাড়ের আসিয়া পড়েন—যদি কোনও

উপায়ে সোফিয়ার সেই কুঠাহীন দীপ্ত সজীবতা তিনি আপনার মধ্যে আকর্ষণ করিয়া লইতে পারেন !

হঠাৎ দীর্ঘশ্বাস ফেলিয়া বলেন, তুই এখনও তরুণ, এখনও কত সজীব !”

সোফিয়া হাসিয়া বলে, “মাগো, জানো আমার বয়স হলো কত ? একেবারে বজ্রিশ !”

“আমি সে কথা বলছি না। তোরা মুখ দেখলে হয়ত তোকে তার চেয়েও বেশী বয়সের মনে হয় ; কিন্তু তোরা চোখ, তোরা কণ্ঠস্বর বলে দেয়, যে, এই বসন্ত দিনের মতই তুই নবীন। জানি, জীবন তোরা অতি কঠোর দুঃখে ভরা, কিন্তু মনটি তোরা এখনও হাসছে।”

“বেশ বলেছ, মা। মনটি আমার এখনও হাসছে। তুমি তো মা বেশ কথা বলতে পার। কেমন সোজা, সুন্দর। কিন্তু ওই যে বলে কঠোর জীবন—মোর্টেই না। এক মুহূর্তের জন্তোও আমার মনে হয় না যে, যে জীবন আমি যাপন করি তা কঠোর বা দুঃখময় ; এর চেয়ে মজার জীবন আমি কল্পনা করতে পারি না।”

তোদের আমার কেন এত ভাল লাগে জানিস্ ? মাহুঘের মনে পৌছবার যেটা সোজা রাস্তা তোরা সবাই তা জানিস্ ! তোদের দেখলেই মাহুঘের মনের সব দরজা আপনা থেকেই খুলে যায়—মন যেন এগিয়ে এসে ধরা দেয়। তোরা পাপকে জয় করেছিস, তাকে একেবারে ক্ষয় কর !

সোফিয়ার কণ্ঠে চরম আত্মনির্ভরতা ফুটিয়া ওঠে। সে বলে “নিশ্চয়ই হবো আমরা জয়ী। কেন না যারা মাথার ঘাম পায়ে ফেলে পৃথিবীর ঐশ্বর্য বাড়ায় তারা রয়েছে আমাদের সঙ্গে। সত্য যে একদিন জয়-যুক্ত হবেই, এই চরম বিশ্বাস আমরা তাদের কাছ থেকেই পেয়েছি। তারাই হলো সকল রকম শক্তির, কি আত্মিক, কি দৈহিক, একমাত্র অক্ষুরন্ত ভাণ্ডার। যা হয় নি, তা হবার সমস্ত সম্ভাবনা রয়েছে তাদের মধ্যে নিহিত। শুধু আগিয়ে তুলতে হবে তাদের চেতনাকে, তাদের আত্মাকে শিশুর দেহে সুপ্ত মহাচৈতন্যকে।”

“কিন্তু তোদের এই কাজের জন্য কে তোদের পুরস্কার দেবে?”

• “পুরস্কার আমরা পেয়ে গেছি মা। এই যে জীবন—উদার অকুণ্ঠ, চেতনায় নিত্য প্রদীপ্ত—এই যে তার স্পর্শ পেয়েছি—এতেই আমরা পুরস্কৃত হয়ে গেছি এর চেয়ে অল্প আর কি কাম্য থাকতে পারে?”

আবার তাহারা নিঃশব্দে দুইজন পাশাপাশি চলিতে লাগিল। পথ চলিতে চলিতে মায়ের ছেলেবেলার কথা মনে পড়িতেছিল—ছুটির দিন গ্রাম হইতে দূরে কোথায় কোন্ মঠে দৈব-শক্তি-সম্পন্ন ক্রুশ আছে তাহা দেখিবার জন্য উৎসুক আগ্রহে যাইতেন। আজ মায়ের বারে বারে সেই কথাই মনে পড়িতেছিল। তিনি যেন আবার সেই দৈবশক্তিসম্পন্ন ক্রুশের জন্য তীর্থযাত্রায় চলিয়াছেন।

সোফিয়া আপনার মনে কত অজানা স্বর গাহিয়া ওঠে—আকাশের সম্বন্ধে, ভালবাসার সম্বন্ধে, পুষ্পগন্ধঘনবাসন্তী দিন সম্বন্ধে, পুণ্যপীযুষদায়ী ভোলগা সম্বন্ধে...

তৃতীয় দিনের দিন তাহারা এক গ্রামে আসিয়া উপস্থিত হইলেন এবং একজন কৃষককে, ডাকিয়া রাইবিনের খবর জিজ্ঞাসা করিলেন। তাহার নিকট হইতে অনুসন্ধান করিয়া গ্রামের মধ্যে প্রবেশ করিতে অদূরে দেখেন সেই আলকাৎসার কারখানার একটা কাঠের টেবিলে রাইবিন, তাহার ভাই ও আরও দুইজন কৃষক আহারে বসিয়াছে।

রাইবিনকে দেখিয়াই মা দূর হইতে চীৎকার করিয়া বলিয়া উঠিলেন, “কেমন আছ মাইকেল?”

রাইবিন টেবিল হইতে ধীরে উঠিয়া দাঁড়াইল। ধীর পাদক্ষেপে মৃদু হাস্তে দাড়িতে হাত বুলাইতে বুলাইতে মায়ের দিকে অগ্রসর হইল।

আর একটু অগ্রসর হইয়া নিজেকে সপ্রতিভ করিয়া লইয়া মা বলিলেন, “তীর্থ যাত্রায় বেরিয়েছি,—এই পথ দিয়ে যাচ্ছিলাম—ভাবলুম একবার ভাইএর সঙ্গে দেখা করে যাই—এটি—এটি হলো আমার বন্ধু—নাম আন্না!

কথা কয়টি বলিয়াই মা আপনার প্রত্যুৎপন্নমতিত্বের গর্বের সোফিয়ার দিকে ফিরিয়া চাহিলেন।

যুহুহাস্তে মায়ের দিকে অগ্রসর হইয়া গম্ভীর স্বরে রাইবিন বলিলেন, “কেমন আছেন।”

তারপর ধীরে মাথা নত করিয়া সোফিয়াকে অভিবাদন করিয়া বলিতে আরম্ভ করিল, “দেখুন, মিথ্যে কথা বলবেন না। এটা আপনাদের শহর নয়। এখানে মিথ্যে কথা বলবার কোনও প্রয়োজন নেই। এরা সবাই আমাদের লোক—খাঁটি লোক সব।

নিজের ভাই এফিম ছাড়া সেখানে আরও যে দুজন লোক ছিল তাহাদের পরিচয় দিয়া রাইবিন বলিল, “এর নাম হলো ইয়াকুব, আর এর নাম হলো ইগ্‌নেটি। এখন বলুন আপনার ছেলে কেমন আছে।”

দীর্ঘশ্বাস ফেলিয়া মা বলিলেন, সে এখন জেলে।

“আবার জেলে। জেলই দেখছি তার ভাল লাগে।” ইগ্‌নেটি মায়ের হাত হইতে পুটলিগুলি নামাইয়া লইয়া একটি আসন দেখাইয়া বলিল, “বসুন মা।” সোফিয়ার দিকে চাহিয়া রাইবিন বলিল, “আপনি বসবেন না?”

সোফিয়া সামনের একটা গাছের কাটা গুঁড়ির উপর বসিয়া তীক্ষ্ণ দৃষ্টিতে রাইবিনকে লক্ষ্য করিতে লাগিল।

এফিম একটা দুধের ভাঁড় লইয়া কাপে দুধ পরিবেশন করিতে লাগিল। মা তখন পাভেলের গ্রেপ্তার হওয়ার কাহিনী বলিতে আরম্ভ করিয়াছেন। সকলে স্তব্ধ হইয়া মায়ের কথা শুনিতে লাগিল। দূরে বসিয়া সোফিয়া আড়চোখে, এই সব বিমুগ্ধ কৃষকদের লক্ষ্য করিতেছে।

মায়ের কথা শেষ হইলে রাইবিন জিজ্ঞাসা করিল, “শুনলুম নাকি পাভেলের বিচার হবে?”

“হা—তাই তো স্থির হয়েছে।”

“শাস্তির কি রকম ব্যবস্থা হবে কিছু শুনেছেন কি?”

শাস্তি করুণ সুরে মা বলিলেন, “হয় কঠোর সশ্রম কারাবাস, নয় দীর্ঘকালের মত সাইবেরিয়ায় নির্বাসন !”

মাটির দিকে মাথা নীচু করিয়া কি যেন ভাবিতে ভাবিতে রাইবিন বলিল, “আচ্ছা, যখন সে এইসব আয়োজন করছিল—তখন কি সে জানতো যে তার এই শাস্তি হতে পারে ?”

“তা বলতে পারি না—বোধ হয় জানতো ।”

সোফিয়া তীব্রকণ্ঠে বলিয়া উঠিল, নিশ্চয়ই জানতো ।

সোফিয়ার কণ্ঠস্বরে সবাই ক্ষণিকের জন্ত চমকাইয়া উঠিয়া আবার তেমনি স্তব্ধ হইয়া রহিল ।

ধীর গম্ভীর ভাবে রাইবিন বলিতে আরম্ভ করিল, আমারও মনে হয় সে জানতো ! জীবন যার কাছে খেলা নয়, এগিয়ে দেখতে সে জানে । সে জানতো যে বেয়নেটের আঘাতে হয়ত আহত হতে হবে, হয়ত বা চির-নির্বাসনে যেতে হবে । কিন্তু তবুও সে এগিয়ে চলো । সে বিশ্বাস করতো যে তাকে চলতেই হবে—তাই সে চলে গেল । যদি তার চলার পথে তার মা এসে শুয়ে পড়তো—তা হলে তাঁর দেহের উপর দিয়াই সে চলে যেতো । বল, সত্যি কি না ?”

চারিদিকে চাহিয়া কি এক অজানা আতঙ্কে শিহরিয়া মা বলিলেন, “সত্যিই, তাই !” সোফিয়া নিঃশব্দে মায়ের মাথায় হাত রাখিল ।

সহসা ইয়াকুব অগ্রসর হইয়া মাথা নাড়িয়া যেন আপনার মনে বলিয়া উঠিল, যদি এক্ষিমের সঙ্গে আমি সৈন্ত বিভাগে চাকরী নিই তা হলে দেখছি—পাভেলের মত লোকের পেছনে আমাদেরই লেলিয়ে দেবে ।

গম্ভীরভাবে রাইবিন উত্তর দিল, “তা না তো মনে কোরেছ কি ? আমাদের হাত দিয়ে ওরা আমাদেরই কণ্ঠরোধ করে রেখেছে ! এইখানেই তো মজা !”

তা সত্ত্বেও এক্ষিম বলিয়া উঠিল, “তবুও আমি সৈন্ত-বিভাগে যোগদান করবো ।”

বিরক্ত হইয়া ইগ্নেটি বলিয়া উঠিল, যাও না, তোমাকে বাধা দিচ্ছে কে? তবে একটা অনুরোধ ভাই, যদি কোন দিন তোমার বন্ধুকের সামনে পড়ি, তা হলে মাথা লক্ষ্য করে মেরো—মিছেমিছি শুধু আহত করে চলে যেও না—একেবারে সাবাড় করে দিও।

“সে দেখা যাবে তখন।”

সেই ছোট্ট দলটির সকলের উপর একবার চোখ বুলাইয়া লইয়া রাইবিন ইচ্ছা করিয়া গম্ভীর ভঙ্গীতে তাহাদের সকলকে ডাকিয়া বলিয়া উঠিল, শোন, ছোকরার দল! তারপর মায়ের দিকে আঙুল দেখাইয়া বলিল, “এই যে তোমাদের সামনে দাঁড়িয়ে আছেন—এই বৃদ্ধা নারী—হয়ত এতক্ষণে এঁর ছেলে সাবাড় হয়ে গিয়েছে—”

সহসা সেই কথা শুনিয়া মা করুণ ব্যথিত কণ্ঠে বলিয়া উঠিলেন, “কেন তুমি ও কথা বলছো?”

নিষ্করণ ভাবে রাইবিন বলিল, “তার প্রয়োজন আছে! বৃথাই তোমার মাথার চুল সাদা হয়ে গেছে, বৃথাই তোমার বুক চুঁয়ে রক্ত বরছে? শোন ছোকরারা, যা বলছিলাম—এই নারী—নিজের ছেলেকে হারিয়েছে। কিন্তু তাতে এঁর কি হয়েছে? আপনি বইগুলো নিয়ে এসেছেন?”

রাইবিনের মুখের দিকে কিছুক্ষণ চাহিয়া থাকিবার পর মা বলিলেন, “হাঁ, এনেছি।”

সামনের কাঠের টেবিলে জোর করিয়া হাতের চাপড় দিয়া রাইবিন বলিয়া উঠিল, “আপনাকে দেখেই আমি তা বুঝেছিলাম। আমি জানি, শুধু এরই জন্তে আপনি এত দীর্ঘ পথ হেঁটে এসেছেন। কেমন, না?”

তারপর ভ্রু-কুঞ্চিত করিয়া আর একবার সেই ছোট্ট দলটির সকলের মুখ ভাল করিয়া দেখিয়া লইয়া রাইবিন পরমোন্মাদে বলিয়া চলিল, দেখছো, ছেলেকে তারা সরিয়ে দিলো কিন্তু মা এসে দাঁড়ালো সেই জায়গায়।

সহসা উত্তেজিত হইয়া একটা ভয়ঙ্কর শপথ করিয়া রাইবিন বলিয়া উঠিল, “তারা জানে না, অন্ধের মত চারিদিকে কিসের বীজ তারা ছড়িয়ে

চলেছে। জানবে, সেদিন বুঝবে, যেদিন আমরা জাগবো, সমস্ত আগাছা উর্পড়ে ফেলে সমান করে দেবো আবার সব, সেদিন তারা জানবে।

রাইবিনের মুখের দিকে এক দৃষ্টিতে চাহিয়া থাকিতে থাকিতে আতঙ্কে মায়ের মন ভরিয়া উঠিতেছিল।

রাইবিন বলিয়া চলিয়াছিল,—“সেদিন একজন সরকারের লোক আমাকে ধরে জিজ্ঞেস করলো—এই বদমায়েস, পুরোহিতদের সঙ্গে কি ঝগড়া করিস্? তার কথার উত্তর না দিয়ে বললাম, কিসে আমি বদমায়েস! নিজের মাথার ঘাম পায়ে ফেলে রোজগার করি—কোন লোকের কোন অনিষ্ট করি না—আমি বদমায়েস কিসে! রেগে চীৎকার করে উঠে লোকটা সজোরে আমার মুখে মারলো—তিন দিন হাজতে আটকে রাখলো! কিন্তু মনে কোরো না তোমরা ক্ষমা পাবে! আমার ওপর যে অত্যাচার তোমরা করলে, তার প্রতিশোধ আমি না নিতে পারি—আমার ছেলেরা নেবে—তোমার উপর যদি না নিতে পারে—তোমার ছেলেদের উপর নেবে! ঘোঁরার বীজ চারিদিকে ছড়িয়েছ—ভেবো না—তাতে ক্ষমার ফল ফলবে!”

রাইবিন রাগে টগবগ করিতেছিল। সে বলিয়া চলিল, “আর পুরুতদের সঙ্গে আমি কি নিয়ে ঝগড়া করেছিলাম, জানো? গ্রামের সমস্ত লোক জড় করে তিনি বলছিলেন, তোমরা হচ্ছে মেঘের দল—তোমাদের সর্বদাই সেই জন্তে চাই একজন মেঘপালক! আমি সেই সময় ঠাট্টা করে বলেছিলাম—কিন্তু নেকড়েকে যদি মেঘপালক করা যায়—তা হলে মেঘ আর একটিও পাওয়া যাবে না, কতকগুলো শিং আর খুর পড়ে থাকবে। আমার দিকে আড় চোখে চেয়ে তিনি আবার বক্তৃতা দিয়ে যেতে লাগলেন—তোমরা ধৈর্য ধরতে শেখো—ঈশ্বরের কাছে অবিরত প্রার্থনা করো, যেন তিনি তোমাদের ধৈর্য-শক্তি দেন। আমি থাকতে না পেরে বলে উঠলাম—লোকে তো প্রার্থনা করে কিন্তু ঈশ্বরের সময় কোথায়? হঠাৎ আমার দিকে চেয়ে আমাকে জব্দ করবার জন্তে

পুরুত মশাই জিজ্ঞাসা করলেন, তুমি নিজে প্রার্থনা করো—কি প্রার্থনা করো? আমি বলেছিলাম—প্রার্থনা নিশ্চয়ই করি, আমি নিত্য প্রার্থনা করি, হে প্রভু, যারা মানুষ চরিয়ে খায়, সেই মনিবদের ইটের বোঝা বইতে শেখাও, শেখাও কেমন করে পাথর চিবিয়ে খেয়ে—”

হঠাৎ থামিয়া সোফিয়ার দিকে চাহিয়া রাইবিন বলিয়া উঠিল, “আপনি তো তাদের ঘরেরই মেয়ে?”

সম্পূর্ণ অপ্রত্যাশিত এই প্রশ্নে আহত হইয়া সোফিয়া জিজ্ঞাসা করিল, “আমাকে তা মনে করবার হেতু কি?”

হাসিয়া রাইবিন বলিয়া উঠিল, “হেতু কি? একটা মোটা ময়লা রুমাল মাথায় জড়িয়ে এসেছেন বলে আমাদের চোখে লুকিয়ে যাবেন মনে করেছেন? চটের কাপড় পরেও যদি পুরুত মশাই আসেন তা হলে আমাদের এ চোখ ধরে ফেলতে পারে। একটা ব্যাপার ধরুন, এই ভিজে টেবিলে কল্লুই রাখতে গিয়ে যেই আপনার হাতে ঠাণ্ডা লাগলো অমনি চিরদিনের অভ্যেস মত আপনি একবার চমকে উঠে ভ্রু কৌচকালেন। ভিজে টেবিলে যে আপনার হাত রাখার অভ্যেস নেই। আপনার মেরুদণ্ড এখনও সোজা রয়েছে—মজুরদের ঘরের মেয়ের মেরুদণ্ড অত সোজা থাকে না—

রাইবিনের কথার ভঙ্গীতে মা শঙ্কিত হইয়া উঠিলেন। সোফিয়া অপমানিত বোধ করে এই আশঙ্কায় তিনি উষ্ণ কণ্ঠে বলিলেন, “তুমি কেন এসব কথা বলছো! সোফিয়া আমার বন্ধু। তোমাদের এই আন্দোলনে খেটে খেটে এই বয়সেই গর চুল শাদা হয়ে এসেছে—”

রাইবিন দীর্ঘশ্বাস ফেলিয়া বাঁচিল। বলিল, “আমি যা বলছি—তাতে কি আপনি অপমানিত হয়েছেন—”

“আমাকে তো তুমি কিছু বল নি?”

সহসা কথার মোড় ফিরাইয়া রাইবিন বলিল, “আমাদের এখানে আর একজন নতুন লোক এসেছে। হাঁপানিতে লোকটা বড় ভুগছে—লোকটার কিছু জানা শোনা আছে—তাকে ডেকে পাঠাবো?”

সোফিয়া শান্ত কণ্ঠে বলিল, “নিশ্চয়ই!”

“এফিমকে ডাকিয়া রাইবিন তাহাকে সম্মুখ বেল্লা আসিবার জন্য খবর দিতে বলিল।

সহসা সমস্ত কথাবার্তা থামিয়া গেল। মৌমাছি আর বোল্তারা অশ্রান্ত ধ্বনিতে ঘুরিয়া ফিরিতেছে। দূরে কোথায় বনের মধ্যে একটা পাখীর ডাক কানে আসিয়া বাজিতেছে।

কিছুক্ষণ চুপ করিয়া থাকিবার পর রাইবিন বলিল, “যাক্, সে সব কথা, এখন আমাদের অনেক কাজ আছে। আপনাদের একটু বিশ্রামও বোধ হয় দরকার। ঐ কাঠের চালের তলায় শোবার জায়গা আছে। ইয়াকুব! বেশ করে শুকনো পাতা বিছিয়ে দাও! তার আগে আপনারা বইগুলো দিন দেখি!”

খলি খুলিয়া মা এবং সোফিয়া ধীরে ধীরে বইগুলি ঢালিতে লাগিলেন। বই দেখিয়া রাইবিন আনন্দে উৎফুল্ল হইয়া উঠিল। সোফিয়ার দিকে চাহিয়া বলিল, “এই তো, এই তো চাই! ওঃ—অনেক বই দেখছি! আপনি বুঝি এ কাজে অনেক দিন ধরে আছেন? আপনার নামটি কি?”

“আনা আইভানোভনা। বারো বছর! কিন্তু কেন?”

“না, এমনি জিজ্ঞেস করছিলাম!”

“তুমি কি কখনও জেলে গিয়েছিলে?”

“হাঁ!”

কতকগুলি বই লইয়া নাড়াচাড়া করিতে করিতে রাইবিন দাঁত চাপিয়া বলিল, “আমার কথাবার্তায় আপনি রাগ করবেন না। জল আর আলকাৎরার মত সম্ভ্রান্ত লোকদের সঙ্গে চাষীদের কখনও মেলে না।”

ঈষৎ হাসিয়া সোফিয়া বলিল, “আমাকে কেন মনে করছ যে, সম্ভ্রান্ত ঘরের কোন মেয়ে! আমি এমনি একজন মানুষ!”

—হতে পারে তা! কিন্তু আমার পক্ষে তা বিশ্বাস করা বড় কঠিন। কিন্তু শুনেছি, তাও নাকি কখন কখন হয়। জানী লোকেরা ত বলেন,

এই সব কুকুর, তারাও নাকি একদিন নেকড়ে বাঘ ছিল। তাও তো হয়। তা যাক—এখন বইগুলো লুকিয়ে ফ্যালা যাক—”

এই বলিয়া তাহারা তিনজনে সামনের চালাঘরের ভিতরে ঢুকিল। রাইবিনের দিকে একদৃষ্টে চাহিয়া থাকিয়া মা মৃদুস্বরে সোফিয়াকে বলিলেন, “লোকটার মনে আগুন লেগে গেছে।”

তাহারা তিনজনে যদিকে গিয়াছিল সেইদিকে চাহিয়া সোফিয়া বলিল, “সত্যিই তাই! ওর মতন মুখের চেহারা আর আমি কখনো দেখি নাই— আশ্চর্য-বলিদানের মহা-সকল এমন স্পষ্ট কোথাও আর ফুটে উঠতে দেখি নি! চলুন, ভেতরে যাই—বড় দেখতে ইচ্ছে করে ওরা বইগুলো নিয়ে কি করে।”

চালাঘরের দরজার সামনে তাহারা দুইজনে আসিয়া উপস্থিত হইতেই দেখেন, ঘরের ভিতর খবরের কাগজ লইয়া ইতিমধ্যেই তাহারা একেবারে তন্ময় হইয়া গিয়াছে। ইগ্নেটি একটা কাঠের চৌকির উপর বসিয়া, হাঁটুর উপরে খবরের কাগজ খোলা, আঙুল দিয়া অনবরত চুল টানিতেছে। পায়ের শব্দে একবার মাথা তুলিয়া তাহাদের দুই জনকে এক পলকে দেখিয়া লইয়া আবার তৎক্ষণাৎ মাথা নীচু করিয়া পড়িতে আরম্ভ করিল। ভাঙ্গা ছাদের এক ফাঁক দিয়া এক টুকরা সূর্য্যের আলো ঘরের ভিতর আসিয়া পড়িয়াছিল—তাহারই স্রবিধা লইয়া রাইবিন দাঁড়াইয়াই পড়িতেছিল। পড়িবার সময় তাহার ঠোট দুটি কাঁপিতেছিল।

জীবনের সত্য-বাণীর প্রতি লোকগুলির সেই একান্ত মর্মান্তিক আকর্ষণ দেখিয়া সোফিয়ার অন্তর উল্লসিত হইয়া উঠিল। আনন্দিত-স্মিত হাস্তে তাহার মুখ ভরিয়া উঠিল। নিঃশব্দে এককোণে বসিয়া কাঁধে হাত রাখিয়া সে সেই অপক্লপ দৃশ্য দেখিতে লাগিল।

খবরের কাগজ হইতে মাথা না তুলিয়াই ইয়াকুব রাইবিনকে উদ্দেশ্য করিয়া বলিয়া উঠিল, “খুড়ো, এরা দেখছি আমাদের হতভাগা কৃষকদের উপর বড় নির্দয়!”

রাইবিন চারিদিক একবার চাহিয়া লইয়া বলিল, “তারা আমাদের ভালবাসে। যে ভালবাসে তার হাত দিয়ে কখনও অপমান আসে না, যত কঠিনতম আঘাত সে হাত করুক না কেন!”

ইগনেটী দীর্ঘশ্বাস ফেলিয়া কাগজ হইতে মাথা তুলিল। ঈষৎ ব্যঙ্গের হাসি লইয়া চোখ বুজিয়া সে চীৎকার করিয়া উঠিল, “দেখছো, এখানে কি লিখেছে—বলে কি না, চাষীদের মধ্যে মনুষ্যত্ব আর নেই—তাদের আর মানুষ্য বলে ধরা চলে না। একবার একদিনের জন্তে, বাছা, আমার এই চামড়া গায়ে দিয়ে বাস করো, তখন বুঝবে পণ্ডিত, কিসে কি হয়!”

সোফিয়াকে ডাকিয়া মা বলিলেন, আমার মাথাটা কেমন করছে—আমি একটু শুতে চল্লুম—তুমি যাবে না?”

সোফিয়া উত্তর দিল, না।

একটা কাঠের চোকির উপর মা শুইয়া পড়িলেন এবং অল্পক্ষণের মধ্যে ঘুমাইয়া পড়িলেন। সোফিয়া তেমনি নীরবে বসিয়া লোকগুলিকে দেখিতেছিল অপর মাঝে মাঝে মায়ের মুখের কাছে মোমাছিয়া ভন্ ভন্ করিয়া আসিলে তাড়াইতেছিল।

কিছুক্ষণ পরে রাইবিন উঠিয়া আসিয়া জিজ্ঞাসা করিল, উনি ঘুমিয়ে পড়েছেন?

হাঁ।

সেই নিদ্রাচ্ছন্ন স্নেহাৰ্দ্ৰ মুখের দিকে রাইবিন অনেকক্ষণ নীরবে চাহিয়া থাকিয়া আপনা হইতে মৃদুস্বরে বলিয়া উঠিল, “ছেলের পদাক অমুসরণ করে চলো—বোধ হয় এই প্রথম মা—এই সর্বপ্রথম—”

সোফিয়া এবং মাকে রাখিয়া তাহারা তিনজনে চলিয়া গেল। দূরে বনে কোথায় কে গাছ কাটিতেছিল, তাহারই প্রতিধ্বনি লতায়-পাতায় ব্যাহত হইয়া সেই জীর্ণ কুটারের দ্বারে আসিয়া পড়িতেছিল। বনস্বরভির মদিরায় মোহাচ্ছন্ন হইয়া অন্ধ-স্বপ্নাবিষ্ট অবসন্নতায় সোফিয়া ঘরের

বাহিরে দরজার কাছে আসিয়া বসিল। দেখিল, অরণ্য গ্রাম আচ্ছন্ন করিয়া সন্ধ্যা নামিতেছে। দূরে কাহাকে স্মরণ করিয়া তাহার নীলাভ নয়ন দুটি করুণায় ভরিয়া উঠিল।

বিদায়-স্বর্ঘ্যের রক্ত-আলো ক্রমশ ক্ষীণ হইয়া আসিতে লাগিল। নীড়ে-ফেরা পাখীর অশ্রান্ত কলরব কখন নিস্তর হইয়া আসিল। অন্ধকারে অরণ্য নিবিড়তর হইয়া উঠিল। অরণ্যমাতার শ্বাস-রুদ্ধ বক্ষে বৃক্ষশিশুগুলি যেন ঘনসন্নিবিষ্ট হইয়া আসিল।

কিছুক্ষণ পরে তাহারা সকলেই আবার ফিরিয়া আসিল। তাহাদের কথাবার্তা এবং পায়ের শব্দে মায়ের ঘুম ভাঙ্গিয়া গেল; ঘুম ভাঙ্গিতেই বাহিরে সকলের সঙ্গে আসিয়া বসিলেন।

রাইবিনের বিকেল-বেলায় রূপ এখন শাস্ত হইয়া আসিয়াছে। উদ্ভূত উত্তেজনা অবসাদের মধ্যে হারাইয়া গিয়াছে।

ইগ্নেটিকে ডাকিয়া সে বলিল, “এখন একটু চা-পান করা যাক ! ইগ্নেটি, আজকে তোমার পালা ! এখানে আমরা পালা করে স্বপ্ন সংসার করি ! আজকে ইগ্নেটিকে আমাদের খাওয়া-দাওয়ার ব্যবস্থা করতে হবে।

সুকনো ডাল আর পাতা দিয়া আগুন তৈয়ারী করিতে করিতে ইগ্নেটি উত্তর দিল, “তথাস্তু !”

কিছুক্ষণ পরে ছাইয়ের আগুনে একটা বড় পাউরুটি শেঁকিয়া টুকরা টুকরা করিয়া কাটিয়া টেবিলের উপর সাজাইতে লাগিল।

সহসা একিম বলিয়া উঠিল, “শুনছো, কাশির শব্দ আসছে !”

রাইবিন মাথা তুলিয়া শুনিয়া ঘাড় নাড়িল। সোফিয়াকে ডাকিয়া বলিল, “সে আসছে, আমি ওকে নগর থেকে নগরে নিয়ে যাব ! যেখানে সব জড় হবে, সেইখানে ওকে দিয়ে কথা বলাবো। তার শব্দ শুধু ওর কথা। যদিও ওর বলবার মাত্র একটি কথা আছে এবং সেইটিই ও বারবার করে বলে, তবুও ওর কথা শোনাতে হবে সকলকে।”

ক্রমশ ছায়া নিবিড়তর হইয়া উঠিল। গোধূলির আলো রাজির অন্ধকারের মধ্যে কখন হারাইয়া গেল। সে অন্ধকারে সকল শব্দ শান্ত হইয়া আসিল। মা আর সোফিয়া নীরবে চাষীদের ব্যাপার লক্ষ্য করিতেছিলেন। দেখিতেছিলেন তাহারা কেমন ধীরে নড়াচড়া করিতেছে, এক অদ্ভুত সন্তর্পণতার সহিত। তাহারাও সমস্ত কাজের মধ্যে সেই নবাগতা নারী দুইটির দিকে লক্ষ্য করিতেছিল। তাহাদের দুইজনের কথাবার্তা একটু শুনিবার জ্ঞান তাহারা সকলেই সজাগ হইয়াছিল।

এমন সময় বনের মধ্য হইতে একজন দীর্ঘকায় লোক বাহির হইয়া আসিল। মাঠ পার হইয়া ধীরে ধীরে একটা ছড়ির উপর ভর দিয়া সে তাহাদেরই দিকে আগাইয়া আসিতেছিল। ক্রমশ তাহার নিঃশ্বাসের ভারী আওয়াজ স্পষ্টতর হইয়া উঠিল।

ইয়াকুব বলিয়া উঠিল, “এই যে সেভেলি!”

করুণ গম্ভীর কণ্ঠে লোকটি উত্তর দিল, “হাঁ আমিই!” বলিয়াই সে আবার কাশিতে আরম্ভ করিল।

সোফিয়ার সঙ্গে যখন রাইবিন তাহার পরিচয় করাইয়া দিতেছিল, তখন সে আপনা হইতেই কথা পাড়িল, “শুনলাম আপনারা বই-পত্র সব নিয়েই এসেছেন!”

“হাঁ!”

“এই সব হতভাগ্য অবজ্ঞাত লোকদের হয়ে তার জন্তে আপনাদের আমি ধন্যবাদ জানাচ্ছি। এরা আজও এই সব বইয়ের বাণী বুঝতে পারে না। আজ তাদের ধন্যবাদ আপনারা পাবেন না। তারা আজ ধন্যবাদ দিতে পারে না। তাই আমি, আমি বুঝি সত্য বাণীর মর্ম কি, তাদের হয়ে আপনাদের ধন্যবাদ জানাচ্ছি।”

কথা শেষ হইতে না হইতেই তাহার হাপানি যেন বাড়িয়া উঠিল। মাংসহীন দীর্ঘ আঙুল দিয়া কোটের বোতামগুলি সে ভাল করিয়া আঁটিয়া দিল।

সোফিয়া বলিল, “এত রাত্তিরে বনের মধ্যে এই ভিজে জায়গায় আপনার থাকা তো ভাল নয় !”

কোনও রকমে নিঃশ্বাস লইয়া সে বলিল, “জগতে আমার সমস্ত ভালো চুকে গিয়েছে—শেষ ভালোর অপেক্ষায় এখন আছি।”

তাহার কথা বলার ভঙ্গীতে কোথা হইতে অন্তরে বেদনা জাগিয়া উঠে।

কোনো কাঠের আগুন হাওয়ায় শেষবার জলিয়া উঠিল। সেই আগুনের আঁচে চারিদিক যেন কাঁপিয়া নড়িয়া উঠিল। সেভেলি বলিয়া উঠিল, “তবুও মহাপাপের সাক্ষী হয়ে আজও বেঁচে আছি। এবং আমার এই সাক্ষ্য দিয়ে আমি মানুষের কল্যাণ করে যাবো। চেয়ে দেখুন আমার দিকে—আমার বয়স মাত্র আঠাশ—কিন্তু আমি মরতে চলেছি! দশ বছর আগে আমার এই কাঁধে আমি অনায়াসে পাঁচশো পাউণ্ড ভার তুলে নিয়ে বহিতে পারতাম। তখন ভাবতাম, এমন শক্তি নিয়ে সত্তর বছর পর্য্যন্ত এগিয়ে চলবো—কিন্তু মাত্র এই দশ বছর চলে, আজ আর চলতে পারছি না। তারা সব লুট করে নিয়েছে—আমার জীবন থেকে চল্লিশটা বছর তারা লুট করে নিয়েছে—”

রাইবিন গম্ভীর ভাবে বলিল, “এই হলো ওর একমাত্র কথা।”

উত্তেজিত হইয়া সেভেলি বলিয়া উঠিল, “এ আমার কথা নয়! হাজার হাজার লোকের এই কথা! তাদের সঙ্গে আমার তফাৎ শুধু এই, তাদের কথা তারা শুধু তাদের মধ্যেই আটকে রেখেছে। তারা জানে না তাদের কথা দিয়ে তারা কি মহাদীক্ষা এই পৃথিবীকে দিয়ে যেতে পারে। উদয়াস্ত খেটে হাজার হাজার মানুষ আজ হীন, পঙ্গু, অর্থহীন, ক্ষুধার্ত, ক্লান্ত হয়ে মৃত্যুর গম্বীরের মধ্যে এগিয়ে চলেছে! সে কথা চোঁচিয়ে বলতে হবে—সকলকে ডেকে চোঁচিয়ে সে কথা জানিয়ে দিতে হবে।”

এফিম বলিয়া উঠিল, “তা কেন? আমার দুঃখ-কষ্ট সে আমার একলার ব্যাপার। সব নিয়ে এই তো আমি বেশ আনন্দে আছি।”

তাহাকে ভৎসনা করিয়া রাইবিন বলিল, “চুপ্ করো, ওকে বলতে দাও।”

একিম অকুঞ্চিত করিয়া বলিল, তুমিই তো বলো যে নিজের দুঃখ নিয়ে বড়াই করতে নেই !

গম্ভীর ভাবে রাইবিন প্রত্যুত্তর দিল, “সে আলাদা কথা। সেভেলির দুঃখ তার একার দুঃখ নয়। সে মাটির তলায় নেমে দেখেছে—সেখানে অন্ধকারে দম আটকে আসে। তাই যতটুকু তার শক্তি আছে তাই দিয়ে সে জগতকে সাবধান করবার জন্ত বলছে—সাবধান, এখানে তোমরা আর এসো না।”

ইয়াকুব একপাত্র দুধ লইয়া সেভেলিকে ডাকিল। সে-আহ্বান প্রত্যাখ্যান করিতে ইয়াকুব আগাইয়া আসিয়া ধীরে তাহার হাত ধরিয়া তাহাকে টেবিলের নিকট লইয়া গেল।

সোফিয়া রাইবিনকে আড়ালে ডাকিয়া অল্পস্বাদের স্বরে বলিল, “আপনি কেন ওকে এই রাত্তিরে আসতে বলেছিলেন ? ভয় হয়, যে-কোন মুহূর্তেই মারা যেতে পারে !”

রাইবিন সোফিয়ার ভৎসনায় অক্ষিপ না করিয়া বলিল, ‘তা তো পারেই ! মরতে হয়, মানুষের মধ্যে মরুক ! একলা মরার চেয়ে নেটা একটু সুবিধের ! ইতিমধ্যে যতক্ষণ বেঁচে থাকে—কথা বলুক ! অকারণে সমস্ত জীবনটাই ও খুইয়েছে ! যেটুকু আছে, সেটুকু দিয়ে যদি মানুষের কল্যাণ করে যেতে পারে তাতে ক্ষতি কি ?’

আপনার দেখছি এ বিষয়ে একটা বিশেষ আনন্দ আছে !”

“আনন্দ আমার নেই। আপনি যে-শ্রেণী থেকে এসেছেন তারাই এসব ব্যাপারে আনন্দ পায়—তারাই আনন্দ পেয়েছিল যখন জুশে-বিদ্বিষিত্তর কাতরধ্বনি উঠেছিল। আমরা চাই একটা মানুষের কাছ থেকে কিছু শিখে নিতে এবং আপনাদেরও কিছু শেখাতে।”

টেবিলে বসিয়া তখন সেভেলি বলিতেছিল, ‘খাটিয়ে ওরা মানুষকে মেরে ফেলে। কিসের জন্তে, কিসের জন্তে তারা মানুষের জীবন থেকে এমনি করে তার আয়ু কেড়ে নেয় ? আমি কাপড়ের কলে কাজ

করতুম। আমার মনিব শহরের সেরা স্ত্রন্দরীর মুখ-খোবার টবের জন্তে সোনার টব তৈরী করে দিলেন—সোনা দিয়ে তার প্রসাধনের সমস্ত জিনিষ তৈরী করে দিলেন। সেই সোনার টবে আমার সমস্ত রক্ত আছে—সেই সোনার রঙে আমার সমস্ত জীবন হারিয়ে গেছে। তার রক্তিতার মন রাখবার জন্তে সে আমাকে হত্যা করে আমারই রক্ত দিয়ে গড়িয়ে দিলে সোনার টব! ১) এই তো ব্যাপার!”

এফিম মৃদু হাসিয়া বলিয়া উঠিল, শুনেছি তাঁর নিজের মূর্তির ছাঁচে ভগবান মানুষকে গড়েছিলেন, সেই ছাঁচকে ওরা কি কাজেই লাগালো! আশ্চর্য্য!

সোফিয়ার দিকে ঝুঁকিয়া মা মৃদুস্বরে জিজ্ঞাসা করিলেন, “লোকটা যা বলছে—তা কি সব সত্যি!”

সোফিয়া উচ্চকণ্ঠে স্পষ্ট ভাবে উত্তর দিল, “হঁ, সবই সত্যি! খবরের কাগজে প্রায়ই এই সব খবর বেরোয়। মস্কোতে সেদিনও এরকম একটা খবর পড়েছিলাম।”

রাইবিন সোফিয়ার দিকে অগ্রসর হইয়া চাপা কণ্ঠে বলিল, “বইয়ের কথার চেয়ে সেভিলির মুখের এই সব কথা আরও তীক্ষ্ণ। কারখানায় যখন কোনও মজুরের কলে হাত কাটা যায় কিংবা তাকে না খাইয়ে মারা হয় তখন লোককে বোঝান যায় যে, তারই অপরাধ। কিন্তু যেখানে মানুষের দেহ থেকে রক্ত চুষে নিয়ে মড়ার মতন তাকে ফেলে দেওয়া হয়—সে সব ক্ষেত্রে বুঝিয়ে দেওয়া সহজ ব্যাপার নয়। হত্যা যে-কোনও রকমে হোক—আমি বুঝি। কিন্তু খেলার ছলে এই নির্যাতন—আমি কিছুতেই বুঝতে পারি না। ১) শুধু নিজেদের আনন্দের জন্তে, তারা নিশ্চিন্তভাবে চলেছে মানুষকে নির্যাতন করে। আমরা দেবো বুকের রক্ত—সেই রক্তে তৈরী তাদের ছেলেদের খেলনা, তাদের খেলনা, তাদের ঘোড়া, গাড়ী, বাড়ী, সোনার কাঁটা চামচে! তুমি খাটো, রাতদিন খাটো, আর আমি টাকা জমিয়ে রক্তিতার সোনার টব কিনে দিই! চমৎকার!”

মা নীরবে সমস্ত শুনতেছিলেন, নীরবে চারিদিক চাহিয়া দেখিতে-ছিলেন এবং এই সব শুনতে শুনতে সহসা আবার সেই অন্ধকার রাত্রির মধ্যে তাহার মানস-চক্ষের সম্মুখে ফুটিয়া উঠিল—অন্ধকারে উজ্জ্বল একটি রক্ত-রাঙা পথ দিয়া তাহার পুত্র অশ্রু সকলের সঙ্গে চলিয়া গিয়াছে।

রাত্রির আহার শেষ করিয়া তাহারা সকলে আগুনের চারিদিকে ঘিরিয়া বসিল। পিছনে আকাশ ও অরণ্যানীকে আলিঙ্গন করিয়া এক মহা-অন্ধকার। সেভেলি দীর্ঘ বিফারিত চক্ষু দিয়া অগ্নিকুণ্ডের দিকে একদৃষ্টিতে চাহিয়াছিল। ক্রমাগত সে কাশিতেছিল এবং প্রত্যেক কাশির সঙ্গে তাহার সর্ব্ব দেহ কাঁপিয়া উঠিতেছিল। সেই কাঁপুনি দেখিয়া মনে হইতেছিল যে-টুকু জীবন দেহের অভ্যন্তরে এখনও অবশিষ্ট আছে তাহাও যেন সেই শুষ্ক বিরস দেহ-যষ্টিতে আর থাকিতে চাহে না—অধীর আগ্রহে বুক ছিঁড়িয়া বাহিরে চলিয়া আসিবার জন্ত যেন ছটফট করিতেছে।

ইয়াকুব সেভেলির কাছে আসিয়া অল্পনয়ের স্বরে বলিল, “সেভেলি এখন তোমার উচিত চালাঘরের ভিতরে গিয়ে বস।”

কথা বলিতে তাহার কণ্ঠ হইতেছিল! তবুও চেষ্টা করিয়া সে বলিল, কেন? ঘরের ভেতর যাবার কি দরকার? তোমাদের সঙ্গে থাকবার আমার তো বেশী সময় আর নেই! তবুও যতটুকু সময় এখনও আছে তোমাদের সঙ্গে থাকলে ভাল থাকি। তোমাদের দিকে চাই, আর মনে মনে ভাবি, হয় ত আমারই মত যারা লোভের আর স্বার্থের ইন্ধনে আত্ম-হুতি দিতে বাধ্য হয়েছে, তোমরা তাদের উপর সেই সব অবিচারের প্রতিশোধ নেবে।

কেউ তাহার কথায় কোনও উত্তর দিল না। সকলেই নীরব। কিছুক্ষণ পরে নিজের বকের কাছে মাথা গুঁজিয়া সে বিমাইয়া পড়িল। অনেকক্ষণ তাহার দিকে চাহিয়া থাকিবার পর রাইবিন বলিয়া উঠিল, “এমনি রোজ ও আমাদের কাছে আসে, বসে বসে এই একই কথা রোজ বলে। এই ক’টি কথা হলো ওর প্রাণ। এ ছাড়া আর কোনও জিনিস ওর মন অনুভব করে না।”

চিন্তাকুল কণ্ঠে মা বলিলেন, “এ ছাড়া ভাববারই বা কি আছে? এক দিকে মানুষ দিনের পর দিন খেটে বুকের রক্ত দেবে আর এক দিকে সেই রক্ত দিয়ে লোক নিরর্থক বিলাসিতা করবে—এই যখন জগতের ব্যাপার তখন এ রকমটি ছাড়া অন্য কি আর আশা করতে পার?”

ইগনেট বলিয়া উঠিল, “কিন্তু রোজ রোজ ওর এক কথা শুনতে যে কি অসীম ধৈর্য দরকার, তা কি বলবো! যে সব কথা সে বলে, সে-সব কথা একবার শুনলে কখনও ভোলা যায় না কিন্তু সেই কথাই যদি আবার রোজ রোজ কেউ শুনিয়ে দেয়—”

রাইবিন রুদ্ধস্বরে উত্তর দিল, “কিন্তু মনে রেখো, সমস্ত কথা ঐ ক’টা কথায় জড় হয়ে আছে আর ওর কাছে ঐ কথা ক’টা’র দাম হলো ওর সমস্ত জীবন!”

ঝিমাইয়া একবার চোখ চাহিয়া সেভেলি মাটিতে শুইয়া পড়িল। ইয়াকুব ধীরে উঠিয়া চালাঘরের ভিতর হইতে দুটি ওড়ারকোট আনিয়া তাহাকে জড়াইয়া দিল। তারপর সন্তর্পণে সোফিয়ার পাশে আসিয়া বসিল।

ইন্ধন-তৃপ্ত অগ্নি-শিখা আনন্দে উর্দ্ধমুখী হইয়া উঠিয়াছে। তাহার রক্ত আলোয় অন্ধকারের অগ্নিকুণ্ডের চারিদিকে সমবেত লোকগুলির মুখ সমুজ্জ্বল হইয়া উঠিল। সোফিয়া গল্প বলিতে লাগিল। জগতের সকল দেশের মানুষের মুক্তি-সংগ্রামের কাহিনী—প্রাচীনকালে জার্মান কৃষকদের আন্দোলনের জন্ত সংগ্রামের কাহিনী, আইরিশ শ্রমিকদের দুর্দশার কথা, ক্রাসের মজুরদের কীর্্তি-কাহিনী—

রাজ্রির অন্ধকার-চেলাফলে আবৃত বনানীর ধারে, সেই লতাগুল্ম-পরিবেষ্টিত ক্ষুদ্র মাঠে, নৃত্যপূর্ণ অগ্নিশিখার রক্ত-আলোয় যে সমস্ত ঘটনা একদিন জগতকে দোলা দিয়া বিশ্বস্তির গহ্বরে গিয়াছে তাহারা যেন আবার সে রাজ্রিতে নব জীবন লাভ করিল। একটির পর একটি ঝগড়াশস্ত্র যুদ্ধ জাতি সেই রক্ত-আলোয় ক্ষণিকের জন্ত নব জীবন লাভ করিয়া আবার রাজ্রির নিবিড় অন্ধকারের মধ্যে মিলাইয়া যাইতেছিল।

শ্রোতার। বিমুগ্ধ বিশ্বয়ে শুনিতেছিল। ক্ষণে ক্ষণে তাহাদের মনে আশা এবং বিশ্বাস জাগিয়া উঠিতেছিল। সোফিয়ার নীলাভ নয়নের শব্দহীন হাসির স্পর্শে তাহাদেরও অন্তর ক্ষণে ক্ষণে হাসিয়া উঠিতেছিল। আজ তাহাদের সম্মুখে জগতের সকল জাতির সকল লোকের মুক্তি-সংগ্রামের ব্যাপার এক নূতনতর পবিত্র এবং স্পষ্ট সংজ্ঞা লাভ করিল। দূরে অন্ধকারের যবনিকার পটে তাহারা দেখিল, মুক্তি-সংগ্রামের যোদ্ধাদের ভাব ও ভাবনা সজীব হইয়া ফুটিয়া উঠিতেছে। তাহাদের কথা শুনিতে শুনিতে মনে মনে কখন তাহারা সেই সমস্ত অতীতের নামহীন মহাযোদ্ধাদের সহিত নিজেদের এক পরিবারভুক্ত মনে করিয়া লইয়াছিল। যাহারা বাঁচিয়া থাকিবার অধিকার অর্জনের জন্ত জীবন উৎসর্গ করিয়াছে, অসীম যত্নগা সহ্য করিয়াছে, অবশেষে নিজেদের রক্তে পৃথিবীকে রঞ্জিত করিয়া দিয়া চলিয়া গিয়াছে...সেই রক্ত-আহুতি লইয়া পরবর্তী মানুষ নব-জীবনের মন্দিরে অর্ঘ্য দিয়াছে।

সোফিয়ার আশ্র-প্রত্যয় বলিষ্ঠ কণ্ঠে ধনিয়া উঠিল, “শিগ্গিরই সেদিন আসছে যেদিন জগতের সকল দেশের মজুররা মাথা তুলে দাঁড়াবে, স্পষ্ট ভাষায় ঘোষণা করবে...যথেষ্ট হয়েছে, এরকম জীবন যাপন করতে আমরা আর চাই না। যারা লোভে অন্ধ হয়ে মানুষকে মেরে ফেলে নিজেদের ক্ষমতার ভেদী তৈরী করেছে, সেইদিনই তাদের সিংহাসন টলে উঠবে, পায়ের তলা থেকে সেইদিনই তাদের মাটি সরে যাবে!”

নিষ্পন্দ হইয়া নীরবে তাহারা সোফিয়ার কথা শুনিতেছিল। যে স্বত্রের সঙ্গে আজ রাত্রে তাহারা জগতের সঙ্গে বাঁধা পড়িয়াছে, কোন রকমে সে স্বত্রটিকে ছিন্ন করিতে তাহাদের মন চাহিতেছিল না। একান্ত সন্তর্পণে মাঝে মাঝে কেহ শুধু আঙুলে দুই-একটি করিয়া শুকনা কাঠ দিতেছিল।

একবার শুধু ইয়াকুব বলিয়া উঠিয়াছিল, “একটু দাঁড়ান।”

ছুটিয়া চালাঘরের ভিতরে গিয়া একটা চাদর লইয়া আসিয়া মা এবং সোফিয়ার পিঠ এবং পা ঢাকিয়া দিল।

ভোর বেলা, রাত্রি যখন শেষ হইয়া আসিতেছিল তখন, পরিশ্রান্ত হইয়া সোফিয়া নীরব হইল। তাহাকে ডাকিয়া মা বলিল, “এখন চল, আমরা বিদায় হই।”

ক্লান্ত স্বরে সোফিয়া উত্তর দিল, ইঁা যাত্রা করবার এই সময়।

কাহার যেন একটা দীর্ঘশ্বাস উষার বাতাসকে উষ্ণ করিয়া তুলিল।

অনভ্যস্ত যুত্ৰকণ্ঠস্বরে রাইবিন বলিল, “সত্যিই, আপনাদের যেতে হবে, না?”

রাইবিনের গায়ে মাত্র একটি শার্ট ছিল, তাহারও আবার গলার বোতাম ছিল না। চলিয়া যাইবার সময় তাহার সেই বিপুল দেহটিকে স্নেহ-দৃষ্টি দিয়া আলিঙ্গন করিয়া মা বলিলেন, “এখন যে বড় ঠাণ্ডা পড়েছে, গায়ে একটা কিছু দাও না।”

রাইবিন উত্তর দিল, আমার ভেতরে আগুন জ্বলছে—বাইরের ঠাণ্ডা লাগে না!

যাত্রার সময় সন্নিবর্ত হইলে রাইবিন সোফিয়ার হাত দুটি জোরে চাপিয়া ধরিয়া বলিল, “শহরে গিয়ে আপনার দেখা কি করে পাবো!”

তাহার উত্তরে মা বলিলেন, “আমার ওখানে খবর দিলেই গুঁর খবর পাবে। তা হলে আসি!”

হঠাৎ ইয়াকুব বলিয়া উঠিল, “যাবার সময় একটু গরম দুধ খেয়ে গেলে হয়ত ভাল হতো।”

একিম বিস্মিত হইয়া জিজ্ঞাসা করিল, “দুধ কি আর আছে?”

ইগনেটি একটু যেন বিপন্ন হইয়া মাথা চুলকাইতে চুলকাইতে বলিল, “যেটুকু ছিল, আমি অসাবধানে ফেলে দিয়েছি—”

সকলে উচ্চহাস্য করিয়া উঠিল। তারপর বিদায় দিবার জন্ত তাহারা কিছুদূর অগ্রসর হইয়া যুত্ৰস্বরে সকলে এক সঙ্গে বলিয়া উঠিল, বিদায়!

বহুদূর পর্য্যন্ত সেই মিলিত কণ্ঠস্বরের প্রতিধ্বনি সেই দুইজন নারীর পায়ে পায়ে জড়াইয়া চলিল।

মায়ের জীবনের ধারা সহসা এত শান্ত এবং নিরুদ্বেগ হইয়া উঠিল যে, মাঝে মাঝে তাহাতে তিনিই বিম্বিত হইয়া উঠিতেন। গ্রাম হইতে ফিরিয়া আসিয়াই কিছুদিনের জন্ত সোফিয়া কোথায় অদৃশ হইয়া গেল। আবার পাঁচদিন পরে আনন্দে নাচিতে নাচিতে আসিয়া উপস্থিত। তারপর আবার কয়েক ঘণ্টা পরে কোথায় চলিয়া গেল, দু' সপ্তাহ আর আসিল না।

আইভানোভিচ সর্বদাই কাজে ব্যস্ত। ঘড়ি ধরিয়া তাহার জীবনের ধারা প্রতিদিন একমাত্রায় প্রবাহিত হয়। সকাল আটটার সময় উঠিয়া সে চা পান করে, তারপর খবরের কাগজ পড়িয়া মাকে শোনায়। শাসন-পরিষদে ব্যবসায়ীদের প্রতিনিধিরা যে সমস্ত বক্তৃতা দিত তাহার মর্ম কোনও রকম বিকৃত না করিয়া মাকে বুঝাইয়া দেয়। তারপর ঠিক নটা বাজিতেই সে নিজের আফিসের কাজে চলিয়া যায়।

ঘরদোর পরিষ্কার করিয়া মা রান্নাঘরে ঢুকেন। দ্বিপ্রহরের আহ্বারের বন্দোবস্ত করিয়া স্নান-অস্ত্রে পরিষ্কার একটি পোষাক পরিয়া ঘরের আলমারিতে থাকে থাকে সাজানো বইগুলি নাড়িয়া চাড়িয়া দেখেন। এখন তিনি পড়িতে শিখিয়াছেন বটে কিন্তু বানান করিয়া পড়িতে পড়িতে তিনি এত বিভ্রান্ত হইয়া পড়েন যে, যাহা উচ্চারণ করেন, তাহার অর্থ সংগ্রহ করিতে পারেন না। কিন্তু ছবি বা ছবির বই তাহার পরম বিশ্বাসের জিনিষ ছিল। সেই সমস্ত ছবির বই তাহার বিমুক্ত চোখের সম্মুখে এক নূতন জগতের বাস্তব রূপ ফুটাইয়া তুলিত—সুন্দর নগরী, অপরূপ উদ্যান, সুন্দরতর সব ঘর, অপূর্ব তাহাদের সজ্জা, সুন্দর বলিষ্ঠ নরনারী, সমুদ্র, জাহাজ, অট্টালিকা, শ্মৃতিস্তম্ভ, মানুষের ঐশ্বর্যের নিত্য নব-নব বিকাশ। প্রতিদিন সেই সব ছবির বই দেখেন, আর তাহার চোখের সম্মুখে পৃথিবীর সীমা-রেখা যেন আরও আরও দূরে সরিয়া যায়। প্রতিদিনই মায়ের কাছে পৃথিবী সুন্দরতর বৃহত্তর হইয়া ওঠে। বহুদিন-বঞ্চিত এই বুভুক্ষিত নারীর আত্মা ধরণীর রূপ-রস ঐশ্বর্যের

বিশালতার সম্ভাবনায় নিত্য স্পন্দিত হইয়া উঠিতে লাগিল। প্রাণী-
তত্ত্বের ম্যাপগুলি মায়ের বিশেষ ভাল লাগিত। নানা দেশের সেই সমস্ত
বিচিত্র চিত্র হইতে এই পৃথিবীর রূপ, ঐশ্বর্য এবং বিশালতার কথা
মা স্পষ্ট বুঝিতে পারিয়াছিলেন। একদিন আহারের সময় মা আপনা
হইতে বলিয়া উঠিলেন, কত বড় এই পৃথিবী !

আইভানোভিচ হাসিয়া বলিল, তবুও জায়গার অভাবে ঘাড়ের পুরে
ঘাড়ে মানুষকে বাস করতে বাধ্য করায় ওরা !

আবেগে উদ্বেলিত হইয়া মা বলেন, কি রূপ, আইভানোভিচ ! অথই
রূপের সাগরের মধ্যে আমরা বাস করি কিন্তু আমাদের চোখ বন্ধ করে
রেখে দিয়েছে কে ! কোথা দিয়ে কি চলে যায়, কখন যায় আমরা
জানতেও পারি না। অন্ধের মত লোক শুধু ঘুরেই মরে, আনন্দ পাবার
শক্তিটুকুও তারা হারিয়ে ফেলেছে, সে প্রবৃত্তি পর্যন্ত ঘুচে গেছে।
যদি তারা জানতো, যদি তারা সত্যই বুঝতো—এই পৃথিবী কত সুন্দর,
কত তার ঐশ্বর্য, কত আশ্চর্য জিনিষ আছে এই পৃথিবীতে, তা হলে
এমন করে মন-প্রাণ তাদের শুকিয়ে উঠতো না।”

সঙ্ঘাবেলায় অনেক লোক আসিত। আলেক্সি, পেট্রোভিচ, আইভান।
ইয়াগর বলিয়া একজন অতি রুগ্ন অসুস্থ লোক প্রায়ই আসিত। নিজের
কাল-ব্যাপ্তি লইয়া সর্বদাই সে ব্যঙ্গ করিত, হাসিত। মাঝে মাঝে দূর
দূরান্তরে শহর হইতেও দেখা-শোনা করিবার জন্ত লোক আসিত।

তাহারা কথাবার্তা বলিত। মা নীরবে তাহাদের চা পরিবেশন
করিতে করিতে শুনিতে, কুলিদের জীবন সম্বন্ধে তাহারা কত কি
বলিতেছে। তাহাদের কথা শুনিয়া মা মনে মনে বুঝিতেন, কুলিদের
জীবন সম্বন্ধে ইহারা কতটুকু জানে। তাহারা যে দায়িত্ব লইতে চলিয়াছে,
তাহার গুরুত্ব কতখানি তাহা তাহাদের অপেক্ষা মা বেশী বুঝিতেন।

মাঝে মাঝে শাশাঙ্কাও আসিত। বেশীকণ থাকিত না—কাজের
কথা ছাড়া অল্প কোনও কথা বলিত না। ভুলিয়াও হাসিত না।

প্রত্যেকবার বিদায় লইবার সময় মায়ের কাছে আসিয়া জিজ্ঞাসা করিত,
“পাভেল কেমন আছে?”

মা বলিতেন, “ভগবানের আশীর্ব্বাদে সে ভালই আছে।”

“দেখা হলে আমার অভিবাদন জানাবেন”—বলিয়াই সে চলিয়া
যাইত।

কোন কোন বার শাশাঙ্ক আসিলে মা আপনা হইতেই পাভেলের
কথা তুলিতেন। হুঃখ করিয়া বলিতেন, “এতদিন ধরে হাজতে রয়েছে,
এখনও বিচারের দিন পর্য্যন্ত ঠিক হলো না।”

দেখিতেন শাশাঙ্কার গম্ভীর মুখ বেদনায় বিবর্ণ হইয়া আসিত। তবুও
সে কোন কথা বলিত না। নীরবে আঙুলগুলি নিষ্পেষণ করিত। এক
একবার মায়ের মনে হইত যে তিনি বলিয়া ফেলেন, “হুঃখু মেয়ে, জানি রে,
সব জানি! জানি তুই তাকে কতখানি ভালবাসিস।” কিন্তু শাশাঙ্কার
সেই গম্ভীর মুখ, সেই নীরবতা, সেই চেষ্টা-করিয়া বাজে কথা না-বলার
ব্যাপার লক্ষ্য করিয়া মা অন্তরের কথা তাহার নশ্বুখে উত্থাপন করিতে
পারিতেন না। শুধু দীর্ঘশ্বাস ফেলিয়া তাহার হাত দুইটি বুকে চাপিয়া
ধরিয়া বলিতেন, “অভাগী কোথাকার!”

মাঝে নাট্যাশাও একদিন আসিয়াছিল। মাকে দেখিয়া তাহার আনন্দ
ধরে না। নানা কথার মধ্যে সে জানাইল যে তাহার মা মরিয়া গিয়াছে।

“মায়ের জন্তে হুঃখু হয়। তবে আর একদিক দিয়ে যখন ভাবি যে
সে যে-জীবন যাপন করতে বাধ্য হয়েছিল, যত্ন তার চেয়ে ঢের শাস্তিময়,
তখন আর হুঃখু করি না। ভালোর জন্তে মানুষ আশা করে বেঁচে থাকে,
কিন্তু পায় শুধু অপমান।”

তাহার কাঁধে স্নেহে হাত রাখিয়া মা বলেন, “তা হলে তুই এখন
একেবারে একা!”

অন্তর্মমস্বভাবে নাট্যাশা বলে, “একেবারে।”

নাট্যাশা এখন ঘে-শহরে খুল-মাষ্টারী করে, মাকে মাঝে মাঝে সেই

শহরে যাইতে হইত। সেখানে একটা কাপড়ের কল আছে। সেই কলে নিষিদ্ধ বই, খবরের কাগজ বিলি করিবার জন্ত তাঁহাকে যাইতে হইত। নিষিদ্ধ লেখা পত্র বিলি করাই মায়ের একমাত্র কাজ হইয়া উঠিয়াছিল। মাসের মধ্যে প্রায়ই হয় পুরোহিত রমণীর বেশে, নয় ফিরিওয়ালির পোষাকে, নয় তীর্থযাত্রীরূপে বা কোনও বড়লোকের বিধবা পত্নীর সাজে, কখনও হাঁটিয়া, কখনও গাড়ী করিয়া শহরে শহরে ঘুরিতে হইত। ট্রেনে, ষ্টীমারে, হোটেলের সর্বত্র অতি স্বচ্ছন্দভাবে বিচরণ করিতেন এবং তাঁহার স্বাভাবিক সরলতার ভঙ্গীতে নূতন লোক সহজেই তাঁহার প্রতি আকৃষ্ট হইত।

অজানা লোকের সহিত কথাবার্তা বলিতে তাঁহার ভাল লাগিত। একান্ত সহানুভূতির সহিত তাহাদের অন্তরের অভিযোগ, বিপদ-আপদের কথা শুনিতেন। যদি দেখিতেন কাহার মনে জীবন সম্বন্ধে স্পষ্ট তিস্ততা জাগিয়াছে, যদি দেখিতেন কাহারও বিমুক্ত অন্তর ব্যাকুল প্রাণে সংস্কৃত, অমনি তাঁহার অন্তর এক অপূর্ব আনন্দেরসে অভিষিক্ত হইয়া উঠিত। চারিদিকে তিনি দেখিতেন, শুধু উদর-পূরণের জঘন্য উন্মাদ প্রচেষ্টায় নিৰ্জ্জের মত প্রকাশভাবে মানুষ মানুষকে বঞ্চনা করিতেছে, তাহাকে নিঙড়াইয়া সমস্ত রস বাহির করিয়া লইতেছে। বিশাল এই ধরনী, বিপুল তাহার ঐশ্বর্য্য, তবুও লোক নিরন্তর অভাবে বিমূঢ়। অনন্ত ঐশ্বর্য্যের ভাণ্ডারে বসিয়া মানুষ অর্দ্ধাহারে দিন যাপন করিতেছে। নগরে নগরে ঈশ্বরের উপাসনার মন্দির তৈয়ারী হইয়াছে—স্বর্ণে আর রৌপ্যে বেদী পরিপূর্ণ, আর সেই সব মন্দিরের দ্বারে দ্বারে নিরস্ত্র বস্ত্রহীন ভিখারীর দল শীতে কাঁপিতে কাঁপিতে ঘুরিয়া মরিতেছে—যদি কেহ হাতে একটুকরা তামা দিয়ে যায়! স্বর্ণ-রৌপ্যে ভরা এই সমস্ত গির্জা, সোনার-সুতার কাজকরা পুরোহিতের পোষাক, গির্জার দ্বারে বস্ত্রহীন এই সব ভিখারীদের ভিড়—এই সমস্তই তিনি পূর্বেও দেখিয়াছেন, কিন্তু তখন মনে হইত—ইহাই স্বাভাবিক জীবনের ধারা। কিন্তু আজ তিনি

বুঝিয়াছেন, এই বৈষম্যের মিল কোথাও নাই। যাহাদের জন্ত গির্জার সব চেয়ে বেশী প্রয়োজন, তাহারাই রহিল গির্জার বাহিরে দাঁড়াইয়া—ভিক্ষকের বেশে !)

যিশুখৃষ্টের গল্প শুনিয়া এবং ছবি দেখিয়া মা বুঝিয়াছেন যে, তিনি ছিলেন দরিদ্রের বন্ধু—অতি সাধারণ ছিল তাঁহার অঙ্গের আবরণ। যাহার কাছে নিখিলের আর্ন্ত দরিদ্র লোক আসিবে সাহসনার জন্ত, গির্জায় গির্জায় তাঁহারই মূর্তি কি না সোনার পেরেকে ক্রুশে বদ্ধ? স্বর্ণের এ কি অসহ্য ঔদ্ধত্য! রাইবিনের কথা মায়ের মনে পড়িত। সে বলিয়াছিল, “আমাদের মেরে ফেলবার জন্তে, তারা ভগবানকেও বিকৃত করেছে। ক্ষেতে পাখীদের ভয় দেখাবার জন্তে যেমন চাষীরা একটা নকল শ্রাকড়ার মাছুষ টাঙ্গিয়ে রাখে, তেমনি ওরা আমাদের ভয় দেখাবার জন্তে ঈশ্বরের প্রতিনিধির বদলে গির্জেষ্ট্র একটা নকল ভগবান টাঙ্গিয়ে রেখেছে।”

এই সব কথা চিন্তা করিতে করিতে কখন অজ্ঞাতে মা তাঁহার প্রাত্যহিক প্রার্থনা কমাইয়া দিয়াছিলেন। কিন্তু অন্তরে অহরহ যিশু এবং তাঁহারই আলোকে যাহারা কলরবহীন জীবন কাটাষ্টয়া গিয়াছেন, তাঁহাদের কথা প্রায়ই ভাবিতেন। বাহিরে যাহা কিছু শোনে, যাহা-কিছু দেখেন, অন্তরের সেই নব-জাগ্রত অপূর্ব অমুভূতির সঙ্গে তাহা মিলাইয়া দেখেন। এবং এই চিন্তাধারাই এক অপক্লপ প্রার্থনার রূপে তাঁহার অন্তরকে উদ্ভাসিত করিয়া তুলিত, মনে হইত যেন তাহারই মধ্যে সমস্ত অন্ধকার জগৎ সমুদ্ভাসিত হইয়া উঠিবে।

যতই দিন যাইতে লাগিল, ততই মনে হইতে লাগিল যে, এতদিন পরে আজ তিনি যেন সত্যই তাঁহার অন্তরের নিকটে আসিয়াছেন। স্পষ্ট তাঁহাকে দেখা যাইতেছে—জনতার উর্দ্ধে আনন্দ-বিভাসিত আননে ক্রুশে দাঁড়াইয়া আছেন। নয়নে কি অমৃত-সাহসনা—তাঁহারই ক্ষুদ্র মাতৃ-হৃদয়ের দিকে চাহিয়া আছেন। কি আশ্বাস প্রসারিত করে! যুগে যুগে তাঁহার

নামে যে তপ্ত-রক্ত-অর্ঘ্য উৎসর্গ করা হইয়াছে, তাহারই স্পর্শে নব-জীবন লাভ করিয়া আজ সত্যই যেন তাঁহার নব-আবির্ভাব !

আইভানোভিচ ঘড়ি ধরিয়া প্রত্যহ ঠিক নিয়মিত সময় রাত্রে বাড়ী ফিরিত। একদিন তাহার ফিরিতে দেরী হইল। যে সময় ফিরিবার কথা তাহার অনেক পরে ব্যস্ত হইয়া ঘরে ঢুকিয়া মাকে ডাকিয়া বলিল, “ওনেছেন, আজকে জেলে ভীষণ গণ্ডগোল হয়েছে ! গণ্ডগোলের সময় কে একজন আসামী জেল থেকে পালিয়ে গেছে। কিন্তু কে যে পালালো—এখনও পর্য্যন্ত সে খবর পাই নি !”

উত্তেজনায় মায়ের সমস্ত দেহ কাঁপিয়া উঠিল। একটা চেয়ারে বসিয়া পড়িয়া কম্পিত-কণ্ঠে জিজ্ঞাসা করিলেন, পাতেল নয় তো ?

হতেও পারে। কিন্তু এখন সমস্ত হাচ্ছে যে, তাকে খুঁজে বার করতে হবে। তাকে লুকিয়ে রাখতে হবে তো ! সারাক্ষণ সেইজন্তে পথে পথে ঘুরে বেড়াচ্ছিলাম—যদি দেখতে পাই ! অবশ্য এরকম করে খোঁজা বোকামী বই আর কিছুই নয়—তবুও একটা কিছু করতে হবে তো ! আমাকে এখনই বেরুতে হবে আবার—

মা বলিয়া উঠিলেন, আমিও তোমার সঙ্গে যাব !

বাধা দিয়া আইভানোভিচ বলিল, তার চেয়ে বরঞ্চ আপনি আর এক কাজ করুন—আপনি এখুনি ইয়াগরের কাছে যান—সে যদি কোন খবর পেয়ে থাকে !

পুত্রকে দেখিবার গোপন আশায় কাল বিলম্ব না করিয়া মাথায় একটা বড় ক্রমাল জড়াইয়া লইয়া রাজ-পথে বাহির হইয়া পড়িলেন। এত দ্রুত বৃকের মধ্যে নিঃশ্বাস-প্রশ্বাস বহিতেছিল যে, তিনি চলিতে পারিতেছিলেন না। চোখের সামনে ক্রমশ যেন সব ঝাপসা হইয়া আসিতেছিল।

ইয়াগরের বাড়ীর সিঁড়ির কাছে আসিয়া তিনি এতদূর ক্লান্ত হইয়া পড়িলেন যে একটু অপেক্ষা করিতে হইল। পিছনে ফিরিয়া চাহিতেই

তিনি সহসা চাপ। গলায় অশ্রুট আর্তনাদ করিয়া উঠিয়া কয়েক সেকেণ্ডের জন্ত চক্ষু বুজিলেন। তাঁহার মনে হইল, নিকোলে দরজার কাছে দাঁড়াইয়া তাঁহার দিকে চাহিয়া হাসিতেছে। চোখ চাহিয়া দেখিতেই আর কাহাকেও দেখিতে পাইলেন না।

ছুটিয়া বাহির হইতেই দেখেন অদূরে সত্যই নিকোলে দাঁড়াইয়া। মুখে সেই বসন্তের দাগ! তাহলে পাভেল নয়, নিকোলে! এই নূতন নৈরাশ্রে বহুদিনের ভুলিয়া-যাওয়া অন্তর-পোড়ানি অগ্নি-শিখা সহসা মায়ের বুকে জলিয়া উঠিল।

চাপা গলায় ডাকিলেন, নিকোলে নিকোলে?

হাত নাড়িয়া নিকোলো তেমনি চাপা গলায় উত্তর দিল, আপনি এগিয়ে যান!

ইয়াগরের ঘরে ঢুকিয়া মা দেখেন রোগপাংশু মুখে ইয়াগর বিছানায় শুইয়া আছে। নড়িতে পারিতেছে না। চুপি চুপি তাহার কানের কাছে গিয়া বলিলেন, নিকোলে জেল থেকে পালিয়ে এখানে আসছে।

ইয়াগর তেমনি শুইয়া উত্তর দিল, চমৎকার! এগিয়ে গিয়ে তাকে সম্বর্ধনা করবার শক্তি আমার আর নেই!

বলিতে না বলিতেই দরজা খুলিয়া নিকোলে ঘরে ঢুকিয়া দরজা বন্ধ করিয়া দিল। মাথা হইতে টুপী খুলিয়া হাসিতে হাসিতে ইয়াগরের বিছানার দিকে অগ্রসর হইল।

কুহুইয়ের উপর ভর দিয়া ইয়াগর বলিল, আসতে আজ্ঞা হয়, মহাপ্রভু!

মায়ের দিকে অগ্রসর হইয়া তাঁহার হাত ছুটি ধরিয়া নিকোলে বলিল, আপনার সঙ্গে যদি দেখা না হতো তাহলে আবার আমাকে জেলেই ফিরে যেতে হতো। এখানে কে আছে না আছে আমি কিছুই জানি না! আর কিছুক্ষণ বাইরে থাকলেই ধরা পড়তাম—আবার যেতে হতো জেলে। জেল থেকে বেরিয়ে ঘুরে বেড়াচ্ছিলাম আর ভাবছিলাম কি

বোকা আমি—কেন জেল থেকে পালিয়ে এলাম ? এমন সময় দেখি আপনি হুঁহু করে চলেছেন—আমিও আপনার পিছু পিছু চলতে শুরু করলাম !

—কিন্তু কেমন করে জেল থেকে পালালে ?

—আমি নিজেই জানি না কেমন করে । হঠাৎ ঘটে গেল । জেলের মধ্যে বিকেল বেলা ছাড়া পেয়ে হাওয়া খাচ্ছিলাম । এমন সময় দেখি জেলের ওভারসিয়ারকে ধরে কয়েদীরা প্রচুর প্রহার লাগাচ্ছে । দেখতে দেখতে চারদিকে একটা হট্টগোল পড়ে গেল । আমি ঘুরতে ঘুরতে দেখি জেলের দরজা খোলা । পাহারায় যারা ছিল তারা তাড়াতাড়ি সব ভেতরে চলে এসেছে । বেশ ধীরে স্বস্থে ফটকের কাছে গেলাম, ফটকের বাইরে এলাম । কেউ কিছু বলে না । কিছুদূর এগিয়ে নিজের মনেই প্রস্থ করলাম—এখন যাই কোথা ? পিছন ফিরে জেলের দিকে চাইলাম—দেখি দরজা বন্ধ হয়ে গিয়েছে । কিরকম অসোয়াস্তি বোধ হতে লাগলো । বন্ধুদের ফেলে রেখে এরকম করে চলে আসা আমার উচিত হয় নি—এ যে কি একটা বোকার মত কাজ হয়ে গেল কিছুই বুঝতে পারছি না ।

ইয়াগর তাহার স্বাভাবিক বিদ্রূপের ভঙ্গীতে বলিল, ছজুরের উচিত ছিল ফিরে গিয়ে ভদ্রভাবে জেলের দরজার কড়া নাড়া দেওয়া ! দরজা খুলে বলা ধর্ম্মাবতার ক্ষমা করবেন—ক্ষণিকের লোভ হয়েছিল—আবার ফিরে এসেছি ! যাক্, সে সব কথা এখন ! এখন দরকার হচ্ছে তোমার লুকিয়ে থাকা । কিন্তু আমি যে উঠতে পারছি না—

নিকোলে ইয়াগরের দিকে ভাল করিয়া চাহিয়া দেখিয়া বলিল, তুমি অত্যন্ত অস্থস্থ হয়ে পড়েছ, ইয়াগর !

মা সেই ছোট ঘরটির চারিদিকে উদাস-দৃষ্টিতে চাহিতেছিলেন ?

দুই হাত দিয়া বুক চাপিয়া ইয়াগর বলিয়া উঠিল, অস্থস্থ হওয়া না হওয়া সে আমার ব্যাপার । তোমার তাতে মাথা ঘামাতে হবে না । মাগো, আপনি পাভেলের কথা ওকে জিজ্ঞেস করুন । চেষ্টা করে উদাসীন হবার কি দরকার ?

মায়ের জিজ্ঞাসা করিবার পূর্বেই নিকোলে বলিতে লাগিল, পাভেল বেশ ভালই আছে। শরীর তার বেশ স্বস্থ এবং সবল আছে। আমাদের হয়ে অফিসারদের সঙ্গে সেই কথাবার্তা বলে। সেখানেও এমনি প্রতিপত্তি করে নিয়েছে যে, জেলে বসেও হুকুম চালায়।

ইয়াগরের ফুলিয়া-উঠা বিবর্ণ মুখের দিকে চাহিয়া মা নিকোলের কথা শুনিতেছিলেন।

এদিক ওদিক চাহিয়া হঠাৎ নিকোলে বলিয়া উঠিল, দেখো ভয়ানক খিদে পেয়েছে, কিছু খেতে দিতে পার ?

“মাগো, দেখো তো সেলফের ওপর পাউরুটি আছে। ওটা সব ওকে দাও। তারপর বারাণ্ডায় গিয়ে বাঁ হাতে দ্বিতীয় দরজা যেটা পাবে—সেখানে গিয়ে কড়া নাড়া দেবে। একজন স্ত্রীলোক বেরিয়ে আসবে। তাকে বলবে—ঘরে খাবার যা কিছু জিনিষ আছে সমস্ত নিয়ে এখুনি এই ঘরে চলে আসতে।”

নিকোলে প্রতিবাদ করিয়া উঠিল, আহা সব কেন ?

“উত্তেজিত হয়ো না বন্ধু ! যদি সে সবও আনে—তাহলেও তা খুব বেশী হবে না ! আর হয়ত তার ঘরে কিছুই নেই !

বারাণ্ডায় গিয়া নির্দিষ্ট ঘরে মা কড়া নাড়িতেই দরজার ভিতর হইতে কিছুক্ষণ পরে নারী-কণ্ঠে একজন জিজ্ঞাসা করিল, কে ?

চুপি চুপি মা বলিলেন, আমি ইয়াগরের কাছ থেকে আসছি।

কিছুক্ষণ পরে একজন দীর্ঘাকৃতি স্ত্রীলোক ঘর হইতে বাহিরে আসিয়া কক্ষস্থরে জিজ্ঞাসা করিল, কি চাই আপনার ?

—আমি ইয়াগরের কাছ থেকে আসছি—সে আপনাকে এক্ষণি তার ঘরে যেতে বলে।

আর একটু অগ্রসর হইতে নারীটি বলিয়া উঠিল, ওঃ, আপনি ! অন্ধকারে বুঝতে পারিনি ! ইয়াগরের কি অস্থখ বেড়েছে ?

—বোধ হয় ! সে কিছু খাবার নিয়ে যেতে বলেছিল—

—সে তো এখন কিছুই খায় না—খাবার কি হবে? বলিতে বলিতে তাহার দুইজনে ইয়াগরের ঘরে গিয়া ঢুকিল।

বিছানীর কাছে আসিতেই ইয়াগর বলিয়া উঠিল, বন্ধু পিতৃপুরুষদের সঙ্গে দেখা-সাক্ষাৎ করবার জন্তে তো আমি চল্লুম। আমার এই বন্ধুটি জেলের কর্তৃপক্ষের অমুমতি না নিয়ে চলে এসেছেন। এখন প্রথম কর্তব্য হচ্ছে—এঁর খিদে পেয়েছে—তার ব্যবস্থা কর! তারপর এঁকে দু' একদিনের জন্তে লুকিয়ে রাখা!

ঘাড় নাড়িয়া তাহার জবাব দিয়া নারীটি রুগ্ন ব্যক্তির মুখের দিকে একদৃষ্টিতে চাহিয়া রহিল! গম্ভীর ভৎসনার স্বরে বলিয়া উঠিল, তোমার বকবকানি থামাও, ইয়াগর! তুমি জানো, বেশী কথা বলার তোমার কাছে কি মানে? ওঁরা যখন এলেন, তখনই আমাকে ডাকিয়ে পাঠান তোমার উচিত ছিল। দেখছি, ওষুধও খাওয়া হয় নি। আপনারা আমার ঘরে চলুন! এখনি হাসপাতাল থেকে লোক আসবে—ওকে নিয়ে যাবার জন্তে।

মুখ বিকৃত করিয়া ইয়াগর বলিয়া উঠিল, তাহলে, অবশেষে হাসপাতালেই যাচ্ছি?

—আমিও সেখানে যাব তোমার সঙ্গে!

—সেখানেও যাবে?

চূপ্ করো!

কোনও কথা না বলিয়া ইয়াগরের গায়ের কম্বলখানি ভাল করিয়া টানিয়া দিয়া ওষুধের শিশিটি তুলিয়া লইয়া কতখানি ওষুধ খাওয়া হইয়াছে একবার ভাল করিয়া দেখিয়া লইল। তারপর নিকোলেকে ডাকিয়া যাইবার সময় মাকে বলিয়া গেল, আপনি একটু থাকুন! আমরা এখন যাচ্ছি। আমি এক্ষুণি ফিরে আসছি। আপনি ইত্যবসরে একদাগ ওষুধ ওকে খাওয়ান।

দরজার কাছে গিয়া ফিরিয়া দাঁড়াইয়া বলিল, আর দেখুন, ওকে একদম কথা বলতে দেবেন না!

তাহারা চলিয়া গেলে দীর্ঘশ্বাস ফেলিয়া ইয়াগর বলিয়া উঠিল, অপূর্ব নারী! আপনি এর সঙ্গে মিশে কাজ করে দেখবেন—কি পরিণতিই না করতে পারে। আমাদের সমস্ত ছাপার কাজ এই মেয়ে একা সব করে।

—কথা বলো না। বারণ করে গেলো! এই গুণ্ডাটা খেয়ে নাও—

গুণ্ডা গলাধঃকরণ করিয়া একটা চোখ বুজিয়া সে বলিল, কথা বলি আর নাই বলি, আমি যে মরবো, সেটা স্থনিশ্চিত!

তাহার সেই বিবর্ণ মুখের দিকে চাহিতে করুণায় মায়ের চোখে জল ভরিয়া আসিতেছিল।

—হুঃখ করো না মা! এই-ই নিয়ম, জীবন ভোগ করবার অধিকারের সঙ্গে সঙ্গেই মরবার দায়িত্ব নিয়েই আমরা এই পৃথিবীতে এসেছি!

তাহার হাতের উপর হাত রাখিয়া মা বলিলেন,—না, তুমি বেশী কথা বলো না।

—চুপ করে থাকার কোন মানে হয় না। চুপ করে থেকে আমার কি লাভ হবে? বাড়তি আর কয়েক সেকেণ্ড এই সব যন্ত্রণা ভোগ—এই তো? তার জন্তে আমি একজন সত্যিকারের মানুষের সঙ্গে ছুটো কথা বলার আনন্দটুকু হারাচ্ছি! আমার বিশ্বাস এই পৃথিবী ছেড়ে যেখানে যাব সেখানে এখানকার মত মানুষের সঙ্গে আর কথা বলতে পারবো না।

ক্রমশ তাহার কথা বাড়িয়া যাইতেছে দেখিয়া মা বিব্রত হইয়া বলিয়া উঠিলেন, এখনি মেয়েটি এসে আমাকে ধমকাবে—তুমি চুপ কর।

সে তোমাকে ধমকাবেই মা! কাউকে না ধমকিয়ে সে একদণ্ড থাকতে পারে না।

কিছুক্ষণ পরে লুডমিলা ফিরিয়া আসিল। মায়ের কাছে আসিয়া বলিল, ~~বন্ধুটাকে~~ কিছু নতুন কাপড় চোপড় একুণি কিনে এনে দিতে হবে। এ যায়গায় বেশীক্ষণ থাকা ওর পক্ষে নিরাপদ নয়। আপনি যান, একুণি যাহোক একটা পোষাক কিনে আনুন। সোফিয়াটা এই সময় থাকলে বড় সুবিধে হতো। লোক লুকোতে ও ওস্তাদ!

ইয়াগরের দিকে চাহিয়া মা জিজ্ঞাসা করিলেন, হাসপাতালে তোমার সঙ্গে দেখা করতে যেতে পারিতো ?

লুডমিলা বলিল, বেশ তো ; আমরা দুজনে পালা করে হাসপাতালে যাব ! আপনি কিছু মনে করবেন না, আপনি তাড়াতাড়ি বেড়িয়ে পড়ুন । পথে গুপ্তচরদের দিকে একটু লক্ষ্য রাখবেন ।

মা যাইতে যাইতে গোপন-গর্বে বলিলেন, সে আমি জানি !

কিছুক্ষণ পরে মা পোষাক কিনিয়া ফিরিয়া আসিলেন । শহরের সীমানা পর্যন্ত নিকোলেকে আগাইয়া দিবার ভার মায়ের উপর পড়িল ।

নিকোলেকে পৌছাইয়া দিয়া মা যখন বাড়ী ফিরিতেছিলেন তখন শাশাঙ্কার সহিত পথে দেখা । তাহাকে সঙ্গে করিয়া বাড়ী ফিরিতেই আইভানোভিচ বলিল, আমি ইয়াগরের ওখানে গিয়েছিলাম । তাকে হাসপাতালে নিয়ে গেছে । অবস্থা খুবই খারাপ । লুডমিলা তোমাকে এক্ষণি হাসপাতালে যেতে বলেছে । নিকোলেকে নির্ঝিন্বে পৌছে দিয়ে এলে তো ?

সারাদিনের ক্লান্তিতে মায়ের মাথা ঘুরিতেছিল । যাইবার সময় মায়ের হাতে একটা বাঙিল দিয়া আইভানোভিচ বলিল, এটা সঙ্গে নিয়ে যান—দরকার আছে ।

জামা কাপড় বদলাইয়া মা হাসপাতালে গিয়া উঠিলেন । সেখানে গিয়া দেখিলেন, বালিস ঠেস দিয়া তাহাকে আড় করিয়া বসাইয়া রাখা হইয়াছে । সে তেমনি নিঃশব্দচিন্তে ডাক্তারের সঙ্গে রসিকতা করিতেছে ।

“দোহাই তোমার বিজ্ঞানের । ডাক্তার, এখন একটু শুতে দাও ।”

না, এখন শুতে চলবে না ।

আচ্ছা—তোমরা চলে গেলেই শোবো তা’হলে ।

মাকে ডাকিয়া লুডমিলা বলিল, আপনি দেখবেন, ও ঘেন না শোয় । আমি কিছুক্ষণ পরেই আসছি ।

মা ছাড়া তাহারা সকলে চলিয়া গেল । চোখ বুজিয়া ইয়াগর বলিয়া যাইতে লাগিল—একান্ত অনিচ্ছার সঙ্গে যত্ন ধীরে ধীরে ঘেন কুণ্ঠিত হয়ে

আমার কাছে আসছে। হাজার হোক, বড় ভাল লোক ছিলাম—
আমাকে নিয়ে যেতে মৃত্যুরও কুণ্ঠা হচ্ছে।

তাহার মাথায় হাত বুলাইতে বুলাইতে মা বলিলেন, কথা বলো না,
লক্ষ্মিটি ঘুমাও।

আচ্ছা তোমার কথাই শুনলাম।

তাহার পাশে বসিয়া কখন ক্লান্তিতে মা ঘুমাইয়া পড়িয়াছিলেন, একটা
কিসের শব্দে ঘুম ভাঙিয়া গেল। আগিয়া দেখেন দরজা খোলার শব্দ
হইতেছে। লুডমিলা ঘরে ঢুকিয়া ইয়াগরের কাছে আসিয়া তাহার গায়ে
হাত দিয়া অশ্রুট আর্দ্রনাদ করিয়া উঠিল, একি ?

ইয়াগর শাস্তকণ্ঠে বলিল, চুপ্ কর !

তারপর একবার জোরে হাঁ করিল, মাথাটা তুলিয়া হাতটা আগাইয়া
দিল। মা উঠিয়া হাতটা ধরিতে তাহার সমস্ত দেহ একবার জোরে
কাঁপিয়া উঠিয়া পড়িয়া গেল। অশ্রুট স্বরে সে শুধু বলিল, একটু হাওয়া !

ধীরে মাথাটি বেকিয়া কাঁধের উপর আসিয়া পড়িল। বিস্ফারিত
নিম্পলক চোখে ঘরের মূহ প্রদীপের ছায়া কাঁপিতেছিল। লুডমিলা ভাল
করিয়া তাহার সর্বাত্মক স্পর্শ করিয়া বলিয়া উঠিল - শেষ হয়ে গেছে।

হঠাৎ চলিতে চলিতে মাথায় সজোরে আঘাত করিলে লোকে যেমন
বসিয়া পড়ে লুডমিলা তেমনি অবশ হইয়া বসিয়া পড়িল। দুইহাত দিয়া
মুখ চাপিয়া ধরিয়া নিরুদ্ধ আবেগে সে গুমরাইয়া উঠিল।

ইয়াগরের অবশ হাত দুইটি তাহার বুকের উপর রাখিয়া মাথাটি বালিশে
নামাইয়া মা চোখের জল মুছিয়া লুডমিলার পাশে আসিয়া বসিলেন।
সন্মুখে তাহার মাথাটি বুকে টানিয়া লইয়া মাথায় হাত বুলাইতে লাগিলেন।

মাথা তুলিয়া মায়ের বুকে মুখ রাখিতে তাহার ঠোঁট দুইটি কাঁপিয়া
উঠিল।

—বহুদিন ধরে ওর সঙ্গে আমার পরিচয়। একসঙ্গে আমরা দুজনে
নির্ভীকসিত হয়েছিলাম। একসঙ্গে দুজনে পায়ে হেঁটে নির্ভীকসনে গিয়েছিলাম

—জ্যেলে একসঙ্গে বসে দুজনে দিনের পর দিন, রাতের পর রাত কাটিয়ে দিয়েছি।

চাঁৎকার করিয়া কাঁদিবার জ্ঞাত তাহার অন্তর ব্যাকুল হইয়া উঠিতেছিল। কিন্তু অশ্রুভরা সমস্ত আর্তনাদ কণ্ঠে আসিয়া শুষ্ক হইয়া যাইতেছিল। দুটি বিশাল চক্ষু আরও আয়ত হইয়াছে—কিন্তু তাহাতে অশ্রু নাই। চুপি চুপি মায়ের মুখের কাছে মুখ আগাইয়া লইয়া সে বলে, এমন সময় গিয়েছে, যখন সবাই ভেঙ্গে পড়েছে, বিরক্ত মনে হয়েছে—কিন্তু ওর অন্তরে ছিল অফুরন্ত আনন্দের ভাণ্ডার। হেসে, হাসিয়ে, ঠাট্টা করে একটা সত্যিকারের পুরুষ-মানুষের মত ও সমস্ত দুঃখ কষ্টকে ঢেকে রাখতে পারতো! দুর্বলকে জাগিয়ে, মাতিয়ে তুলতে পারতো। যেমন কোমল ছিল ওর অন্তর তেমনি সজাগ ছিল মন। সাইবেরিয়ার লোকে আলস্তে মরে যায়—সমস্ত জীবনের প্রতি একটি অতি কুৎসিত ভঙ্গী সেখানে আপনা থেকে জন্মায় কিন্তু ও অদ্ভুত উপায়ে সেখানে নিজেকে বাঁচিয়ে রেখেছিল। ওর নিজের জীবনে যথেষ্ট দুঃখ-কষ্ট, লাঞ্ছনা ছিল কিন্তু আমি জানি কোনও দিন কেউ ওর নিজের সম্বন্ধে একটা দুঃখের কথাও শোনে নি—কখনও না। আমিই তো সকলের চেয়ে ওর কাছে কাছে থাকতাম—কোনও দিন একটা কথাও শুনি নি। শরীর গিয়েছিল ভেঙ্গে, একান্ত পরিশ্রান্ত—কিন্তু কোনও দিন অহুঙ্কা, দয়া বা সেবা কিছুই কারুর কাছে প্রত্যাশা করে নি।

ধীরে ধীরে শয্যার ধারে গিয়া ইয়াগরকে একবার চুষন করিল। তাহার অঙ্গ স্পর্শ করিয়া নিরুদ্ধ কণ্ঠে বলিল, বন্ধু, বিদায়, সমস্ত জীবন তোমারই মত নিঃশব্দচিত্তে এই দায়িত্ব বহিবো—বিদায়!

হাটু নত করিয়া মৃতকে অভিবাदन জানাইয়া মা লুডমিলা'র হাত ধরিয়া বাহির হইয়া পড়িলেন। বারাণ্ডা পার হইয়া দেখিলেন, নীরবে লুডমিলা'র চক্ষু হইতে অশ্রুধারা গড়াইয়া পড়িতেছে।

পরের দিন যুতের শেষ-ক্রিয়ার আয়োজনে মা ব্যস্ত হইয়া পড়িলেন। সন্ধ্যাবেলা দুই ভাই-বোনে বসিয়া চা-খাইতে খাইতে ইয়াগর সম্বন্ধেই আলোচনা করিতেছিল, এমন সময় কোথা হইতে ঝড়ের মত শাশাঙ্কা আসিয়া উপস্থিত হইল। মুখ-চোখ তাহার আনন্দে উদ্ভাসিত, কপোল রক্তিম। কোথায় সে গম্ভীর, স্বল্প-বাক স্থির-দৃষ্টি নারী! তাহার বদলে অন্ধকারে অগ্নি-শিখার মত এ কোন তরুণী! কিসের এক বিপুল আশা যেন তাহার সমস্ত দেহ-মনকে আজ বদলাইয়া দিয়াছে।

আইভানোভিচ গম্ভীর ভাবে শাশাঙ্কার মুখের দিকে চাহিয়া টেবিলে আঙুল ঠুকিতে ঠুকিতে বলিয়া উঠিল, কি ব্যাপার, শাশা, আজ তোমাকে তো ঠিক তোমার মত দেখাচ্ছে না!

অকুণ্ঠ হান্তে শাশাঙ্কা বলিল, না দেখাতেও পারে!

সোফিয়া যুছু হাসিয়া জিজ্ঞাসা করিল, নতুন কিছু আশা পেইচিস্ না কি রে?

ঘাড় নাড়িয়া তেমনি স্মিতমুখে শাশাঙ্কা বলিয়া উঠিল, “সত্যি, ভাই পেয়েছি! সারারাত ধরে কাল নিকোলের সঙ্গে কথা বলেছি। কি জানি কেন আগে ওকে আমার ভাল লাগতো না! কিন্তু কাল ওর সঙ্গে কথা বলে দেখলাম—ওর সম্বন্ধে আমার সমস্ত ধারণা ভুল হয়েছিল। ও আজ নিজেকে খুঁজে পেয়েছে! যে-বন্ধুত্ব জীবনের গহনতম অন্ধকারে আলো জালিয়ে দেয়, কেমন করে ওর অশিক্ষিত মনে তার স্পর্শ এসে লেগেছে।”

আজ শাশাঙ্কার মুখের চেহারা, তাহার কথা বলিবার ভঙ্গী, তাহার এই উচ্ছ্বাস, মায়ের বড় ভাল লাগিতেছিল।

শাশাঙ্কা বলিতেছিল, দেখলুম জেলে যে-সব বন্ধুদের সে ফেলে রেখে এসেছে—তাদের চিন্তায় ও ডুবে আছে। জানো, আমাকে কি আশা দিয়েছে? জেল থেকে ওদের লুকিয়ে পালাবার বন্দোবস্ত করতে হবে! নিকোলে বলেছে, বিশেষ কিছুই হাঙ্গামা নেই—অনায়াসে হয়ে যাবে।

সোফিয়া মাথা তুলিয়া জিজ্ঞাসা করিল, কিন্তু তুই কি মনে করিস, শাশা ! জেল থেকে লুকিয়ে বার করে আনা কি সম্ভব হবে ?

মা চা পরিবেশন করিতেছিলেন। হঠাৎ তাহার সর্বাঙ্গ কাঁপিয়া উঠিল।

সোফিয়ার প্রশ্নে সহসা শাশাকার ভ্রু আবার পূর্ব্বকার মত সঙ্কুচিত হইয়া উঠিল। সেই আনন্দ-উদ্দীপ্ত মুখ সহসা আবার গম্ভীর হইয়া গেল। কিছুক্ষণ চুপ করিয়া থাকিয়া নিজের মধ্যে যেন সহসা হারাইয়া গিয়া গম্ভীর স্বরে শাশা বলিল, এ যে সম্ভব, এ সম্বন্ধে নিকোলের কিন্তু বিন্দুমাত্র সন্দেহ নেই। সে যা সব বলেছে, তা যদি সত্যি হয়, তা হলে আমাদের একবার চেষ্টা করে দেখা উচিত। এটা আমাদের কর্তব্য !

শেষের কথাগুলি এমন অস্বাভাবিক জোরের সঙ্গে সে বলিয়া ফেলিল যে কিসের এক গোপন লজ্জায় তাহার গণ্ড রক্তিম হইয়া উঠিল। লজ্জায় মাথা নীচু করিয়া চেয়ারে চুপ করিয়া বসিয়া রহিল।

মা ও তাহা লক্ষ্য করিয়া হাসিয়া ফেলিয়াছিলেন। মনে মনে বলিতেছিলেন, ওরে ছুটু মেয়ে।

সোফিয়া ও আইভানোভিচ বুঝিয়াছিল সহসা শাশাকার এই লজ্জার হেতু কি ! শাশাকার দিকে চাহিয়া তাহারাও সম্মুখে মুহূর্ত্ত হাসিয়া ফেলিল।

ধরা পড়িয়া যাওয়ার লজ্জা জোর করিয়া দূর করিবার জন্ত মাথা তুলিয়া গুরু কণ্ঠে শাশা বলিল, আমি জানি কেন তোমরা হাসছো ! তোমরা ভাবছো বোধ হয় যে, কোন ব্যক্তিগত কারণে আমার এ বিষয়ে এত আগ্রহ, না ?

শাশাকার কাছে উঠিয়া গিয়া কোমল কণ্ঠে সোফিয়া বলিল, বেশ তো তাতেই বা দোষ কি ?

উত্তেজিত, বিবর্ণ হইয়া শাশা বলিয়া উঠিল, কিন্তু তা সত্যি নয় ! তোমরা যদি এ বিষয়ে ভেবে দেখবার ভার নাও—আমি এই ব্যাপারে একদম থাকতে চাই না, থাকবোও না।

আইভানোভিচ বাধা দিয়া বলিল, থামো, শাশা।

নিজের অন্তর দিয়া মা শাশাঙ্কার অন্তর বুঝিয়াছিলেন। কাছে গিয়া আদর করিয়া তাহাকে বুকে টানিয়া লইয়া চুষন করিলেন। সোফিয়া শাশাঙ্কার পাশে গিয়া তাহার কাঁধে হাত রাখিয়া হাসিয়া বলিল, ক্ষান্ত হয়ে ভূই!

যেন তাহা স্বীকার করিয়া শাশাঙ্কা উত্তর দিল, অদ্ভুতই বটে। তবে ইদানীং কেমন বোকা হয়ে গিয়েছি। ছায়া আমার আদৌ ভাল লাগে না আর!

মুহূ তিরস্কার করিয়াই আইভানোভিচ বলিয়া উঠিল, খুব হয়েছে, থামো এখন! কাজের কথা আলোচনা করা যাক। যদি পালাবার বন্দোবস্ত করা সম্ভব হয়, তা হলে এ সম্বন্ধে কোনও দ্বিতীয় মত থাকতেই পারে না। কিন্তু সকলের আগে, আমাদের জানা উচিত যাদের জন্তে এ চেষ্টা হচ্ছে, তারা এ ব্যবস্থা চায় কিনা! ইতিমধ্যে একবার নিকোলের সঙ্গে আমার দেখা করাও দরকার।

শাশাঙ্কা বলিল, কাল আমি এসে জানিয়ে যাব, কোথায় কখন তার সঙ্গে দেখা হবে।

ঘরের মধ্যে পায়চারি করিতে করিতে সোফিয়া জিজ্ঞাসা করিল, সে এখন কি করবে ঠিক হয়েছে?

—একটা নতুন ছাপাখানায় কম্পোজিটারের চাকরীর জন্তে চেষ্টা করা হচ্ছে। যতক্ষণ তা না হয়, আমাদের শহরের ধারে সরকারী বনের মালীর ঘরেই ওর থাকার বন্দোবস্ত হয়েছে।

মা চায়ের বাসন পরিষ্কার করিতেছিলেন। আইভানোভিচ তাঁহার নিকটে গিয়া বলিল, পরশু দিন পাভেলের সঙ্গে আপনার দেখা করতে হবে এবং দেখা করবার সময়, আমি একখানা চিঠি দেবো—সেইটে তাকে দিয়ে আসতে হবে। তার মতামতটা নেওয়া দরকার! বুঝলেন?

মা তাড়াতাড়ি বলিয়া উঠিলেন, বুঝেছি, নিশ্চয়ই বুঝেছি! ও আমি অন্যায়সে পারবো! আমার তো ঐ কাজ!

জানালা দিয়া বাহিরের দিকে চাহিয়া শাশাঙ্কা বলিয়া উঠিল, আমি তাহলে এখন চলুম।

নৌরবে, সেই আগেকার মত গম্ভীর মুখে শাশাঙ্কা সকলের সহিত করমর্দন করিল। ধীরে গুরুপাদক্ষেপে শাশাঙ্কা চলিয়া গেল। বহু চেষ্টার ফলে তাহার ওই চোখ যাইবার সময় শুকুই ছিল।

তাহার বিদায়-পথের দিকে চাহিয়া সোফিয়া মাকে ডাকিয়া জিজ্ঞাসা করিল, এ রকম একটি বউ কেমন লাগে তোমার মা ?

কাঁদিয়া ফেলিবার মত হইয়া মা বলিলেন, একদিনও ওদের দুজনকে যদি এক সঙ্গে দেখে যেতে পারি !

পরের দিন সকাল বেলা হাসপাতালের দরজায় জনকয়েক লোক দাঁড়াইয়াছিল—তাহাদের বন্ধুর মৃত-দেহের প্রতি শেষ সম্মান দেখাইবার জন্য। গুপ্তচরেরা কান পাতিয়া চারিদিকে ঘুরিয়া বেড়াইতেছিল। রাস্তার অপর পারে কোমরে রিভলভার লইয়া একদল পুলিশ দাঁড়াইয়া সব লক্ষ্য করিতেছিল। দেখিতে দেখিতে হাসপাতালের দরজার সম্মুখে লোকের ভিড় জমিয়া উঠিতে লাগিল।

সেই জনতার মধ্যে মাও আসিয়াছিলেন। পরিচিত মুখগুলি খুঁজিয়া দেখিতেছিলেন এবং আপনার মনে ভাবিতেছিলেন—ওদের দল বলতে মাত্র এই ক’টা লোক !

এমন সময় হাসপাতালের দরজা খুলিয়া গেল। ফুলের মালা এবং লাল রিবনে মোড়া কফিন্ জনতার স্কন্ধে উঠিল। সমবেত সমস্ত লোক একত্র হইয়া সেই কফিন্কে ঘিরিয়া দাঁড়াইয়া মাথার টুপী খুলিয়া অভিবাদন করিল। সহসা সেই জনতা ভেদ করিয়া একজন দীর্ঘকায় পুলিশ পারিপার্শ্বিকতার দিকে বিন্দুমাত্র আক্ষেপ না করিয়া যেখানে শবাধার^১ ছিল, তাহারই দিকে আগাইয়া চলিল। পিছনে তাহার কয়েকজন সৈন্ত। শবাধারকে ঘিরিয়া ফেলিয়া তাহার গোল হইয়া দাঁড়াইল। পুলিশ অধি-

সারটা তীক্ষ্ণ গম্ভীর স্বরে আদেশ করিলেন, “রিবন সরিয়ে নেওয়া হক!”

সহসা এই আদেশে জনতা চঞ্চল হইয়া উঠিল। পুলিশ অফিসারটিকে ঘিরিয়া লোকে ভিড় করিতে লাগিল। ভিড়ের মধ্য হইতে একটি তরুণ কণ্ঠে কে বলিয়া উঠিল, নিপাত যাক 'এই অত্যাচারের পালা! কিন্তু গণ্ডগোলার মধ্যে তাহার সেই একটি প্রতিবাদের শব্দ কোথায় ডুবিয়া গেল।

রিবন সরাইয়া লওয়ার ছকুমে মায়ের মন ও সংস্কৃত হইয়া উঠিয়াছিল। তাহার পাশে একজন দরিদ্রবেশী যুবক দাঁড়াইয়াছিল। তাহাকেই ডাকিয়া মা বলিলেন, দেখো তো বাছা, এ কেমন অত্যাচার! বন্ধু মরলে নিজের মনের মতন করে কবর পর্য্যন্ত দেবারও উপায় নেই—এর মানে কি?

গণ্ডগোল চেষ্টামেচি উত্তরোত্তর বাড়িয়াই চলিল। জনতার মাথায় শব্দধার দোলার মত ঢুলিতেছিল। বাতাসে লাল সিন্ধের রিবনগুলির উড়িবার বিচিত্র শব্দ সেই গণ্ডগোলার উর্দ্ধে স্পষ্টতর হইয়া উঠিতেছিল।

পুলিশ এবং সৈন্যদের সঙ্গে আসন্ন সংঘর্ষের কথা ভাবিয়া মায়ের অন্তর ভয়ে কাঁপিয়া উঠিল। চলিতে চলিতে দুধারের লোককে ডাকিয়া তিনি বলেন, কাজ কি বাপু! রিবনগুলো খুলেই না হয় দাও না! তাছাড়া এখন আর কি করা যায়, বল না?

সহসা মা শুনিলেন একটি বলিষ্ঠ শব্দ সেই জনতার উর্দ্ধে জাগিয়া উঠিল—যাকে তোমরাই যজ্ঞা দিবে মেরে ফেলেছ, তার এই শেষযাত্রায় আমরা কোন রকম ভাবে যেন আর উত্থাপ্ত না হই—এই আমাদের দাবী।

মা শুনিলেন পুলিশ অফিসারটা ছকুম দিলেন, রিবনগুলো তলোয়ার দিয়ে ছিঁড়ে ফেলো! খাপ হইতে তলোয়ার খোলার শব্দে মা চক্ষু বুজিলেন তাহার আশঙ্কা হইতেছিল এখনি বুঝি সমস্ত জনতা গর্জন করিয়া উঠিবে। কিন্তু চক্ষু খুলিয়া দেখিলেন, গণ্ডগোল থামিয়া গিয়াছে, সকলে নীরব।

নিজদের বীর্যহীনতার এই প্রকাশ্য প্রমাণে মুহূর্তমান হইয়া মাথা নীচু করিয়া তাহারা আগাইয়া চলিল। সারা পথ ভরিয়া শুধু তাহাদের পদ-

ধ্বনির প্রতিধ্বনি জাগিয়া উঠিতে লাগিল। নীরবে তাহারা এই অপমান সহ করিল কিন্তু তাহার বিষ-জ্বালা নীরবে প্রতি অন্তরে ধূমায়মান হইতে লাগিল। 'ক্রমশ পদধ্বনি ঘেন এক সঙ্গে এক তালে আরও গম্ভীর ছন্দে ধ্বনিয়া উঠিল; মাথা নীচু করিয়া যাহারা চলিতেছিল, মাথা সোজা করিয়া তাহারা চলিতে লাগিল। সকলের চক্ষু যেন স্থির, নিষ্করণ হইয়া উঠিল।

যত বেলা বাড়িতে লাগিল, শীতের নিদারুণ হিম বাতাস ততই যেন তীব্র আবর্তময় হইয়া উঠিতে লাগিল। পথের ধূলায় কুণ্ডলী পাকাইয়া, চোখে মুখে চুলে উড়িয়া আসিয়া, ছেঁড়া জামার ভিতর দিয়া বুকে ঘা দিয়া এক নির্বাস্তব অন্ধকার আর আশঙ্কার আব-হাওয়ায় সমস্ত জনতাকে ছাইয়া ফেলিল।

ফুটপাথ ধরিয়া মা যাইতেছিলেন। সমস্ত ব্যাপারটাই মায়ের ভাল লাগিতেছিল না। পুরোহিত নাই—শোক-সঙ্গীত নাই—তাহার বদলে ক্রকুটি-কুটিল সব মুখ, গম্ভীর, নীরব। এ কি রকম শ্মশান-যাত্রা! তাঁহার মনে হইতেছিল, এই জনতা যেন কবর দিতে চলিয়াছে, ইয়াগরকে নয়, যেন কি একটা অগ্নি জিনিষকে, তাহার নাম তিনি জানেন না, তাহাকে তিনি আজও মন দিয়া ধরিতে পারেন নাই।

ক্রমশ জনতা গোরস্থানে আসিয়া পৌছিল। ভিতরে ঢুকিয়া একটা খোলা জায়গায় শবাধার নামান হইল। শবাধার নামানর সঙ্গে সঙ্গে পুলিশের লোক কবরের চারিদিকে সারি বান্ধিয়া দাঁড়াইল। অফিসারটী শব-বাহকদের একজনকে ডাকিয়া উঠে:স্বরে বলিলেন,—সমবেত ভদ্র-মহোদয় এবং ভদ্রমহিলাগণ! পুলিশের কর্তার আদেশ অনুযায়ী আপনাদের জানাইতে বাধ্য হইতেছি যে, কোনও বক্তৃতা এখানে হইতে পারিবে না।—

একজন যুবক আগাইয়া আসিয়া ধীরভাবে বলিল, আমি মাত্র গোটা দুয়েক কথা বলবো। বন্ধু সব! আমাদের এই পরলোকগত বন্ধু এবং নীকান্দাতার কবরে দাঁড়িয়ে, এস আমরা নীরবে এই ব্রত গ্রহণ করি, যেন তাঁর অন্তরের বাসনার কথা আমরা না ভুলি! যে পাপ—যে স্বেচ্ছাতিত্স

আমাদের আজ নিশ্চেষ্ট করে মেয়ে ফেলছে, এই কবরে দাঁড়িয়ে নীরবে শপথ কর, যেন তার কবর খুঁড়তে একদিনও না আমরা বিরাম দিই !

সহসা পুলিশ অফিসার চীৎকার করিয়া উঠিলেন, গ্রেপ্তার কর !

কিন্তু তাহার কথা সেই বিরাট জনতার চীৎকারের মধ্যে ডুবিয়া গেল। জনতা চীৎকার করিয়া উঠিল, নিপাত যাক জার-স্বৈচ্ছাতন্ত্র !

বক্তাটিকে ধরিবার জন্য অগ্রসর হইতে পুলিশ দেখে, তাহাকে সকলে ঘিরিয়া দাঁড়াইয়াছে।

ক্ষণিক ভয়ে মুহূমান হইয়া মা চক্ষু মুদ্রিত করিলেন। শুনিলেন, পুলিশের বাঁশী বাজিয়া উঠিল। চারিদিকে এলোমেলো চীৎকার, মেয়েদের আর্তনাদ ! তাহার মধ্য হইতে যুবকটির শাস্ত গম্ভীর কণ্ঠ শোনা গেল,— বন্ধুরা ! শাস্ত হও ! নিজেদের এর চেয়ে বেশী মৰ্য্যাদা দিতে শেখো। আমি বলছি, আমাকে যেতে দাও !

মা চক্ষু চাহিয়া দেখিলেন—দেখিলেন রোজালোকে ক্ষণে ক্ষণে বেয়নেট বালসিয়া উঠিতেছে।

দৃঢ়কণ্ঠে যুবকটি আবার চীৎকার করিয়া উঠিল, বন্ধুরা, অথবা শক্তি কয় কেন করছো ? ভুলে যাচ্ছে, এখন আমাদের ধারালো করে তুলতে হবে হাতের তলোয়ারকে নয়, আমাদের মগজকে !

বেড়া ভাজিয়া লাঠি করিয়া লইয়া জনতা পুলিশের বিরুদ্ধে দাঁড়াইয়াছিল—যুবকটির কথায় তাহার লাঠি নামাইল। মা আচ্ছন্নের মত ভিড় ঠেলিয়া আগাইয়া যাইতেই দেখিলেন, আইভানোভিচ দুই হাত দিয়া জনতা সরাইয়া চীৎকার করিয়া বলিতেছে,—তোমরা কি একেবারে বুদ্ধিভ্রষ্ট সব হারালে ? থামো !

ভাল করিয়া চাহিয়া দেখিতে দেখিলেন, তাহার একখানি হাত রক্তে লাল হইয়া গিয়াছে। উন্মাদের মত ঝাঁপাইয়া পড়িয়া মা চীৎকার করিয়া উঠিলেন, আইভানোভিচ, এখান থেকে সরে যাও !

—কোথায় যাচ্ছেন আপনি—এগোলেই আপনাকে মারবে।

মা সেইখানেই থামিয়া গেলেন। সোফিয়া আসিয়া মায়ের কাঁধে হাত দিয়া, তাঁহার দেহের ভার নিজের দেহের উপর লইল। তাহার আর একহাতে একটি কিশোর ছেলে, বিশেষ ভাবে আহত। হাত ছাড়াইয়া লইবার চেষ্টায় ছেলেটি বলিতেছে—আমাকে ছেড়ে দিন! আমার কিচ্ছু হয় নি!

মায়ের হাতে ছেলেটিকে দিয়া সোফিয়া বলিল,—এই ছেলেটিকে দেখুন দেখি! এই ক্রমাল দিয়ে ভাল করে ব্যাণ্ডেজ করে ওকে বাড়ী নিয়ে চলুন! এখানে আপনাকে দেখতে পেলেই গ্রেফতার করবে। শিগ্গির এখান থেকে চলে যান!

ছেলেটিকে সঙ্গে লইয়া মা গোরস্থান হইতে বাহির হইয়া একটা গাড়ী লইলেন।

আইভানকে লইয়া বাড়ী ফিরিয়া মা দেখিলেন সোফিয়ারা তাহার পুরেই বাড়ী আসিয়া পৌছিয়াছে। সঙ্গে তাহাদের দলের ডাক্তারকেও লইয়া আসিয়াছে।

ডাক্তার আইভানের ক্ষতস্থান ধুইয়া দিয়া ওষুধ লাগাইয়া সেইখানেই তাহাকে সেদিনের মত শোয়াইয়া রাখিল। মায়ের সর্বোচ্চ রক্তের দাগে ভরিয়া গিয়াছিল। পোষাক পরিবর্তন করিতে করিতে তিনি শুনিতেছিলেন সোফিয়ারা কথা বলিতেছে। লক্ষ্য করিলেন অদ্ভুত প্রশান্তভাবে তাহারা কথা বলিতেছে, কাজ করিতেছে যেন এমন বিশেষ কিছুই ঘটে নাই। সেই ভয়াবহ ঘটনার কয়েক মুহূর্ত পরেই তাহারা আবার আশ্রয় হইয়া গিয়াছে। সূতোর আছরানে যে-কোনও ভয়াবহ কাজ অনায়াসে সম্পন্ন করিতে তাহারা সর্বদাই নিজেদের প্রস্তুত এবং প্রশান্ত রাখিতে পারে। তাহাদের অন্তরের এই শক্তির কথা ভাবিতে ভাবিতে মা নিজের অন্তরে এক নূতন সাহস পাইলেন।

পোষাক বদলাইয়া সোফিয়ার সঙ্গে বসিবার ঘরে আসিয়া দেখেন,

গোরস্থানের সেই ঘটনা লইয়া আর তাহারা আলোচনা করিতেছে না।
 বেন তাহা অতীতে, দূরে চলিয়া গিয়াছে। কাল সকালে কি নূতন কর্তব্য
 পড়িয়া রহিয়াছে তাহারই আলোচনা হইতেছে। মুখে তাহাদের ক্লাস্তির
 চিহ্ন কিন্তু চিন্তায় অবসাদের বিক্ষুব্ধ লক্ষণ নাই।

তাহারা নিজেদের কাজের সমালোচনাই করিতেছিল। আইভানোভিচ
 চিন্তিতভাবে বলিতেছিল—প্রত্যেক জায়গা থেকে আজকাল খবর আসছে
 যে, বই-পত্র পাঠাও! এতে আর চলে না! কিন্তু আজও পর্যন্ত আমরা
 একটা ভালো প্রেস দখলে আনতে পারলাম না। লুভমিলা একা খেটে
 খেটে মারা যেতে বসেছে। তাকে সাহায্য করবার একজন লোক না দিতে
 পারলে শিগ্গিরই শুনবো যে সেও বিছানা নিয়েছে।

সোফিয়া নিকোলের কথা তুলিল। তাহার উত্তরে আইভানোভিচ
 বলিল, ওকে এখন শহরে রাখলে চলবে না। নতুন ছাপাখানায় ও একবার
 ঘুরে আসুক। সেখানে ও ছাড়া আর একজন লোকের দরকার।

শান্তকণ্ঠে মা বলিলেন, আমাকে দিয়ে সে কাজ চলবে না?

মায়ের দিকে সম্মুখে চাহিয়া সে বলিল, আপনার পক্ষে সে ভয়ানক
 কষ্টকর হবে। শহরের বাইরে আপনাকে থাকতে হবে—পাভেলের সঙ্গে
 দেখাশোনা করা তখন আর চলবে না—

দীর্ঘশ্বাস ফেলিয়া মা বলিলেন, পাভেলের দিক দিয়ে অবশ্য সেটা খুব
 ক্ষতিকর কিছু হবে না। আর আমার পক্ষে জেলে গিয়ে তার সঙ্গে দেখা
 করা এক যন্ত্রনাদায়ক ব্যাপার হয়ে উঠেছে। কোন কথা বলতে পারবো
 না। বোকার মতন নিজের ছেলের সামনে চুপ করে খানিকক্ষণ দাঁড়িয়ে
 থেকে আবার চলে আসা!

কিছুক্ষণ মায়ের দিকে একদৃষ্টে চাহিয়া থাকিয়া আইভানোভিচ কি
 কাজ করিতে হইবে তাহা মাকে বুঝাইয়া বলিলেন, মোটের উপর নতুন
 ছাপাখানায় যারা কাজ করবে, তাদের দেখাশোনার ভার আপনার
 ওপর থাকবে!

মা হাসিয়া বলিলেন, বুঝেছি সব। আমাকে তাদের সকলের রান্না করতে হবে। সে আমি কেন পারবো না?

বিগত কয়েক দিনের ঘটনা মাকে ক্লান্ত করিয়া ফেলিয়াছিল। শহরের বাহিরে অশ্রু কোথাও থাকিবার নূতনত্ব মায়ের ভাল লাগিতেছিল। তাই মা জেদ ধরিয়া বসিলেন—তিনি সেখানে যাইবেনই।

কথার মোড় ফিরাইবার জগু আইভানোভিচ ডাক্তারকে ডাকিয়া জিজ্ঞাসা করিল, কি ডাক্তার, তোমার রোগীর কথা ভাবছো নাকি?

গম্ভীর ভাবে ঘাড় নাড়িয়া ডাক্তার বলিল, না আমি ভাবছি, আমরা এত অল্প! পাভেল আর আন্দ্রিকে বুঝিয়ে জেল থেকে লুকিয়ে বার করতেই হবে। ওদের মতন দুজন দরকারী লোক জেলের ভেতর চুপ করে বসে থাকলে একদম চলবে না!

আইভানোভিচ চোখ নীচু করিয়া ঘাড় নাড়িয়া মায়ের দিকে চাহিলেন। তাঁহার সামনে তাঁহার ছেলে সম্বন্ধে আলোচনা করিতে তাহার কুণ্ঠাবোধ করিতেছে মনে করিয়া মা সে ঘর হইতে উঠিয়া গেলেন।

পরের দিন দ্বিপ্রহরে জেলের দেখা-করিবার ঘরে মা বসিয়া আছেন। সামনে তাঁহার পুত্র পাভেল। হাতের মধ্যে সঙ্কোপনে আইভানোভিচের লেখা পত্র। কোন্ ফাঁকে তাহা পাভেলের হাতে দিবেন সেই দিকে লক্ষ্য করিয়া আছেন।

—আমি এখন বেশ ভাল আছি। তুমি ভাল আছ তো মা?

—এই একরকম কেটে যাচ্ছে। আহা! ইয়াগর মারা গেল সেদিন!

বিস্মিত হইয়া পাভেল বলিয়া উঠিল, সত্যি?

বোকা সরল মেয়েমানুষের মত মা বলিতে লাগিলেন, কবর দেবার সময় পুলিশের সঙ্গে হলো মারামারি, একজন লোক ধরাও পড়লো—

সামনে চেয়ারে জেলের সহকারী ওভারসিয়ার বসিয়াছিলেন। হঠাৎ চেয়ার হইতে লাফাইয়া উঠিয়া ধমকাইয়া উঠিলেন—

—ওকি ! ওসব কি কথা ! বাদ দাও, বাদ দাও ওসব কথা !
বোঝো না, রাজনীতি সম্বন্ধে কোন কথা বলবার এখানে আইন নাই !

মা চেয়ার হইতে উঠিয়া দাঁড়াইয়া কিছুই যেন বুঝিতে পারেন নাই,
এমন ভাবে বলিয়া উঠিলেন, তা বাবা রাজনীতির কথা তো আমি কিছুই
বলি নি। আমি বলছিলাম একটা মারামারি হয়েছিল সেই সেদিন,
তারই কথা ! একজনের মাথাও ফাটিয়ে দিয়েছিল—

—হয়েছে, হয়েছে, থামো। তোমার ঘর-সংসারের কথা ছাড়া আর
কোনো কথা তুলতে পারবে না !

কথাগুলো বলিয়া যেই পিছন ফিরিয়া চেয়ারে বসিতে যাইবে অমনি
মা পাভেলের হাতে পত্রটি গুঁজিয়া দিলেন। একটা স্বস্তির নিঃশ্বাস
ফেলিয়া মা বাঁচিলেন। কিছুক্ষণ চুপ করিয়া থাকিবার পর মা বলিয়া
উঠিলেন, কি কথা বলবো তাতো বুঝতে পারছি না আর !

পাভেল হাসিয়া ফেলিল। বলিল, আমিও জানি না কি কথা
বলবো !

ওভারসিয়ারটি চেষ্টাইয়া উঠিল, তবে ঝাকামো করে দেখা করতে
আসা কেন ? যত কর্ম-ভোগ !

কিছুক্ষণ ধরিয়া তাহারা তাহাদের উভয়ের কাছে একান্ত নিশ্চয়োজনীয়
কথা বলিতে লাগিল। পাভেলের দিকে চাহিয়া মায়ের বড় ইচ্ছা হইতেছিল
কোনও রকমে নিকোলের কথা তাহাকে যদি জানাইয়া যাইতে পারেন।
পাভেল নিশ্চয়ই নিকোলের খবর জানিবার জন্য উৎসুক হইয়া আছে।

অনেকক্ষণ চিন্তা করিবার পর মা বলিয়া উঠিলেন, তোমার ধর্ম-
পুস্তকের সঙ্গে হঠাৎ দেখা হয়ে গেল !

পাভেল নীরব বিশ্বয়ে মায়ের চোখের দিকে চাহিয়া রহিলেন। মা
মুখে আঙুল দিয়া নিকোলের মুখের বসন্তের দাগের কথা ইঙ্গিতে স্মরণ
করাইয়া দিলেন।

—সে বেশ ভালই আছে। কোন রকম বিপদ-আপদ হয় নি।

তোমার মনে আছে—কাজ, কাজ করে সে কি পাগলামীই না করতো, একটা কাজও তার জোটবার সম্ভাবনা হয়েছে !

.পাভেল সমস্তই বুঝিল। আনন্দে ও কৃতজ্ঞতায় মাথা নত করিয়া সে মাকে অভিবাদন করিল। হাসিয়া বলিল, ও, তার কথা আমার আজকাল প্রায়ই মনে হয়।

বাড়ীতে আসিয়াই দেখেন শাশাঙ্কা বসিয়া আছে। যেদিন মা পাভেলের সঙ্গে দেখা করিতে যাইতেন ঠিক সেই দিন শাশাঙ্কা এখানে আসিত।

—কেমন দেখে এলেন ?

—সে বেশ ভালই আছে !

—চিঠিটা দিতে পেরেছিলেন ?

—নিশ্চয়ই ! রীতিমত কায়দা করে তার হাতে গুঁজে দিয়েছি !

—পড়লো নাকি ?

—আচ্ছাই বোকা ! সেখানে পড়বে কি করে ?

—ও ! তাও তো বটে ! আমি ভুলেই গিয়েছিলাম। . আচ্ছা, এখন এক হপ্তা অপেক্ষা করা যাক ! আপনার কি মনে হয় সে এতে রাজী হবে ?

—কি জানি ! মনে হয় রাজী হবে। রাজী না হবার কারণ কি থাকতে পারে ?

অল্প কথা পাড়িয়া শাশাঙ্কা বলিল, ছেলেটি কিছু খেতে চেয়েছিল, ঘরে —মা তাড়াতাড়ি রান্নাঘরের দিকে চলিতেই শাশাঙ্কা ডাকিল—শুন্নন,—সহসা তাহার আঁখি-পল্লবের তলায় ছায়া ঘনাইয়া আসিল। ঠোট দুইটি কাঁপিয়া উঠিল। তাড়াতাড়ি কম্পিত-কণ্ঠে মায়ের হাত ধরিয়া সে বলিয়া উঠিল, আমি জানি সে রাজী হবে না কিন্তু আপনার পায়ে পড়ি কোন রকম করে তাকে বোঝান ! বলবেন আমাদের কাজের জন্তে তাকে চাই-ই। তাকে না হলে চলবে না ! আর, আমার মনে হয় জেলে তার ভয়ানক কি একটা অস্থখ হয়ত হবে—

শাশাঙ্কার কথা বলিতে কষ্ট হইতেছিল। তাহার নিঃশ্বাস যেন আটকাইয়া আসিতেছিল। সহসা তাহার এই উচ্ছ্বাসে মা উদ্ভিগ্ন হইয়া উঠিলেন। বুকে টানিয়া লইয়া তাহাকে জড়াইয়া ধরিয়া বলিলেন, জানিস্ তো মা, সে তার নিজের কথা ছাড়া আর কারুর কথা শোনে না—

আলিঙ্গন-বদ্ধ অবস্থায় তাহারা উভয়ে কিছুক্ষণ নীরব হইয়া রহিল। তারপর অতি সন্তুর্পণে তাহার কাঁধ হইতে মায়ের হাতটী নামাইয়া দিয়া আত্মস্থ হইবার চেষ্টা করিয়া শাশা বলিল, তা ঠিক! আমাদের এ রকম বোকার মত লাফালাফি ঝাঁপাঝাঁপি করা ঠিক নয়! শুধু মাথা গরম করা! সে যাক, এখন ছেলোটিকে কিছু খেতে দেওয়া দরকার!

মা খাবার লইয়া আইভানের পাশে গিয়া বসিলেন। সম্মুখে জিজ্ঞাসা করিলেন, মাথার যন্ত্রণা কি এখনও সেই রকম আছে?

—ব্যথা বেশী নেই। তবে মনে হচ্ছে যেন সব গুলিয়ে গিয়েছে। দুর্বল লাগছে।

শাশাঙ্কাকে দেখিয়া আইভানের সঙ্কোচ বোধ হইতেছিল। তাহার সামনে সে থাইতে পারিতেছিল না—ইহা লক্ষ্য করিয়া শাশাঙ্কা ধীরে উঠিয়া বাহির হইয়া গেল। বিছানার উপর উঠিয়া বসিয়া যে-পথ দিয়া সে চলিয়া গেল তাহার দিকে একদৃষ্টিতে চাহিয়া থাকিয়া সে আপনার মনে বলিয়া উঠিল, স্থল্লর!

তাহার দিকে চাহিয়া মা জিজ্ঞাসা করিলেন, তোমার বয়স কত, বাছা?

—সতেরো!

—তোমার বাপ মা কোথায় থাকেন?

গ্রামে। আমার যখন দশ বছর বয়স তখন আমি এখানে আসি। কমরেড, আপনার নাম কি জানতে পারি?

যখন কেহ তাঁহাকে কমরেড বলিয়া ডাকিত তখন তাঁহার মুখে সহসা হাসি ফুটিয়া উঠিত, মন ছুলিয়া উঠিত!

—আমার নাম জেনে তোমার কি হবে?

একটু লজ্জিত হইয়া কিছুক্ষণ চুপ করিয়া থাকিবার পর সে বলিল,—
কেন জিজ্ঞাসা করছিলাম জানেন—আমাদের দলের একজন বন্ধু, সেই
আমাদের সমস্ত বইটাই পড়ে শোনাতে—সে প্রায়ই পাভেলের মায়ের
সম্বন্ধে গল্প করতো—পয়লা মে'র সমস্ত ঘটনা তার কাছ থেকেই শুনি—

হাতে চামচেটা উচু করিয়া ধরিয়া সে বলিল, আমরা এখানে আমাদের
ব্যাপার নিয়ে ব্যস্ত ছিলাম—তাদের ওখানে যেতে পারিনি! কিন্তু
আমি শুনলুম যে সেদিন তিনিও বেরিয়ে পড়েছিলেন—আমি সঠিক খবর
জানি! আপনি বিশ্বাস করুন! সবাই বলে, সেই বুড়ি এক অদ্ভুত নারী!

মায়ের সমস্ত মুখ আনন্দে উদ্ভাসিত হইয়া উঠিতেছিল। বালকের সেই
উচ্ছ্বসিত প্রশংসা শুনিতে তাঁহার ভালই লাগিতেছিল কিন্তু অসোয়াস্তি
বোধ হইতেছিল। আত্ম-প্রকাশ না করিবার চেষ্টা তাঁহাকে আরও বিপন্ন
করিয়া তুলিতেছিল।

—ওকি, কিছু রেখে না—খেয়ে নাও সব! বেশী করে খাও দেখি
—কালই আবার দলে গিয়ে সকলের সঙ্গে চলবার শক্তি পাবে।

সহসা মা উত্তেজিত হইয়া তাহার দিকে ঝুঁকিয়া বলিয়া উঠিলেন,
তোমাদের মত নবীন সবল বাহু, তোমাদের মত স্বচ্ছ পবিত্র হৃদয়,
এই আন্দোলন এই সব শক্তির ওপর নির্ভর করছে! যা কিছু পাপ
যা কিছু নীচু, হয় তা থেকে এই সব জিনিষই তো তোমাদের দূরে
রেখেছে।

এমন সময় সহসা বাহির হইতে দরজা খুলিয়া হাসিতে হাসিতে
সোফিয়া ঘরে ঢুকিল। খোলা দরজা দিয়া এক বালক হেমন্তের হিম-বায়ু
সেই সঙ্গে ঘরে ঢুকিয়া পড়িল।

হিমে সোফিয়ার মুখের রক্ত যেন জমিয়া গিয়াছিল। হাসিয়া সে
বলিয়া উঠিল, বড়লোক বোএর দিকে বর যেমন করে প্রথম প্রথম দৃষ্টি
রাখে, গুপ্তচররা আমাকে ঠিক সেই রকম নজরে রেখেছে। এখানে
আর থাকা চলো না।

সন্ধ্যাবেলা চা পান করিবার সময় সোফিয়া মাকে ডাকিয়া বলিল, আবার সেই গ্রামে বই নিয়ে যেতে হবে। লুডমিলা এরি মধ্যে আরও তিনশো বই ছেপে ফেলেছে—মরবে, ওটা খেটে খেটে মরবে।

—যেতে তো সূর্যদাই প্রস্তুত! কখন যেতে হবে?

—যদি কালই যেতে পারেন তো ভাল হয়। কিন্তু কথা হচ্ছে, সেবারে যে পথ দিয়ে গিয়েছিলেন এবারে সে-পথ দিয়ে আর যাবেন না। নিকোলস্ক হয়ে ঘোড়ায় চড়ে আপনাকে যেতে হবে। পথে তিনবার আপনাকে ঘোড়া বদলাতে হবে।

—তা না হয় হলো। কিন্তু তিনবার ঘোড়া বদলানো তো সহজ ব্যাপার নয়! খরচ হবে যে বিস্তর!

—খরচ বাড়ানোর পক্ষপাতী আমি আদৌ নই। তবে সেখানকার ব্যাপার মোটেই সুবিধের নয়। ধরপাকড় সেখানে আরম্ভ হয়ে গিয়েছে। রাইবিন বোধ হয়—বোধ হয় কেন নিশ্চয়ই গা-ঢাকা দিয়েছে। সেখানে যেতে ভয় করবে না তো আপনার?

এই প্রশ্নে মা লজ্জিত এবং অপমানিত বোধ করিলেন। ক্ষুব্ধ কণ্ঠে তিনি বলিলেন, আমাকে কবে তোমরা ভীত দেখেছ? প্রথম দিন থেকেই আমার অন্তরে আমার জন্তে কোন ভয় ছিল না। আমার ভয় পায় কি না পায়, সে কথা জিজ্ঞেস করে কোন লাভ নেই। কিসের জন্তে আমার ভয় পাবে? তারাই ভয় পায়—যাদের আগলে নিয়ে বসে থাকবার কিছু আছে। আমার কি আছে? শুধু একটি ছেলে। তারই জন্তে আগে ভয় হতো, শঙ্কিত হয়ে উঠতাম। মনে হতো সে কি যন্ত্রণাই না ভোগ করবে। যন্ত্রণা যদি সে না ভোগ করে—তবে আমার আর কিসের ভয়?

মায়ের কণ্ঠস্বরে সোফিয়া লজ্জিত হইল। অহুনের কণ্ঠে সে জিজ্ঞাসা করিল, আপনি রাগ করলেন।

—না রাগ করিনি। তবে একটা কথা তোমাদের বলি—তোমরা

নিজেদের মধ্যে কাউকে এরকম ক্রে আর জিজ্ঞাসা করো না—ভয় পাচ্ছি না।

সোফিয়া অপরাধীর মত চেয়ার হইতে উঠিয়া মায়ের হাত ধরিয়া বলিল, দেখুন, আর কোন দিন এ অপরাধ করবো না। আমাকে ক্ষমা করুন।

মা আদরে সোফিয়াকে বুকে টানিয়া লইলেন। পরের দিনের যাত্রার আয়োজনের ব্যাপার লইয়া তিনজনে পরামর্শ করিতে বসিয়া গেল।

পরের দিন প্রত্যুষে একটি গাড়ী ভাড়া করিয়া মা নিকোলস্ গ্রামের অভিমুখে যাত্রা করিলেন। সেখানে পৌছাইতে অপরাহ্ন হইয়া গেল।

গাড়ী বিদায় করিয়া গ্রামের সরাইখানায় আশ্রয় গ্রহণ করিলেন। চা আনিতে বলিয়া তিনি সরাইখানার জানালার কাছে আসিয়া দাঁড়াইলেন। জানালার সামনেই খোলা মাঠ। মাঠের ধারেই একটি বাড়ী। জিজ্ঞাসা করিয়া জানিলেন যে, সেটি গ্রামের টাউন হল।

হঠাৎ বাহিরের দিকে চাহিয়া থাকিতে থাকিতে কোথা হইতে একটা কলরব ভাসিয়া আসিল। দেখেন, মাঠের মধ্য দিয়া গ্রামের পুলিশ সার্জেন্ট জোরে ঘোড়ায় চড়িয়া চলিয়াছেন। অদূরে একদল লোক জটলা করিয়া শব্দ করিতে করিতে আসিতেছে।

একটি ছোট মেয়ে আসিয়া মাকে চা দিয়া অভিবাদন জানাইল। টেবিলে ডিস্ কাপগুলি রাখিয়া বালিকাটি বলিয়া উঠিল, একটা চোর এইমাত্র ধরা পড়েছে। এই দিকেই চোরটাকে নিয়ে আসছে!

—চোর? কি রকম চোর?

—তা আমি কি জানি!

—সে করেছিল কি?

—তাও আমি কি ক'রে বলবো, বাঃ! আমি শুন্‌লুম ওরা বলাবলি করছে যে, একটা চোর ধরা পড়েছে। আমাদের চৌকিদার ছুটে বলে গেল—সে ব্যাটা ধরা পড়েছে।

জানালার বাহিরে মা দেখিলেন ক্রমশ লোকের ভিড় বাড়িতেছে। সকলেই টাউন হলের দিকে চলিয়াছে। তাকাতাড়ি চা শেষ করিয়া কৌতূহল বশত মাও টাউন হলের দিকে অগ্রসর হইলেন।

যখন টাউন হলের সিড়ির কাছ পর্য্যন্ত আসিয়াছেন, তখন সহসা তাঁহার মনে হইল যেন তাঁহার হাত পা সমস্ত অবশ হইয়া গিয়াছে। নিশ্বাস বোধ হয় আর পড়িতেছে না। দেখিলেন, পিছ-মোড়া করিয়া হাত বাঁধিয়া পুলিশের লোকে রাইবিনকেই ধরিয়া আনিতেছে।

বহু কষ্টে আশ্বসংবরণ করিবার চেষ্টা করিয়া মা সোজা হইয়া দাঁড়াইলেন। রাইবিনের আসার পথে দাঁড়াইয়া তাহার দিকে এক দৃষ্টিতে চাহিয়া রহিলেন। রাইবিন ঠোট নাড়িয়া কি যেন বলিয়া গেল। শব্দগুলি কানে আসিল, কিন্তু তাহার অর্থ মস্তিষ্কের শূণ্য অঙ্ককারের মধ্যে কোথায় রহিয়া গেল।

কোনও রকমে অন্তরের শঙ্কা লুকাইয়া রাখিয়া মা পাশের একজন কৃষককে জিজ্ঞাসা করিলেন, কি হয়েছে কি?

লোকটি বিরক্ত হইয়াই বলিয়া উঠিল, যা হচ্ছে দেখতেই পাচ্ছ! বলিয়াই লোকটি চলিয়া গেল।

ভিড়ের মধ্য হইতে একটি স্ত্রীলোক চোচাইয়া উঠিল, ও বাবা! চোরটার চেহারা কি ভয়ানক। উঃ।

সহসা রাইবিনের গম্ভীর কণ্ঠ শোনা গেল—তোমরা—শোন—আমি চোর নই! আমি চুরি করি না! আমি পরের জিনিষে আগুন জালিয়ে দিই না। আমার অপরাধ, আমি অত্যাচারের প্রতিবাদ করেছিলাম—তাই এরা আমাকে ধরে নিয়ে এসেছে। যে-সমস্ত বইএ তোমাদের মত কৃষকের জীবনের সমস্ত সত্য কথা লেখা থাকে—সে সব বইয়ের জন্তেই আজ আমার হাত এই রকম করে বাঁধা। আমিই গ্রামে গ্রামে সেই সব বই বিলি করে বেড়িয়েছি।

রাইবিনকে ধরিয়া জনতা আরও সম্ভব হইল। তাহার ভয়লেশহীন

কণ্ঠস্বর মায়ের দুর্বলতাকে দূর করিয়া দিল। জনতার প্রত্যেকের মুখের দিকে মা ভাল করিয়া চাহিয়া দেখিলেন। স্পষ্ট দেখিলেন, তাহারা সকলেই শঙ্কিত, সন্দিগ্ধ !

সহসা আবার রাইবিনের কণ্ঠস্বর শোনা গেল। সে বলিতেছে— তোমাদের মত আমিও একজন কৃষক। আমার কথা বিশ্বাস কর—এই সমস্ত বইয়ে যে-সব কথা লেখা থাকে তার প্রত্যেকটি অক্ষর সত্যি ! আর জেনো—সেই সত্য প্রচারের জগ্ন হইতে আমাকে জীবন দিতে হলো। ওরা আমাকে ধরে নিয়ে গিয়ে মেরেছে—নির্মম নির্দয় ভাবে এবং আরও মারবে—যতক্ষণ না জানতে পারবে কোথা থেকে আমি সেই সব বই সংগ্রহ করেছি। কিন্তু আমার কথা মনে রেখো—মনে রেখো, দুবেলার ছটুকরা ঋটি সংগ্রহ করার চেয়ে সত্যকে বোঝা ঢের বেশী দরকারী।

জনতার মধ্য হইতে একজন শঙ্কিত কণ্ঠে বলিয়া উঠিলেন, এ লোকটা বলে কি ?

আর একজন তাহার উত্তরে বলিল, ওর আর ভয় কি ? দুবার তো আর মরবে না ?

জনতার উর্দ্ধে সহসা সার্জেণ্টের মুক্তি দেখা দিল। তিনি কমিশনারকে খবর দিতে গিয়াছিলেন। তাহাকে দেখিয়া জনতা সরিয়া দাঁড়াইল। টাউন হলের কয়েক ধাপ সিঁড়ির উপর উঠিয়া তিনি গর্জন করিয়া উঠিলেন—এখানে এত ভিড় কিসের ? কি বকছে এই লোকটা ?

সিঁড়ির নীচের ধাপে রাইবিন দাঁড়াইয়াছিল। নামিয়া আসিয়া সার্জেণ্টটা চুলের মুঠি ধরিয়া তাহাকে মাটিতে ফেলিয়া গর্জন করিয়া উঠিল, তুই কি বলছিলি, পাজী বদমায়েস ?

জনতা একেবারে নীরব হইয়া গেল। হুঃখে, মা মাথা নত করিয়া রহিলেন। শুনিলেন, তবুও রাইবিন চৈতাইতেছে।

—দেখ, তোমরা সবাই দেখ—যা বলছিলাম তা সত্যি কিনা !

—চুপ কর :—বলিয়া সার্জেণ্টটা সজোরে রাইবিনের মুখে আঘাত

করিল। রাইবিন ঘুরিয়া পড়িল তবুও সে বলিয়া উঠিল, হাত বেঁধে রেখে ওরা এই রকমভাবে নির্ধ্যাতন করে !

ক্ষিপ্ত হইয়া সার্জেন্টটী রাইবিনের সর্বাক্ষে আঘাত করিতে লাগিল।

জনতার মধ্য হইতে একজন বলিয়া উঠিল—ওরকম করে মারবার কি দরকার ?

আর একজন বলিয়া উঠিল—মেরোনা, মেরোনা ওকে !

কমিশনারের আসিতে দেবী দেখিয়া সার্জেন্টটী তাঁহাকে ডাকিয়া আনিবার জন্ত চলিয়া গেল। সে চলিয়া গেলে জনতা সমস্তরে চীৎকার করিয়া উঠিল, ওর হাত খুলে দাও !

চৌকীদাররা বিপন্ন হইয়া পড়িল। অনবরত তাহারা চীৎকার করিতে লাগিল, হাত খুলে দাও ওর !

রাইবিন সক্রতজ্ঞ দৃষ্টিতে জনতার দিকে চাহিয়া বলিল, আমার হাত খুলে দাও, আমি পালাব না, কার কাছ থেকে পালাব ? আমার সত্য আমার অন্তরে রয়েছে—তা থেকে আমি কোথায় পালাবো ?

জনতার উপযু্যপরি চীৎকারে চৌকীদার রাইবিনের হাত খুলিয়া দিল।

এমন সময় পুলিশ কমিশনার আসিয়া উপস্থিত হইলেন। গম্ভীরভাবে রাইবিনের সম্মুখে দাঁড়াইয়া দৃষ্টি দিয়া তাহার আপাদ-মস্তক মাপিয়া লইয়া রক্ষস্বরে জিজ্ঞাসা করিলেন—ব্যাপার কি ? লোকটার হাত খোলা কেন ? একজন চৌকীদার কুণ্ঠিতস্বরে উত্তর দিল, হাত বাঁধাই ছিল, তবে লোকেরা বড় গোলমাল করছিল—ওর হাত খুলে দিতে বলছিল—

ঘুরিয়া জনতার দিকে দৃষ্টি নিক্ষেপ করিয়া চীৎকার করিয়া উঠিল, লোকে ! লোকে কে ? বাঁধ ওর হাত !

তারপর নিজের কটীবদ্ধ অসিতে হাত রাখিয়া গম্ভীর ভাবে আদেশ দিলেন, দূর করে দাও কুকুরদের !

পুলিশের লোকেরা রাইবিনের হাত বাঁধবার জন্ত অগ্রসর হইল।

রাইবিন বাধা দিল। বলিয়া উঠিল, আমি পালাচ্ছি না—তোমাদের সঙ্গে মারামারিও করতে চাই না। কেন আমার হাত বাঁধছ—

পুলিশ কমিশনার অগ্রসর হইয়া রাইবিনকে সজোরে আঘাত করিল। রাইবিন চীৎকার করিয়া উঠিল, ঘুষি মেরে সত্যকে মেরে ফেলতে পারবে না তোমরা!

আবার আঘাত! রাইবিন কুৎসিত গালাগাল দিয়া উঠিল। রাগে উন্মাদ হইয়া কমিশনার ঘুষি মারিবার জন্ত অগ্রসর হইতে রাইবিন মাথা নীচু করিয়া লইল। লক্ষ্য ভ্রষ্ট হইয়া কমিশনার ঘুরিয়া পড়িয়া গেল। জনতার মধ্য হইতে একটা চাপা হাসি আর উল্লাসের রোল উঠিল।

ক্রমশ উদাস জনতা উদ্বেল হইয়া উঠিতে লাগিল। চোখের সম্মুখে সেই অত্যাচারে তাহারাও উত্তেজিত হইয়া উঠিতে লাগিল! একজন অগ্রসর হইয়া বলিতে লাগিল, হজুর, ও অপরাধ করে থাকে, ওকে ধরে নিয়ে গিয়ে বিচার করুন। এরকম ভাবে মারবেন না!

জনতার মধ্য হইতে বহুকণ্ঠে চীৎকার ধনিয়া উঠিল, দোহাই হজুর, মারবেন না!

রাইবিন হাত দিয়া মুখের রক্ত সরাইয়া সোজা হইয়া দাঁড়াইতেই মায়ের চোখের উপর তাহার চোখ পড়িল।

মা ভাবিতে লাগিলেন, আমাকে কি চিন্তে পারলো?

মা তাহার দিকে চাহিয়া ঘাড় নাড়িলেন। কিন্তু ফিরিতেই দেখিলেন একজন লোক তাহার দিকে স্থির-দৃষ্টিতে চাহিয়া আছে। সহসা তিনি আপনাকে সামলাইয়া লইলেন।

একজন কৃষক রাইবিনের কানে কানে কি বলিল। তাহার উত্তরে রাইবিন বলিয়া উঠিল, দুঃখ কিসের ভাই? জগতে আমি তো 'আর একলা নই! আজ আমি যেখানে আছি, কাল হয় ত আমি সেখানে আর থাকবো না কিন্তু সেইখানে থাকবে আমার স্মৃতি। আমার স্মৃতির মধ্যে বেঁচে থাকবে এই সত্যসাধনার কথা!

মায়ের মন বলিয়া উঠিল, রাইবিন আমাকে লক্ষ্য করেই কথাগুলো বলে গেল !

কিছুক্ষণ চুপ করিয়া থাকিয়া মুখের ক্ষত হইতে ঝরিয়া-পড়া রক্ত সরাইয়া রাইবিন বলিতে লাগিল, আজকে তারা দিলো একটা নীড় ভেঙে কিন্তু আমি জানি, এমনি শত শত নীড় গড়ে উঠছে, গড়ে উঠবে। তারপর একদিন আসবে যেদিন সেই সব নীড় থেকে মুক্ত পক্ষ বিহঙ্গমরা বেরিয়ে পড়বে স্বাধীনতার অব্যাহত আকাশে—সেদিন আসবে মানুষের মহামুক্তির দিন !

জনতার মধ্য হইতে একজন নারী এক বালতি জল লইয়া রাইবিনের মুখ ধোয়াইয়া দিতে লাগিল। তাহার নয়নে অশ্রু-ধারা !

আকাশে সন্ধ্যার মেঘ ঘনাইয়া আসিতেছিল। এখানে আর জটলা করা উচিত নয় বিবেচনায় পুলিশের লোকেরা রাইবিনকে লইয়া গেল।

যে যাহার দল বাঁধিয়া আবার বাড়ীর দিকে ফিরিয়া চলিল। একজন বৃদ্ধ কৃষক মায়ের পাশে আসিয়া দাঁড়াইয়াছিল। সে আপনার মনে বলিতেছিল, এখানে এই-ই ঘটছে নিত্য।

গম্ভীরভাবে তাহার কথায় সায় দিয়া মা বলিলেন, দেখছি তো তাই।

হঠাৎ লোকটি মায়ের দিকে ভাল করিয়া চাহিল। কিছুক্ষণ চুপ করিয়া থাকিয়া হঠাৎ জিজ্ঞাসা করিল, আপনি কি করেন ?

“আমি এখানে এসেছি পশম কিনতে !”

“ও সব এখানে স্থবিধে হবে না !”

হঠাৎ মায়ের মনে একটা মতলব আসিল। তিনি বেশ সাহস করিয়া জিজ্ঞাসা করিলেন, একটা কথা আপনাকে বলতে চাই। আজ রাত্তিরের মত আপনার বাড়ীতে একটু আশ্রয় পেতে পারি কি ?

ঘাটীর দিকে চাহিয়া একটু চিন্তা করিয়া নির্বিকল্পভাবে কৃষকটি উত্তর

দিল, রাত্তিরে থাকবেন ? তাতে আর কি ? তবে আমার বাড়ী যা আছে তা একরকম থাকবার অযোগ্য ।

—তাতে কি ! কোন দিন ভাল বাড়ীতে থাকি। আমারও অভ্যাস নেই ।

কৃষকটি আপাদমস্তক আর একবার মাকে ভাল করিয়া দেখিয়া লইয়া বলিল, আপনি আমার বাড়ীতে আসতে পারেন !

—তাহলে একবার সরাইখানাটা হয়ে যেতে হবে । সেখানে আমার একটা ব্যাগ আছে । যদি তুমি দয়া করে সেটা হাতে নাও !

—নিশ্চয়ই নেবো, চলুন !

পথে চলিতে চলিতে মায়ের কেমন মনে হইল যে, লোকটি বুঝিতে পারিয়াছে । ভাল করিয়া তাহার মুখের দিকে চাহিয়া দেখিলেন, কোনও পরিবর্তন নাই । অর্থহীন পরিবর্তনহীন মুখভঙ্গী ।

সরাইখানায় আসিয়া লোকটি জিজ্ঞাসা করিল, কই আপনার ব্যাগ কোথায় ?

মা দেখাইয়া দিলেন । ব্যাগটা হাতে তুলিয়া লইয়া কৃষকটি সরাইখানার সেই বালিকাটিকে ডাকিয়া বলিল, মেরিয়া, খাওয়া হয়ে গেলে তুমি এঁকে আমার বাড়ীতে পৌছে দিও ! ব্যাগটা দেখছি একেবারে খালি ।

আর কোনও কথা না বলিয়া সে অদৃশ হইয়া গেল ।

সরাইখানার দাম চুকাইয়া দিয়া মেয়েটিকে সঙ্গে লইয়া মা কৃষকটির বাড়ীর দিকে চলিলেন । পথে ভাবিতে লাগিলেন লোকটা ধরাইয়া দিবে নাকি ? না, তিনিই লোকটির কাছে সকল কথা খুলিয়া বলিবেন ?

একটা জীর্ণ-কুঁড়ে ঘরের সামনে আসিয়া দরজা ঠেলিয়া মেয়েটি, ডাকিল ও কাকীমা, একজন লোক এসেছে বাইরে ! বলিয়া সে চলিয়া গেল ।

গৃহকর্তী আসিয়া মাকে ভিতরে লইয়া গেলেন । কুঁড়ে ঘরটি ছোট কিন্তু তাহার ভিতরকার পরিষ্কার পরিচ্ছন্ন মূর্তি দেখিয়া মা বিস্মিত

হইলেন। যে মেয়েটি তাঁহাকে বাড়ীর ভিতর লইয়া গেল তাহার বয়স বেশী নয়, সেই গৃহকর্ত্তা। নাম—তাতিয়ানা।

ঘরের মধ্যে কাঠের টেবিলে একটি ল্যাম্প জ্বলিতেছিল। তাহারই আলোয় দেখিলেন, তেমনি অর্থহীন মুখে সেই কৃষকটি বসিয়া আছে। যতখানি দৃষ্টি যায়, ঘরের চারিদিকে একবার দেখিয়া লইলেন। ব্যাগটি কিন্তু দেখিতে পাইলেন না।

স্ত্রীকে ডাকিয়া সে বলিল, শীগ্গীর পিটরকে ডেকে আন তো!

মা শঙ্কিত চিন্তে জিজ্ঞাসা করিলেন, আমার ব্যাগটি কোথায়?

বেশ সহজভাবে কৃষকটি উত্তর দিল, নিরাপদ জায়গাতেই আছে। কিছুক্ষণ আগে সরাইখানায় মেয়েটার সামনে আমি বলেছিলাম যে ব্যাগটি খালি কিন্তু হাতে করেই বুঝেছিলাম রীতি মত ঠাসা ছিল ব্যাগটি।

—তাতে হয়েছে কি?

যেখানে বসিয়াছিল, সেখান হইতে উঠিয়া কৃষকটি ধীরে মায়ের কাছে অগ্রসর হইয়া আসিল। তাঁহার দিকে ঝুঁকিয়া পড়িয়া কানে কানে জিজ্ঞাসা করিল, আপনি লোকটিকে চেনেন?

মা চমকাইয়া উঠিলেন কিন্তু দৃঢ় কণ্ঠে উত্তর দিলেন—হাঁ, আমি ওকে চিনি!

কৃষকটি হাসিয়া উঠিল। বলিল, তা আমি বুঝতেই পেরেছিলাম! আপনি মাথা নেড়ে ইসারা করলেন আর সে মাথা নেড়ে তার উত্তর দিল। ব্যাপার দেখে আমি ওর কাছে এগিয়ে গিয়ে কানে কানে জিজ্ঞাসা করেছিলাম আপনাকে চেনে কি না! সে বলে, আমাদের অনেকেই এখানে আছে! মায়ের মুখের দিকে স্থির দৃষ্টিতে চাহিয়া কৃষকটি বলিতে লাগিল, একটা শক্ত মালুম বটে! সত্যি কথা বলবার মত সাহস আছে ওর। কি মারটাই খেলে কিন্তু কথার এদিক ওদিক করলো না!

কৃষকটির কথা শুনিয়া এতক্ষণে মায়ের অন্তরের সন্দেহ এবং শঙ্কা দূর হইল।

কৃষকটি পিছন দিকে হাত করিয়া মাথা দোলাইতে দোলাইতে ঘরময় পায়চারী করিতে লাগিল। হঠাৎ মায়ের দিকে ফিরিয়া বলিল, ব্যাগটি তুলেই আমার কি মনে হয়েছিল জানেন, ব্যাগটিতে সেই সব বই আছে ! সত্যি নয় ?

—হাঁ ! ওকেই দেবো বলে বইগুলো নিয়ে এসেছিলাম। রাইবিনের সেই রক্ত-ঝরা মুখের কথা মনে পড়িতেই মায়ের চোখ জলে ভরিয়া আসিল। তিনি কাঁদিয়া ফেলিলেন।

কিছুক্ষণ নীরব থাকিবার পর কৃষকটি বলিল, কিছু কিছু বই আমরাও পেয়েছি। কিন্তু খুবই সামান্য। আমি নিজে ভাল পড়তে পারি না। আমার এক বন্ধু আছে, সেই আমাকে পড়ে শোনায়। খাটী কথা সব বইগুলোতে লেখে ! আমার স্ত্রীও বেশ পড়তে জানে ! এসব ব্যাপারে তারই উৎসাহ বেশী।

কিছুক্ষণ নিজেই কি চিন্তা করিয়া সে বলিল, এখন বইগুলোর কি ব্যবস্থা করবেন ঠিক করেছেন ?

মা কৃষকটির দিকে চাহিয়া স্পষ্ট ভাষায় বলিলেন, আমি তোমাকে দিয়ে যাব।

কিন্তু তখন বই বা ব্যাগের কথা কিছুই মায়ের মনের সামনে ছিল না। তাঁহার মানস চক্ষের সম্মুখে রাইবিনের সেই রক্ত-ঝরা মুখ কণ্ঠে কণ্ঠে ভাসিয়া উঠিতেছিল। নীরবে তাঁহার দুই গুণ বাহিয়া অশ্রু ঝরিয়া পড়িতেছিল।

তিনি আপনার মনে বলিয়া উঠিলেন, সর্বস্ব কেড়ে নিয়ে মানুষকে দম বন্ধ করে কায়দায় ফেলে থ্যাংলাবে—বলবার জো নেই কিছু, জিজ্ঞাসা করবার জো নেই কিছু, অমনি প্রহার !

কৃষকটি বলিয়া উঠিল, শক্তি ! অগাধ শক্তি ওদের হাতে !

কোথা থেকে পায় তারা সেই শক্তি ? আমাদের কাছ থেকেই তো ! তাদের যা কিছু শক্তি, তার সমস্ত জোগান দি তো আমরাই !

এমন সময় বাহিরে পায়ের শব্দ হইল। পিটারকে সঙ্গে লইয়া কৃষক-পত্নী ঘরে ঢুকিল। কাহারও পরিচয় করাইয়া দিবার অপেক্ষা না করিয়া পিটার নিজেই বলিতে আরম্ভ করিল—অনুমতি করুন নিজের পরিচয়। আমি নিজেই দিই, আমার নাম পিটার। আমি আপনাদের ব্যাপার কিছু কিছু বুঝি। আমি লিখতে পড়তেও জানি স্ততরাং নির্বোধ নই একথা বলা যেতে পারে!

মাকে আশ্বস্ত করিবার জন্য পিটার বলিল, আপনি নিশ্চিন্ত মনে থাকুন। আপনার ব্যাগ আমার বাড়ীতে রয়েছে। ষ্টিফেন আপনার কথা আমাকে গিয়ে বলতে আমি সব বুঝলাম। ওকেও বলে দিলাম এ সব ব্যাপারে, বুঝলে বন্ধু, একেবারে চুপটি করে থাকবে। মুখ দিয়ে একটিও কথা বার কোরো না। আপনি ভয় পাবেন না—সব ঠিক হয়ে যাবে!

লোকটার সরল এবং স্পষ্ট কথায় মায়ের মন শান্ত হইয়া উঠিল।

সে মায়ের পাশে গিয়ে বসিল। বলিল, বইগুলোর সম্বন্ধে আপনাকে আমরা যথেষ্ট সাহায্য করতে পারি। আমাদের এখন বই-ই চাই।

ষ্টেফেন বলিয়া উঠিল, উনি সব বইগুলোই আমাদের দিয়ে যেতে চান!

উল্লাসে লাফাইয়া উঠিয়া পিটার বলিল, চমৎকার! সমস্ত বইগুলোরই ব্যবস্থা আমরাই করবো! •

গভীর রাত্রি পর্যন্ত আন্দোলন-সংক্রান্ত ব্যাপার লইয়া আলোচনা চলিল। পরদিন সকালবেলা ভোর না হইতে তাতিয়ানা মাকে ঘুম হইতে তুলিয়া দিয়া শহরে ফিরাইয়া লইয়া যাইবার জন্য একখানা গাড়ী ভাড়া করিয়া আনিল।

বিলায় লইবার সময় আদর করিয়া তাতিয়ানার চিবুক স্পর্শ করিয়া বলিলেন, সময় সময় কি রকম মজার ঘটনা সব ঘটে!

তাতিয়ানা জিজ্ঞাসা করিল, কেন?

—এই তোমাদের সঙ্গে আলাপ! এই রাত্রি বাসের মধ্যে এই পরিচয় আশ্চর্য নয়?

যথারীতি সম্ভাষণের পর মা বিদায় গ্রহণ করিলেন।

বাড়ী ফিরিয়া কড়া নাড়িতে আইভানোভিচ আসিয়া দরজা খুলিয়া দিল।

মাকে দেখিয়া আনন্দে সে বলিয়া উঠিল—বাঃ এত শীগ্গীর কাজ সেরে চলে আসতে পারলেন ? ধন্য আপনি !

ঘরের ভিতর ঢুকিতেই সে বলিল, কাল রাত্তিরে এখানে সার্চ হয়ে গিয়েছে। কেন যে হলো কিছুই বুঝতে পারলাম না। ভাবলাম আপনিই বুঝি বা ধরা পড়েছেন। কিন্তু তখনি মনে হলো, আপনাকে ধরলে আমাদেরও ধরে নিয়ে যেতো !

খাবার ঘরের একটা বেঞ্চে বসিয়া সে বলিতে লাগিল, তবে আমার চাকরীর মাথা ওঁরা খেয়েছেন। যেখানে চাকরী করতাম, সেখানকার কর্তাদের কাছে আমাকে কাজ থেকে ছাড়িয়ে দেবার হুকুম চলে গিয়েছে। অবশ্য তাতে আমি বিশেষ কিছুই দুঃখিত নই। আমার চাকরী কি ছিল জানেন ? যে সমস্ত কৃষকের ঘোড়া নেই—তাদের নামের তালিকা করা। তার জন্তে আমি মাইনে পেতাম। 'মাইনে' নিতে আমার লজ্জা হতো। যাদের ঘোড়াটি পর্যন্ত নেই তাদেরই টাকায় আমার মাইনে আসতো। নিজে হঠাৎ চাকরীটা ছেড়ে দিলে বে-মানান হতো। বন্ধুদের কাছে চাকরী ছাড়ার একটা কৈফিয়ৎ তো দিতে হবে।

মা ঘরের চারিদিকে চাহিয়া দেখিলেন। তাঁহার মনে হইতে লাগিল, একজন দৈত্য যেন কোধে ক্ষিপ্ত হইয়া বাহিরের দেয়ালে অনবরত লাথি মারিয়াছে আর তাহার ধাক্কায় ঘরের ভিতরের সমস্ত জিনিষ ওলট-পালট হইয়া গিয়াছে।

মায়ের ক্ষুর দৃষ্টি লক্ষ্য করিয়া আইভানোভিচ হাসিয়া বলিল, তারা সরকারের কাছ থেকে অকারণে মাইনে নেয় না, সেইটে দেখিয়ে গিয়েছে। ঋটির টুকরো, নোংরা প্লেট, এলেমেলো বই, কাগজ, কয়লা সব এক জায়গায় করিয়া কে যেন চারিদিকে ছড়াইয়া দিয়াছে।

—তঁারা বোধ হয় শীগ্গীরই আর একবার আসবেন। সেইজন্য আমি এ সব আর গুছাই নি। সে যাক, আপনার কি হলো বলুন?

মা প্রথমে রাইরিনের কথা বলিতে লাগিলেন। মা দেখিলেন আইভানোভিচ স্থির স্পন্দন-হীন ভাবে তাঁহার কথা শুনিতেছে। ক্রমশ তাহার মুখের চেহারা বদলাইতে লাগিল। এত গম্ভীর কঠিন মুখের চেহারা তাঁহার মা আর কখনও দেখেন নাই।

মায়ের কথা শেষ হইলে গম্ভীরভাবে আইভানোভিচ জিজ্ঞাসা করিয়া উঠিল, আপনার ব্যাগ কোথায় রাখলেন?

—রান্নাঘরে!

—আমাদের দরজার কাছে একজন গুপ্তচর দাঁড়িয়ে আছে। এতগুলো বই আর কাগজ তার সামনে দিয়ে তো বার করে নিয়ে যাওয়া যাবে না। ভেতরেও লুকোবার উপায় নেই। আজ রাত্রেই আবার ওরা আসবে। তোমার ব্যাগ বই-পত্র দেখলেই তোমাকে ধরে নিয়ে যাবে। নিরুপায়! কাগজগুলো সব পুড়িয়ে ফেলতে হবে।

—কি কাগজ পোড়াবে?

—আপনার ব্যাগে যা আছে।

তিনি যে তাঁহার কার্যে সফল হইয়া আসিয়াছেন সে কথা এখনও বলেন নাই। একটা গোপন আনন্দে মায়ের মুখে হাসি ফুটিয়া উঠিল। বলিলেন, ব্যাগে এক টুকরোও কাগজ নেই।

তারপর মা বাকি সব কাহিনী বলিলেন। আনন্দে গদ-গদ হইয়া আইভানোভিচ বলিয়া উঠিল—আমার নিজের মাকেও যতখানি ভাল-বাসতে পারিনি—তার চেয়ে ঢের বেশী তোমাকে ভালবাসি, মা! আমার এ উচ্ছ্বাসে কিছু মনে করো না। তুমি অপূর্ব।

উদ্বেল আনন্দের জোয়ারে মায়ের বুক ভরিয়া আসিয়াছিল। দুই গণ্ড বাহিয়া অশ্রু বরিয়া পড়িতেছিল। তাহারই মধ্যে হাসিয়া তিনি বলিলেন আমার প্রত্যেক রক্তকণা দিয়ে তোদেরও যে আমি ভালবাসি।

মায়ের পাশে আসিয়া সে বসিল। তাহার দিকে চাহিয়া ধীরে মা বলিলেন, যদি পাভেল আর আন্দ্রিকে জেলের বাইরে আনা যেতো—

মাথা নত করিয়া আইভানোভিচ বলিল, অবশু শুনলে আপনার কষ্ট হবে কিন্তু আপনি তো পাভেলকে জানেন। সে এখন জেল থেকে কিছুতেই পালিয়ে আসবে না। সে চায় বিচার হক—বিচারে যা শাস্তি হবার হক। তারপর সাইবেরিয়া থেকে সে পালিয়ে আসবে।

দীর্ঘশ্বাস ফেলিয়া মা বলিলেন, সে যদি মনে করে তাতে আন্দোলনের সুবিধে হবে, তবে সে তাই করুক।

মায়ের মুখ দিয়া সেই কথা শুনিয়া আইভানোভিচ লাফাইয়া উঠিল। বলিল, এই তো চাই মা! জানেন, এই কয়েক মুহূর্ত যে আপনার সঙ্গে কথা হলো—এর মধ্যে আমার জীবনের সব চেয়ে সুন্দর মুহূর্তগুলি থেকে গেল। এখন দরকার হচ্ছে, রাইবিনের ব্যাপারটা নিয়ে একটা ছোট্ট বই লেখা। সেই গ্রামেই প্রচার করতে হবে। আমি এখনই লিখে দেবো। যত তাড়াতাড়ি পারে লুভমিলা সেটা ছাপিয়ে ফেলবে। কিন্তু প্রশ্ন হচ্ছে—গ্রামে বিলি করবার ব্যবস্থা করবে কে?

—কেন আমি?

—না, আপনি আর নন। নিকোলেকে একবার বলে দেখি।

—আমি তাহলে কি করবো?

—অনেক কাজ আছে। ভাববেন না।

আইভানোভিচ কাগজ কলম লইয়া তখনই লিখিতে বসিয়া গেলেন। মা ঘর গোছাইতে লাগিলেন। লেখা শেষ হইয়া গেলে কাগজ ক'খানি মায়ের কাছে দিয়া বলিল, আপনি আপনার পোষাকের তলায় এগুলো রেখে দিন। মনে রাখবেন কিছুক্ষণ পরে পুলিশের লোক এসে আপনাকে সার্চ করতে পারে!

সন্ধ্যার দিকে ডাক্তার-বন্ধুটি আসিল। চঞ্চলভাবে ঘরের মধ্যে ঘুরিতে ঘুরিতে বলিয়া উঠিল—ব্যাপারখানা কি? কর্তাদের কি মাথা খারাপ

হয়ে গেল ? কাল রাত্তিরে সাত জায়গায় খানাতল্লাসী হয়ে গিয়েছে—
আমার রুগীটি কোথায় ?

—সে পরশু দিনই চলে গিয়েছে। এতক্ষণে হয়ত সে কোথাও দল
বৈধে বই পড়ে শোনাচ্ছে।

—বল কি হে ? ভাঙ্গা মাথার খুলি নিয়ে, সে পড়ে শোনাবে কি হে ?

—আমিও তাকে তাই বোঝাতে গিয়েছিলাম। কিন্তু সে কিছুতেই
বুঝলোনা ! সে যাক—এখানে আজ রাত্তিরে কয়েকজন অতিথি আসবার
কথা আছে। তুমি এখন যাও !

মায়ের দিকে চাহিয়া বলিল—আর কাগজগুলো একেই দিয়ে দিন।
লুডমিলাকে দিয়ে দেবে !

মা কাগজগুলি ভাস্কারের হাতে দিয়া দিলেন—

—এই ! আর কিছু কাজ আছে ?

—না, লক্ষ্য রেখো—দরজায় গুপ্তচর দাঁড়িয়ে আছে।

—আমারও দরজায় দাঁড়িয়ে আছে ! এখন, বিদায় !

রাত্রির অতিথির আগমন-অপেক্ষায় তাহারা দুইজনে পাশাপাশি বসিয়া
গল্প করিতে লাগিলেন। ধীরে ধীরে, যাহাতে তাঁহার পাশে বসিয়া আছেন
তিনি ছাড়া আর কেহ না শুনিতে পায় এমন ভাবে আইভানোভিচ গল্প
করিতেছিল—তাহার যে-সব বন্ধু এখন সাইবেরিয়ায় আছে, তাহাদের কথা
যাহারা সাইবেরিয়া হইতে পালাইয়া আসিয়া গোপনে ছদ্ম-নাম লইয়া
তাহাদের সঙ্গে কাজ করিতেছে তাহাদের সকলের কথা। সেই সব নাম-
হীন বীর-পুরুষদের অপরূপ কাহিনীর প্রতিধ্বনিতে অন্ধকার ঘরটি ভরিয়া
উঠিল।

যাহাদের কখনও চোখে দেখেন নাই, সেই সমস্ত নাম-হীন নিঃশব্দ
কর্মীদের মূর্তি, মায়ের কল্পনেজে সম্মিলিত হইয়া একটা বিরাট অতিকায়
মানবের মূর্তি পরিগ্রহ করিল। বীৰ্য্য এবং পৌরুষের সে যেন অক্ষয়
ভাণ্ডার। ধীরে কিন্তু বিরাট বিহীন ভাবে এই ধরণীর রাজপথ দিয়া সে

চলিয়াছে, যে-সত্য মৃতকে দেয় জীবন, সেই সত্যের বাণী প্রচার করিয়া, সকল শ্রেণীর মানুষকে সমান স্নেহে বরণ করিয়া—লোভ, অত্যাচার এবং মিথ্যাচার হইতে মানুষকে রক্ষা করিবার মহা-আশ্বাস বাণী তাহার প্রত্যেক পদক্ষেপে বাজিয়া উঠিতেছে।

গভীর রাত্রি পর্যন্ত অপেক্ষা করিয়া যখন পুলিশ আসিল না তখন তাঁহারা ঘুমাইয়া পড়িলেন।

ভোর বেলার দিকে মা শুনিলেন রান্নাঘরের দিকের জানালায় কে যেন টোকা দিতেছে। বহুক্ষণ ধরিয়া ঠিক একইভাবে আস্তে আস্তে শব্দ হইতে লাগিল। তখনও আকাশে অন্ধকার রহিয়াছে। তখনও সব নিস্তব্ধ নীরব।

বিছানা হইতে উঠিয়া দরজার কাছে গিয়া জিজ্ঞাসা করিলেন, কে?

অপরিচিত-কণ্ঠে একজন উত্তর দিল, আমি।

—কে তুমি?

—খুলুন না বলছি!—কণ্ঠে করুণ মিনতি!

মা দরজা খুলিতেই ইগনেটী ঢুকিয়া মাকে দেখিয়া বলিয়া উঠিল, তা'হলে ভুল করি নি, মাঠাকরুণ! ঠিক জায়গায় আসতে পেরেছি!

মা দেখিলেন তাহার কোমর পর্যন্ত কাদায় ভরা। মুখ বিষম, চোখ ক্রিমাইয়া আসিতেছে।

দরজা বন্ধ করিয়া ভিতরে প্রবেশ করিয়া সে চুপিচুপি মাকে বলিল, জানেন মাঠাকরুণ, আমাদের ওখানে বড় বিপদ হয়েছে।

—আমি তা জানি।

ইগনেটী বিস্মিত হইয়া গেল। চক্ষুবিষ্কারিত করিয়া সে জিজ্ঞাসা করিল, আপনি জানলেন কি করে?

অল্প কথায় মা ইগনেটীকে ব্যাপার বুঝাইয়া দিলেন।

মা জিজ্ঞাসা করিলেন, সবাইকে ধরে নিয়ে গিয়েছে?

—সবাই তো তখন ছিলোনা! পাঁচজনকে ধরে নিয়ে গেছে। আমি

র'য়ে গেছি। ব্যাটারা নিশ্চয়ই আমাকে খুঁজছে। খুজুক্কে যাক্! আমি আর ওখানে ফিরে যাচ্ছি না! ওখানে এখনও সাতজন পুরুষ আর একটি স্ত্রীলোক আছে। তারা সবাই কাজের লোক, রিখন্ত!

মা হাসিয়া জিজ্ঞাসা করিলেন, তুমি কেমন করে এ বাড়ী খুঁজে পেলি? এতদূর পথ এলেই বা কি করে?

কোটের হাতা দিয়া মুখটা একবার মুছিয়া লইয়া সে বলিল, বনের ওধারে আপনার মনে আছে আমাদের আলকাতরার কারখানা। হজুররা রাত্রিরে সেইখানে এসে জড় হন। কিন্তু তার বাগানের মালী এসে রাইবিনকে খবর দিলো—তারা এসেছে! সাবধান! রাইবিন কি দমবার পাত্তর! খুড়ো তক্ষুণি আমাকে ডেকে বল্লে, ইগনেটী, দৌড়ে শহরে যা! তোর মনে আছে সেই বুড়ীর কথা? তার কাছে একটা চিঠি নিয়ে যেতে হবে। বলেই তাড়াতাড়ি কি একটা লিখে আমার হাতে দিয়ে বল্লে—বাস্—বেরিয়ে পড় এইবার। বেরিয়ে ছুটে বনের মধ্যে এসে ঢুকলাম। ঝোপের ভেতর দিয়ে হামাগুড়ি দিয়ে চলতে লাগলাম। চলতে চলতে শুনতে পেলাম তারা আসছে—ভারী পায়ের শব্দে বন ভরে উঠেছে। শব্দ শুনে মনে হলো অনেক লোক—ভাঁড়ারে ইছুর পড়ার মত চারিদিকে শব্দ উঠছে। অনেকক্ষণ ধরে ঝোপের মধ্যে চূপ করে বসে রইলাম। আমার কাছ দিয়েই তারা পেরিয়ে গেল। তাদের পায়ের শব্দ মিলিয়ে গেলে আবার উঠে দাঁড়ালাম। দু'রাত্রির আর একবেলা ধরে না খেয়ে না দাঁড়িয়ে হেঁটে চলে এসেছি। হুঁপাখানেক আর পা তুলতে পারবো না।

কথা বলবার সময় তাহার চোখ দুইটি মাঝে মাঝে আনন্দে উজ্জ্বল হইয়া উঠিতেছিল। মনে হইতেছিল, এই ব্যাপারে সে নিজের উপর রীতিমত খুসী হইয়াছে।

—হাত পা সব ষোণ্ড। একটু গরম চা তোমার এক্ষুণি খাওয়া দরকার।

—দাঁড়াও, মাঠাকরণ, তার আগে চিঠিটা তোমায় দিই। এই বলিয়া বহুকষ্টে হাত দিয়া ধরিয়া পাখানি একটা বেকির উপর রাখিল। ধীরে ধীরে কাদায়-ভরা পা-জড়ানো গ্রাকড়া খুলিতে লাগিল।

এমন সময় আইভানোভিচ ঘরের দরজার কাছে আসিয়া দাঁড়াইতেই ইগনেটী শঙ্কিত হইয়া যেই পা মাটিতে রাখিয়া দাঁড়াইতে যাইবে, অমনি কাঁপিতে কাঁপিতে পড়িয়া গেল। তাহার পা একেবারে অবশ হইয়া গিয়াছিল।

তাহাকে ধরিয়া তুলিয়া বসান হইল। তাহার ভয় দূর করিবার জন্ত আইভানোভিচ অগ্রসর হইয়া অভিবাদন করিয়া জিজ্ঞাসা করিলেন, কেমন আছ কমরেড? কিছু মনে করো না ভাই, আমি তোমার পায়ের বাঁধা খুলে দিচ্ছি।

এই বলিয়া হাঁটু গাড়িয়া বসিয়া আইভানোভিচ পায়ের বাঁধন খুলিয়া দিতে ইগনেটী নিজের পায়ের চেহারা দেখিয়া নিজেই বিস্মিত হইয়া উঠিল। বলিল, বাঃ!

আইভানোভিচ তাহার পায়ের দিকে চাহিয়া বলিল, এক্ষুণি স্পিরিট দিয়ে ভাল করে ঘসে দিতে হবে।

তাহার কথায় লক্ষ্য না করিয়া ইগনেটী মাকে ডাকিয়া পায়ের গ্রাকড়ার ভিতর লুকানো চিঠিটা মাকে দিল। মা আইভানোভিচকে চিঠিটি পড়িতে বলিলেন।

“মা, এ ব্যাপার যেন নীরবে সহ্য করে যেও না। সেই মহিলাটি যিনি তোমার সঙ্গে এসেছিলেন, এই দরিদ্র কৃষকদের জন্ত আরও বই লিখতে তাহাকে বলো। এই আমার শেষ অনুরোধ। রাইবিন।”

বিষন্ন স্বরে মা বলিয়া উঠিলেন, টুটী টীপে ধরেছে, তবুও সে—

যেন কোনও মহান দৃশ্য এখনি চক্ষের সম্মুখ দিয়া চলিয়া গেল, তাহারই প্রতি সম্মম দেখাইবার জন্ত আইভানোভিচ বলিয়া উঠিল, চমৎকার! এইতো সুন্দর, মাথাকে দেয় নাড়া, অন্তরেও জাগিয়ে তোলে সাড়া।

ইগনেটী নীরবে তাহাদের মুখের দিকে চাহিয়াছিল। মায়ের দুই চোখ দিয়া অশ্রু বরিয়া পড়িতেছিল! নীরবে রান্নাঘর হইতে এক টব গরম জল লইয়া আসিয়া ইগনেটীর পায়ের কাছে বসিয়া তাহার পা ধরিবার জন্য হাত বাড়াইলেন।

বিস্ময়ে বিহ্বল হইয়া ইগনেটী তাড়াতাড়ি বেঞ্চির ভিতরে পা ঢুকাইয়া বলিয়া উঠিল, এ আপনি কি করছেন?

শীগুগীর পা-টা দাও।

ইগনেটী বেঞ্চির তলায় যতদূর যায় পা ঢুকাইয়া দিল। তাহার কর্ণস্বর হঠাৎ ধরিয়া গেল। সে কাতরভাবে বলিয়া উঠিল, একি, এ কি আপনি করছেন! একি আপনার উচিত!

মা কোনও কথা না বলিয়া ইগনেটীর পা ধরিয়া গরম জল দিয়া ধুইতে লাগিলেন। বিস্ময়ে এবং সঙ্কোচে ইগনেটী পাথর হইয়া গেল।

আইভানোভিচ স্পিরিট আনিবার জন্য চলিয়া গেল। মা নিকো-লস্ক গ্রামে যে দৃশ্য দেখিয়াছিলেন ইগনেটীকে তাহার কথা বলিতে লাগিলেন। সেই নিশ্চয় প্রহারের কথা শুনিয়া ইগনেটী অবাক হইয়া বলিয়া উঠিল, তা কি কখনও হতে পারে!

মনে মনে সেই দৃশ্য স্মরণ করিয়া সে বলিয়া উঠিল, ঐ জন্তে লোক গুলোকে দেখলেই আমার ভয় করে—সাক্ষাৎ যমদূত!

এমন সময় আইভানোভিচ এক শিশি স্পিরিট আনিয়া রান্নাঘরে উনানে কয়লা দিবার জন্য গেল। তাহার দিকে চাহিয়া ইগনেটী জিজ্ঞাসা করিল, ভদ্র লোক নাকি?

—আমাদের দলে ভদ্র লোক, ইতর লোক কেউ নেই। সকলেই কমরেড।

অবিশ্বাসের হাসি হাসিয়া ইগনেটী বলিয়া উঠিল, অনেক কিছুই বুঝি না আমরা।

—কি বোঝনা তোমরা?

—একদিকে দেখি এই ভদ্র লোকেরাই আমাদের চাবুক মারছে, আর একদিকে দেখি এরাই আবার আমাদের পা ধুইয়ে দিচ্ছে। এ দুয়ের মধ্যখানে কি আছে, কে জানে ?

সহসা ঘরের দরজা সজোরে খুলিয়া গেল। আইভানোভিচ সেই খোলা দরজার কাছে দাঁড়াইয়া বলিয়া উঠিল :

—মধ্যখানে কারা আছে জানো ? যে-হাত তোমাদের গায়ে চাবুক তোলে সেই হাত-ধোওয়া জল যারা ছুবেলা দেবতার প্রসাদ বলে গ্রহণ করে—আর যাদের পিঠে চাবুক পড়ে তাদেরই রক্ত চুষে যারা আবার খায়—মধ্যখানে আছে তারা।

ইগনেটী সম্মুখে আইভানোভিচের দিকে মাথা তুলিয়া চাহিল। কিছুক্ষণ নীরব থাকিবার পর বলিল, ঠিক তাই !

কিছুক্ষণ মালিসের পর ইগনেটী পায়ে ভর দিয়া দাঁড়াইল। বেশ স্বচ্ছন্দে ঘরের মধ্যে পায়চারি করিতে লাগিল। খুশী হইয়া বলিয়া উঠিল, এ যে একেবারে নতুন পা হয়ে গেল। সত্যি, ধন্যবাদ, ধন্যবাদ আপনাদের।

হঠাৎ খুব গম্ভীর মুখ করিয়া সে আপনার মনে বলিয়া উঠিল, কি করে ধন্যবাদ জানাতে হয়, তাও জানি না ভাল করে !

আহারের সময় টেবিলে ইগনেটী বলিতে আরম্ভ করিল, কাগজ-পত্র সব আমিই বিলি করতাম। হাঁটতে আমার মতো আর দুটা নেই। খুড়ো আমাকে ডেকে বাগ্গিটটা হাতে দিয়ে বলতো—এইবার এগুলো বিলি করে দিয়ে এসো। মনে থাকে যেন, যদি ধরা পড়ে, তা হলে তুমি একা—একাজে তোমার জানা-শোনা আর কেউ নেই। তথ্য বলে আমি বেরিয়ে পড়তাম।

—আচ্ছা, কত লোকে বই নেয় ?

—যারা পড়তে পারে তারাই নেয়। অনেক বড়লোকও বই নিয়ে পড়ে। অবশ্য তারা আমাদের কাছ থেকে নেয় না। আমাদের হাতে

এসব বই দেখতে পেলে তখনই লোহার বালা গড়িয়ে হাতে পরিয়ে দেবার ব্যবস্থা করবে।

আইডানোভিচ নূতন লেখাটা বিলি করিবার কথা তুলিল।

—রাইবিন সম্বন্ধে নতুন যে কাগজখানা লেখা হয়েছে, সেগুলো গ্রামে পৌঁছে দেবার কি করা যায় এখন?

ইগনেট জিজ্ঞাসা করিয়া উঠিল, এরি মধ্যে লেখা হয়ে গেল?

—নিশ্চয়ই!

—আমাকে দিন, আমিই নিয়ে যাব।

মা হাসিয়া বলিলেন, কিছুক্ষণ আগেই না বলেছিলে, গ্রামে আর ফিরবে না—পুলিশ দেখলে তোমার ভয় করে?

একটু মুস্থিলে পড়িয়া দাড়িতে হাত বুলাইতে বুলাইতে ইগনেট উত্তর দিল, বড় ক্লান্ত হয়ে পড়েছি। একটু বিশ্রাম করবো ভেবেছিলাম। তাই বলেছিলাম গ্রামে আর ফিরবো না। আর ভয়ের কথা বলছো। ভয় পায় সত্যি! তবে ভয়, ভয়; কিন্তু কাজও তো আবার কাজ। আপনারা হাসছেন? ভয় পায়—সে তো সত্যি কথা—তা বলে কাজ করবো না? আঙুনে ঝাঁপিয়ে পড়তে ভয় করে না? তবুও যদি দরকার হয় তাও পড়তে হবে তো।

—কিন্তু তোমাকে সেখানে যেতে হবে না।

—তা হলে আমি কি করবো? কোথায়ই বা আমি যাবো?

—তোমার বদলে সেখানে আর একজন লোক যাবে। তুমি তাকে পঞ্চাট লোকজন সব বাঙলে দেবে।

কিছুক্ষণ মোনী থাকিয়া অনিচ্ছাসত্ত্বে যেন সে মত দিল। আচ্ছা তাই হক!

—তোমাকে একটা পাসপোর্ট দেওয়া হবে! সেই পাসপোর্ট নিয়ে তোমাকে একটা কোনও বনের মালী হয়ে থাকতে হবে।

কিছুক্ষণ কি ভাবিয়া সে জিজ্ঞাসা করিয়া উঠিল, ও কাজ আমি

করবো কি করে! চাষারা লুকিয়ে বন থেকে প্রায়ই কাঠ কাটতে আসে। ধরা পড়লে তাদের তো পুলিশে দিতে হবে! সে আমি কি করে করবো?

মা এবং আইভানোভিচ হাসিয়া উঠিলেন।

—তোমার ভয় নেই। যাতে তাদের ধরিয়ে না দিতে হয়, তার ব্যবস্থা আমি করে দেবো।

মা আপনার মনে বলিয়া উঠিলেন, হায়রে মানুষের জীবন! দিনে পাঁচবার চোখ দিয়ে জল ঝরে পড়ে, পাঁচবার আবার সেই পোড়া চোখে হাসি ফুটে উঠে।

গভীর রাত্রি। বনের মধ্যে এক কাঠের ঘরে নিকোলে এবং ইগনেটা মুখোমুখি বসিয়া! ইগনেটা চাপা গলায় বলিতেছিল—মধ্যিখানের জানালায় চারবার?

চারবার!

—প্রথমে তিনবার এই রকম করে টোকা মারবে। টেবিলের উপর মধ্যম আঙ্গুলের টোকা দিয়া সে দেখাইয়া দিল।

—তারপর একটুখানি থেমে আর একবার টোকা মারবে! একজন চাষী এসে দরজা খুলে দিয়ে জিজ্ঞেস করবে—ধাই-এর কাছ থেকে আসছে। বুঝি! তুমি অমনি বলবে যে, হ্যাঁ আমি ধাই-গিন্নীর কাছ থেকেই আসছি। আর কিছু করতে হবে না। সে-ই তখন সব করবে।

তাহাদের এই সব গোপন ইঙ্গিতের কথা শুনিতে শুনিতে মা হাসিতেছিলেন। মনে মনে ভাবিতেছিলেন, এরা এখনও ছেলেমানুষ।

—তা হলে ভুলে যাবে না তো হে? প্রথমে মুরাটভেঁ যাবে। সেখানে দাদাঠাকুরের খোজ করবে, তারপর—

নিকোলের স্বাভাবিক উপর অস্বাভাবিক করিয়া ইগনেটা আবার গোড়া হইতে সঙ্কেতগুলি বলিয়া বাইতে লাগিল। তারপর হাত বাড়াইয়া নিকোলের সহিত করমর্দন করিয়া সে বলিল—এখন তাহলে আমি বাই।

মা বলিলেন, অঙ্ককারে বাড়ী চিনে যেতে পারবে তো ?

—নিশ্চয়ই।

মাকে নিভৃত্তে পাইয়া নিকোলে উৎসুকভাবে জিজ্ঞাসা করিল, জেল থেকে ওদের বার করে নিয়ে আসার ওরা কি ঠিক করলো ?

—ওরা কাল সব ঠিক করবে বলেছে।

—ওদের তুমি একটু বুঝিয়ে বলো। তোমাকে আমি বলছি তুমি দেখো কত সহজ ব্যাপার। জেলের পিছন দিকে পাঁচিলের কাছে একটা ল্যাম্প-পোস্ট আছে—বোধ হয় দেখে থাকবে। ল্যাম্প-পোস্টের সামনেই খানিকটা খালি জায়গা পড়ে আছে আর তার বাঁ দিকে কবর। ডানদিকে রাস্তা—রাস্তার পর শহর। ব্যাপারটা হবে এই রকম, একজন ল্যাম্প-পরিষ্কার করা লোক কাঁধে মই নিয়ে, যেমন নিয়ম, ল্যাম্প পরিষ্কার করতে আসবে! মইটা যেমন জেলের গায়ে রোজ ঠেকিয়ে রাখে তেমন করে রাখবে। খানিকটা মইটার ওপর উঠে, ল্যাম্প পরিষ্কার করতে করতে পাঁচিলের দৈর্ঘ্যে একটা ছক টাঙিয়ে একটা দড়ির মই ছকে আটকে পাঁচিলের ওপারে ফেলে দেবে। তারপর সে চলে আসবে। জেলের ভেতর তাদের জানিয়ে দিতে হবে কবে কখন এই ব্যাপার ঘটবে। তখন তারা ছুজনে দড়ির মই বেয়ে সরে পড়বে। তারপর তো আমরা আছিই। মনে রাখবেন, দিনের বেলা এ কাণ্ডটা ঘটাতে হবে! দিনের বেলা জেল থেকে কয়েদী পালাবে, একথা কেউ সন্দেহ করতে পারবে না।

—এ ছাে বিশেষ কঠিন বলে মনে হচ্ছে না।

—না, কঠিন মোটেই নয়। আমি দড়ির মই, ছক, এবং ল্যাম্প-পরিষ্কার-করা লোক সব তৈরী করে রেখেছি। আমি যার আশ্রয়ে আছি এই বুড়ো—এই বুড়ো যাবে মই ঘাড়ে করে।

বাহিরে ভারি পায়ের শব্দ এবং সেই সঙ্গে কাশির শব্দ শোনা গেল, নিকোলে বলিয়া উঠিল, দূরটা আসছে।

দরজা খুলিতেই টব মাথায় একটি বৃদ্ধ লোক ঘরের ভিতর আসিয়া
নবাগত লোক দেখিয়া অভিনন্দন করিল।

—ঐ'ওকে জিজ্ঞাসা কর তুমি, মা।

বৃদ্ধ কক্ষস্থরে বলিয়া উঠিল, আমাকে? আমাকে আবার কি জিজ্ঞাসা
করবে?

—সেই জেল থেকে ওদের বার করে আনার কথা।

—ওঃ!

নিকোলে তাহাকে পরখ করিয়া দেখিবার জন্ত বলিল, ইয়াকুব, এই
সহজ ব্যাপার ইনি সম্ভব বলে বিশ্বাস করেন না।

—হঃ! বিশ্বাস করেন না মানে বিশ্বাস করতে চান না। তুমি আর
আমি বিশ্বাস করতে চাই আমরা বিশ্বাস করি। এতো সোজা কথা—
হাজ্জামা কোথায় এর মধ্যে?

মা বিস্ময়-বিস্ফারিত দৃষ্টিতে সেই ছুয়ে পড়া বৃদ্ধটির দিকে চাহিয়া
বলিলেন, নিকোলে, তুমি তো জানো, এ ব্যাপারে আমার 'কথাই শেষ
কথা নয়।

—তা জানি। কিন্তু আপনি ওদের বুঝিয়ে বলুন। আমি যদি একবার
বেকতে পারতাম! জোর করে ওদের মত করাতাম।

ধানিকক্ষণ চিন্তা করিয়া মা বলিলেন—তুমি ভুলে যাচ্ছ, নিকোলে, এ
বিষয়ে সিদ্ধান্ত করার ভার পাভেলের ওপর।

বৃদ্ধটি চুপ করিয়া শুনিতেছিল। জিজ্ঞাসা করিল, পাভেল কে হে?

—আমার ছেলে।

ঘাড় নাড়িয়া পাইপে তামাক গুঁজিতে গুঁজিতে সে বলিল, তার নাম
আমি শুনেছি। আমার ভাইপোটা প্রায়ই তার নাম বলতো! সে ব্যাটাও
জেলে। শুনিছি হারামজাদারা তাকে সাইবেরিয়াতে পাঠাবে।

পাইপটি ধরাইয়া ঘরের মেঝের ছাধারে থুথু ছড়াইতে ছড়াইতে বৃদ্ধ
বলিল, তাহলে উনি চান না। বেশ, ভাল কথা। ওঁর নিজের ছেলে

তার সম্বন্ধে উনি যা ভালো বোঝেন তাই করবেন। যার যেমন ইচ্ছে তাকে তাই করতে দেওয়া উচিত। জেলে বসে বসে ক্লান্ত হয়ে পড়েছ? বেরিয়ে আসতে চাও? এসো। চলে আসতে তোমার ক্লান্তি লাগে? এসো-না, বসে থাক। তোমার সর্বস্ব লুণ্ঠ করেছে? করেছে, চূপ করে বসে থাকো। তোমাকে মেরেছে? মারুক, সহ্য করো। তোমাকে মেরে ফেলেছে? বেশ, মরেই থাকো। আমি আমার ভাইপোটারেই সরাবো।

ভোর বেলা মা বাড়ী ফিরিয়া আসিলেন।

রবিবার দিন জেলে পাভেলের সহিত আবার দেখা হইল। হাতে একটা কাগজের কুচি লইয়া কাঁপিতে কাঁপিতে জেলের বাহিরে আসিয়া দাঁড়াইলেন। আসিবার সময় পাভেল বলিল, রাগ করো না, মা!

মা বুঝিলেন চিঠিতে কি লেখা আছে। কাতর অশ্রুনের দৃষ্টি লইয়া পুত্রের মুখের দিকে চাহিলেন। কিন্তু সে মুখে কোনও উত্তর ফুটিয়া উঠিল না। বাড়ীতে আসিয়া কাঁপিতে কাঁপিতে চিঠিটি আইভানোভিচের হাতে দিলেন। সে পড়িতে লাগিল—

কমরেড, আমরা এরকম ভাবে পালাতে চাই না। আমরা পারি না, আমাদের দুজনের মধ্যে কেউ না। আমরা যদি এরকম ভাবে পালিয়ে যাই, তা হলে আমাদের সহযাত্রী বন্ধুদের শ্রদ্ধা আমরা হারাবো। তার চেয়ে, নতুন যে ক্লষকটি ধরা পড়েছে তাকে উদ্ধার করবার চেষ্টা তোমরা ভাবো। তার জন্তে যদি তোমরা কষ্ট পাও, তোমাদের সে কষ্ট সার্থক হবে। এখানে তার জীবন দুর্বল হয়ে উঠেছে। প্রতি মুহূর্তেই একটা না একটা ব্যগড়া বাঁধছে আর শান্তি পাচ্ছে। এরই মধ্যে চব্বিশ ঘণ্টা অন্ধকার সেন্সেলে আটকে রাখা তার হয়ে গিয়েছে। তার জন্তে আমরা সবাই যতটুকু পারি চেষ্টা করি। মাকে বুঝিয়ে বলো—তিনি হয়ত সব বুঝবেন! মাকে একটু দেখো! পাভেল।

মা সোজা হইয়া বসিলেন। পুত্র গর্বে তাঁহার বুক ভরিয়া আসিল। সংযত স্থির কর্তে তিনি বলিলেন, আমাকে বোঝাবার কি আছে? বরক

ও যা বলেছে—রাইবিন সম্বন্ধে ভেবে দেখা যাক, তাকে কি করে জেল থেকে বার করা যায় !

স্থির হইল এ সম্পর্কে সমস্ত ভার শাশাঙ্কা লইবে !

কিছুক্ষণ পরে লুভমিলা হাঁপাইতে হাঁপাইতে আসিয়া ঘোষণা করিল
এ সামনের সপ্তাহে বিচারের দিন পড়িবে। স্থির সংবাদ ! সে দিনই
বিচার শেষ হইয়া যাইবে। শান্তি নাকি ইহারই মধ্যে স্থির হইয়া
গিয়াছে।

অনিশ্চিত বেদনার আগমন-লগ্নের অসহ্য অপেক্ষায় মাত্র একটি দিন,
নিদারুণ দুর্ভাবনা আর আশঙ্কার মধ্যে কাটিল। দ্বিতীয় দিনও সেইভাবে
অতিবাহিত হইল। তৃতীয় দিন শাশাঙ্কা আসিল।

সব ঠিকঠাক। আজই এক ঘণ্টার মধ্যে !

আইভানোভিচ বিস্মিত হইয়া জিজ্ঞাসা করিল, এত শীগ্ৰুগীর ! এরি
মধ্যে সব ঠিকঠাক হয়ে গেল ?

কেন দেবী হবে ? শুধু বাকি ছিল একটা লুকোবার জায়গা ঠিক
করা আর একটা নতুন পোষাক সংগ্রহ করা। আর যা কিছু, সে সমস্ত
ভার তো সেই বুড়ো ইয়াকুব নিজে নিয়েছে। নিকোলে আর আমি
ছদ্মবেশে ওখানে থাকবো। গায়ে একটা ওভারকোট, মাথায় একটা
টুপি চাপিয়ে ওকে আমরা নিয়ে যাবো।

জানালার কাছে দাঁড়াইয়া চাপা গলায় তাহারা কথা বলিতে লাগিল।
শাশাঙ্কা বলিতেছিল—বুড়োটা ওর ভাইপোকেও বার করে আনবার
বন্দোবস্ত করেছে। তবে দড়ির মইটা যেখানে থাকবে—জেলের ভেতর
থেকে সেটা দেখা যায়। অন্ত অনেক না ওদের সঙ্গে চলে আসে।

তাদের কথাবার্তা শুনিয়া মায়ের মন চঞ্চল হইয়া উঠিল। সহসা
তিনি বলিয়া উঠিলেন, আমিও যাব !

আইভানোভিচ মাকে বুঝাইয়া বলিল, লক্ষ্মীটি মা, আপনি সেখানে
যাবেন না ! মিছিমিছি ধরা দিয়ে কি লাভ বলুন।

তাহাদের মুখের দিকে চাহিয়া ঘাড় নাড়িতে নাড়িতে মা জেদ করিয়া বলিলেন, না আমি যাবই !

শাশাঙ্ক। মায়ের দিকে অগ্রসর হইয়া ঘাড় দোলাইয়া বলিয়া উঠিল, তবুও আশা করেন, আসবে? আমি আপনাকে বলছি, মা, সে কথার পালাবার চেষ্টা করবে না।

শাশাঙ্ককে জড়াইয়া ধরিয়া তবুও মা বলিয়া উঠিলেন, সে যাই হক, বাছা, তবুও তোদের সঙ্গে আমাকে নিয়ে চল !

শাশাঙ্ক। বুঝিল মা যাইবেনই।

কিন্তু দেখুন, আমরা তো কেউ এক সঙ্গে যাবো না ! আপনাকে যেতে হলে একলা সেখানে যেতে হবে। ধারণ, কেউ যদি জিজ্ঞাসা করে, সেখানে কি করতে গিয়েছেন, কি বলবেন ?

তাহারা রাজী হইয়াছে এই আনন্দে মা বলিয়া উঠিলেন, সে তখন আমি দেখবো'খন !

এক-ঘণ্টা পরে মা জেলের কাছে গিয়া উপস্থিত হইলেন। তখন হঠাৎ ঝড় বহিতে আরম্ভ হইয়াছে। মাথার উপর নীল সাগরের ভেলা বায়ুতাড়িত হইয়া পবন-বেগে ছুটিয়া চলিয়াছে।

মা পিছন দিকে চাহিয়া দেখিলেন, সমস্ত শহর ঝড়ে আর ধূলিতে অদৃশ্য হইয়া গিয়াছে। সম্মুখে সেই কবর-ভূমি। তাহারই দক্ষিণে, তিনি যেখানে দাঁড়াইয়াছিলেন তাহার মাত্র সত্তর ফিট দূরে, কারাগার ! কবর-ভূমির ধার দিয়া দুইজন সৈনিক ঘোড়ার লাগাম ধরিয়া হাটিয়া চলিয়াছে। ইহার দুইজন ছাড়া সে-সময় সেখানে আর একটিও প্রাণী ছিল না।

সেখানে আসিবার একটা কিছু কারণ বাহির করিবার তাগিদে হঠাৎ মা সোজা সৈনিক দুইটির দিকে অগ্রসর হইলেন। তাহাদের কাছে গিয়া জিজ্ঞাসা করিলেন, বাবা এখানে একটা ছাগল আসতে দেখেছ তোমরা ?

তাহাদের একজন উত্তর দিল, না !

ছাগল খুঁজিতে খুঁজিতে তাহাদের ছাড়াইয়া কবর-ভূমির প্রাচীরের

দিকে অগ্রসর হইলেন ; মাঝে মাঝে আড়চোখে দক্ষিণ এবং পিছন দিকে চাহেন। কিছুদূর অগ্রসর হইতেই সহসা তাঁহার পা যেন ধরিয়া আসিল। সর্বদেহ কাঁপিয়া উঠিল। দেখিলেন, কারাগারের অপর দিক হইতে একজন দীর্ঘকায় বৃদ্ধ লোক আসিতেছে। তাহার কাঁধে একটি ছোট্ট মই। মা পিছন ফিরিয়া দেখিলেন, সৈনিক দুইটি ঘোড়াটাকে লইয়া ঘুর-পাক খাওয়াইতেছে। সামনে চাহিতেই দেখিলেন, জেলের দেওয়ালের গায়ে তখন মই লাগাইয়া সে উপরে উঠিয়াছে। তাহার পর আর তাহাকে দেখিতে পাইলেন না। কয়েক সেকেন্ডের মধ্যে দেখিলেন, রাইবিনের মাথা পাঁচিলের উপরে দেখা দিল, তাহার পর, তাহার সমস্ত দেহ। তাহার পিছনে আর একজন লোক সিঁড়ি দিয়া নামিয়া আসিল। আর একজন লোকের মূর্তি দেখা গেল কিন্তু সে সিঁড়ি দিয়া আর নামিল না। পাঁচিলের ওপারে কারাগারের মধ্যেই সে অদৃশ্য হইয়া গেল। দেখিতে দেখিতে বাগানের উন্টো দিক দিয়া শহরের পথে তাহারা অদৃশ্য হইয়া গেল।

মা কানে আর কিছু শুনিতে পাইতেছিলেন না। চারিদিক হইতে নানারকম শব্দের টুকরা তাঁহার কানে আসিয়া বাজিতেছিল। কোথায় অনবরত কে বাঁশী বাজাইতেছে, কাহার চীৎকার করিতেছে, চারি দিকে শব্দের ঝড় বহিয়া যাইতে লাগিল। অদূরে দেখিলেন পুলিশের লোকেরা ছুটাছুটি করিতেছে।

একজন পুলিশ কনেষ্টবল দৌড়াইয়া আসিয়া মাকে ডাকিয়া বলিল, এই দাঁড়া বুড়ি! এখান দিগে দাড়ি-ওয়ালা একটা লোককে দৌড়ে ধেতে দেখেচিস্ ?

হাঁ, দেখেছি হুজুর, এই বাগানের ভিতর দিগে ছুটে চলে গেল।

আবার বাঁশী বাজিল। চারিদিক হইতে লোক ছুটিয়া বাগানে ঢুকিল। বাড়ী ফিরিয়া আসিতেই আইভানোভিচ মাকে আনন্দে জড়াইয়া ধরিল। বলিল, ভালয় ভালয় ফিরে এসেছেন তাহলে ? কি রকম কি হলো ?

মনে হচ্ছে সম্পূর্ণ নির্বিঘ্নে সমস্ত হয়ে গিয়েছে !

যাহা দেখিয়াছিলেন, তাহার প্রত্যেক খুঁটিনাটিটি বলিতে আরম্ভ করিলেন ।

আইভানোভিচ বলিয়া উঠিল, আপনাদের বরাত ভালো । ভগবানই জানেন, আপনার জন্তে আমার কি দুর্ভাবনাই না হচ্ছিল ! এখন শুধুন, বিচারের দিন ঠিক হয়ে গিয়েছে । আপনি বিচারের জন্তে কোনও ভয় পাবেন না । যত শীগ্গীর ওটা চুকে যায়, পাভেল তত শীগ্গীর ছাড়া পাবে ! সাইবেরিয়ায় ওকে আমরা যেতে দেবো না ! পথ থেকেই ওকে সরিয়ে ফেলবো !

ব্যাকুল হইয়া মা জিজ্ঞাসা করিলেন, আমি কি জজদের কাছে শিক্ষাস্বরূপ কিছু চাইতে পারি না ?

আইভানোভিচ লাকাইয়া উঠিয়া ক্ষুব্ধস্বরে বলিল, ছিঃ, মা, কি বলছেন আপনি ! আমাদের এরকম করে অপমান করবেন না !

মা লজ্জিত হইয়া বলিয়া উঠিলেন, আমাকে ক্ষমা কর তোমরা ! আমি সত্যিই ভয় পেয়েছি ! কিসের যে ভয় তা বুঝতে পারি না । মনে হয় তারা পাভেলকে অপমান করবে । বলবে হয়তো, “এই চাষার ছেলে !” আর সে যা ছেলে—তখন হয়ত রেগে কি যা-তা একটা উত্তর দেবে—আশ্রিটাও আছে—জ্ঞান হারাতে ওদের এক মিনিটও সময় লাগে না, হয়ত তখন এমন একটা কাণ্ড করে বসবে যাতে এমন শাস্তি হবে যে আর ওদের জীবনে দেখতেই পাবো না !

বহুক্ষণ ধরিয়া নানাভাবে মা তাঁহার অন্তরের এই অসহায় দুর্বলতার কথা আইভানোভিচকে বুঝাইতে চেষ্টা করিলেন কিন্তু আইভানোভিচ যে বুঝিল তাহা তাঁহার মনে হইল না ।

বিচারের দিন অল্প সকলের সহিত মাও আদালতে বিচার-গৃহে গিয়া বসিলেন । তাঁহার পাশে যে নারীটি বসিয়াছিল মাকে আসিতে দেখিয়াই সে মুখ বিকৃত করিয়া বলিয়া উঠিল “তোমার ছেলেটাই

তো আমাদের ছেলেটার মাথা খেলো!” মা চাহিয়া দেখিলেন, সাময়লভের মা।

বুদ্ধ সিজ্জভও আসিয়াছিল। সাময়লভের মাকে তিরস্কার করিয়া সিজ্জভ বলিয়া উঠিল, চুপ্ কর নাটালিয়া।

মা নির্ঝাঁক নিষ্পন্দ আতঙ্কে চারিদিকে চাহিয়া দেখিলেন। জানালাগুলি প্রায় ছাদের কাছে গিয়া লাগিয়াছে। সেখান হইতে শীতের দিনের মত স্নান আলো ঘরে আসিয়া পড়িতেছে। সামনের দুইটি জানালার মধ্যখানে আরের একটি প্রকাণ্ড ছবি—সোনালী ফ্রেমটি ঝিকঝিক করিতেছে। কিছুক্ষণ পর হঠাৎ দেখিলেন, একজন লোক আসিয়া গম্ভীরভাবে কি বলিয়া গেল আর সকলে উঠিয়া দাঁড়াইলেন। সিজ্জভের হাত ধরিয়া মাও উঠিয়া দাঁড়াইলেন। বামদিকের কোণে একটি বড় দরজা খুলিয়া গেল। একজন বৃদ্ধলোক ছলিতে ছলিতে আসিয়া চেয়ারে বসিল। তাহার পিছনে চার পাঁচজন আরও লোক আসিল। কিছুক্ষণ পরে পুলিশের পোষাক পরা একজন লোক কি সব বলিল। বৃদ্ধ লোকটি গম্ভীরভাবে ঘাড় নাড়িয়া দুইটি ঠোঁটের ফাঁক দিয়া চিবাইয়া বলিলেন, আরম্ভ হক—

সিজ্জভ মার কানে কানে বলিয়া উঠিল, দেখ দেখ।

মা দেখিলেন ঘরের আর একদিকের দেয়ালের গা হইতে আর একটি দরজা খুলিয়া গেল। একটা তারের বেড়া দেওয়া জায়গার ভিতরে খোলা তলোয়ার হাতে প্রথমে একজন সৈনিক প্রবেশ করিল। তাহার পিছনে সারি বাধিয়া আসিল, পাভেল, আন্দ্রি, ফিডিয়া, সাময়লভ, গুসেভরা দুই ভাই, বুকিন, সোমভ, আর দুইটি ছেলে, তাহাদের নাম মা জানিতেন না। মাকে দেখিয়া পাভেল মূহু হাসিয়া অভিবাদন জানাইল—আন্দ্রি মুখ ভ্যাঙচাইতে লাগিল। মায়ের মনে হইল, তাহাদের হাসিতে যেন ঘরের গুমোট কাটিয়া গেল।

মায়ের কানের কাছে মুখ লইয়া চুপি চুপি সিজ্জভ বলিয়া উঠিল, দেখছো, ছোড়ারা কি রকম শক্ত রয়েছে। একটুও কাঁপছে না।

এমন সময় গুরু গম্ভীর কণ্ঠে চীৎকার করিয়া কে হাঁকিয়া উঠিল, চুপ কর সব !

দেখিতে দেখিতে সমস্ত ঘর নিস্তব্ধ হইয়া গেল ।

বিচার আরম্ভ হইল । বুদ্ধলোকটি আসামীদের দিকে না চাহিয়া অম্পটস্থরে কি প্রস্তাব করিতেছিল—মা আদৌ বুঝিতে পারিতেছিল না । পাভেল তাহার কথার উত্তর দিতেছিল—শান্ত, গম্ভীর ভাবে, অতি স্বল্প কথায় । বিচারক এবং বিচার-সংক্রান্ত যে সমস্ত লোক সেখানে সমাগত হইয়াছিল, মা তাহাদের মুখের দিকে অনেকক্ষণ ধরিয়া চাহিয়া দেখিলেন । দেখিয়া তাহার অম্পট ধারণা হইল যে, ইহারা কখনই নিষ্ঠুর হইতে পারে না ; ইহাদের মুখে নিষ্ঠুরতা বা বীভৎসতার তো কোন লক্ষণ নাই ।

পোসিলেনের মত রঙ-করা মুখ একটি লোক অনেকক্ষণ দাঁড়াইয়া কি বলিয়া গেল । তারপর চারজন উকিল আসামীদের কাছে গিয়া কি পরামর্শ করিতে লাগিল ।

প্রথম বুদ্ধ লোকটির পাশে আর একজন বিচারক বসিয়াছিলেন । ক্ষীতকায় দেহটি আর্ষচেয়ায়ে যেন ধরিতেছিল না । তাহার পাশে লাল গৌপ-ওয়ালা আর একজন লোক চেয়ায়ে মাথা ঠেসান দিয়া চোখ বুজিয়া কি ভাবিতেছিল । দ্বিতীয় বিচারকের পিছনে শহরের মেয়র বসিয়া ছিলেন । ক্ষীতোদরটিকে ওভার-কোট দিয়া ঢাকিয়া রাখিবার ব্যর্থ চেষ্টায় বিব্রত হইয়া পড়িতেছিলেন ।

সহসা মা শুনিলেন পাভেল ক্রুদ্ধস্বরে সকলকে শুনাইয়া বলিতেছে, আসামী আর বিচারক বলে এখানে কেউ নেই । এখানে আছে শুধু বন্দী আর বিজ্ঞতা !

সমস্ত ঘর একেবারে নীরব হইয়া গেল । মা শুধু শুনিতে পাইতেছিলেন—বিচারকের হাতে কলম চলার শব্দ এবং তাহার নিজের হৃদস্পন্দন ।

প্রথম বিচারকটি জিজ্ঞাসা করিলেন, আক্সিনাখোদকা, তুমি দোষ স্বীকার করছো—

কে যেন কাহার কানে বলিল, এই, এইবার ওঠ।

আজি ধীরে উঠিয়া দাঁড়াইল। গোঁপে হাত বুলাইতে বুলাইতে একবার আড়-চোখে বিচারকদের দেখিয়া লইয়া রুদ্ধস্বরে বলিয়া উঠিল, ~~দেখি~~ স্বীকার কিসের জন্তে কেনই বা করতে যাবো? কাউকে হত্যা করিছি, চুরিও করিনি। যে জীবন-ধারার মধ্যে থাকলে মানুষ হত্যা আর চুরি করতে বাধ্য হয়—আমি শুধু জানিয়েছি যে সে জীবন-ধারার সঙ্গে আমার কোনও যোগ নেই।

বুদ্ধ বিচারকটি স্পষ্টস্বরে জোরে বলিয়া উঠিল, তোমার অত কথা আমরা শুনতে চাই না। শুধু বলো, ইয়া কি না!

আজি ফিডরের দিকে চাহিয়া বলিল, ফিডর, তুমি উত্তর দাও।

এক লাফ দিয়া দাঁড়াইয়া উঠিয়া ফিডর বলিল, আমি আবার কি বলবো! কোন কথা এখানে আমি বলতে চাই না! কি অধিকার আছে এঁদের আমাদের বিচার করবার?

স্থলোদর বিচারকটি ঘাড় বাঁকাইয়া বুদ্ধ বিচারকটির কানে কানে কি বলিলেন। তিনি মাথা তুলিয়া আসামীদের একবার ভাল করিয়া দেখিয়া লইয়া মাথা নীচু করিয়া কি লিখিতে লাগিলেন। তারপর আবার কিছুক্ষণ ধরিয়া একটানা ভাবে কি বলিয়া যাইতে লাগিলেন। বক্তৃতার শেষে সরকারী উকিল কয়েকজন লোককে ডাকিয়া প্রশ্ন করিতে লাগিল। একজন সৈন্ত আসিয়া সাক্ষ্য দিল। সে বলিল, পাভেলকে ওদের দলের সর্দার বলে ওরা মানে!

বুদ্ধ বিচারকটি ঘাড় নাড়িয়া জিজ্ঞাসা করিল, আর নাখোদকা?

—সেও একজন সর্দার!

বিচারকদের দিকে চাহিয়া মায়ের মনে হইতেছিল, তাহারা সকলেই যেন অবসন্ন, অস্থস্থ। তাহাদের অঙ্গ-সঞ্চালনে, কথাবার্তায়, প্রত্যেক ভঙ্গীতে মনে হইতেছিল, একটা রোগতন্ত্র পাণ্ডুর অবসন্নতা যেন তাহাদের গ্রাস করিয়া ফেলিয়াছে। তাহাদের ভঙ্গী দেখিয়া বেশ বোকা

যাইতেছিল, এই পুলিশ, কনেষ্টবল, উকিল, পেয়াদা, এই আদালত এই বাধ্য হইয়া আর্মচেয়ারে বসিয়া থাকা, এবং যে সমস্ত ব্যাপার তাহারা আগে হইতেই জানে, তাহার সম্বন্ধে গম্ভীরভাবে এই সব প্রশ্ন করা— সমস্তই যেন এক অতি জঘন্য বিরক্তিকর ব্যাপার! তাঁহাদের দেখিয়া ভয় করিবার পরিবর্তে মাগের মনে হইতেছিল দয়া করাই উচিত।

আসামীদের দিকে চাহিয়া দেখিলেন, তাহারা নিজেদের মধ্যে হাসা-হাসি করিতেছে, আদালতে কি হইতেছে, তাহার প্রতি তাহাদের বিন্দু-মাত্র আক্ষেপ নাই। বিচারক, এটর্নী, উকিল, পুলিশ ইহাদের কোন কথাই সন্ধে যেন তাহাদের কোনও যোগ নাই।

বিপ্রহরে কিছুক্ষণ বিশ্রামের জন্ত আদালতের কাজ বন্ধ হইল। ঘর খালি করিয়া সকলকে বাহির করিয়া দেওয়া হইল।

মা শুনিলেন, তাঁহার পাশেই কে যেন বলিতেছে, বা দিকের এই মেয়েমানুষটি?

আর একজন তাহার উত্তরে বলিল, হাঁ!

মা ফিরিয়া চাহিয়া দেখিলেন দুইটি লোক তাঁহাকে লক্ষ্য করিয়া কি কথা বলিতেছে। তাহাদের কোথায় যেন দেখিয়াছেন, কিছুতেই স্মরণ করিয়া উঠিতে পারিলেন না।

কিছুক্ষণ পরে পেয়াদা হাঁকিল, আসামীদের যারা আত্মীয় তারা টিকিট দেখিয়ে ঢোক!

পিছন হইতে কে বলিয়া উঠিল, টিকিট? একি সার্কাস না কি!

আবার বিচারগৃহে যে ঘাহার আসনে আসিয়া বসিল। বিচারকদের আসার সঙ্গে সঙ্গে আবার সকলে উঠিয়া দাঁড়াইয়া আবার বসিল। আদালতে বসিতেই সরকারী উকিল বক্তৃতা দিতে আরম্ভ করিল।

তাহার বক্তৃতা শুনিতে বৃদ্ধ সিঁজত অক্ষুট স্বরে বলিয়া উঠিল, মিথ্যে কথা সব!

আসামীরা তেমনি নিজেদের মধ্যে গল্প লইয়াই ব্যস্ত ছিল। তাহাদের

স্বপ্নে কি বলা হইতেছে তাহা শুনিবার জ্ঞান তাহাদের কোনও আগ্রহ ছিল না।

মা বিচারকদের দিকে চাহিয়াছিলেন। তাঁহাদের মুখের দিকে চাহিয়া মায়ের স্পষ্ট ধারণা হইল যে এই বক্তৃতা শুনিতে তাঁহাদের কাঁহাও ভাল লাগিতেছে না।

কিছুক্ষণ পরে হঠাৎ সরকারী উকিলের বক্তৃতা শেষ হইয়া গেল। মাথা নীচু করিয়া বিচারকদের অভিবাদন জানাইয়া তিনি আপনার আসনে গিয়া বসিলেন।

আইভানোভিচ আসামীদের পক্ষ হইতে একজন উকিল ঠিক করিয়াছিল। তিনি কিছুক্ষণ বলিবার পর সহসা আসামীদের দিক হইতে পাভেল উঠিয়া দাঁড়াইল। তাহাকে সেইভাবে হঠাৎ উঠিয়া দাঁড়াইতে দেখিয়া সকলে নীরব হইয়া গেল।

পাভেল গম্ভীরভাবে বলিয়া উঠিল,—আপনাদের এই আদালতে দাঁড়িয়ে আমি আত্মপক্ষ সমর্থন করিতে উঠিনি, আত্মপক্ষ সমর্থন করিতে চাইওনা। আমি শুধু সেই বিচারককে গ্রাহ্য করি, যে-বিচার আসবে আমাদের দলের তৈরী আদালত থেকে। তবুও কয়েকটা কথা বলতে চাই। যে-কথা আপনারা কিছুতেই বুঝতে পারছেন না, সেটা একটু আমি বুঝিয়ে দিতে চাই।

সহসা তাহার সেই গম্ভীর স্থির স্পষ্ট কণ্ঠস্বরে সমস্ত ঘর থম্ থম্ করিয়া উঠিল। সে ধনি সহসা সেই বদ্ধ ক্ষুদ্র আবেষ্টনীর মধ্যে প্রান্তরের সীমাহীনতাকে আনিয়া দিল। মা দেখিতেছিলেন, তাহার পুত্র যেন সন্মুখ হইতে সকলকে দূরে সরাইয়া দিয়া একা এক অপক্লপ মহিমায় সমুদ্ভাসিত হইয়া উঠিয়াছে। পাভেল বলিতেছিল—

১.—আমরা সাম্যবাদী। তার মানে আমরা ব্যক্তিগত সম্পত্তির চিরশত্রু। আমরা বুঝেছি, এই অর্থ-সংগ্রহের মোহই মানুষের কাছ থেকে মানুষকে দূরে রাখে। পরম্পরকে আঘাত করবার জগ্নে পরম্পরের

হাতে তুলে দেয় শানিত অস্ত্র, জাগিয়ে তোলে হাজার রকমের সমাপ্তিহীন স্বার্থের সংঘর্ষ! আমরা জানি, এই ব্যক্তিগত অর্থ-সংগ্রহের মোহে মানুষ নিজের কাজকে সমর্থন করিয়ে নেবার জন্তে নানারকমের মিথ্যে কথা তৈরী করে ঢাকতে চায় তাদের অনাচারকে, প্রবঞ্চনাকে, সমস্ত মিথ্যাচারকে। যে-সমাজ মানুষকে শুধু মনে করে অর্থ-বাড়াবার একটা কল মাত্র, সে সমাজ কখনও আমাদের মিত্রভাবে গ্রহণ করতে পারে না— আমরাও কখন তার রীতি-নীতি মানতে পারি না! এই রকম সমাজের বিধি-বিধান থেকে মানুষকে দেহের দিক দিয়ে, তার মনের দিক দিয়ে সকল রকমে মুক্তি দেবার জন্তে আমরা চাই যুদ্ধে এবং আমরা যুদ্ধবোধ!

—আমরা মজুর! একটা ছোট্ট খেলনা থেকে পাহাড়প্রমাণ কল পর্যন্ত সমস্তই আমাদের শ্রমে তৈরী হয়। প্রত্যেক লোকই আমাদের কাজে লাগাতে চায়, শুধু তাদের নিজের স্বার্থ-সিক্তির জন্তে! আজ আমরা তাই চাই সেই স্বাধীনতা, যা কালক্রমে সমস্ত শক্তি এনে দেবে তাদেরই হাতে, যারা হাত দিয়ে সৃষ্টি করেছে এই সভ্যতাকে! আমাদের মূলমন্ত্র হচ্ছে—শক্তির অধিকার পাক সকলে; ঐশ্বর্য্য উৎপন্ন করবার সমস্ত রকম জিনিসের ওপর থাক সকলের অধিকার; আর সেই সঙ্গে এই হোক নিয়ম, প্রত্যেক লোককে হবে নিজের হাতে শ্রম করতে! ১

এই আমাদের কথা! দেখছেন, আমরা বিপ্লবী নই!

বৃদ্ধ বিচারকটি বলিয়া উঠিলেন, অত বেশী কথা বলবার কি দরকার? পাভেল সোজা হইয়া দাঁড়াইল। তাহার নীল চোখে একটা কোমল করুণ আভা ফুটিয়া উঠিল। সে বলিতে লাগিল—

—যতদিন ব্যক্তিগত সম্পত্তি থাকবে, ততদিন আমরা এই রকম বিদ্রোহী হয়ে থাকবো। যতদিন একদল লোক শুধু খেটে যাবে, আর একদল শুধু হুকুম চালাবে, ততদিন আমরা থাকবো বিদ্রোহী। সম্পত্তি চায় সংরক্ষণ। কি প্রাণান্ত চেষ্টা না করতে হয় সম্পত্তিকে সংরক্ষণ

করতে। এই প্রবৃত্তি মানুষকে এতদূর পেয়ে বসে যে তার দাস হয়ে পড়ে। অন্তরের দিক দিয়ে হয়ে যায় কৃতদাস। যে-সমস্ত অভ্যাস এবং সংস্কার আপনারা তৈরী করছেন, তার ভার এক তিল নামাতে আপনারাই পারেন না—মনের দিক দিয়ে আমরা তো মুক্ত! জীবন থেকে মানুষকে দূরে সরিয়ে রেখে আপনারা জগৎকে করে তুলেছেন বিচ্ছিন্ন, ভেদ-ক্লিষ্ট; এই বিচ্ছিন্নতাকে দূর করে আমরা জগৎকে সমগ্র সম্পূর্ণ করতে চাই।

কয়েক সেকেণ্ড থামিয়া পাভেল আপনার মনে বলিয়া উঠিল,—এবং তা হবেই।

তারপর কয়েকবার আপনার মনে শেষের কথাগুলি আবৃত্তি করিতে করিতে সে বলিয়া উঠিল, আমার বক্তব্য শেষ হয়ে গেছে। তবে শেষে এইটুকু বলতে চাই, ব্যক্তিগতভাবে আপনাদের অপমান করা আমার আদৌ ইচ্ছা ছিল না। বরঞ্চ, এই গ্রহসনের অনিচ্ছুক দর্শক হিসাবে এখানে থাকতে বাধ্য হয়ে, আপনাদের মুখের যে চেহারা দেখলুম তাতে আমার মনে আপনাদের প্রতি করুণাই হচ্ছে।

বিচারকদের দিকে না চাহিয়াই পাভেল বসিয়া পড়িল। ধীরে আঙ্গি আগাইয়া আসিল। বিচারকদের আহ্বান করিয়া আঙ্গি বলিয়া উঠিল, আসামী পক্ষের ভদ্রমহোদয়গণ—

জুদ্দ হইয়া চীৎকার করিয়া স্থলকায় বিচারকটী বলিয়া উঠিলেন, তোমার সামনে বসে কোর্ট, আসামীদের উকিল নয়!

আঙ্গির চোখে ছুটুমীর হাসি ফুটিয়া উঠিল! মা সে হাসি ভাল করিয়া জানিতেন। আঙ্গি বিন্মিত হইয়া বলিয়া উঠিল, তাই নাকি? না। বোধ হয়। আপনারা বিচারক তো নন—আপনারাই তো আসামীদের—

—সাক্ষাৎ কেসের সঙ্গে জড়িত নয় এমন কোন কথা বলতে পারবে না।

—সাক্ষাৎ ভাবে যা এই কেসের সঙ্গে জড়িত? আচ্ছা তাই হ'বে

আমি তা হলে ভাবতে পারি যে আপনারা হচ্ছেন সত্যিই বিচারক, স্বাধীন, সাধু—”

“তোমার চরিত্র-ব্যখ্যানের কোন প্রয়োজন নেই !”

“প্রয়োজন নেই—বলেন কি মশাই? আচ্ছা মনে করুন, আপনার সামনে দুটো দল দাঁড়িয়ে আছে। একদল বলছে—ওরা আমাদের সর্বস্ব হাতিয়ে নিয়েছে। অপর দল বলছে, হাতিয়ার আছে, তাই হাতাবার অধিকারও আমাদের আছে—”

“গল্প আমরা শুনতে চাই না।”

“বুড়ো লোকদের তো গল্প শুনতে ভাল লাগে !”

“তোমার ভাঁড়ামী বন্ধ কর! তুমি বসো। কথা বলতে পারবে না আর।”

আজি ঠোটে ঠোটে চাপিয়া বসিয়া পড়িল। সাময়লভকে উঠিতে দেখিয়া বৃদ্ধ বিচারকটি বলিয়া উঠিল, “তুমি বসো, তুমি কোনো কথা বলতে পারবে না।”

সাময়লভ তখন বলিতে আরম্ভ করিয়াছে, “এইমাত্র সরকারী উকিল আমাদের বর্কর, সভ্যতার শত্রু বলে গালাগাল দিলেন। আমি শুধু তাঁকে জিজ্ঞাসা করতে চাই, তাঁদের সভ্যতাটা কি রকম? তোমরাই নারীর নারীত্বকে নষ্ট করেছ, মানুষকে এমন জায়গায় নিয়ে ফেলেছ যেখানে চুরি-চামারি করতে সে বাধ্য—মদের মধ্যে তাকে ডুবিয়ে রেখেছো— এই তো তোমাদের সভ্যতা! আমরা সত্যিই এই সভ্যতার শত্রু! তবে আমরা শ্রদ্ধা করি আর এক সভ্যতাকে, তার শ্রষ্টাদের তোমরা অনন্ত নির্ধ্যাতন দিয়েছ, নির্বাসনে নির্বাসনে পচিয়ে মেরেছ—পাগল করে দিয়েছ—”

“এখনও বলছি চুপ কর।”

সাময়লভ বসিলে ফিডরের ডাক পড়িল। শামূপেনের বোতলের ছিপির মত লাফাইয়া উঠিয়া রাগে কাঁপিতে কাঁপিতে সে বলিয়া উঠিল,

“আমি প্রতিজ্ঞা করছি, যা শাস্তি দাও—যেখানেই নির্বাসনে পাঠাও, আমি পালাবই, নিশ্চয়ই পালাবো, পালিয়ে এসে আবার—”

তাহাকে জোর করিয়া বসাইয়া দেওয়া হইল।

তাহাদের মধ্যে আর কেহ কোন কথা বলিল না। বুদ্ধ সিদ্ধ মাকে ডাকিয়া বলিল, “এবার রায় দেবে।”

মা সচকিত হইয়া উঠিলেন। কিছুক্ষণ পরে বুদ্ধ বিচারকটি একটানা স্থরে কি বলিয়া গেলেন—মা বুঝিতে পারিলেন না।

সিদ্ধ বলিল, “নির্বাসন!”

মা শুধু কণ্ঠে বলিলেন, “ও আমি জানতামই।”

বিচারকগণ উঠিয়া গেলেন। আসামীদের বেড়ার কাছে তাহাদের আত্মীয়েরা শেষ দেখা করিবার জগু আসিল। মা আসিয়া পাভেলের সহিত দেখা করিলেন। অগ্ন সকলের মতই খাওয়া-দাওয়া, কাপড়-চোপড়, স্বাস্থ্য সম্বন্ধেই অতি সাধারণ কথাবার্তা বলিতে লাগিলেন। কিন্তু তাঁহার অন্তরে সহস্র কথা জাগিয়া উঠিতেছিল, তাঁহার নিজের সম্বন্ধে, শাশুকের এবং তাহার সম্বন্ধে। কিন্তু সমস্ত কথার অন্তরালে অন্তঃসলিলা ধারার মত তাঁহার অন্তরে আজ অপূর্ব এক কলনাদিনী স্নেহক্ষীরধারা বহিয়া চলিয়াছিল—তাহার উচ্ছল গতি যেন তিনি আর সহ্য করিতে পারিতেছিলেন না। কেমন করিয়া পাভেলকে বুকের অতি নিকটতম স্থলে রাখা যায়, কেমন করিয়া জানান যায় যে, তাহাকে ভালবাসিয়া বৃদ্ধার অন্তর ভরিয়া গিয়াছে, কি করিলে সে সন্তুষ্ট হইবে!

মা বলিলেন, “অল্প বয়সের ছেলেদের বিচার করবার জগু বুড়োদের বিচারক করা ঠিক নয়।”

হাসিয়া পাভেল উত্তর দিল, “তার চেয়ে যাতে অল্প বয়সের ছেলেদের আদালতে না আসতে হয় আর বুড়ো লোকদের না বিচার করতে বসতে হয়, জীবন সেই ভাবে নতুন করে সাজানো ভাল নয়?”

মা দেখিতেছিলেন লিটল রাশিয়ান সকলের সঙ্গে কথা বলিতেছে। পাভেলের চেয়ে তাহার স্নেহের প্রয়োজন বেশী তাহা মা বুঝিতেন। আগাইয়া গিয়া তাহার সহিত কথা বলিতে লাগিলেন।

অল্পক্ষণ পরেই পুলিশের লোক আসিয়া তাহাদের লইয়া গেল! আদালত হইতে বাহির হইতেই বিস্ময়ে দেখেন, কখন ক্রান্ত নগরীর উপর রাজির ছায়া নামিয়া আসিয়াছে। পথে পথে লঠনের আলো জলিয়া উঠিয়াছে, আকাশে জলিয়া উঠিয়াছে তারার প্রদীপ।

আদালতের চারিদিকে দল বাঁধিয়া সংবাদের জন্ত লোক ঘুরিয়া বেড়াইতেছিল। তাঁহাদের দেখিয়া তাহারা আগাইয়া আসিয়া জিজ্ঞাসা করিতে লাগিল।

সিদ্ধান্ত ঘাড় নাড়িয়া মাকে বলিল, “লক্ষ্য করেছ, নিলোভনা লোকে জিজ্ঞাসা করছে!”

একটা পথের বাঁকে হঠাৎ কয়েকজন যুবক এবং যুবতী মাকে ঘিরিয়া দাঁড়াইল। বিচারের ব্যাপার তন্ন তন্ন করিয়া জিজ্ঞাসা করিল। তাহার মধ্য হইতে একজন বলিয়া উঠিল, “যদি অনুমতি দেন, আপনার হাত একটু স্পর্শ করবো।”

বলিতে বলিতে সকলেই হাত বাড়াইয়া দিল। মা সকলের সঙ্গে কর-মর্দন করিলেন। কে বলিয়া উঠিল, “আপনার ছেলে মামুষের আদর্শ হয়ে থাকবে!”

কে একজন চীৎকার করিয়া উঠিল, “দীর্ঘজীবী হোক রুশ-প্রমিকেরা।”

চারিদিক হইতে বহুকণ্ঠে ধনিয়া উঠিল, “দীর্ঘজীবী হোক প্রমিকেরা।”

কাছেই কাম্পিতকণ্ঠে কে বলিয়া উঠিল, “শোন কমরেডরা, একটা রাক্ষস আজ রাশিয়ার লোকদের গ্রাস করে ফেলছে—তার নাম হলো স্বেচ্ছাতন্ত্র। তারই উদ্বোধন তলহীন গল্পেরে আজ আবার কয়েকজন—”

সিদ্ধান্ত মায়ের হাত ধরিয়া টানিয়া লইয়া বলিল, “চল, বাড়ী ফেরা যাক এখন।”

শাশাঙ্ক স্থির করিয়াছিল, পাভেলের সঙ্গে সেও নির্বাসনে যাইবে।
নির্বাসনে তাহাদের দুইজনের জীবন একস্বত্রে বাঁধা হইবে।

ঘরের মধ্যে নিবিড় হইয়া বসিয়া তাহারা সেই কথাই আলোচনা করিতেছিল। শাশাঙ্ক ঘন ক্র তুলিয়া জানালার বাহিরে দূর আকাশের দিকে চাহিয়াছিল।

মা বলিতেছিলেন, “তারপর তোদের যখন ছেলে হবে, আমিও তখন তোদের কাছে গিয়ে থাকবো। এখানে যেমন আছি, সেখানে তার চেয়ে আর কি খারাপ থাকবো! পাভলুসা একটা কাজ যোগাড় করে নেবে—ও ঠিক তা পারবে—”

আপনার মনে কি চিন্তা করিতে করিতে শাশাঙ্ক বলিয়া উঠিল, কিন্তু সে তো সেখানে বরাবর থাকবে না—তাকে তো চলে আসতে হবে—আর সে চলে আসবেই!”

“তা কি করে হয়? ধর, যদি তখন ছেলেপুলে হয়—তাদের ফেলে—”
“সে যখন হবে তখন দেখা যাবে। যদি তাই হয়, আমার দিক দিয়ে আমি বলতে পারি, আমি এক মুহূর্তের জন্তেও তার ইচ্ছার বিরুদ্ধে তাকে আটকে রাখতে চাইবো না। যে-কোন মুহূর্তে স্বাধীনভাবে যা ইচ্ছে তাই সে করতে পারে। আমি তার কমরেড—হ্যাঁ, জীও বটে কিন্তু তার জীবন যে-পথে যাত্রা করেছে সেখানে আমাদের এই সম্বন্ধটাকে সচরাচর স্বামী-স্ত্রীর যে সম্বন্ধ হয়, সে-ভাবে আমি দেখতে চাই না। তাকে ছেড়ে দিতে আমার কষ্ট হবে জানি কিন্তু তবুও তা করতে হবে। আর সে ভাল রকমই জানে, স্বামীকে সিন্দুকের টুকরার মত আমি দেখি না—”

তাহাকে বুকে টানিয়া লইয়া গাঢ় আলিঙ্গনে বদ্ধ করিয়া মা বলিলেন, “এতও সহিতে পারিস্ তুই!”

মায়ের বুকে মাথা লুকাইয়া মুহূ হাসিয়া শাশা বলিল, “সে অনেক দূরের কথা! এখন আর আমার কষ্ট কি! আমি তো কোনো ত্যাগ করছি না। আমি জানি, আমি কি করছি এবং তার ফলাফল কি হবে তাও আমি

জানি। তাকে যদি আমি সুখী করতে পারি তবেই আমি সুখী হবো! আমার একমাত্র কামনা হচ্ছে তার শক্তিকে বাড়িয়ে তোলা—আমার স্নেহ, আমার ভালবাসা দিয়ে তাকে ভরিয়ে রাখা। আমি জানি, আমি তাকে যতখানি ভালবাসি সেও আমাকে ঠিক ততখানি ভালবাসে। তার কাছে আমি যে অর্থ্য নিয়ে যাবো সেও আমাকে প্রতিদানে সেই অর্থ্য দেবে। আমরা দুজনে দুজনকে এমনি করেই পরিপূর্ণ করে তোলবার চেষ্টা করবো। তাতে যদি প্রয়োজন হয় ছাড়াছাড়ির, ক্ষতি কি, বন্ধুর মত তাকে দেবো মুক্তি।”

হঠাৎ আইভানোভিচ এক রকম ছুটিতে ছুটিতে আসিয়া উপস্থিত হইল। পরিশ্রান্ত, ব্যস্ত। বলিয়া উঠিল :

“শাশাঙ্কা, যতদিন সুস্থ আছো, এখানে আর এসো না। শীগ্গীরই এখান থেকে বেরিয়ে পড়ো—আমার মনে হচ্ছে আজই আমাকে এখানে গ্রেফতার করবে। দুটো চর পেছনে পেছনে ঘুরে বেড়াচ্ছে। আমি গন্ধে বুঝতে পারি, এ বিষয়ে আর কোনও সন্দেহ নেই। হ্যাঁ, আর একটা কথা। এই নাও পাভেলের বক্তৃতাটা—এটা গিয়ে লুডমিলাকে দেবে—শীগ্গীরই যেন ছাপিয়ে ফেলে। আর দেখো মা, তোমাকেও এ জায়গা ছাড়তে হবে। আজ রাতে তোমার এখানে থাকা চলবে না। তোমাকেও গ্রেফতার করতে পারে। ধরা পড়লে কাগজ বিলি করবে কে?”

আইভানোভিচ একান্ত ব্যস্ত হইয়া পড়িয়াছিল। তাহাকে এখনই যেন সকল কিছু ছাড়িয়া চলিয়া যাইতে হইবে—অথচ কোথাও কিছুই যেন গুছান হয় নাই।

মা বিস্মিত হইয়া জিজ্ঞাসা করিলেন, “আমাকে কেন ধরবে? তোর হয়ত ভুল হয়েছে ভাবতে—”

“এ বিষয়ে আমার ভুল হয় না। তুমি লুডমিলার কাছে যাও—তার অনেক কাজে লাগতে পারবে তুমি। পাপের স্পর্শ থেকে যত দূরে থাকতে পারো, ততই ভালো।”

“বেশ, তাই হবে।”

সেই রকম ব্যস্ত হইয়াই আইভানোভিচ বলিল, “যাও, কিন্তু একটা কথা মনে রেখো। লুডমিলার কাছে যে ছেলেরা থাকে তাকে কাল এই বাড়ীর সামনে যে মুঠেটা বসে থাকবে তার কাছে আমার খবরের জন্তে পাঠাবে। লোকটি বড় ভালো—আমার একজন বিশেষ বন্ধু। আচ্ছা, তোমরা এখন বিদায় হও। দেরী করা আর ভাল নয়।”

পথে বাহির হইয়া শাশাঙ্কা মায়ের কানে কানে বলিল, “ঠিক এই রকম সহজভাবেই ও মৃত্যুকেও বরণ করে নিতে পারে। যখন মৃত্যু ওর দরজায় আসবে, তখন ঠিক এই রকম একটু তাড়াহুড়ো করবে—তারপর দরজা খুলে—সে সামনে এসে যখন দাঁড়াবে, চশমাটা একবার ঠিক করে নিয়ে শুধু বলবে—চমৎকার! চলো। তারপর চির নিদ্রায় ঘুমিয়ে পড়বে।”

কিছুদূর অগ্রসর হইয়া শাশাঙ্কা বিদায় গ্রহণ করিল। যাইবার সময় বলিয়া গেল, “যদি দেখেন লুডমিলার দরজাতেও গুপ্তচর ঘুরছে—তাহলে ওখানে না গিয়ে সোজা আমার কাছে চলে আসবেন।”

“সে আমি জানি।”

কয়েক মিনিট পরে মা লুডমিলার ছোট্ট ঠাণ্ডা ঘরটিতে বসিয়া আছেন। ঘরের মধ্যে বসিয়া মা ভাবিতে চেষ্টা করিতেছিলেন ইহার মধ্যে কোন্‌খানে ছাপা হয়। রাস্তার দিকে তিনটি জানালা। ঘরের মধ্যে একটা সোফা। বইয়ের সেল্‌ফ্‌। দেওয়ালে ফটোগ্রাফ আর ছবি। মায়ের বেশ মনে হইতেছিল, কোথায় যেন কি লুকান আছে। কোথায় যেন গোপন পথ আছে, অথচ কোথায় যে তাহা সম্ভব মা তাহা বুঝিয়া উঠিতে পারিতেছিলেন না।

লুডমিলার গম্ভীর কঠোর মূর্তি দেখিলেই মা বিব্রত হইয়া পড়িতেন। একটা কালো রঙের পোষাক ফিতা দিয়া জড়ান। আপনার মনে লুডমিলা সমস্ত ঘর ধীরে পায়চারি করিতেছিল।

মা বলিয়া উঠিলেন, “একটা দরকারে তোমার কাছে এসেছি।”

“দরকার ছাড়া কেউ তো আমার কাছে আসে না।”

তাহার কণ্ঠস্বরে এক নূতন স্বর শুনিয়া মা ঘাড় তুলিয়া চাহিলেন। লুডমিলা হাসিয়া হাত বাড়াইতে পাভেলের বক্তৃতাটি তিনি তাহার হাতে দিলেন।

“এটা আজই ছাপাতে হবে বলে পাঠিয়েছে ওরা।”

তারপর মা আইভানোভিচের কথা পাড়িলেন। গ্রেফতারের সম্ভাবনায় সে কিরকম আয়োজন করিতে ব্যস্ত—ছেলেটিকে কাল তাহার সন্ধানে পাঠাইবার কথা সমস্তই বলিলেন।

পাভেলের বক্তৃতাটি কোমরে গুজিয়া রাখিয়া সে বলিয়া উঠিল, “চূপ করে ধৈর্য ধরে অপেক্ষা করা আমি বুঝি না। যারা আমাকে আঘাত করলো, তাদের আঘাত থেকে আত্মরক্ষা করবার অধিকার নিশ্চয়ই আমার আছে! আঘাত যে করে, আঘাতই সে প্রত্যাশা করে। ধৈর্য! ধৈর্য আমি বুঝি না!”

এতক্ষণ সে পাভেলের বক্তৃতা পড়ে নাই। স্টোভের আগুনের কাছে গিয়া তাহা পড়িতে আরম্ভ করিল। পড়িতে পড়িতে সহসা মুখ উদ্ভাসিত হইয়া উঠিল। পড়া শেষ করিয়া বলিল, “চমৎকার! এই তো চাই! যদিও এখানে সেই সব ধৈর্যের কথা আছে, তবু এ বক্তৃতা যেন কবরের আগে ড্রামের আওয়াজ! ড্রাম যে বাজিয়েছে, তার পাকা হাত একথা মানতেই হবে!”

কিছুক্ষণ সে আপনার মনে কি ভাবিল। তারপর বলিল, “আপনার ছেলের সম্বন্ধে আপনাকে কিছু বলতে চাই না! তার সঙ্গে আমার আজও পর্যন্ত কখনও চাক্ষুষ পরিচয় নেই। কিন্তু তবুও আমি জানি, আপনার ছেলে এক অপূর্ব মানুষ। বয়স তার অল্প বটে কিন্তু মহাপুরুষের প্রাণ আছে তার দেহে। ও রকম ছেলের মা হওয়া ভালো বটে কিন্তু বড় ভয়ানক!”

সোজা লুডমিলার মুখের দিকে চাহিয়া বলিলেন, “ভয়ানক আর কিছু নেই! এখন সবই ভালো।”

লুডমিলা হাত দিয়া অতি স্নেহে মায়ের চুল আঁচড়াইয়া দিতে লাগিল। মা দেখিলেন, একটা প্রাণ-ভরা আনন্দের বস্তুকে সে মুখে-চোখে বন্দী করিয়া রাখিয়াছে।

মুহু হাসিয়া বলিল, “তা হলে ছাপার-ব্যাপারে আপনি আমাকে সাহায্য করছেন?”

“নিশ্চয়ই!”

“আচ্ছা, আপনি একটু ঘুমিয়ে নিন। আমি ততক্ষণে এটা কাম্পোজ করে দেখি। আমি তো আর আজ রাত্তিরে ঘুমোবো না। যদি দরকার দেখি, আপনাকে ঘুম থেকে তুলবোখ’ন। শোবার সময় আলোটা নিবিয়ে শোবেন।

সামনের অগ্নিকুণ্ডে দুখানা কাঠ দিয়া তাহারই পাশের দেয়ালে একটা ছোট্ট দরজা খুলিয়া সে অদৃশ হইয়া গেল। সেই দিকে চাহিয়া মা আপনার মনে বলিয়া উঠিলেন, “বাইরে থেকে কি কঠিন মেয়ে কিন্তু ভেতরটা ওর জ্বলছে। এত চেষ্টা করেও তা লুকোতে পারে না। প্রত্যেকেই ভালবাসে, ভালবাসতে চায়। ভাল যদি না বাসে, জীবনে তবে কি দরকার!”

আলো নিভাইয়া মা শুইয়া পড়িলেন।

পরের দিন লুডমিলা ছেলোটিকে আইভানোভিচের সন্ধানে পাঠাইয়া জানিতে পারিল, পুলিশ সত্যই তাহাকে ধরিয়া লইয়া গিয়াছে।

কিছুক্ষণ পরে ডাক্তার আসিয়াও সেই খবর দিল।

ডাক্তার বলিল, “সে আমাকে তোমাদের এখানে দেখা করতে বলে দিয়েছে।”

“এখানে এসে তোমার যে বিশেষ কোন সুবিধে হবে বলে মনে হয় না। কাল রাত্তিরে জনকতক ছেলে পাভেলের বক্তৃতাটি হেক্টোগ্রাফে প্রায় পাঁচশো ছাপিয়েছে। ওরা চায় আজ রাত্তিরেই এই শহরে ওগুলো বিলি করতে। কিন্তু হেক্টোগ্রাফের ছাপা শহরে বিলি করতে

নেই। শহরের লোকেরা একটু ভালো ছাপা নইলে পড়ে না। ওগুলো বরঞ্চ অন্ত কোথাও যদি—”

মা বলিয়া উঠিলেন, “ওগুলো আমাকে দাও, আমি নাট্যাশার কাছে নিয়ে যাই!”

পাভেলের কথা পৃথিবীময় ছড়াইয়া দিবেন, যেখান দিয়া পায়ে-হাঁটা পথ গিয়াছে, সেখানেই তাহার কথাকে তিনি পৌছাইয়া দিবেন—এই বাসনা প্রবল ভাবে তাঁহার অন্তরকে পাইয়া বসিয়াছিল।

পকেট হইতে ঘড়ি বাহির করিয়া ডাক্তার বলিল, “সে মন্দ কথা নয়! এখন বারোটা বেজে বারো মিনিট হয়েছে। ট্রেন ছাড়বে দুটো পাঁচ মিনিটে। আপনি সন্ধ্যা নাগাদ সেখানে গিয়ে পৌছতে পারবেন। কিন্তু বিপদ তো সেখানে নয়।

“বিপদ কিসের?”

বিপদ হচ্ছে এই, আপনি হলেন আইভানোভিচের খুড়ি। তার গ্রেফতারের ঘণ্টাখানেক আগে আপনাকে আর দেখা গেলো না। আপনাকে দেখা গেলো তারপরের দিন নাট্যাশাদের গ্রামে। সেখানে সেই রাত্রেই কাগজগুলো বিলি হলো! আপনার গলায় দড়ি পড়তে এক মিনিটও দেরী লাগবে না!

তাহাদের আশ্বাস দিয়া মা বলিলেন, “তা কেন? আমি সেখানে গিয়েছি বুড়ো সিজভের সঙ্গে দেখা করতে। অনেক দিনের বন্ধু। আমারও ছেলে যেমন নির্কাসনে গিয়েছে, তারও ভাই-পো তেমনি নির্কাসনে গিয়েছে। মনের দুঃখে তার ওখানেই গিয়েছিলাম বলবো!”

“বেশ তাই হোক।” বলিয়া ডাক্তার চলিয়া গেল।

ডাক্তার চলিয়া গেলে দুইটি নারী বহুক্ষণ নীরবে বসিয়া রহিল। মায়ের হাত তুলিয়া ধরিয়া লুডমিলা ঘরের মধ্যে আবার পায়চারি করিয়া বেড়াইতে লাগিল। দীর্ঘশ্বাস ফেলিয়া মায়ের হাত ধরিয়া করুণ-কণ্ঠে বলিয়া উঠিল, “ভূমি মা ভাগ্যবতী! জান, আমারও একটি ছেলে আছে? তার

বয়স এখন তেরো হলো। তার বাপের সঙ্গে সে থাকে। তার বাবা হলো সরকারী উকিল। বাপের মতন সেও একদিন হয়ত সরকারী উকিল হবে—বাদের জন্তে আমি আজ প্রাণ দিয়ে গেলাম—আমার ছেলে হয়ত একদিন তাদেরই দেবে নির্ধ্যাতন। আমার ছেলে আমারই শত্রু হয়ে বাড়ছে। ছদ্মনামে আজ আট বছর ধরে বাস করছি—আট বছর তাকে আর দেখি নি।

জানালার কাছে দাঁড়াইয়া বাহিরের নিস্ত্রভ স্নান আকাশের দিকে চাহিয়া বলিল, “সে যদি আমার পাশে থাকতো—তাহলে আমার বুকে আজ কত জোর বাড়তো, জানো মা? আমারই শত্রু হয়ে সে বাড়ছে—এই চিন্তা আমাকে মেরে ফেলেছে! তার চেয়ে যদি জানতাম যে সে মরে গিয়েছে—”

“ছিঃ বাছা!”

“তুমি বুঝবে না মা! তুমি স্থখী। মা আর ছেলে পাশাপাশি দাঁড়িয়ে—জগতে এ দৃশ্য সচরাচর ঘটে না—এ অপূর্ণ!”

নিজের আনন্দের মধ্যে মা সহসা তলাইয়া গেলেন। বলিয়া উঠিলেন, “সত্যিই এ অপূর্ণ! এ এক নতুন জীবন। কোথায় ছিলাম—দেখি হঠাৎ কখন সকলে গিয়েছি আত্মীয় হয়ে।”

লুভমিলাকে বুকে টানিয়া লইয়া প্রিয় মন্ত্র উচ্চারণ করিবার মত মা বলিতে লাগিলেন, “ছেলেরা বেরিয়েছে আজ জগতের পথে—আমি আজ শুধু দেখছি, বুকের মাণিকেরা চলেছে পৃথিবী জুড়ে সকলে একসঙ্গে এক পথে। তারা চলেছে, পায়ের তলায় দলে চলেছে, যা-কিছু মিথ্যা, যা-কিছু অত্যাচার, যা-কিছু হীন; তুলে নিচ্ছে সবাইকে, নিচ্ছে তাদের চল পথে। যৌবন আছে তাদের, শক্তি আছে তাদের, অজের শক্তি তাদের, তারা শুধু চায়—স্ববিচার! তাদের মধ্যে একজন বলেছিল, আমরা জালিয়ে তুলবো নতুন স্বর্ঘ্য—সত্যি তারা জালিয়ে তুলেছে নতুন স্বর্ঘ্য। তারা বলছে সকল মাহুষের মধ্যে জাগিয়ে তুলবো একটা হৃদয়কে—সব হেঁড়া-খোঁড়া প্রাণ জোড়া দেবো আমরা একটা স্মৃতো দিয়ে।”

জানালার বাহিরে মেঘমুক্ত সূর্যের দিকে আঙুল দেখাইয়া মা বলিয়া উঠিলেন, “ঐ সূর্য, আর এই বুকে আর এক সূর্য জাগবে—এত স্বন্দর সূর্য ঐ আকাশে কখনও আসে নি—মানুষের, সকল মানুষের কল্যাণের মহাহুতিতে সমুজ্জল এক নতুন সূর্য। তার আলোতে এই পৃথিবীর যা কিছু আছে, সব ভরে উঠবে আলোয়!”

বহুদিনের-ভুলিয়া-যাওয়া প্রার্থনার স্বর অন্তরে জাগিয়া উঠিল। হৃদয়-অগ্নি-কুণ্ড হইতে ফুলিঙ্গের মত তাহারা বাহির হইয়া পড়িল।

—প্রেমের এই আলো ছেলেরা পৌছে দেবে সব জায়গায়! নতুন মেঘের রঙে তারা রাঙিয়ে দেবে জীর্ণ যা-কিছু আছে! তাদের অন্তরে যে অনির্বাক্য হোম-শিখা জলে উঠবে—তাতে তারা পবিত্র করে তুলবে—সব কিছু! তাদের প্রেমে আসবে নতুন জীবন! সে-প্রেম কে রোধ করবে? কোথায় সে শক্তি যা তার শক্তিকে বাধা দিতে পারবে? এই পৃথিবী নিজে সেই প্রেমকে জন্ম দিয়েছে—সমস্ত জীবনধারা চায় তার জয়! কে থামাবে তার গতিকে?

সহসা ক্লান্ত হইয়া মা বসিয়া পড়িলেন! উত্তেজনায় তাঁহার চৈতন্য অবশ হইয়া আসিতেছিল।

“কি বললাম, কিছু অন্ডায় বলিনি তো?”

লুভমিলা মাকে জড়াইয়া ধরিয়া বলিয়া উঠিল, অন্ডায়? এর চেয়ে সত্যি আর কিছু হতে পারে না!

বিদায়ের সময় মায়ের মুখের দিকে চাহিয়া লুভমিলা বলিল, “জানেন আপনার মুখ দেখলে কি মনে হয়?”

“কি?”

“খুব উঁচু পাহাড়ের ওপর প্রথম সূর্যোদয়!”

ঐনে চড়িবার সময় মা স্পষ্ট বুঝিলেন, তাহার পিছনে পিছনে লোক আসিতেছে। গাড়ীতে বসিয়া লক্ষ্য করিলেন যে, একজন লোক তাঁহাকে

লক্ষ্য করিতেছে। ভাবিলেন, তা হলে এইখানেই ধরা পড়বো? কিন্তু কাগজগুলোর কি হবে? এত শ্রম নষ্ট হয়ে যাবে?

একটা স্টেশনে গাড়ী থামিতে মা দেখিলেন গাড়ীর লোকটি নামিয়া গিয়া স্টেশনের একজন লোককে কি বলিল। সে-লোকটি কোনও রকম সন্কোচ না করিয়া তাঁহার পাশে আসিয়া বসিয়া তাঁহার দিকে কটমট করিয়া চাহিয়া রহিল।

অস্বস্তি বোধ করাতে মা ধীরে জিজ্ঞাসা করিলেন, “ওরকম করে চেয়ে দেখছো কি?”

“হঃ—চোর! বুড়ো হয়ে মরতে বসেছে—তবুও—”

তীব্র আঘাতের মত কথাগুলি মায়ের বুকে গিয়া বিঁধিল। তাঁহার চোখের সম্মুখে সমস্ত পৃথিবী যেন ছুলিয়া উঠিল। তিনি উঠিয়া দাঁড়াইলেন। তীব্র কণ্ঠে বলিয়া উঠিলেন, আমি চোর নই, মিথ্যাবাদী!

অন্ধের আবরণ স্বরূপ যে চাদরখানি ছিল, তাহা ছুঁড়িয়া ফেলিয়া দিলেন। বুকের ভিতর হইতে কাগজ গুলি বাহির করিয়া চারিদিকে ছড়াইয়া দিয়া তিনি চীৎকার করিয়া বলিয়া উঠিলেন, “কে কোথায় আছ, শোন!”

দেখিতে দেখিতে চারিদিকে চীৎকার পড়িয়া গেল, উৎসুক জনতা মজা দেখিবার জন্ত ঘিরিয়া দাঁড়াইল।

স্টেশনে নামিয়া তিনি বলিতে লাগিলেন, “আমার ছেলে পাভেল, রাজনৈতিক অপরাধে কাল নির্বাসনে গিয়েছে। এই তার বক্তৃতা। যাবার সময় তোমাদের জন্তেই সে এই সব কথা বলে গিয়েছে। আমি এসেছি তোমাদের কাছে, তার কথা বিলি করবার জন্তে!”

দেখিলেন, সেই কাগজ একখানা পাইবার জন্ত লোকে কাডাকাড়ি লাগাইয়া দিয়াছে। তাহাদের ডাকিয়া মা বলিয়া উঠিলেন, “সারাদিন খেঁটে তোমরা কি পাও, জানো? অনাহার, ব্যাধি আর নির্ধ্যাতন! আমাদের জীবন রাজির মত ঘোর অন্ধকার, ভয়ঙ্কর সব দুঃস্বপ্নে ভরা!”

সহসা সেই কোতূহলী জনতা ভেদ করিয়া দুইজন সৈনিক আগাইয়া আসিয়া মায়ের হাত ধরিল।

মা চীৎকার করিয়া উঠিলেন, “আমার ছেলে যা বলে গিয়েছে—তোমরা তা বিশ্বাস করো! সে তোমাদেরই মত একজন সামান্য মজুর ছিল—কিন্তু তার আত্মা সে তোমাদের মত বিক্রী করেনি!”

সহসা বুকে সজোরে ঘুষি আসিয়া লাগিল। মা ঘুরিয়া পড়িয়া গেলেন। পুলিশের লোক আসিয়া জনতা ভাঙ্গিয়া দিতে লাগিল।

একজন সৈনিক গায়ের জামা ধরিয়া মাকে তুলিয়া ধরিল। মা বলিতে লাগিলেন, “তোমাদের সমস্ত শক্তি এক জায়গায় জড় কর!”

বেশ ভাল করিয়া ঝাকানি দিয়া সৈনিকটি গর্জন করিয়া উঠিল, “চুপ্ কর!”

“কিছু ভয় করো না! কাউকে ভয় করো না! সারা জীবন ধরে নিঃশব্দে তোমরা যে অত্যাচার সহ্য করো, তার চেয়ে বেশী অত্যাচার আর কেউ দিতে পারে না!”

হাত ধরিয়া সৈনিকটি মাকে টানিয়া লইয়া যাইতে লাগিল।

—যে নির্ধ্যাতন প্রতিদিন তিল তিল করে অন্তরকে মেরে ফেলে তার চেয়ে বড় নির্ধ্যাতন আর কিছু নেই।—

মায়ের গালে সজোরে একটি চড় পড়িল। অচৈতন্য হইয়া তিনি পড়িয়া গেলেন।

—মৃত্যুকে পার হয়ে এসেছে যে-সত্য, তাকে কেউ আর মারতে পারবে না!—

অচৈতন্য অবস্থার মধ্যে তিনি শুধু অস্থব্ব করিতেছিলেন, অনেকে মিলিয়া তাঁহাকে ধাক্কা দিতেছে, ঘাড়ে পিঠে আঘাত করিতেছে। কোথায়ে যেন একটা দরজা খুলিয়া গেল। ধাক্কা দিয়া সজোরে দরজার ভিতর তাঁহাকে কে ফেলিয়া দিল। দরজার উপর দেহের ভর দিয়া দাঁড়াইয়া

তিনি বলিয়া উঠিলেন, “রক্তের বগ্না যদি বইয়ে দাও—তবু সত্যকে ভোবাতে পারবে না।”

সজ্ঞারে কে তাঁহার হাতের উপর আঘাত করিল।

—মূর্খের দল! দিন দিন নিজেদের বোঝা নিজেরাই বাড়িয়ে চলেছি—একদিন সেই ভারে আপনারাই ছুয়ে পড়বি!—

কে একজন গলা টিপিয়া ধরিল। অশ্রুট স্বরে মা বলিয়া উঠিলেন,
“হায়রে, হতভাগার দল!”
